

*Ex Biblioteca Personalis
Patris Fratris
Justini Sokulski
Ordinis Praedicatorum.*

R

263

Ex Bibliotheca personali
P. Ios. Justini Sokubski
Ordinis Praedicatorum
Anno 1812

Decker
H. M. 1928
2 Books 1928
D.

Bibliotheca.
Oratio Gudis Filiorum
Spiritu D. Gradm.

R.
263.

* Coradugubri

C. PLINII
CAECILII SECUNDI
EPISTOLARVM
LIBRI DECEM
EIVSDEMQUE
PANEGLYRICVS
AD
EXEMPLAR GESNERIANVM
RECVDI.

CVM
VITA C. PLINII.

PETROPOLI,
(TYPIS ACADEMIAE IMPERIALES SCIENTIAR.)
1719.

0-18-0-2829
8°-8332





VITA
C. PLINII CAECILII SECUNDI
AVCTORE
CHRISTOPHORO CELLARIO.
CVM NOTIS
JO. MATTHIAE GESNERI.

Caius Plinius Caecilius Secundus mun-
icipio Como, ad Larium lacum in
Transpadana sito, ortus fuit. Patria enim mu-
nicipium erat IV, 13, 3. circa Larium la-
cum a); quem idcirco suum appellat II, 8,
I & VI, 24, 2, iuxta quem villas amoenissi-
mas possidebat IX, 7, qui situs Comum abun-
de designat, quod delicias suas I, 3, 1. vocat,
ut nihil de inscriptionibus referam, in agro

* * 2

&

a) Apertus in primis locus est 4, 30, 71 ubi ex
patria sua quaestum se attulisse ait, quae
pertinet ad viciniam Lacus Larii,

& oppido Comensi repertis. Veronenses quidem ipse suos dixit VI, 34, 1, verum adoptionis lege, quia auunculus Plinius, adoptione pater, Veronensis fuit, ut post Onuphrii probationes vel unus lapis, in ripa Benaci inuentus, & ab Reinesio Inscript. XI, 11 expressu, satis clare his verbis ostendit:

C. PLINI - - - VERONENSIS

----- HISTORIARVM H. L - -

Annum, quo natus fuit, non obscure indicavit, quum Vesuvio ardente duodecimum se habuisse tradit VI, 20, 5, qui Titi Caesaris primus fuit, Dione Cassio memorante, si addis nouem annos Vespasiani, & unum, ac quod excurrit, scenorum principum; circiter sexto Neronis b) natum Plinium, & quum iste interceretur, fere octennam fuisse apparebit. Pater C. Caecilius c) Comensis erat, de quo nihil reperi, nisi quod eius gentis fuit, ex qua Caecilium, poetam tenerum, sodalem suum, & ipsum quoque Nouocomensem, Catullus laudat

car-

b) Aerae vulgari 62, urbis Cond. Varron. 815 Massilius ad 10 & 25 (Nimirum sic laudabilem semper viri doctissimi vitam Plinii, ut iterum edita est, adscriptis annis aetatis, &, quoties opus est, paragraphis.)

c) Quae gens plebeia, sed nobilis eadem, Massili 1, 2. De illius antiquitate ipse noster 8, 10, 3 cum non subitas imagines a suo etiam latere commemorat. An hoc referri debeant statuae principum in agris per plures successiones traditae 10, 24, 1, forte disputari possit.

carmine XXXIII. Mater Plinia, C. Plinii Veronensis, qui Naturalem Historiam reliquit, soror, quae, amissis marito, in domo fratris mansit VI, 16, 4 & ep. 20, a quo filius adoptatus fuerat, V, 8, 5, qui ideo in nomen *C. Plinii Secundi* successit, quum antea Caecilius esset *d*). Patrem Caecilium mature amisit, educatus cura matris & auunculi, nec non tutoris Verginii Rifi, II, 1, 8 *e*) Studiis impense a puero addictus adeo, ut decimo quarto aetatis anno tragoediam Graecam scriberet VII, 4, 2, Liuum adolescentulus legeret VI, 20, 5, Ciceronem etiam adultus aemularetur IV, 8, 4, non contentus seculi eloquentia I, 5, 12, in cuius studio praceptor Quintiliano usus est II, 14, 9, & Nicete Sacerdote VI, 6, 3, *f*) ac in philosophia, praeter alios, Eu-

*** 3

phra-

- d*) Ita tamen, vt *Caecilii* nomen non immutaret, aut produceret in *Caecilianum*, quod libera rep. fieri solebat. Etiam retinuit senatoriam patris dignitatem, cum intra equestrem subficitisset auunculus v. Masson. I, 6. Ceterum huic suo patri adoptio immortalitatem adiunxit, libros & vitae illius rationem commemorando 3, 5; & mortis genus celebrando 6, 16.
- e*) Nec diu adoptio patre frui illi licuit, qui A. C. 79 cum XVIII. aetatis annum ageret, incendio Vesuui perierit. Quid ipse interim Miseni egerit, narrat 6, 20.
- f*) De Quintiliano nuper disputauiamus, in praef. §. 9. seqq. de Nicete vid. Masson. 14, 4. Quam

phrate Stoico, quem in Syria miles audiuit
 I, 10, 2. g) Nec alienus a poësi fuit VII,
 4, 2, ingenium sortitus hilare ac poëticum
 V, 3, 2, h) cuius tum alia specimina dedit,
 in epistolis reliqua VII, 4 & 9, tum maxime
 Hendecasyllaborum librum IV, 14, 8. i) Sic
 indole Capacissima omnium litterarum, & in-
 exhausto labore, id tandem consequutus fuit,
 ut omnes eruditi illum amarent I, 13, 6,
 cumque ac Tacitum pro doctissimis suorum
 tem-

iucunde illius temporis & scholae memoriam
 usurpauerit noster, ipse docet 2, 18, 4. Con-
 discipulos habuit Voconium Romanum 2, 13, 5.
 & Romanum Firmum, erga quem liberalis est
 I, 19. Alios quoque memorat, qui adolescen-
 tiam suam formauerint, vt Corellium Rufum
 1, 12, 12; Hispullam eius vxorem 4, 19, 7;
 Arulenum Rusticum v, 14, 1. Spem de se
 magnam concitasse nostrum, inde quoque ap-
 paret, quod oppidum praediis ipsius vicinum,
 Tifernum Tiberinum (quod citta di Castel-
 lo) paene adhuc puerum patronum coopta-
 nit. 4, 19, 4.

g) Etiam Artemidoro, de quo 3, II.

h) Scum forte crimen, quod adhaerescere in vi-
 ro laude omni cumulatissimo posse videtur,
 illud est, quod in hac ipsa epistola 5, 3 item
 4, 14 & 4 & 4, 27 defendere studet, versus
 lastiui. Quin parum etiam poëtam fuisse puto.

i) De historiis etiam scribendis illum cogitasse
 appetit ex 5, 2. Edideritne aliquid, non
 liquet.

temporum haberent VII, 20, 5 & IX, 23, 3. Recitationes in primis vrgebat propter multiplicem vsum V, 3, 8, nec ipse solum aliis auditor frequens aderat I, 13, 6. VII, 12, 1, sed sua quoque poēmata recitabat V, 3, 7. IX, 34, etiam actiones seu forenses orationes II, 19, k) & Panegyricum Traiano, dictum III, 8, 4. Orator clarissimus fuit, vt nemo facile illi praeferatur. Nam vnde uicesimo anno dicere in foro coepit V, 8, 8, l) & per omnem aetatem m) cauſas egit tam apud centum uiroſ. I, 18, 3 & IX, 23, 1, quorum iudicia suam arenam vocat VI, 12, 2, n) & si indigna ſaepe eius ingenio erant II, 14, 1; quam in ſenatu nobiliores, vt contra o) Baebium Maſſam VII, vlt. Caecilium Clafficum III, 4 & 9, & Marium Prifcum II, 11, ac pro Iulio Bafſo IV, 9 & Rufo Wareno V, 20,

*** 4

quas

k) Quam diligentiam adhibuerit, vt etiam orationes ſuae quam emendatissimae in manus hominum venirent, docet ipſe 7, 17.

l) Inter primas forte fuit cauſa Iulii Paſtoris, quam egit adolescentulus ille quem, ſed qui vxorem tamen iam haberet I, 18, eandem cauſam dum commemorat 4, 23, I iuuenem ſe ait fuiffē.

m) Etiam post Consulatum geſtum. Vid. 4, 17, 3.

n) Quanto plauſu auditus fit, oſtendit 4, 16.

o) Publicium Certum 9, 13, pro Clario 9, 28, 5.

quas in summam collegit VI, 29, 8. seq. p)
Honores gessit amplissimos. Fuit enim Quae-
stor Caesaris VII, 16, 2, Tribunus militum
II, 11, 5, q) Tribunus plebis I, 23, 2 &
P. 95, 1, Praetor III, 11, 2 & VII, 16, 2, r)
Praefectus aerarii Saturni V, 15, 5 P. 92, 1, s)
Praefectus aerarii militaris (de q. o VII, 14,
n.)

- p) In causis autem agendis non positione modo,
dono, & munere, sed xenii etiam abstinuit
5, 14, 8.
- q) Add. 10, 19, I, 1, 10, 2. vbi adolescentulum
se in Syria ait militasse. Reditu militia hac
suum memorat 7, 4, 3. Conf. 4, 7 & 8.
Circa annum aetatis XXV, qua legitima ae-
tas est, Quaestorem factum probabile est. Fuit
autem Quaestor Caesaris cum Caesario Tirone
vid. 7, 16, 2. auctor nempe Caesaris, in
quantum is confutatur auctor porro annuus,
quac erudite demonst. at Masson. 25, 2.
- r) Gessit Praetoram anno suae aetatis 21 & 32,
Christi 93, quod luculentiter & ingeniose de-
monstratum dedit Massonus.
- s) Add. 10, 20, I, & 24, 3 vbi plurimum nu-
mero *indulgentia* VESTRA, & *delegati* a
VOBIS officiis *cara* memoratur. Tamen Mas-
sonus 36, 7 post obitum Neruae a Traiano
solo illud delegatum, e temporum rationibus
ostendit. Quid si in seriniis & commentariis
Neruae incepitum Plinium honore auxit Tra-
ianus? vt ad ambos referri factum posset.
De occupationibus huius officii conqueritur
I, 10, 9. Menstruas tamen eius vices intelli-
gimus ex 10, 24, 3

a.) t) Inscript. Consul III, 13, 1 & ep. 18,
 1 & P. 91 u) Augur IV, 8, 2) Propraetor
 prouinciae Ponticae consulari potestate X, 77,
 n. & Inscript. y) Curator aluei Tiberis V, 15,
 2 n. & Inscript. Matrimonium bis contra-
 xi: de priore nihil exstat ante viduitatem IX,

** 5

13,

- t) Nempe ostendit Cellarius ad l. c. vicesimam hereditatum ad aerarium militare pertinuisse. *Aerario militari praefectum*, etiam inscriptio memorant. Plinius quidem nusquam, ut, diuersi a praefectura aerariai Saturni, munieris meminit.
- u) In quo consulatu, (bimestri pro consuetudine illius temporis in priuatis) & quidem mense Septembri, gratiarum actionem, sive Panegyricum habuit, qui extat. Ceterum circa haec tempora etiam fuit Quinque vir sumtibus publicis . . . endis, Virginio Rufo illum eligente, per . . . ipse excusaretur 2, 1, 9.
- x) Erat Auguratum, vel aliud sacerdotium a Tr. anno 10, 8. Factum id anno Plinii circiter . . . probat Massonius §. 2.
- y) Cr Propraetor Plinius, cum ante ipsum Bi-
 syniam rexissent *Proconsules*: quam vim ha-
 beat *consularis* illa, quae ipsi tribuitur in in-
 scriptione, potestas? eruditissime disputat ad
 hunc annum, h. e. 41 & 42. Plinii, Christi
 103. Massonius, qui etiam illud ostendit, non
 integrum biennium in prouincia commoratum
 esse Plinium. Ceterum fabulam de Plinio ad
 Christianissimum conuerso ad redditum ipsius
 e prouincia refert Pseudo-Dexter in Chroni-
 co, & illius commentator Biuarius. Jussu enim

¶ 3. 4. 3) alterum cum Calpurnia iniit, Cal-
pur-

Traiani appulisse ad Cretam, aedificationis cu-
jusdam causa, ibique a S. Tiro Episcopo con-
versum ad fidem. Addit Dexter, *Nec desunt
qui putent, septima sextilis ad Nouocomum
esse passum.* Sed puduit merito commenti illi-
pidi (incrustati licet in fictis Luitprandi ad-
uersariis n. 292 sq. p. 512.) viros doctissimos,
qui acta 88. mensis Augusti Antuerpiae edide-
runt, qui ne verbo quidem mentionem illius
rei iniicere dignantur: neque opus admirum
erat, cum ipsam sinistri illius Dextri fidem in
yniuersum iam damnassent. Neque vero erat,
quod refutaret illud Boxhornius in iudicio de
Plinio, quod epistolis a se editis praemisit:
multo minus refellendum erat ex 10, 97, vbi
exitiabilem vocet *superstitionem* Christiano-
rum. Parum enim hoc ad fabulam, quae po-
stea in redditu ex prouincia contingit, dicitur;
nec appellat Plinius exitiabilem *superstitionem*
(quae Taciti vox est An. 15, 44) sed
prauam & immodicam 10, 97, 8. Si omnino
placeat refutare, illud est apertum, epistolas
eius pertinere ad annum aetatis Plinii 55, tre-
decim nimium annos ultra redditum ex pro-
uincia: vid. n. 1. Potuisse autem de tanta
immutatioe tacere.

- 3) Nisi quod soerus meminit 1, 18, 3 cum esset
adolescentulus, Domitianus adhuc imperaret.
Et statim a morte Domitiani vxorem lugebat
9, 13, 4 cuius vitrius erat Vectius Proculus
9, 13, 13. Sic duo se matrimonia Domitiano
imperante contraxisse 10, 2, 2. De quo
loco Masson. 36, 3.

purnii Fabati a) ex filio nepte, IV, 1, 1, quae
abortum fecit VIII, 10, nec alio partu mari-
tum beasse legitur; ipsa vero docta & studiis
exculta IV, 19, 2 & VI, 7, 1 mariti, quam-
quam aetate maioris, amantissima IV, 19, 2
& 5 b) ita ab amita Hispulla instituta, ibidem
1 & 6. Pater enim pridem decesserat V, 12,
2, cuius memoriae porticum avus dedicauit
V, 12, 1, ipse vero ahus, quum in Bithynia c)
Plinius cum vxore esset, mortem obiit X, 121,
postquam senectutem in Transpadana exige-
rat VII, 16, 3. Frugalis & abstinentis Plinius
fuit II, 4, 3 & ep. 6, 4, vt voluptates etiam
studiis

- a) Nouocomensem & ipsum Fabatum fuisse sa-
tis appareat non tantum ex veteri inscriptione
in Comensi agro reperta, quam post alios ex-
hibet Grut. 382, 6 quamque ad nostrum per-
tinere non improbabile est: sed ex ipso no-
stro 5, 12, 2, 7, 16, 32, 1 coll. 7, 16, 4 &
7, 23, 1.
- b) Quae epistola non diu post initum matrimo-
nium scripta. Amoris sui vehementiam aliis
quoque epistolis declarauit, vt 6, 4 & 7 it.
7, 5.
- c) Non satis certo hoc ex laudata epistola col-
ligitur, vbi excusat Plinius, quod iter vxoris
diplomate iuuerit. Non est credibile, mulie-
rem delicatam & infirmam tantum iter, ea ce-
leritate, sine marito confecisse. Potuit Plinius
vt curator aluei Tiberis, vel alio quocunque
nomine diplomatum potestatem habuisse. Haec
etiam Massoni est sententia ad 43, 8.

studiis condiret, IX, 36, 4 & inter venandum studeret I, 6, V, 18, 2. IX, 36, 6, d) nec vero minus diligens pater familiae, qui praedia sua mirifice tum coluit, tum aedificauit, quod de Laufentino ipse narrat II, 17, de Tuscis V, 6; de Transpadanis ad Larium IX, 7, quam industriam & aliis praediis suis, V, 6, 45 enumeratis, adhibuisse non dubitandum est. e) Mitis in seruos I, 4, 4, adeo ut nullos *vinclatos* haberet III, 19, 7, suisque domum permitteret instar ciuitatis esse, ac peculium morte ad familiares transmittere VIII, 16, 2. Iustitiam non tam ex legum rigore, quam aequitatis modulo persequebatur II, 16 & IV, 10, redemtoribus remissiones ob sterilitatem faciens VIII, 2 & X, 24, 5. Municius

d) Hac ipsa epistola 9, 36 rationem totam in praediis suis viuendi aestuam percenset, vt ep. 40 hibernam persequitur.

e) Fortis fuit, in cauiss etiam illis suscipiendis, quibus inuisum se Domitiano & obnoxium delatoribus fieri, sciebat. Vid. I, 5, 5, seq. Itaque etiam reus futurus erat, nisi interfectus esset Domitianus 7, 27, 14. Eo defuncto, Heluidii Princeps vltiorum fortiter suscepit. Totam rem narrat 9, 13. add. 4, 21, 3. Quare non metuerit Artemidorum, philosophiae nomine ab urbe sequotum, adiuuare, & quo suo cum periculo, refert 3, 11. Quo animo Corelliae cauissam contra C. Caecilium COS. designatum susceperit, narrat 4, 17. Add. 6, 8, 3.

ficus in primis, f) quod variis operibus ostendit. Templum enim Tifernatibus exstruxit pecunia sua IV, 1, 5. & aedem Cereris in praediis suis IX, 39. Patriae sumitus partem in praeceptrors publicos dedit IV, 13, 6 & ingenuis pueris alimenta annua constituit I, 8, 10. Etiam bibliothecam patriae publicam dedicauit, I, 8, 2. II, 5. g) Praeterea in multos priuatos admodum liberalis, in Curianum Cratillae filium, cui legatum remisit V, 1, 10. in Voconium Firmum, cui censum equestrem suppleuit I, 19, in Martialem, quem viatico iuuit III, 21, 2, in Artemidorum philosophum, cui vrbe excedere iusso, quae Domitiani saeuitia fuit, pecuniam, qua opus erat, a locupletibus negatam, ipse mutuatus, gratuitam dedit, III, 11, 2, in Quintiliani praeceptoris filiam, cuius dotem auxit VI, 32, in Corelliam, cui agrum minori pretio vendidit VII, 11 & 14, in Caluinam, cui patris debita remisit

f) In causis agendis non modo pactione, dono, munere, verum etiam xenii semper abstinuit. 5, 14, 8.

g) De sua in publicam rem liberalitate agit etiam 5, 7, vbi undecies h. c. 55000 florenos Rhenanos se reip. contulisse, gloriatur. Sic profocero, cuius heres futurus erat, publicam liberalitatem commendat 5, 12.



misit II, 4, 2. h) His moribus i) omnium honorum benevolentiam conciliauit k), Traiani in primis, apud quem gratia valuit, l) qua ad aliorum magis commoda, quam ad sua usus est. m) Multa enim multis impetravit peregrinis ius ciuitatis X, 4 & 5: libertis ius Quiritium X, 4 & 105. Voconio Romano condiscipulo ius trium liberorum II, 13, 8, & senatoriā dignitatē X, 3, 2. Accio Surae praeturam X, 7, & aliis alia. Amicitiam cum optimis

- h) In Metiliū Crispum, cui ordines impetraverat, & quadraginta millia nummū (2000 flor. Rhen.) ad instruendum se ornandumque donauerat 6, 25, 2: in Modestum, cui libertatem dubie legatam vltro dedit 4, 10: in nutricem suam, cui agellum centum millium nummū (5000 flor. Rhen.) donauit, 6, 3.
- i) Quos gloriae studio incitatos fuisse, non dissimulat 7, 33 (vbi Ciceronem suum imitatur fam. 5, 12) conf. 6, 29, 3. Quam tamen ea in re moderationem adhiberi velit, docet 1, 8, 13 seq. Ceterum Imperatoris quoque gloriae se studiosum ostendit præsertim 10, 50:
- k) Quantū illum Cælius fecerit, explicat 4, 17, 8: esse, qui se imitentur, gaudet 6, 11.
- l) Qui ipsum in consilium non nunquam adhucuit in cognitionibus, v. g. 4, 22, 1. & in rescriptis suis, libro decimo comprehensis, tractat amantissime.
- m) Tamen etiam ad sua: vt ad ius trium liberorum 10, 2; ad auguratum 10, 8 &c.

optimo quoque coluit, ⁿ⁾ etiam periculo suo
 III, 11, 2 sq. ^{o)} maxime cum literatis & stu-
 diorum sociis, in quibus Tacitum primo loco,
 & prope vnum habuit, quem e viuis aemul-
 laretur, quod paullo maior aetate erat, VII,
 20, 4, quem etiam ingenio, doctrina, hono-
 ribus est adsequutus, isque vicissim tanti Plini-
 um fecit, ut libros suos emendandos ei cre-
 deret VII, 20, 1. Hi duumtiri principa-
 tum in litteris tenuere, ut una nominarentur,
 quum de studiis sermo esset VII, 20, 5, in
 hos coniectura ferretur, si de doctis non no-
 minatis esset ferenda IX, 23, 3. Ceterorum
 amicitiae epistolis illustratae sunt. Corpore
 fuit imbecillo & minus robusto, quod *corpus*
sculum Traianus dixit X, 29, 1, & intentius
 catissam orantem per libertum admonuit, vt
 lateri consuleret II, 11, 15. Aliquando lip-
 pitudine laborauit VII, 21, 1, honestissimis
 caussis, lucubrationibus contracta, quibus &
 ceterae imbecillitates maiorem forte partem
 imputandae sunt. ^{p)} De morte nihil certo
 constat: simile autem vero habetur, per plu-
 trum

ⁿ⁾ Suum in laudandis amicis studium suauissime
 excusat 7, 28.

^{o)} Vid. ad proximam notam.

^{p)} Aegrotasse illum etiam circa Neruae mortis
 tempus, apparet ex 10, 24, 3 & grauissime qui-
 dem 10, 4. Forte idem fuit morbus, in quo
 abstinentiam suam & moderationem probauit
 7, 1, 4 seq.

rimum imperii Traiani tempus, aut paullo
ultra, vitam produxisse q).

q) Certe inter epistolas eius, ut nulla habeat characterem temporis prioris a Plin. 36 (vid. Masson. h. a. §. 10) ita nec a centior anno aetatis illius 55. certis inde eius deprehendi a Massono potuit. Ceterum, quoniam hic sumus, illud etiam adnotare viciendum est, quod nec annuli sui *αποσΦράγισμα* s. typum ignorare nos voluit, quadrigas 10, 16, 3. Tandem illud forte hue referendum supereft, librum octauum editum videri post nonum Massono 44, 3: nonum autem ipsius si aliquo post sex priores intervallo editum, ad 45, 2 colligit ex 9, 19, 1 coll. 6, 10, 4. Cetera, quae ad literariam epistolarum historiam pertinent e Fabriciana Bibliotheca petenda sunt, cui quod adiiciamus, iam non habemus.



& peregrinatione laetetur. Etenim, nescio quo pacto, vel magis homines iuuat gloria lata, quam magna. Vale.

XIII.

C. PLINIUS CORNELIO TACITO
SVO S.

Municipes suos hortatur, ut scholam inserviant, etiam tertiam sumptus partem pollicitus; regat Tatium, ut praecceptores circumspiciat.

Saluum te in urbem venisse gaudeo. Venisti autem, si quando alias, nunc maxime mihi desideratus. Ipse pauculis adhuc diebus in Tusculano commorabor, ut opusculum, quod est in manibus, absoluam. Vereor enim, ne, si hanc intentionem iam in finem laxauerero, aegre resumam: interim ne quid festinationi meae pereat, quod sum praesens petiturus, hac quasi praecursoria epistola rogo. Sed prius accipe caussas rogandi, (deinde ipsum, quod peto.) Proxime quum in patria mea fui, venit ad me salutandum municipis mei filius praetextatus. Huic ego, *Studies?* inquam. Respondit, *Etiam. Vbi? Mediolani. Cur non hic?* Et pater eius, (erat enim vna, atque etiam ipse adduxerat puerum.) *Quia nullos hic praecceptores habemus. Quare nullos? Nam vehementer intererat vestra, qui patres estis, (& opportune complures patres audiebat) liberos vestros hic potissimum discere. Vbi enim aut iuendius morarentur, quam in patria; aut pudic*

cius continerentur, quam sub oculis parentum?
5 aut minore sumtu, quam domi? Quantulum est
ergo, collata pecunia, conducere praceptores?
quodque nunc in habitationes, in viatica, in ea
quaec peregre emuntur. (omnia autem peregre
6 emuntur) impenditis, adiicere mercedibus? Atque
adeo ego, qui nondum liberos habeo, paratus sum,
pro republica nostra, quasi pro filia vel paren-
te, tertiam partem eius, quod conferre vobis pla-
cebit, dare. Totum etiam pollicerer, nisi time-
rem, ne hoc minus metu quandoque ambitu cor-
rumperetur, ut accidere multis in locis video,
7 in quibus praceptores publice conductuntur. Huc
vitio uno remedio occurri potest, si parentibus
solis ius conducendi relinquatur, iisdemque rela-
gio recte iudicandi necessitate collationis addatur.
8 Nam qui fortasse de alieno negligentes, certe de
suo diligentes erunt: dabuntque operam, ne eam
a me pecuniam [non] nisi dignus, acceperit, si
9 accepturus est ab ipsis erit. Proinde consentite,
conspirate, maioremque animum, ex meo sumite,
qui cupio esse quam plurimum, quod debeam con-
ferre. Nihil honestius praestare liberis vestris,
nihil gratius patriae potestis. Edoceantur hic,
qui hic nascuntur, statimque ab infantia natale
10 solum amari frequentare consuecant. Atque
utinam tam clares praceptores inducatis, ut a
finitimis oppidis studia hinc petantur! utque
nunc liberi vestri aliena in loca, ita mox alieni
11 in hunc locum confluant. Haec putauit altius
& quasi a fonte repetenda; quo magis scires,
quam

quam gratum mihi foret, si susciperes, quod iniungo. Iniungo autem; & pro rei magnitudine rogo, ut ex copia studiosorum, quae ad te ex admiratione ingenii tui conuenit, circumspicias praceptorum, quos solicitare possumus: sub ea tamen conditione, ne cui fidem meam obstringam. Omnia enim libera parentibus seruo. Illi iudicent, illi eligant: ego mihi curam tantum & impendium vindico. Proinde si quis fuerit repetitus, qui ingenio suo fidat, eat illuc ea legem, ut hinc nihil aliud tertum, quam fiduciam suam ferat. Vale.

XIV.

Hendecasyllabos, quorum lasciviam excusat, iudicio Paterni submittit.

Tu fortasse orationem, ut soles, & flagitas & expectas: at ego, quasi ex aliqua peregrina delicataque merce, lusus meos tibi prodо. Accipies cum hac epistola hendecasyllabos nostros: quibus nos in vehiculo, in balneo, inter coenam oblectamus otium temporis. His iocamus, ludimus, amamus, dolamus, querimur, irascimur: describimus aliquid modo pressius, modo elatius: atque ipsa varietate tentamus efficere, ut alia aliis, quedam fortes omnibus placeant. Ex quibus tamen si nonnulla tibi paullo petulantiora videbuntur, erit eruditionis tuae cogitare, summos illos & grauissimos viros, qui talia scripserunt, non modo lascivia rerum, sed ne verbis quidem

nudis abstinuisse. quae nos refugimus, non
quia seueriores (vnde enim?) sed quia timi-
5 diores sumus. Scimus alioqui huius opusculi
illam esse verissimam legem, quam Catullus
expressit,

*Nam castum esse decet pium poëtam
Ipsum, versiculos nihil necesse est:
Qui tunc denique habent saltem & leporem,
Si sunt molliculi & parum pudici.*

6 Ego quanti faciam iudicium tuum, vel ex hoc
potes aestimare, quod malui omnia a te pen-
sitari, quam electa laudari. Et sane quae sunt
commodissima, desinunt videri, quum paria
7 esse coeperunt. Praeterea sapiens subtilisque
lector debet non diuersis conferre diuersa, sed
singula expendere, nec deterius alio putare,
8 quod est in suo genere perfectum. Sed quid
ego plura? Nam longiore praefatione vel ex-
cusare vel commendare ineptias, ineptissimum
est. Vnum illud praedicendum videtur, co-
gitare me has nugas meas ita inscribere, HEN-
DECASYLLABI, qui titulus sola metri le-
9 ge constringitur. Proinde siue *epigrammata*,
siue *idyllia*, siue *eclogas*, siue (vt multi) *poë-
mata*, seu quod aliud vocare malueris, licebit
10 voces: ego tantum *hendecasyllabos* praesto. A
simplicitate tua peto, vt, quod de libello meo
dicturas es aliis, mibi dicas: neque est diffi-
cile, quod postulo. nam si hec opusculum no-
strum aut potissimum esset aut solum, fortasse
posset

posset durum videri dicere, *quaere, quod agas:*
molle & humanum est, habes, quod agas. Vale.

XV.

C. PLINIVS FVNDANO SVO S.

Futuro consuli, ut auguratur, Asinium,
tanquam eius quaestorem futurum, commendat.

Si quid omnino, hoc certe iudicio facio, quod Asinium Rufum singulariter amo. Est homo eximius & bonorum amantissimus. Cur enim non me quoque inter bonos numerem? Idem Cornelium Tacitum (scis quem virum) arcta familiaritate complexus est. Proinde si ² utrumque nostrum probas, de Rufo quoque necesse est idem sentias, quum sit ad conne³ctandas amicitias vel tenacissimum vinculum, mortuorum similitudo. Sunt ei liberi plures. Nam in hoc quoque functus est optimi ciuis officio, quod foecunditate vxoris large frui voluit eo seculo, quo plerisque etiam singulos filios orbitatis praemia graues faciunt: quibus ille despctis, aut quoque nomen adsumsit. Est enim auus, & quidem ex Satrio Firme, quem diliges ut ego, si, ut ego, proprius inspexeris. Haec eo pertinent, ut scis, quam copiosam, ⁴ quam numerosam domum uno beneficio sis obligatus? ad quod petendum, voto primum, deinde bono quodam omni⁵e adducimur. Optamus enim tibi ominamurque in proximum annum consulatum. Ita nos virtutes tuae, ita iudicia principis augurari volunt. Concurrit ⁶

autem, ut sit eodem anno quaestor, maximus
ex liberis Risi, Afinius Bassus, iuueni, (ne-
scio an dicam, quod me pater & ientire & di-
cere cupit, adolescenti verecundia vetat) ipso
7 patre melior. Difficile est, ut mihi de absente
credas, quamquam credere soles omnia, tan-
tum in illo industriae, probitatis, eruditio-
nisi, studii, memoriae denique esse, quan-
8 tum expertus inuenies. Velle tam ferax se-
culum bonis artibus haberemus, ut aliquos Basso
praeferre deberes: tum ego te primus horta-
rer moneremque, circumferres oculos, ac diu
9 pensitares, quem potissimum eligeres. Nunc
vero: sed nihil volo de amico meo arrogan-
tius dicere: hoc solum dico, dignum esse iu-
venem, quem more maiorum in filii locum
10 adsumas. Debent autem sapientes viri, ut tu,
tales quasi a republica liberos accipere, quales
a natura solemus optare. Decorus erit tibi
consuli quaestor patre praetorio, propinquis
consularibus: quibus, iudicio ipsorum, quam-
quam adolescentulus adhuc, iam tamen inui-
11 cem ornamento est. Proinde indulge precibus
meis, obsequere consilio, & ante omnia, si fe-
stinare videor, ignoscere: primum [quia votis
suis amo plerisque praecurrit: deinde] quod
in ea ciuitate, in qua omnia quasi ab occu-
pantibus aguntur, quae legitimum tempus ex-
spectant, non matura, sed sera sunt: deinde
quod rerum, quas adsequi cupias, praesumptio
12 ipsa iucunda est. Reuereatur iam te Bassus

vt

ut consulem: tu dilige eum ut quaestorem: nos denique, utriusque vestrum amantissimi, dupli laetitia perfruamur. Etenim quum sic te, sic Bassum diligamus, ut & illum cuiuscunque, & tuum quemcunque quaestorem in petendis honoribus omni opera, omni labore, gratia simus iupaturi; perquam iucundum nobis erit, si in eundem [vuenem] studium nostrum, & amicitiae meae & consulatus tui ratio contulerit: si denique precibus meis tu potissimus adiutor accesseris, cuius senatus & suffragio libentissime indulgeat, & testimonio plurimum credat. Vale.

XVI.

C. PLINIUS VALERIO PAVLLINO
SVO S.

Hortatur ad studium, quum sit litteris ad-huc honor.

Gaude meo, gaude tuo, gaude etiam publico nomine. Adhuc honor studiis durat. Proxime, quum dicturus apud centumuiros essem, adeundi mihi locus, nisi a tribunal, nisi per ipsos iudices, non fuit: tanta st̄ patione cetera tenebantur. Ad hoc quidam ornatus adolescentis, scissi tunicis, ut in frequentia solet, sola velatus toga perficit, & quidem horis septem. Nam tamdiu dixi, magno cum labore, sed maiore cum fructu. Studeamus ergo, nec desidia nostrae praetendamus alienam. Sunt qui audiant, sunt qui legant: nos modo

dignum aliquid auribus, dignum chartis elaboremus. Vale.

XVII.

C. PLINIUS GALLO SVO S.

Admonitus a Gallo, Corelliae suam operam contra designatum consulē pollicetur, idque propter Corellii patris in se merita, quae prædicat.

Et admoñes & rogas, vt suscipiam absentia Corelliae cauſam contra C. Caecilium, consulē deſignatum. Quod admoñes, gratias ago: quod rogas, queror. Admoneri enim debeo, vt ſciām: rogarī non debeo, vt faciam, quod mihi non facere turpissimum eſt.

2 An ego tueri Corelli filiam dubitem? Eſt quidem mihi cum iſto, contra quem me advoças, non plane familiaritas, ſed tamen amicitia.

3 Accedit huc dignitas hominis, atque hic ipſe, cui destinatus eſt, honor: cuius nobis hęc maior agenda reuerentia eſt, quod iam illo funeti ſumus. Naturale eſt enim, vt ea, quae quis adeptus eſt ipſe, quam ampliſſima existimari velit.

4 Sed mihi cogitanti, adfuturum me Corelli filiae, omnia iſta frigida & inania videntur. Obuersatur oculis ille vir, quo neminem aetas noſtra grauiorem, sanctiorē, ſubtiliorem denique tulit: quem ego, quum ex admiratione diligere coepiſsem, quod eueniare contra ſolet, magis admiratus ſum, **5** poſquam penitus inſpexi. Inſpexi enim pa-

nitus;

nitus: nihil a me illi secretum, non iocularē,
non serium, non triste, non laetum. Adole- 6
scensulus eram, & iam mihi ab illo honor,
atque etiam (audebo dicere) reuerentia, vt
aequali, habebatur. Ille meus in petendis ho-
noribus suffragator & testis; ille in inchoandis
deductor & comes; ille in gerendis consiliator
& rector; ille denique in omnibus officiis no-
stris, quamquam & imbecillus & senior, quasi
iuuenis & validus conspiciebatur. Quantum 7
ille famae meae domi, quantum in publico,
quantum etiam apud principem adstruxit?
Nam quum forte de bonis iuuenjbus apud 8
Neruam imperatorem sermo incidisset, & ple-
rique me laudibus ferrent, paullisper se intra
silentium tenuit, quod illi plurimum auctori-
tatis addebat; deinde grauitate, quam noras,
Necesse est, inquit, parcus laudem Secundum,
quia nihil nisi ex consilio meo facit. Qua voce
tribuit mihi, quantum petere voto immodi-
cum erat: nihil me facere non sapientissime,
quum omnia ex consilio sapientissimi viri fa-
cerem. Quin etiam moriens, filiae suae, (vt
ipsa solet praedicare) Multos quidem amicos,
inquit, tibi in longiore vita paraui, praecipuos
tamen, Secundum & Cornutum. Quod dum 10
recordor, intelligo mihi laborandum, ne qua
parte videar hanc de me fiduciam prouiden-
tissimi viri destituisse. Quare ego vero Co- 11
relliae adero promtissime; nec subire offensas
recusabo: quamquam non solum veniam me,

verum etiam laudem apud istum ipsum, & quo, vt ait, noua lks fortasse, vt feminae, intenditur, arbitror consequiturum, si haec eadem in actione, latius scilicet & vberius, quam epistolaram angustiae sinunt, contigerit mihi vel in excusationem, vel etiam in commendationem meam dicere. Vale.

XVIII.

C. PLINIUS ANTONINO SVO S.

Antonini epigrammata Graeca laudat, ex quibus Latine se, sed impari successu, conuertisse dicit.

Quemadmodum magis approbare tibi possum, quantopere mirar epigrammata tua Graeca, quam quod quaedam aemulari Latine & exprimere tentau? In deterius quidem. Accidit hoc primum imbecillitate ingenii mei, deinde inopia, vel potius, vt Lucretius ait, egestate patrii sermonis. Quod si haec, quae sunt & Latina, & mea, habere tibi aliquid venustatis videbuntur, quantum putas inesse eis gratiae, quae & a te, & Graece, proferruntur? Vale.

•XIX.

C. PLINIUS HISPVLLEAE SVAE S.

Vxoris ingenium & mores, socii sorori, quae educauerat, mirifice laudat & gratias agit.

Quum sis pietatis exemplum, fratremque optimum, & amantissimum tui, pari caritate

ritate dilexeris, filiamque eius, ut tuam, diligas, nec tantum amitae eius, verum etiam patris amissi affectum repraesente; non dubito, maximo tibi gaudio fore, quum cognoveris, dignam patre, dignam te, dignam quo euadere. Summum est acumen, summa frugalitas; 2 amat me, quod castitatis indicium est. Accedit his studium litterarum, quod ex mei caritate concepit. Meos libellos habet, lectitat, edidit etiam. Qua illa sollicitudine, quum 3 videoꝝ acturus, quanto, quum egi, gaudio adficitur? Disponit, qui nuntient sibi, quem ad sensum, quos clamores excitarim, quem evenitum iudicii tulerim. Eadem, si quando recito, in proximo, discreta velo, sedet, laudesque nostras audiſſimis auribus excipit. Ver- 4 fus quidem meos cantat formatque cithara, non artifice aliquo docente, sed amore, qui magister est optimus. His ex cauſis in spem certissimam adducor, perpetuam nobis maioremque in dies futuram esse concordiam. Non enim aetatem meam, aut corpus, quae paullatim occidunt ac senescunt, sed gloriam dilit. Nec aliud decet tuis manibus educatam, 6 tuis praeceptis institutam: quae nihil in contubernio tuo viderit, nisi sanctum honestumque: quae denique amare me ex tua praedicatione consueuerit. Nam quum matrem meam 7 parentis loco venerare; me quoque a pueritia statim formare, laudare, talemque, qualis nunc vxori meae videoꝝ, ominari soleba. Cer- 8 tatim

tatim ergo tibi gratias agimus: ego, quod illam mihi: illa, quod me sibi dederis quam inuicem delegeris. Vale.

XX.

C. PLINIUS MAXIMO SVO S.

De libris Maximi cum laude eorundem iudicat.

Quid senserim de singulis libris tuis, non tum tibi, vt quemque perlegeram, feci. Aecipe nunc, quid de vniuersis generaliter iudicem. Est opus pulchrum, validum, acre, sublime, varium, elegans, purum, figuratum, spatiolum etiam, & cum magna tua laude diffusum. In quo tu ingenii simul dolorisque velis latissime vectus es, & horum virumque inuicem adiumento fuit. Nam dolori sublimitatem & magnificentiam ingenium; ingenio vim & amaritudinem dolor addidit. Vale.

XXI.

C. PLINIUS VELIO CEREALI SVO S.

Heluidias sorores, a partu extintas, deflet.
Tristem & acerbum casum Heluidiarum sororum. Vtraque a partu, vtraque filiam enixa decessit. Adficior dolore, nec tamen su-
 2 pra modum dole. Ita mihi luctuosum videtur, quod puellas honestissimas in flore primo foecunditas abstulit. Angor infantium sorte, quae sunt parentibus statim, & dum na-
 sen-

scuntur, orbatae. Angor optimorum maritum, angor etiam meo nomine. Nam patrem 3 illarum defunctum quoque perseverantissime diligio, ut actione mea, librisque testatum est: cui nunc unus ex tribus liberis superest, dumque, pluribus adminiculis paullo ante fundatam, desolatus fulcit ac sustinet. Magno 4 tamen fomento dolor meus acquiescat, si hunc saltem fortem & incolumem, paremque illi patri, illi aeo fortuna seruauerit. Cuius ego pro salute, pro moribus, hoc sum magis anxius: quod unicus factus est. Nosti in amore mol- 5 litiem animi mei, nosti metus. Quo minus te mirari oportebit, quod plurimum timeam, de quo plurimum spero. Vale.

XXII.

C. PLINIUS SEMPRONIO RVFO
SVO S.

Junii Maurici grauiter & fortiter dixa.
Interfui principis optimi cognitioni, in consilium adsumtus. Gymnicus agon apud Vienenses, ex cuiusdam testamento, celebrabatur. Hunc Trebonius Rufinus, vir egregius nobisque amicus, in duumiratu suo tollendum abolendumque curauit. Negabatur ex auctoritate publica fecisse. Egit ipse caussam non minus feliciter quam diserte. Commendabat actionem, quod tanquam homo Romanus & bonus ciuis in negotio suo mature & grauiter loquebatur. Quum sententiae rogarentur, dixit 2 3
In-

Iunius Matricus (quō viro nihil firmius, nihil
verius) non esse restituendum Viennensibus
agona: adiecit, *vellem etiam Romae tolli posset.*
Constanter, inquis, & fortiter. Quidni? Sed
4 hot Maurico nouum non est. Idem apud Ner-
vam imperatorem non minus fortiter. Coe-
nabat Nerua cum paucis. Viento proximus,
atque etiam in sinu recumbebat. Dixi omnia;
5 quum hominein nominaui. Incidit sermo de
Catullo Messalino, qui, luminibus orbatus,
ingenio saeuo mala coecitatis addiderat. Non
verebatur, non erubescerat, non miserebatur;
quo saepius a Domitiano non secus ac tela,
quaes & ipsa coeca & improuida feruntur, in
6 optimum quemque contorquuntur. Ne eius
nequitia sanguinariisque sententiis in commu-
nione omnes super coenam loquebantur, cum ipse
imperator, *Quid putamus passurum fuisse, si*
7 viueret? & Mauricus, nobiscum coenaret. Longius
abii, libens tamen. Placuit agona tolli,
qui mores Viennensium infecerat, ut noster
hic omnium. Nam Viennensium vitia intra
ipsos resident, nostra late vagantur: utque in
corporibus, sic in imperio, grauissimus est mor-
bus, qui a capite diffunditur. Vale.

XXIII.

C. PLINIUS POMPONIO BASSO
SVO S.

Laudat Pomponium, sapienter otio in senectute usum: sibique similem aliquando quietem optat.

Magtiam cepi voluptatem, quum ex communibus amicis cognoui, te, vt sapientia tua dignum est, disponere otium & ferre, habitare amoenissime, & nunc terra, nunc mari corpus agitate; multum disputare, multum audire, multum lectitare! quomque plutimum scias, quotidie tamen aliquid addiscere. Ita 2 senescere oportet virum, qui magistratus amplissimos gesserit, exercitus texerit, totumque se reipublicae, quamdiu decebat, obtulerit. Nam & prima vitae tempora & media patriae, 3 extrema nobis impertire debemus, vt ipsae leges monent, quae maiores annis LX otio reddunt. Quando mihi licebit? quando per 4 aetatem erit imitari istud pulcherrimae quietis exemplum? quando secessus mei non desidiae nomen, sed tranquillitatis accipient? Vale.

XXIV.

C. PLINIUS VALENTI SVO S.

Fragilitatis humanae admonetur, quum nullos in quadruplici iudicio, quos iuuenis haberat, socios vidisset.

Proxime quum apud centumuiros in quadruplici iudicio dixissem, subiit recordatio, egisse

2 egisse me iutuēm aequē ih quadruplici. Pro-
 cessit animus, vt solet, longius: coepi repu-
 tare, quos in hoc iudicio, quos in illo socios
 laboris habuiſsem. Solus eram, qui in vtro-
 que dixiſsem: tantas conuerſiones aut fragili-
 tas mortalitatis aut fortunae mobilitas facit.
 3 Quidam ex iis, qui tunc egerant, deceſſerunt;
 exſulant alii; huic aetas & valetudo silentiam
 fuaſit; hic ſponte beatissimo otio fruitur;
 alijs exercitum regit; illum ciuilibus officiis
 4 principis amicitia exemit. Cirea nos ipſos
 quam multa mutata ſunt? Studiis proceſſimus;
 ſtudiis periclitati ſumus, rursusque proceſſi-
 mus. Profuerunt nobis bonorum amicitiae,
 5 & obſuerunt, iterumque proſunt. Si compu-
 tes annos, exiguum tempus: si vices ferum,
 6 aeuum putem. Quod potest eſſe documento,
 NIHIL desperare, nulli rei fidere, quam vi-
 deamus tot varietates tam volubili orbe cir-
 7 cumagi. Mihi autem familiare eſt, omnes co-
 gitationes meas tecum communicare, iisdemque
 te vel praeceptis vel exemplis monere, quibus
 ipſe me moneo: quae ratio huius epistolae
 fuit. Vale.

XXV.

C. PLINIUS MESSIO MAXIMO SVO S.

Narrat eueniſſe, quod (L. III. ep. 20.)
de tabellaria lege praedixerat: & in ſcurriliter
ludentes inuehitui.

Scipiferam tibi, verendum eſſe, ne ex tacitiſ
 iuſſragiis vitium aliquod exiſteret: factum
 eſt,

est, proximis comitiis in quibusdam tabellis multa iocularia, atque etiam foeda dictu; in vna vero pro candidatorum nominibus, suffragatorum nomina inuenta sunt. Excanduit se-
natus, magnoque clamore ei, qui scripsisset,
iratum principem est comprecatus. Ille tamen
fefellit, & latuit, fortasse etiam inter indignan-
tes fuit. Quid hunc putamus domi facere,
qui in tanta re, tam serio tempore, tam scur-
iliter ludat? qui denique omnino in senatu
dicax & vrbanus & bellus est? Tantum licen-
tiae prauis ingeniis adiicit illa fiducia, *quis
enim sciet?* Poposcit tabellas, stilum accepit,
demisit caput, neminem veretur, se contemnit.
Inde ista ludibria, scena & pulpito digna. Quo
te vertas? quae remedia conquiras? ubique
vitia remediis fortiora: *ἄλλα ταῦτα τῷ
ὑπὲρ ἡμῶν ἄλλῳ μελήσει,* cui multum quo-
tidie vigiliarum, multum laboris adiicit haec
nostra iners, sed tamen effrenata petulantia.
Vale.

XXVI.

C. PLINIUS NEPOTI SVO S.

*Pollicetur, libellos se emendaturum esse, etiam
alios additurum.*

Petis, vt libellos meos, quos studiosissime
comparasti, recognoscendos emendandosque
curem. faciam. Quid enim *falscipere* libentius
debeo, te praesertim exigente? Nam quum
vir grauissimus, doctissimus, disertissimus, su-

K

per

per haec occupatissimus, maximae prouinciae
praefuturus, tanti putas, scripta nostra circum-
ferre tecum; quanto opere mihi prouidendum
est, ne haec pars sarcinarum, tanquam super-
3 vacua offendat? Adnitar ergo primum, vt co-
mites istos quam commodissimos habeas: deinde
vt reuersus inuenias, quos ipsis addere ve-
lis. Neque enim mediocriter me ad noua
opera tu lector hortaris. Vale.

XXVII.

C. PLINIUS FALCONI SVO S.

*Commendat Augurini poëmata, occasione
eorum, quae in laudem suam scripferat.*

Tertius dies est, quod audiui recitantem
1 Sentium Augurinum cum summa mea vo-
luptate, immo etiam admiratione. poëmatia
appellat. multa tenuiter, multa sublimiter,
multa venuste, multa tenere, multa dulciter,
2 multa cum bile. Aliquot annis, puto, nihil
generis eiusdem absolutius scriptum, nisi forte
me fallit aut amor eius, aut quod me ipsum
3 laudibus euexit. Nam lemma sibi sumxit, quod
ego interdum versibus ludo. Atque adeo iu-
dicii mei te iudicem faciam, si mihi ex hoc
ipso lemmate secundus versus occurrerit. Nam
ceteros teneo, & iam explicui.

4 *Canto carmine versibus minutis
His, olim quibus & meus Catullus,
Et Calvus, veteresque. Sed quid ad me?
Vnus Plinius est mihi priores,*

Ma-

*Mauult versiculos, foro relitto,
Et quaerit, quod amet, putatque amari,
Ille Plinius, ille quot Catones!
I nunc, quisquis amas, amare noli.*

Vides, quam acuta omnia, quam apta, quam expressa? Ad hunc gustum totum librum remitto; quem tibi, ut primum publicauerit, exhibebo. Interim ama iuuenem, & temporibus nostris gratulare pro ingenio tali, quod ille moribus adornat. Viuit cum Spurinna, viuit cum Antonino: quorum alteri adfinis, utriusque contubernialis est. Possis ex hoc facere coniecturam, quam sit emendatus adolescens, qui a grauissimis senibus sic amatur. Est enim illud verissimum

*γιγνώσκων, οτι
Τοιχός εσι ἐκαστος, οἵσπερ ηδεται ξυγάν.
Vale.*

XXVIII.

C. PLINIUS SEVERO SVO S.

Cornelii Nepotis & T. Cassii imagines pro Herennii bibliotheca fieri postulat.

Herennius Seuerus, vir doctissimus, magni aestimat in bibliotheca sua ponere imagines municipum tuorum, Cornelii Nepotis & Titi Cassii: petitque, si sunt isthie, ut esse credibile est, exscribendas pingendasque delegem. Quam curam tibi potissimum iniungo: primum, quia desideriis meis amicissime obsequris: deinde, quia tibi studiorum summa reuentia, summus amor studiosorum: postremo,

K 2

quod

quod patriam tuam , omnesque , qui nomen eius auxerunt, vt patriam ipsam, veneraris & 3 diligis. Peto autem, vt pictorem quam diligentissimum adsumas. Nam cum est arduum similitudinem effingere ex vero , tum longe difficultima est imitationis imitatio. A qua , rogo, vt artificem , quem elegeris , ne in melius quidem, sinas aberrare. Vale.

XXIX.

C. PLINIUS ROMANO SVO S.

Voronium Romanum monet, vt ad iudicandum veniat, ne multam committat.

Eia tu, quum proxime res agentur, quoquo modo ad iudicandum veni. Nihil est, quod in dextram aurem fiducia mei dormias: non 2 impune cessatur. Ecce, Licinius Nepos, praetor , acer & fortis vir , multam dixit etiam senatori. Egit ille in senatu caussam suam: egit autem sic, vt deprecaretur. Remissa est multa: sed timuit, sed rogauit, sed opus veniam fuit. Dices , Non omnes praetores tam seueri. Falleris. Nam vel instituere vel reducere eiusmodi exemplum, non nisi seueri: institutum, reductumue exercere, etiam lenissimi possunt. Vnde.

XXX.

XXX.

C. PLINIVS LICINIO SVO S.

Miram naturam fontis in Comensi agro narrat, cuius caussam & ipse inquirit, & inquirendam commendat.

Attuli tibi ex patria mea pro munusculo
quaestionem, altissima ista eruditione di-
gnissimam. Fons oritur in monte, per saxa 2
decurrit, excipitur coenatiuncula manu facta:
ibi paullulum retentus in Larium lacum de-
cedit. Huius mira natura: ter in die, statis
auctibus ac diminutionibus, crescit decrescitque.
Cernitur id palam, & cum summa voluptate 3
deprehenditur. Iuxta recumbis & vesceris:
atque etiam ex ipso fonte (nam est frigidissi-
mus) potas: interim ille certis dimensisque
momentis vel subrahitur vel adsurgit. An- 4
nulum, seu quid aliud, ponis in sicco, adluit-
ur sensim, ac nouissime operitur: detegitur
rursus paullatimque deseritur: si diutius ob-
serues, vtrumque iterum ac tertio videas.
Spiritusne aliquis occultior os fontis & fauces 5
modo laxat, modo includit, prout illatus oc-
currat, aut decessit expulsus? Quod in am-
pullis ceterisque generis eiusdem videmus ac-
cidere, quibus non hians, nec statim patens
exitus. Nam illa quoque, quamquam prona
& vergentia, per quasdam obluctantis animae
moras crebris quasi singultus fistunt, quod
effundunt. An quae Oceano natura, fonti quo- 7
que? quaque ille ratione aut impellitur aut

reforbetur, hac modicus hic humor vicibus alternis supprimitur vel egeritur? An ut flumina, quae in mare deferuntur, aduersantibus ventis, obuique aestu retorquentur, ita est aliquid, quod huius fontis excursum (per momenta) repercutiat? An latentibus venis certa mensura, quae dum colligit quod exhauserat, minor riuus est & pigrior: quum collegit, agitior maiorque profertur? An, nescio quod, libramentum abditum & coecum, quod quum exinanitum est, suscitat & elicit fontem: quum irrepletum, moratur & strangulat? Scrutare tamen causas (potes enim) quae tantum miraculum efficiunt. Mihi abunde est, si satis expressi, quod efficitur. Vale.

LIBER V.

I.

C. PLINIUS SEVERO SVO S.

Narrat, quae, heres Gratillae factus, cum filio eius exheredato egerit.

Legatum mihi obuenit modicum, sed amplissimo gratius. Cur amplissimo gratius? Pomponia Gratilla, exheredato filio Assudio Curiano, heredem reliquerat me: dederat coheredes Sertoriu[m] Seuerum, praetorium virum, aliosque equites Romanos splendidos. **C**urianus filius orabat, ut sibi donarem portionem

tionem meam, seque praeiudicio iuuarem: ean-
dem tacita conuentione saluam mihi polliceba-
tur. Respondebam; non conuenire moribus 3
meis aliud palam, aliud agere secreto. Prae-
terea: Non esse satis honestum dare & locu-
pleti & orbo: in summa, non profuturum ei,
si donassem: profuturum, si cessissem: esse au-
tem me paratum cedere, si inique exhereda-
tum mihi liqueret. Ad hoc ille, *Rogo co-* 4
gnoscas. Cunctatus paullum, Faciam, inquam:
neque enim video, cur ipse me minorem putem,
quam tibi videor. Sed iam nunc memento, non
defuturam mihi constantiam, si ita fides duxerit,
secundum matrem tuam pronuntiandi. Ut vo-
les, ait: voles enim, quod aequissimum. Adhi- 5
bui in consilium duos, quos tunc ciuitas no-
ntra spectatissimos habuit, Corellium & Fron-
tinum. His circumdatus, in cubiculo meo sedi.
Dixit Curianus, quae pro se putabat. Re- 6
spondi paucis ego (neque enim aderat alias,
qui defunctae pudorem tueretur,) deinde se-
*cessi, & ex consilii sententia, *Videtur, inquam,**
Curiane, mater tua iustas habuisse caussas ira-
scendi tibi. Post hoc ille cum ceteris subscriptis
centumuirale iudicium, mecum non subscriptis.
Appetebat iudicii dies: coheredes mei compo- 7
nere & transigere cupiebant: non diffidentia
caussae, sed metu temporum Verebantur,
quod videbant multis accidisse, ne ex centum-
virali iudicio capit is rei exirent. Et erant 8
quidam in illis, quibus obiici & Gratillae ami-
K 4 citia

citia & Rustici posset: rogant me, vt cum Curiano loquar. Conuenimus in aedem Concordiae. Ibi ego; Si mater, inquam, te ex parte quarta scripsisset heredem, num queri posses? Quid si heredem quidem instituisset ex aſſe, ſed legatis ita exhauiſſet, vt non amplius apud te, quam quarta, remaneret? igitur ſufficere tibi debet, ſi, exheredatus a matre, quartam partem ab heredibus eius accipias, quam tamen ego au-
 gebo. Scis, te non ſubſcripſiſſe mecum, & iam biennium tranſiſſe, omniaque me uſucepiffe. ſed vt te coheredes mei tradiſabiliorē experiantur, utque tibi nihil abſtulerit reverentia mei; offero pro mea parte tantundem. Tulit fructum non
 conscientiae modo, verum etiam famae. Ille ergo Curianus legatum mihi reliquit: & fa-
 ctum meum, niſi forte blandior mihi, anti-
 quum nobili honore signauit. Haec tibi ſcripsi,
 quia de omnibus, quae me vel delectant vel angunt, non aliter tecum, quam mecum, lo-
 qui ſoleo: deinde, quod durum existimabam,
 te amantissimum mei fraudare voluptate, quam
 ipſe capiebam. Neque enim ſum tam sapiens,
 vt nihil mea interſit, an iis, quae honeſte fe-
 ciffe me credo, testificatio quaedam, & quaſi
 praemium accedat. Vale.

II.

C. PLINIUS FLACCO SVO S.

Gratias agit pro turdorum dono.

Accepi pulcherrimos turdos, cum quibus pa-
 rem calculum ponere, nec ullis copiis ex
 Lau-

Laurentino, nec maris tam turbidis tempesta-
ribus possum. Recipies ergo epistolas steriles, 2
& simpliciter ingratas: ac ne illam quidem so-
lertiam Diomedis in permutando munere imi-
tantes. Sed, quae facilitas tua, hoc magis da-
bis veniam, quod se non mereri fatentur. Vale.

III.

C. PLINIUS ARISTONI SVO S.

*Reprehensus quorundam sermonibus, quod
versus lasciuiores scribat recitetque; se aliorum
exemplo tuetur.*

Cum plurima officia tua mihi grata & iu-
cunda sunt, tum vel maxime, quod me
celandum non putasti, fuisse apud te de ver-
sicolis meis multum copiosumque sermonem,
eumque diuersitate iudiciorum longius proces-
sisse: extitisse etiam quosdam, qui scripta qui-
dem ipsa non improbarent, me tamen amice
simpliciterque reprehenderent, quod haec scri-
berem recitaremque. Quibus ego, vt augeam 2
meam culpam, ita respondeo: Facio non nun-
quam versiculos, seueros parum, facio comoedi-
as, & audio & specto mimos, & lyricos le-
go, & Sotadicos intelligo: aliquando praeterea
rideo, iocor, ludo; vtque omnia innoxiae re-
missionis genera breuiter amplectar, homo sum.
Nec vero moleste fero, hanc esse de moribus 3
meis existimationem, vt, qui nesciunt, talia
doctissimos, grauissimos, sanctissimos homines
scriptitasse, me scribere mirentur. Ab illis 4

autem, quibus notum est, quos quantosque
auctores sequar, facile impetrari posse confido,
ut errare me, sed cum illis, finant, quorum
non seria modo, verum etiam lusus exprime-
re, laudabile est. An ego verear (neminem
viuentium, ne quam in speciem adulationis
incidam, nominabo) sed ego verear, ne me
non satis deceat, quod decuit M. Tullium,
Caium Caluum, Asinium Pollionem, Marcum
Messallam, Quintum Hortensium, M. Brutum,
L. Sullam, Q. Catulum, Quintum Scaeuelam,
Ser. Sulpitium, Varronem, Torquatum, (im-
mo Torquatos) C. Memmum, Lentulum,
Gaetulicum, Annaeum Senecam, & proxime
Verginium Rufum, &, si non sufficiunt exem-
pla priuata, diuum Iulium, diuum Augustum,
diuum Neronam, T. Caesarem? Neronem enim
transeo, quamvis sciam, non corrumpi in de-
terioris, quae aliquando etiam a malis; sed ho-
nesta manere, quae saepius a bonis sunt. In-
ter quos vel praecipue numerandus est P. Vir-
gilius, Corn. Nepos, & prius Ennius, Accius-
que. non quidem hi senatores: sed sanctitas
7 morum non distat ordinibus. Recito tamen:
quod illi an fecerint, nescio. Etiam. Sed illi
iudicio suo poterant esse contenti: mihi mo-
destior conscientia est, quam ut satis absolu-
8 tum putem, quod a me probetur. Itaque
has recitandi causas sequor: primum quod ipse,
qui recitat, aliquanto acrius scriptis suis, au-
ditorum reuerentia, intendit: deinde, quod
de

de quibus dubitat, quasi ex consilii sententia statuit. Multa etiam a multis admonetur: & si non admoneatur, quid quisque sentiat; perspicit ex valtu, oculis, nutu, manuum motu, murmure, silentio; quae satis apertis notis iudicium ab humanitate discernunt. Atque adeo, si cui forte eorum, qui interfuerunt, curae fuerit eadem illa legere, intelliget, me quae-dam aut commutasse, aut praeterisse, fortasse etiam ex suo iudicio, quamuis ipse nihil dixerit mihi. Atque ita hoc dispu-to, quasi popu-lum in auditorium, non in cubiculum amicos aduocarim, quos plures habere, multis glorio-sum, reprehensioni nemini fuit. Vale.

IV.

C. PLINIUS VALERIANO SVO S.

Avaritiam Nominati caussidici notat, que Vicentinos, a quibus grandem pecuniam accep-rat, sefellit.

Res parua, sed initium non paruae. Vir praetorius Solers a senatu petiit, vt sibi instituere in agris suis nundinas permitteretur: contradixerunt. Vicentinorum legati: adfuit Tuscilus Nominatus; dilata causa est. Alio 2 senatu Vicentini sine aduocato intrauerunt: dixerunt *se deceptos*: Lapsine verbo, an quia ita sentiebant? Interrogati a Nepote praetore, *Quem docuissent?* responderunt, *Quem prius.* Interrogati, *An tunc gratis adfuiisset?* responderunt, *Sex millibus nummum.* An rursus ali-quid

quid dedissent? dixerunt, *Mille denarios*. Ne-
pos postulauit, vt Nominatus induceretur.
 3 Haec tenus illo die. Sed, quantum augor,
longius res procedet. Nam pleraque tacta tan-
 4 tum & omnino commota, latissime serpunt. Erexii
aures tuas. Quam diu nunc oportet, quam
blande roges, vt reliqua cognoscas, si tamen
non ante ob haec ipsa veneris Romam, specta-
torque malueris esse, quam lector. Vale.

V.

C. PLINIUS MAXIMO SVO S.

Fannii obitum luget tum ob alias caussas,
tum maxime, quod opus de sceleribus Neronis
imperfectum reliquerat.

Nuntiatum mihi est, C. Fannium decepsisse,
 qui nuntius graui me dolore confudit.
 Primum, quod amavi hominem elegantem &
 disertum: deinde, quod iudicio eius vti sole-
 bam. Erat enim natura acutus, vsu exerci-
 2 tatus, varietate promptissimus. Angit me su-
 per ista casus ipsius. Decessit veteri testamen-
 to: omisit, quos maxime diligebat: prosequi-
 tus est, quibus offensior erat. Sed hoc vtcun-
 que tolerabile: grauius illud, quod pulcherri-
 3 mum opus imperfectum reliquit. Quamuis
 enim agendis caussis distingeretur, scribebat
 tamen exitus occisorum aut relegatorum a Ne-
 rone: & iam tres libros absolueraut, subtile,
 & diligentes, & Latinos, atque inter sermo-
 nem historiamque medios. Ac tanto magis re-
 liquos

liquos perficere cupiebat, quanto frequentius
hi lectitabantur. Mihi autem videtur acerba 4
semper & immatura mors eorum, qui immor-
tale aliquid parant. Nam qui voluptatibus
dediti quasi in diem viuunt, viuendi caussas
quotidie finiunt: qui vero posteros cogitant,
& memoriam sui operibus extendunt, his nulla
mors non repentina est, ut quae semper inchoa-
tum aliquid abrumpat. Caius quidem Fan- 5
nius quod accidit, multo ante praesensit. Vi-
sus est sibi per nocturnam quietem iacere in
lectulo suo compositus in habitum studentis,
habere ante se scrinium ita, ut solebat: mox
imaginatus est venisse Neronem, in toro rese-
disse: promississe primum librum, quem de sce-
leribus eius ediderat, eumque ad extremum
reuoluisse, idem in secundo ac tertio fecisse,
tunc abiisse. Expauit; & sic interpretatus est, 6
tanquam idem sibi futurus esset scribendi finis,
qui fuisset illi legendi: & fuit idem. Quod 7
me recordantem miseratio subit, quantum vi-
giliarum, quantum laboris exhauserit frustra.
Occursant animo mea mortalitas, mea scripta.
Nec dubito, te quoque eadem cogitatione ter-
rei pro istis, quae inter manus habes. Proin- 8
de, dum suppetit vita, enitamur, ut mors
quam paucissima, quae abolere possit, inueniat.
Vale.

VI.

C. PLINIVS APOLLINARI SVO S.

*Apollinari, qui Plinio, in Tuscis aestatem
actuero, timuerat, & salubritatem huius villae,
& commoditatem exponit.*

A¹maui curam & solicitudinem tuam, quod,
quum audisses me aestate Tuscos meos
petiturum, ne facerem suasisli, dum putas in-
2 salubres. Et sane grauis & pestilens ora Tu-
scorum, quae per littus extenditur. Sed hi
procul a mari recesserunt: quin etiam Apen-
3 nino, saluberrimo montium, subiacent. At-
que adeo, vt omnem pro me metum ponas,
accipe temperiem coeli, regionis situm, villae
amoenitatem: quae & tibi auditu, & mihi
4 relatu iucunda erunt. Coelum est hieme fri-
gidum & gelidum, myrtos, oleas, quaeque alia
assiduo tempore laetantur, aspernatur ac respuit:
laurum tamen patitur, atque etiam nitidissi-
5 mam profert: interdum, sed non saepius quam
sub vrbe nostra, necat. Aestatis mira clemen-
tia. Semper aer spiritu aliquo mouetur; fre-
quentius tamen auras, quam ventos habet.
6 Hinc senes multos videas, auos proauosque
iam iuuenum; audias fabulas veteres, sermo-
nesque maiorum: quumque veneris illo, pu-
7 tes alio te seculo natum. Regionis forma pul-
cherrima: imaginare amphitheatum aliquod
immensum; & quale sola rerum natura possit
effingere. Lata & diffusa planities montibus
cingitur; montes summa sui parte procera ne-
mora

mora & antiqua habent. Frequens ibi & varia 8
venatio: inde caeduae siluae cum ipso monte
descendunt: has inter pingues terrenique col-
les (neque enim facile vnamquam saxum, etiam
si quaeratur, occurrit) planissimis campis ferti-
litate non cedunt, opimamque messem serius
tantum, sed non minus percoquunt. Sub his 9
per latus omne vineae porriguntur, vnamque
faciem longe lateque contexunt; quarum a fine
imoque quasi margine, arbusta nascuntur; prata
inde, campique. Campi, quos non nisi ingen-10
tes boues & fortissima aratra perfringunt. tan-
tis glebis tenacissimum solum; quem primum
profecatur, adsurgit, vt nono demum sulco
perdometur. Prata florida & gemmea, trifoli-11
lium, aliasque herbas, teneras semper & mol-
les, & quasi nouas, alunt. Cuncta enim per-
ennibus riuis nutriuntur: sed vbi aquae plu-
rimum, palus nulla; quia deuexa terra quid-
quid liquoris accepit, nec absorbit, effundit
in Tiberim. Medios ille agros secat; nauium12
patiens, omnesque fruges deuehit in urbem,
hieme dumtaxat & vere; aestate submittitur,
immensique fluminis nomen arenti alueo dese-
rit, autumno resumit. Magnam capies volu-13
ptatem, si hunc regionis situm ex monte pro-
spexeris. Neque enim terras tibi, sed formam
aliquam, ad eximiam pulchritudinem pictam,
videberis cernere. Ea varietate, ea descriptio-
ne, quocumque inciderint oculi, reficiuntur.
Villa in colle imo sita, prospicit quasi ex sum-14
mo,

mo, ita leniter & sensim cliuo fallente con-
furgit, vt quum adscendere non putes, sen-
tias adscendisse. A tergo Apenninum, sed
longius habet. Accipit ab hoc auras, quam-
libet sereno & placido die, non tamen acres
& immodicas, sed spatio ipso lassas & infra-
etas. Magna sui parte meridiem spectat, ae-
stiuumque solem ab hora sexta, hibernum, ali-
quanto maturius, quasi inuitat in porticum
latam, & pro modo longam. Multa in hac
16membra; atrium etiam ex more veterum. An-
te porticum xystus concisus in plurimas spe-
cies, distinctusque buxo; demissus inde pro-
nusque puluinus, cui bestiarum effigies inui-
cem aduersas buxus inscripsit. Acanthus in
17plano mollis, &, paene dixerim, liquidus. Am-
bit hunc ambulatio pressis varieque tonsis vi-
ridibus inclusa: ab his gestatio in modum circi,
quae buxum multiformem, humilesque & re-
tonsas manu arbusculas circumvit. Omnia ma-
ceria muniuntur: hanc gradata buxus operit
18& subtrahit. Pratum inde non minus natura,
quam superiora illa arte, visendum: campi de-
19inde porro, multaque alia prata & arbusta. A
capite porticus triclinium excurrit, valuis xy-
ustum desinentem, & protinus pratum, mul-
tumque ruris, videt fenestris. Hac latus xy-
sti, & quod profilit villae, ac adiacentis hippo-
dromi nemus comasque prospectat. Contra
medianam fere porticum diaeta paullum recedit;
singit areolam, quae quatuor platanis inum-
bratur.

bratur. Inter has marmoreo labro aqua exundat, circumiectasque platanos, & subiecta platanis leni adspergine fouet. Est in hac diaeta²¹ dormitorium cubiculum, quod diem, clamorem sonumque excludit: iunctaque quotidiana amicorum coenatio. Arcolam illam porticus alia, eademque omnia, quae porticus, adspicit. Est²² & aliud cubiculum a proxima platano viride & umbrosum, marmore excultum podio tenus: nec cedit gratiae marmoris, ramos, insidentesque ramis aues imitata pictura. Cui subest²³ fonticulus. in hoc fonte crater, circa siphunculi plures miscent iucundissimum murmur. In cornu porticus amplissimum cubiculum a triclinio occurrit; aliis fenestris xyllum, aliis despicit pratum, sed ante piscinam; quae fenestris seruit ac subiacet, strepitu visuque iucunda. Nam ex edito defiliens aqua, suscepta marmore, albescit. Idem cubiculum hieme te-²⁴ pidissimum, quia plurimo sole perfunditur. Cohaeret hypocauston, &, si dies nubilus, immiso vapore, solis vicem supplet. Inde apo-²⁵ dyterium balinei laxum & hilare excipit cella frigidaria; in qua baptisterium amplum atque opacum. Si natare latius aut tepidius velis, in area piscina est, in proximo puteus, ex quo possis rursus adstringi, si poeniteat temporis.²⁶ Frigidariae cellae connectitur media, cui sol benignissime praesto est; caldariae magis: prominet enim. In hac tres descensiones: duae in sole, tertia a sole longius, a luce non lon-

27gius. Apodyterio superpositum est sphaerosterium, quod plura genera exercitationis, pluresque circulos capit. Nec procul a balineo scalae, quae in cryptoporticum ferunt, prius ad diaetas tres. haec alia areolae illi, in qua platani quatuor, alia prato, alia vineis imminet, diuersaque coeli partes, ut prospectus, 28habet. In summa cryptoporticu cubiculum, ex ipsa cryptoporticu excisum, quod hippodromum, vineas, montes, intuetur. Iungitur cubiculum obuium soli, maxime hiberno. Hinc oritur diaeta, quae villae hippodromum adnexit. Haec facies, hic visus a fronte. A latere aestiu cryptoporticus in edito posita; quae non adspicere vineas, sed tangere videtur. In media triclinium saluberrimum adflatum ex Apenninis vallibus recipit: post latissimis fenestris vineas, valuis aequae vineas, sed per cryptoporticum quasi, admittit. A latere triclinii, quod fenestris caret, scalae conuiuio vtilia secretiore ambitu suggestur. In fine cubiculum; cui non minus iucundum prospectum cryptoporticus ipsa, quam vineae praebent. Subest cryptoporticus, subterraneae similis; aestate inclusa frigore riget, contentaque aere 31suo, nec desiderat auras nec admittit. Post vtramque cryptoporticum, vnde triclinium definit, incipit porticus; ante medium diem, hiberna; inclinato die, aestiuua. Hac adeuntur diaetae duae, quarum in altera cubicula quatuor, altera tria, ut circuit sol, aut sole vtuntur,

tur, aut umbra. Hanc dispositionem amoeni-³²
tatemque tectorum longe praecedit hippodro-
mus. medius patescit, statimque intrantium
oculis totus offertur, platanis circuitur. illae
hedera vestiuntur, utque summae suis, ita imae
alienis frondibus virent. Hedera truncum &
ramos pererrat, vicinasque platanos transitu suo
copulat, has buxus interiacet. Exteriores buxos
circumuenit laurus, umbraeque platanorum suam
confert. Rectus hic hippodromi limes in ex-³³
tremo parte hemicyclo frangitur, mutatque fa-
ciem: cupressis ambitur & tegitur, densiore
umbra opacior nigriorque; interioribus circu-
lis (sunt enim plures) purissimum diem reci-
pit. Inde etiam rosas effert, umbrarumque³⁴
frigus non ingrato sole distinguit. Finito va-
rio illo multiplicique curuamine recto limiti
redditur, nec huic vni. Nam viae plures, in-
tercedentibus buxis, dividuntur. Alibi pratu-³⁵
lum, alibi ipsa buxus interuenit in formas
mille descripta, litteris interdum, quae modo
nomen domini dicunt, modo artificis; alternis
metulae surgunt, alternis inserta sunt poma:
& in opere urbanissimo subita velut illati ru-
ris imitatio medium in spatium brevioribus
vtrimeque platanis adornatur. Post has acan-³⁶
thus hinc inde lubricus & flexuosus, deinde
plures figurae, pluraque nomina. In capite sti-
badium candido marmore, vite protegitur.
Vitem quatuor columellae Carystiae subeunt.
E stibadio aqua, velut expresso cubantium pon-
der,
L 2

dere, siphunculis effluit; cauato lapide suscipitur, gracili marmore continetur, atque ita occulte temperatur, ut impleat, nec redundet.
37 Gustatorium, grauiorque coenatio, margini imponitur; leuior nauicularum & auium figuris innatans circuit. Contra fons egerit aquam & recipit: nam expulsa in altum in se cadit, iunctisque hiatibus & absorbetur & tollitur. E regione stibadii aduersum cubiculum tantum stibadio reddit ornatus, quantum accipit
38 ab illo. A marmore splendet, valuis in viridia prominet & exit: alia viridia superioribus inferioribusque fenestris suspicit despicique. Mox zothecula refugit quasi in cubiculum idem atque aliud. Lectus hic, & vndique fenestrae, & tamen lumen obscurum umbra premente. Nam laetissima vitis per omne tectum in culmen nititur & adscendit. Non secus ibi, quam in nemore, iaceas: imbre tantum, tanquam in nemore, non sentias. Hic quoque fons nascitur, simulque subducitur.
40 Sunt locis pluribus disposita sedilia e marmore, quae ambulatione fessos, ut cubiculum ipsum, iuuant. Fonticuli sedilibus adiacent, per totum hipodromum inductis fistulis strepunt rixi, &, qua manus duxit, sequuntur. His nunc illa viridia, nunc haec, interdum simul omnia, iuuantur. Vitassem iamdudum, ne visiderer argutior, nisi proposuisset omnes angustulos tecum epistola circumire. Neque enim verebar, ne laboriosum esset legenti tibi, quod videnti

visenti non fuisset; praesertim quum interquiescere, si liberet, depositaque epistola, quasi residere, saepius posses. Praeterea indulsi amori meo. Amo enim, quae maxima ex parte ipse inchoavi, aut inchoata percolui. In summa (cur⁴²) enim non aperiam tibi vel iudicium meum vel errorem?) primum ego officium scriptoris existimo, vt titulum suum legat, atque identidem interroget se, quid coeperit scribere: sciatque, si materiae immoratur, non esse longum; longissimum, si aliquid arcessit atque attrahit. Vides, quot versibus Homerus, quo⁴³ Virgilius arma, hic Aeneae, Achillis ille, describat: breuis tamen uterque est, quia facit, quod instituit. Vides, vt Aratus minutissimam sidera consecetur & colligat, modum tam
men seruat. Non enim excursus hic eius, sed opus ipsum est. Similiter nos, vt parua ma⁴⁴gnis, quum totam villam oculis tuis subiicere conamur, si nihil inductum, & quasi deuum, loquimur, non epistola, quae describit, sed villa, quae describitur, magna est. Verum illuc, unde coepi; ne secundum legem meam iure reprehendar, si longior fuero in hoc, in quod excessi. Habet causas, cur ego Tuscos meos⁴⁵ Tusculanis, Tiburtinis, Praenestinisque meis præponam. Nam super illa, quae retuli, altius ibi otium & pinguius, coque securius, nulla necessitas togæ, nemo accessitor ex proximo. Placida omnia & quiescentia, quod ipsum salubritati regionis, vt purius coelum, vt aëri liqui-

liquidior, accedit. Ibi animo, ibi corpore, maxime valeo. Nam studiis animum, venatu copius exerceo. Mei quoque nulquam salubrius degunt; usque adhuc certe neminem ex iis, quos eduxeram mecum (venia sit dicto) ibi amisi. Dii modo in posterum hoc mihi gaudium, hanc gloriam loco seruent. Vale.

VII.

C. PLINIVS CALVISIO SVO S.

Saturninus Plinium heredem instituerat & rempublicam Comensem, quod ipse ratum vult esse, et si secundum leges respub. heres institui non possit, quod ut decurionibus indicetur, rogat.

Nec heredem institui, nec praecipere posse rempublicam, constat: *Saturninus autem, qui nos reliquit heredes, quadrantem reipublicae nostrae, deinde pro quadrante praecepitionem quadringentorum millium dedit. Hoc, si ius adipicias, irritum; si defuncti voluntatem, ratum & firmum est. Mihi autem defuncti voluntas (vereor, quam in partem iuri consulti, quod sum dictus, accipient) antiquior iure est, utique in eo, quod ad communem patriam voluit peruenire. An, cui de meo festertium undecies contuli, huic quadringentorum millium paullo amplius tertiam partem ex aduentitio denegem? Scio, te quoque a iudicio meo non abhorrire, quum eandem rempublicam, ut ciuis optimus diligas.*

Vclim ergo, quum proxime decuriones contrahant-

trahantur, quid sit iuris, indices, parce tamen & modeste; deinde subiungas, nos quadringenta millia offerre, sicut praecipit saturninus. Illius hoc manus, illius liberalitas; nostrum tantum obsequium vocetur. Haec ego scribere publice supersedi: primum, quod memineram pro necessitudine amicitiae nostrae, pro facultate prudentiae tuae, & debere te & posse perinde meis ac tuis partibus fungi: deinde, quia verebar, ne modum, quem tibi in sermone custodire facile est, tenuisse in epistola non viderer. Nam sermonem vultus, gestus, vox ipsa moderatur: epistola, omnibus commendationibus destituta, malignitati interpretantium exponitur. Vale.

VIII.

C. PLINIVS CAPITONI SVO S.

Admonitus, ut historiam scriberet, respondet, sibi idem stetisse, caussaque consilii ita exponit, ut discrimen simul orationis & historiae ostendat.

Suades, vt historiam scribam, & suades non solus: multi hoc me saepius monuerunt, & ego volo, non quia commode facturum esse confido (id enim temere credas, nisi expertus,) sed quia mihi pulchrum in primis videtur, non pati occidere, quibus aeternitas debeat; aliorumque famam cum sua extendere. Me autem nihil aequa diuturnitatis amor & cupidio solicitat: res homine dignissima, praeser-

tim qui nullius sibi conscientia culpae, posterita-
 tis memoriam non reformidet. Itaque diebus
 ac noctibus cogito, si qua me quoque possim tol-
 lere humo. (Id enim voto meo sufficit: illud
 supra votum) *victorique virum volitare per ora.*
Quamquam o! Sed hoc satis est, quod prope
 sola historia polliceri videtur. Orationi enim
 & carmini parua gratia, nisi eloquentia sit
 summa: historia quoquo modo scripta delectat.
 4 Sunt enim homines natura curiosi, & quamlibet
 nuda rerum cognitione capiuntur, ut qui
 fermunculis etiam fabellisque ducantur: me
 vero ad hoc studium impellit domesticum quo-
 5 que exemplum. Auunculus meus, idemque
 per adoptionem pater, historias, & quidem re-
 ligiosissime, scripsit. Inuenio autem apud sa-
 pientes, honestissimum esse maiorum vestigia
 sequi; si modo recto itinere praecesserint. Cur
 ego cunctor? Egi magnas & graues caussas.
 6 Has (etiamsi mihi tenuis ex eis spes) destino
 retrahere, ne tantus ille labor meus, ni hoc,
 quod reliquum est studii, addidero, mecum
 7 pariter intercidat. Nam si rationem posterita-
 tis habeas, quidquid non est peractum, pro
 non inchoato est. Dices, Potes simul & re-
 scribere actiones, & componere historiam. Ut
 nam! sed utrumque tam magnum est, ut abun-
 8 de sit alterum efficiere. Undeuicesimo aetatis
 anno dicere in foro coepi, & nunc demum,
 quid praestare debeat orator, adhuc tamen per
 caliginem, video. Quid si huic oneri nouum

acces-

ascesserit? Habet quidem oratio & historia
multa communia, sed plura diuersa in his ipsis,
quae communia videntur. Narrat sanc*t*e ipsa,
narrat haec; sed, aliter. Huic pleraque hu-
milia & sordida, & ex medio petita; illi omnia
recondita, splendida, excelsa conueniunt. Hanc
saepius ossa, musculi, nerui; illam tori quidam
& quasi iubae decent. Haec vel maxime vi,
amaritudine, instantia; illa tractu & suavitate,
atque etiam dulcedine, placet. Postremo alia
verba, aliis sonus, alia constructio. Nam plu-
rimum refert, ut Thucydides ait, *κτῆμα* sit,
an *αγώνισμα*: quorum alterum oratio, alie-
rum historia est. His ex caussis non adducor,
ut duo dissimilia, & hoc ipso diuersa, quod
maxima, confundam misceamque, ne tanta quasi
colluuiione turbatus ibi faciam, quod hic debo.
Ideoque interim veniam (ne a forensibus ver-
bis recedam) aduocandi peto. Tu tamen iam¹²
nunc cogita, quae potissimum tempora adgre-
diamur. Vetera & scripta aliis? parata in-
quisitio, sed onerosa collatio; intacta & noua?
graues offendae, leuis gratia. Nam praeter id,¹³
quod in tantis vitiis hominum plura culpan-
da sunt, quam laudanda: tum si laudaueris,
parcus; si culpaueris, nimius fuisse dicaris;
quamuis illud plenissime, hoc restrictissime fe-
ceris. Sed haec me non retardant: est enim¹⁴
mihi pro fide satis animi. Illud peto pra-
struas, ad quod hortaris, eligasque materiam.

ne mihi, iam scribere parato, alia rursus cun-
ctationis & morae iusta ratio nascatur. Vale-

IX.

C. PLINIUS SATVRNINO SVO S.

*Dolet, Valentem grauiter iacere: molestius
fert, Auitum decessisse.*

Varie me adfecerunt litterae tuae: nam par-
tim laeta, partim tristia continebant. Laet-
ta, quod te in vrbe teneri nuntiabant. Nol-
lem, inquis: sed ego volo, propterea, quod
recitaturum statim, ut ego venissem, pollicie-
2 bantur. Ago gratias, quod exspector. Triste
illud, quod Iulius Vaens grauiter iacet; quam-
quam ne hoc quidem triste, si illius vtilita-
tibus aestimetur, cuius interest quam maturis-
3 sime inexplicabili morbo liberari. Illud plane
non triste solum, verum etiam luctuosum,
quod Iulius Auitus decessit, dum ex quaestu-
ra redit: decessit autem in nau, procul a fra-
tre amantissimo, procul a matre, a sororibus.
4 Nihil ista ad mortuum pertinent; sed periu-
nuerunt quum moreretur: pertinent ad hos,
5 qui supersunt. Iam, quod in flore primo tan-
tae indolis iuuenis extinctus est, summa con-
sequuturus, si virtutes eius maturuissent. Quo
ille studiorum amore flagrabat? quantum le-
git? quantum etiam scripsit? quae nunc omnia
• cum ipso sine fructu posteritatis aruerunt. Sed
quid ego indulgeo dolori? cui si frenos re-
mittas, nulla materia non maxima est. Finem
episto-

epistolae faciam, ut facere possim etiam lacry-
mis, qua epistola expressit. Vale.

X.

C. PLINIUS ANTONINO SVO S.

*Versus Antonini laudat, ut sibi inimitabi-
les, & ad plures edendos hortatur.*

Cum verius tuos aemulor, tum maxime quam
sint boni experior. Ut enim pictores p-
lechram abso utamque faciem raro, nisi in peius,
effingunt; ita ego ab hoc archetypo labor &
decido. Quo magis hortor, vt quampluim ²
proferas, quae imitati omnes concupiscant, ne-
mo, aut paucissimi, possint. Vale.

XI.

C. PLINIUS TRANQVILLO SVO S.

*Hortatur ad edenda sua scripta, quia ipse
eorum spem hendecasyllabo fecerat.*

Liberia tandem hendecasyllaborum meorum
fidem qui scripta tua communibus amicis
spoponderunt. Appellantur quotidie & flagi-
tantur: ac iam periculum est, ne cogantur ad
exhibendum formulam accipere. Sum & ipse ²
in edendo haesitator, tu mora tamen meam
quoque cunctationem tarditatemque vicisti.
Proinde aut rumpe iam moras, aut caue, ne
eosdem illos libellos, quos tibi hendecasyllabi
nostris blanditiis elicere non possunt, conuicio
scrazentes extorqueant. Perfectum opus abso- ³
lutumque est; nec iam splendescit lima, sed
atte-

atteritur. Patere, me videre titulum tuum; patere audire, describi, legi, vagenire volumina Tranquilli mei. Aequum est, nos in amorem tam mutuo eandem percipere ex te voluptatem, qua tu perfrueris ex nobis. Vale.

XII.

C. PLINIUS FABATO PROSOCERO
SVO S.

Prosocerum laudat, quod porticum dedicaverit, & in portarum ornatum pecuniam promiserit.

Accepi litteras tuas, ex quibus cognoui speciosissimam te porticum sub tuo filioque tui nomine dedicasse; sequenti die in portarum ornatum pecuniam promisisse, ut initium nouae liberalitatis eslet consummatio prioris.

2 Gaudeo primum tua gloria, cuius ad me pars aliqua pro necessitudine nostra redundat: deinde quod memoriam saceri mei pulcherrimis operibus video proferri: postremo, quod patria nostra florescit: quam mihi a quoconque excoli iucundum, a te vero laetissimum est.

3 Quod superest, Deos precor, ut animum istum tibi, animo isti tempus quam longissimum, tribuant. Nam liquet mihi futurum, ut perfecto, quod proxime promisisti, inchœs aliud. Nescit enim semel incitata liberalitas stare, cuius pulchritudinem vius ipse commendat. Vale.

XIII.

XIII.

C. PLINIUS SCAVRO SVO S.

*Orationem, paucis amicis recitatam, iudicio
Scavi subiicit.*

R^ecitaturus oratiunculam, quam publicare cogito, aduocaui aliquos, vt vererer; paucos, vt verum audirem. Nam mihi duplex ratio recitandi: una, vt sollicitudine incendar; altera, vt admonear, si quid forte me, vt meum, fallar. Tuli, quod petebam: inueni, qui mihi copiam consilii sui facerent. Ipse praeterea quaedam emendanda annotaui. Emedaui librum, quem misi tibi. Materiam ex titulo cognosces, cetera liber explicabit: quem iam nunc oportet ita confuiscere, vt sine præfatione intelligatur. Tu velim, quid de vniuerso, quid de partibus, sentias, scribas mihi. Ero enim vel cautior in continendo, vel constantior in edendo, si huc vel illuc auctoritas tua accesserit. Vale.

XIV.

C. PLINIUS VALERIANO SVO S.

Causa & iudicium Tuscilli, quem exitum habuerit, pernarrat.

E^t tu rogas, & ego promisi, si rogasses, scriptrum me tibi, quem habuisset euentum postulatio Nepotis circa Tusculum Nominatum. Inductus est Nominatus; egit ipse pro se, nullo accusante. Etenim legati Vicentinorum non modo non preserunt eum, verum etiam sub-

le-

2 leuauerunt. Summa defensionis, Non fidem
sibi in aduocatione, sed constantiam desuisse; de-
scendisse vt affurum, atque etiam in curia vi-
sum; deinde sermonibus amicorum perterritum
recessisse; monitum enim, ne desiderio senatoris,
non iam quasi de mundinis, sed quasi de gratia,
fama dignitate certantis, tam pertinaciter, prae-
sertim in senatu, repugnaret; alioqui maiorem
3 inuidiam, quam proxime, passurus. Erat sane
prius, tamen a paucis, acclamatum exeunti.
Inde subiunxit preces multumque lacryma-
rum: quin etiam tota actione, homo in di-
cendo exercitatus, operam dedit, vt deprecari
magis (id enim & fauorabilius & tutius) quam
defendi videretur. Absolutus est sententia
designati consulis Afranii Dextri, cuius haec
4 summa, Melius quidem Nominatum fuisse fa-
et furum, si caussam Vicentinorum eodem animo,
quo suscepserat, pertulisset: quia tamen in hoc ges-
tus culpae non fraude incidisset, nihilque dignum
animaduersione admisisse conuinceretur, liberan-
5 dum: Vicentinis, quod acceperat, redderet. Ad-
sentient omnes, p aeter Flauium Aprum.
Is interd cendum ei aduocationibus in quinquen-
nium censuit: & quamvis neminem auctoritate
traxisset, constanter in sententia mansit: quin
etiam Dextrum, qui primus diuersum cen-
suerat, prolata lige de senatu habendo, iurare
6 coegit, & republica esse, quod censuisset. Cui,
quamquam legitimae postulationi, a quibusdama
reclamatum est. Exprobrare enim censenti

ambitionem videbatur. Sed priusquam senten-
tiae dicerentur, Nigrinus, tribunus plebis, re-
citauit libellum disertum & grauem, quo que-
stus est *Vaenire aduocationes, vaenire etiam pras-*
varicationes; in lites coiri: & gloriae loco ponit
ex spoliis ciuium magnos & statos redditus Re- 7
citauit capita legum, admonuit SCtorum: in
fine dixit, *Petendum ab optimo principe, ut, quia*
leges, quia senatus consulta contemnerentur, ipse
tantis vitiis mederetur. Pauci dies, & liber 8
principis seuerus, & tamen moderatus. leges
ipsum; est in publicis actis. Quam me iuuat,
quod in cauiss agendis non modo pactione,
dono, munere, verum etiam xeniis semper ab-
stinui! OPORTE*T* quidem, quae sunt inho-
nesta, non quasi illicita, sed quasi pudenda, vi-
tare: iucundum tamen, si prohiberi publice
videas, quod nunquam tibi ipse permiseris.
Erit fortasse, immo non dubie, huius propo- 10
siti mei & minor laus; & obscurior fama,
quum omnes ex necessitate facient, quod ego
sponte faciebam. Interim fruor voluptate,
quum alii diuinum me, alii meis rapinis, meae
auaritiae occursum per ludum ac iocum dicti-
tant. Vale.

XV.

C. PLINIVS PONTIO SVO S.

*Cornutum curatorem viae fadum esse, vel
ideo laetatur, quia tum amicitia semper, tum
collegio non semel coniuncti fuerint. Addit de
suis in villa hospitibus.*

Secesseram in municipium, quum mihi nun-
tiatum est, Cornutum Tertullum accepisse
2 Aemiliae viae curam. Exprimere non possum,
quanto sim gaudio affectus & ipsius & meo
nomine. Ipsius, quod sit licet, sicut est, ab
omni ambitione longe remotus, debeat tamen
ei iucundus esse honor vltro datus; meo, quod
aliquanto magis me delectat mandatum mihi
officium, postquam par Cornuto datum video.
3 Neque enim augeri dignitate, quam aequari
bonis, gratius. Cornuto autem quid melius?
quid sanctius? quid in omni genere laudis ad
exemplar antiquitatis expressius? Quod mihi
cognitum est non fama, qua alioqui optima &
meritissima fruitur, sed longis magnisque ex-
4 perimentis. **Vna** diligimus, **vna** dileximus
omnes fere, quos aetas nostra in vtroque sexu
aemulandos tulit: quae societas amicitiarum
5 arctissima nos familiaritate coniunxit. Accessit
vinculum necessitudinis publicae. Idem enim
mihi, vt scis, collega, quasi voto petitus, in
praefectura aerarii fuit: fuit & in consulatu-
tum ego, qui vir, & quantus esset, altissime
inspxi, quum sequerer vt magistrum, vt pa-
rentem vererer: quod non tam aetatis matu-
ritate,

titate, quam vitae, merebatur. His ex caussis **6**
 vt illi, sic mihi gratulor: nec priuatim magis,
 quam publice, quod tandem homines non ad
 pericula, vt prius, verum ad honores virtute
 perueniunt. In infinitum epistolam extendam, **7**
 si gaudio meo indulgeam. Praeuertor ad ea,
 quae me, agentem hic, nuntius deprehendit.
8
 Eram cum protoscero meo, eram cum amita
 uxoris, eram cum amicis diu desideratis; cir-
 cumibam agellos; audiebam multum rusticarum
 querelarum: rationes legebam inuitus & cursimi
 (aliis enim chartis, aliis sum litteris initiatus)
 cooperam etiam itineri me praeparare. Nam **9**
 includor angustiis commissatus, eoque ipso, quod
 delegatum Cornuto audio officium, mei admo-
 neor. Cupio te quoque sub idem tempus Cam-
 pania tua remittat, ne quis, quem in urbem
 rediero, contubernio nostro dies pereat. Vale.

XVI.

C. PLINIUS MARCELLINO SVO S.

*Mortem Fundani filiae luget, & Marcelli-
 num, ut patrem consoletur, monet.*

Tristissimus haec tibi scribo. Fundani no-
 stri filia minor est defuncta: qua puer-
 a nihil unquam festiuus, amabilis, nec modo
 longiore vita, sed prope immortalitate, dignius
 vidi. Nondum annos quatuordecim impleue-
 rat, & iam illi anilis prudentia, matronalis gra-
 vitas erat: & tamen suauitas puellaris cum vir-
 ginali verecundia. Ut illa patris certicibus in-
 haere-

haerebat! vt nos amicos paternos & amanter
& modeste complectebatur! vt nutrices, vt
paedagogos, vt praecceptores, pro suo quemque
officio, diligebat! quam studiose, quam intel-
ligenter lectitabat! vt parce custoditeque lu-
debat! qua illa temperantia, qua patientia,
qua etiam constantia nouissimam valetudinem
4 tulit! medicis obsequebatur, sororem, patrem
adhortabatur, ipsamque se desitutam corporis
5 sui viribus, vigore animi sustinebat. Durauit
hic illi vsque ad extremum, nec aut spatio
valetudinis, aut metu mortis infractus est; quo
plures grauioresque nobis caussas relinquet
6 & desiderii & doloris. O triste plane acer-
bumque funus! o morte ipsa mortis tempus
indignius! Iam destinata erat egregio iuueni,
iam electus nuptiarum dies, iam nos vocati.
7 Quod gaudium quo moerore mutatum est?
Non possum exprimere verbis, quantum ani-
mo vulnus acceperim, quum audiui, Funda-
num ipsum (vt multa luctuosa dolor inuenit)
praecipientem, quod in uestes, margaritas, gem-
mas, fuerat erogaturus, hoc in thura & vn-
guenta & odores impenderetur. Est quidem
ille eruditus & sapiens, vt qui se ab ineunte
aetate altioribus studiis artibusque dediderit:
sed nunc omnia, quae audiit saepe, quae dixit,
aspernatur; expulsisque virtutibus aliis, pietat-
9 tis est totus. Ignoscet, laudabis etiam, si co-
gitaueris, quid amiserit. Amisit enim filiam,
quae non minus mores eius, quam os vultum-
que

que referebat, totumque patrem mira similitudine extripserat. Proinde si quas ad eum de dolore tam iusto litteras mittes, memento adhibere solatum, non quasi castigatorium & nimis forte, sed molle & humanum. Quod ut facilius admittat, multum faciet medii temporis spatium. VT enim crudum adhuc vulnus medentium manus reformidat, deinde patitur, atque vltro requirit; sic recens animi dolor consolationes roricit ac refugit, mox desiderat, & clementer admotis acquiescit. Vale.

XVII.

C. PLINIVS SPVRINNAE SVO S.

Calpurnium bene recitasse nuntiat, fratribus que pietate laudata, nobiles adolescentes hortatur.
Scio, quantopere bonis artibus faueas, quantum gaudii capias, si nobiles iuuenes dignum aliquid maioribus suis faciant: quo festinantius nuntio tibi, fuisse me hodie in auditorio Calpurnii Pisonis. Recitabat *κατασεριφων*; eruditam sane luculentamque materiam. Scripta elegis erat fluentibus, & teneris, & enodibus, sublimibus etiam ut poposcit locus. Alte enim & varie nunc attollebatur, nunc residebat: excelsa depressis, exilia plenis, seueris iucunda mutabat; omnia ingenio pari. Commendabat haec voce suauissima, vocem verecundia. multum sanguinis, multum solicitudinis in ore, magna ornamenta recitantis. Etenim, nescio quo pacto, MAGIS in studiis homines timor,

4 quam fiducia decet. Ne plura: (quamquam
 libet plura, quo sunt pulchriora de iuuene,
 riora de nobili,) recitatione finita, multum
 ac diu exosculatus adolescentem, qui est acer-
 rimus stimulus stimulandi, laudibus incitauit, Per-
 geret qua coepisset, lumenque, quod sibi maiores
 5 sui praetulissent, posteris ipse praeficeret. Gra-
 tulatorum sum optimae matri, gratulator & fra-
 tri, qui ex auditorio illo non minorem pie-
 tatis gloriam, quam ille alter eloquentiae tu-
 lit. Tam notabiliter pro fratre recitante pri-
 6 mum metus eius, mox gaudium eminuit. Dii
 faciant, ut talia tibi saepius nuntiem! Fauo
 enim seculo, ne sit sterile & effoetum: mire-
 que cupio, ne nobiles nostri nihil in domibus
 suis pulchrum, nisi imagines habeant: quae
 nunc mihi hos adolescentes tacite laudare, ad-
 hortari, &, quod amborum gloriae satis ma-
 gnun est, agnoscere videntur. Vale.

XVIII.

C. PLINIUS MACRO SVO S.

Secessus amoenitatem ei gratulatur.

Bene est mihi, quia tibi bene est. Habes
 uxorem tecum, habes filium. Frueris ma-
 ri, fontibus, viridibus, agro, villa amoenissima.
 Neque enim dubito esse amoenissimam, in qua
 se composuerat homo, felicior antequam feli-
 cissimus fieret. Ego in Tuscis & venor & stu-
 deo, quae interdum alternis, & interdum simul
 facio: nec tamen adhuc possum prenuntiare,
vtrum

vtrum sit difficilis capere aliquid, an scribe-
re. Vale.

XIX.

C. PLINIUS PAVLLINO SVO S.

*Rogat, vt Paullinus villam suam Zosimo
liberto commodet valetudinis recuperandae caussa.*

Video, quam molliter tuos habeas: quo sim-
plicius tibi confitebor, qua indulgentia
meos tractem. **E**st mihi semper in animo & 2
Homericum illud, πατήσ δ' ὡς ηπιος ἦν, &
hoc nostrum, PATER FAMILIAS. Quod
si essem natura asperior & durior, frangeret
me tamen infirmitas liberti mei Zosimi, cui
tanto maior humanitas exhibenda est, quanto
nunc illa magis eget. **E**st homo probus, offi-
ciosus, litteratus, & ars quidem eius, & quasi
inscriptio, comoedus, in qua plurimum facit.
Nam pronuntiat acriter, sapienter, apte, de-
center etiam; vtitur & cithara perite, vltra
quam comoedo necesse est. Idem tam commo-
de orationes & historias & carmina legit, vt
hoc solum didicisse videatur. **H**aec tibi sedu-
lo exposui, quo magis scires, quam multa unus
mihi & quam iucunda ministeria praestaret.
Accedit huc longa iam caritas hominis, quam
ipsa pericula auxerunt. **E**st enim a natura 5
comparatum, vt nihil aequem amorem incitet &
accendat, quam carendi metus, quem ego pro-
hoc non semel patior. Nam ante aliquot an-
nos, dum intente instanterque pronuntiat, san-
guinem reiecit, atque ob hoc in Aegyptum
mis-

missus a me, post longam peregrinationem confirmatus rediit nuper: deinde dum per continuos dies nimis imperat voci, veteris infirmitatis tussicula admonitus, rursus sanguinem reddidit. Qa ex causa destinaui eum mittere in praedia tua, quae Foroiulii possides. Audui enim te saepe referentem, esse ibi & aërem salubrem, & lac huiusmodi curationibus accommodatissimum. Rogo ergo, scribas tuis, ut illi villa, ut domus pateat; offerant etiam sumtibus eius, si quid opus erit: erit autem opus modico. est enim tam parcus & continens, ut non solum delicias, verum etiam necessitates valetudinis frugalitate restringat. Ego proficisciendi tantum viatici dabo, quantum sufficit eungi in tua. Vale.

XX.

C. PLINIVS VRSO SVO S.

Varenum, a Bithynis ex proconsulatu accusatum, defendit.

Iterum Bithyni, post breve tempus a Iulio Basso, etiam Rufum Varenum proconsulem detulerunt: Varenum, quem nuper aduersus Bassum aduocatum & postularant & acceperant. Inducti in senatum, inquisitionem postulauerunt: tum Varenus petiit, ut sibi quoque defensionis caufsa euocare testes liceret: recusantibus Bithynis, cognitio suscepta est. Egi ego pro Vareno, non sine euentu: nam bene an male, liber indicabit. In actionibus enim utramque in partem fortuna dominatur: multum

com-

commendationis & detrahit & adfert memoria,
 vox, gestus, tempus ipsum; postremo vel amor
 vel odium rei: liber offensis, liber gratia, li-
 ber & secundis casibus, & aduersis caret. Re- 4
 spondit mihi Ponteius Magius, vnu ex Bithy-
 nis, plurimis verbis, paucissimis rebus. Mos
 est plerisque Graecorum, vt illis sit pro copia
 volubilitas: tam longas tamque rigidas perio-
 dos uno spiritu, quasi torrente, contorquent.
 Itaque Iulius Candidus non inuenuste solet di- 5
 cere, aliud esse eloquentiam, aliud loquentiam.
 Nam eloquentia vix vni aut alteri, immo, si
 Marco Antonio credimus, nemini; haec vero,
 quam Candidus *loquentiam* appellat, multis, at-
 que etiam impudentissimo cuique maxime con-
 tingit. Postero die dixit pro Vareno Homul- 6
 lus callide, acriter, culte; contra Nigrinus pres-
 se, grauiter, ornate. Censuit Acilius Rufus,
 consul designatus, inquisitionem Bithynis dan-
 dam: postulationem Vareni silentio praeteriit.
 Haec forma negandi fuit. Cornelius Priscus 7
 consularis & accusatoribus, quae petebant, &
 reo tribuit, vicitque numero. Impetrauimus
 rem nec lege comprehensam, nec satis visitatam,
 iustam tamen. Quare iustum, non sum epi- 8
 stola exsequuturus, vt desideros actionem. Nam
 si verum est Homericum illud.

Τὴν γὰρ ἀστιθήνη μᾶλλον ἐπικέισθαι ἀνθρώποις, ε
 Ή περ απόστρεσσιν νεωτάτην αὐμφιπέληταν,
 apud te prouidendum est mihi, ne gratiam
 nouitatis & florem, quae oratiunculam meam

vel maxime commendat, epistolae loquacitate
praecerpam. Vale.

XXI.

C. PLINIUS RVFO SVO S.

*Centumuirale iudicium, edicto praetoris
proposito, dimissum dilatumque, & variis homi-
num de eo sermones.*

Descenderam in basilicam Iuliam, auditurus,
quibus proxima comperendinatione respon-
dere debebam. Sedebant iudices, decemuiri
venerant, obseruabantur aduocati; silentium
longum, tandem a praetore nuntius. Dimit-
tuntur centumuiri: eximitur dies, me gau-
dente, qui nunquam ita paratus sum, ut non
mora laeter. Caussa dilationis, Nepos praetor,
qui legibus quaerit. Proposuerat breve
edictum; admonebat accusatores, admonebat
reos, exsequuturum se, quae senatusconsulto
continerentur. Suberat edicto senatusconsul-
tum: Hoc, OMNES, QVIDQVID NEGOC-
TII HABERENT, IVRA PRIVS QVAM
AGERENT, iubebantur, NIHIL SE OB
ADVOCATIONEM CVIQVAM DEDIS-
SE, PROMISSE, CAVISSE. His enim ver-
bis, ac mille praeterea, & vaenire aduocationes &
emi vetabantur. Peractis tamen negotiis, permit-
tebantur pecuniam duntaxat decem millium dare,
Hoc facto Nepotis commotus praetor, qui cen-
tumuiralibus praesidet, deliberaturus an sequere-
tur exemplum inopinatum, nobis otium dedit.
6 Interim tota ciuitate Nepotis edictum carpitur.

lau-

laudatur. Multi, inuenimus, qui curua corri-
geret. Quid? ante hunc praetores non fuerunt?
quis autem hic est, qui emendet publicos mores?
Alii contra, *Rectissime* fecit initurus magistra-
tum: iura cognouit: senatus consulta legit: re-
primit nouissimas passiones: rem pulcherrimam
turpissime vaenire non patitur. Tales ubique ser-
mones: qui tamen alterutram in partem ex-
cuentu praeualebunt. Est omnino iniquum,
sed vsu receptum, quod HONESTA consilia
vel turpia, prout male aut prospere cedunt,
ita vel probantur vel reprehenduntur. Inde
plerumque eadem facta modo diligentiae, mo-
do vanitatis, modo libertatis, modo furoris
nomen accipiunt. Vale.

LIBER VI.

I.

C. PLINIUS TIRONI SVO S.

*Tironem hortatur, ut ex Piceno in urbem
redeat, quia impatienter desideretur.*

Quamdiu ego trans Padum, tu in Piceno,
minus te requirebam; postquam ego in
vrbe, tu adhuc in Piceno, multo magis: seu
quod ipsa loca, in quibus esse vna solemus,
acrius me tui commonent: seu quod deside-
rium absentium nihil perinde ac vicinitas acuit:
quoque proprius accesseris ad spem fruendi, hoc
impatientius careas. Quidquid in causa, cripe 2

me huic tormento. Veni, aut ego illuc, unde inconsulte properau, reuertar, vel ob hoc solum, ut experiar an mihi, quum sine me Romae cooperis esse, similes his epistolas mittas. Vale.

II.

C. PLINIUS ARRIANO SVO S.

De increbescente breuitate forensum astionum, qua studia negligentur, conqueritur ita, ut Regulum quadam ratione desideret.

Soleo nonnunquam in iudiciis quaerere Mar-
cum Regulum; nolo enim dicere, deside-
2 rare. Cur ergo quaero? Habebat studiis ho-
norem, timebat, pallebat, scribebat: quamuis
non posset dedisce illud ipsum, quod oculum modo dextrum, modo sinistrum circum-
linebat; dextrum, si a petitore; alterum, si a
possessore esset acturus: quod candidum sple-
nium in hoc aut illud supercilium transfere-
bat: quod semper aruspices consulebat de
actionis euentu, anili superstitione, sed tamen
3 a magno studiorum honore veniebat. Iam illa
perquam iucunda vna dicentibus, quod libera
tempora petebat, quod audituros conrogabat.
Quid enim iucundius, quam sub alterius in-
vidia, quamdiu velis, & in alieno auditorio
4 quasi deprehensum commode dicere? Sed ut-
cunque se habent ista, bene fecit Regulus, quod
est mortuus; melius, si ante. Nunc enim sanc-
poterat sine malo publico viuere sub eo prin-
cipe, sub quo nocere non poterat. Ideo fas
est,

et, non nunquam cum quaerere. Nam post- 5
quam obiit ille, increbuit passim & inualuit
confuetudo, binas vel singulas clepsydras, in-
terdum & dimidias, & dandi & petndi. Nam
et qui dicunt, egisse malunt quam agere; &
qui audiunt, finire quam iudicare. Tanta ne-
gligentia, tanta desidia, tanta denique irrecue-
rentia studiorum periculorumque est. An nos 6
sapientiores maioribus nostris? nos legibus ipsis
iustiores, quae tot horas, tot dies, tot com-
perendinationes largiuntur? hebetes illi & su-
pra modum tardi? Nos apertius dicimus, ce-
lerius intelligimus, religiosius iudicamus, qui
paucioribus clepsydris praecipitamus caussas,
quam diebus explicari solebant? O Regule, 7
qui ambitione ab omnibus obtinebas, quod
fidei paucissimi praestant! Evidem quoties iu-
dico, quod saepius facio quam dico, quantum
quis plurimum postulat, aquae do. Etenim 8
temerarium existimo, diuinare quam spatiose
sit caussa inaudita, tempusque negotio finire,
cuius modum ignores: praelertim quum pri-
mam religioni suae iudex patientiam debeat,
quae pars magna iustitiae est. At quaedam
superuacua dicuntur? etiam; sed satius est &
haec dici, quam non dici necessaria. Praeterea, 9
an fint superuacua, nisi quum audieris, scire
non possis. Sed de his melius coram, vt de
pluribus vitiis ciuitatis. Nam tu quoque in
more communi soles emendari cupere, quae
iam corrigere difficile est. Nunc respiciamus
domos

domos nostras. Ecquid omnia in tua recte? in mea noui nihil. Mihi autem & gratiore sunt bona, quod perseverant; & leuiora in commoda, quod adiueui. Vale.

III.

C. PLINIUS VERO SVO S.

Vero agellum, nutrīci dono datum, colendum commendat.

Gratias ago, quod agellum, quem nutrīci meae donaueram, colendum suscepisti, Erat, quum donarem, centum millium nummum: postea, decrescente reditu, etiam pretium minuit, quod nunc te curante reparabit.

2 Tu modo memineris, commendari tibi a me non arbores & terram (quamquam haec quoque) sed munusculum meum; quod esse quam fructuosissimum non illius magis interest, quae accepit, quam mea, qui dedi. Vale.

IV.

C. PLINIUS CALPVRNIAE SVAE S.

Queritur, sibi non licuisse per occupationes, eum uxore in Campaniam secedere, indeque ut saepe litteras mittat, monet.

Nunquam sum magis de occupationibus meis questus; quae me non sunt passae aut proficiscentem te, valetudinis caussa, in Campaniam prosequi, aut profectam e vestigio subsequi. Nunc enim praecipue simul esse cupiebam, ut oculis meis crederem, quid viribus, quid corpusculo adquireres, & qui denique secessus, voluptates, regionisque abundantiam

etiam inoffensa transmitteres. Evidem etiam 3
fortem te non sine cura desiderarem. Est enim
suspensum & anxium de eo, quem ardentissime
diligas, interdum nihil scire. Nunc vero me 4
cum absentiae, tum infirmitatis tuae ratio, in-
certa & varia solicitudine exterret. Vereor
omnia, imaginor omnia, quaeque natura me-
tuentium est, ea maxime mihi, quae maxime
abominor, fingo. Quo impensis togo, ut ti- 5
mori meo quotidie singulis, vel etiam binis
epistolis consulas. Ero enim securior, dum le-
gam; statimque timebo, quam legero. Vale,

V.

C. PLINIUS VRSO SVO S.

*Licinium Nepotem & Iubentium Celsum in
causa Varenii inter se de legis additamento, quo
Nepos suaserat, altercatos fuisse, non sine dolore
referat.*

Scripsoram tenuisse Varentum, ut sibi euocare
testes liceret: quod pluribus aequum, qui-
busdam iniquum, & quidem pertinaciter, vi-
sum; maxime Licinio Nepoti, qui sequenti se-
natu, quum de rebus aliis referretur, de pro-
ximo senatusconsulto differuit, finitamque cau-
sam retractauit. Addidit etiam, petendum a 2
consulibus, ut referrent, sub exemplo legis am-
bitus, de lege repetundaram, an placeret in
futurum ad eam legem adiici, ut, sicut accusa-
toribus inquirendi testibusque denuntiandi po-
testas ex ea lege esset, ita reis quoque fieret.
Facruunt, quibus haec eius oratio, ut sera & 3
intem-

intempeſtua & praeponſera, diſpliceret: quae omissa contradicendi tempore caſtigaret peractum, cui potuſſet occurrere. Iubentius qui-
 4 dem Celsus praetor, tanquam emendatorem fe-
 natus, & multis & vehementer increpuit. Re-
 ſpondit Nepos, rurſusque Celsus: neuer con-
 5 tumeliſis temperauit. Nolo referre, quae dici
 ab iſpis moleſte tuli: quo magis quosdam e
 numero noſtro improbaui, qui modo ad Cel-
 sum, modo ad Nepotem, prout hic vel ille
 diceret, cupiditate audiendi curſitabant; & nunc
 quaſi ſtimularent & accenderent, nunc, quaſi
 reconciliarent componerentque, frequentius ſin-
 gulis, ambobus interdum, propitiū Caſarem,
 6 vt in ludicro aliquo, precarentur. Mihi qui-
 dem illud etiam peracerbum fuit, quod ſunt
 alter alteri, quid pararent, indicati. Nam &
 Celsus Nepoti ex libello respondit, & Celsus
 7 Nepos ex pugillaribus. Tanta loquacitas ami-
 corum fuit, vt homines iurgaturi id ipsuna
 inuicem ſcirent, tanquam conueniſſent. Vale.

VI.

C. PLINIUS FVNDANO SVO S.

Rogat Fundanum, ut ſe, pro Iulio Naſo-
ne petiturum, adiuuet.

Si quando, nunc praecipue cuperem eſſe te
 Romae, & ſis, rogo. Opus eſt mihi voti,
 laboris, ſollicitudinis ſocio. Petit honores Iu-
 lius Naſo: petit cum multis, cum bonis; quos
 8 vt glorioſum, ſic eſt difficile ſuperare. Pen-
 deo, ergo, & exerceor ſpe, atque adſicioꝝ me-
 tu,

tu, & me consularem esse non sentio. Nam rursus mihi video omnium, quae decucurri, candidatus. Meretur hanc curam longa mei 3 caritate. Est mihi cum illo non sane paterna amicitia; neque enim potuit esse per meam aetatem: solebat tamen vixdum adolescentulo mihi pater eius cum magna laude monstrari. Erat non studiorum tantum, verum etiam studiosorum amantissimus: ac prope quotidie ad audiendos, quos tunc ego frequentabam, Quintilianum & Niceten Sacerdotem ventitabat: vir alioqui clarus & grauis, & qui prodesse filio memoria sui debeat. Sed multi nunc in 4 senatu, quibus ignotus ille, multi, quibus notus, sed non nisi viuentes reverentur; quo magis huic, omissa gloria patris, in qua magnum ornamentum, gratia infirma, ipsi enitendum & laborandum est. Quod quidem semper, quasi 5 prouideret hoc tempus, sedulo fecit; parauit amicos, quos parauerat, coluit: me certe, ut primum sibi iudicare permisit, ad amorem imitationemque de legit. Dicenti mihi sollicite ad- 6 sistit, adsidet recitanti; primus etiam & cum maxime nascentibus opusculis meis interest, nunc solus, ante cum fratre, cuius nuper amissi ego suscipere partes, ego vicem de beo implere. Doleo enim & illum immatura morte indi- 7 gnissime raptum, & hunc optimi fratris adiu- mento destitutum, solisque amicis relictum. Quibus ex causis exigo, ut venias, & suffra- 8 gio meo tuum iungas. Permulfum interest
inca,

mea, te ostentare, tecum circuire. Ea est auctoritas tua, ut putem, me efficacius tecum etiam meos amicos rogaturum. Abrumpe, si qua te retinent. hoc tempus meum, hoc fides, hoc etiam dignitas postulat. Suscepi candidatum, & suscepisse me notum est: ego ambio, ego periclitior. In summa, si datur Nasoni quod petit, illius honor; si negatur, mea repulsa est. Vale.

VII.

C. PLINIUS CALPVRNIAE SVAE S.

Se non minori desiderio illius teneri, quam illam fui.

Scribis, te absentia mea non mediocriter adfici, vnuinque habere solatium, quod pro me libellos meos teneas, saepe etiam in vestigio meo colloces. Gratum est, quod nos requiris, quod his fomentis adquiescis: inueni ego epistolas tuas lectito, atque idem in manus quasi novas sumo; sed eo magis ad desiderium tui accendor. Nam cuius litterae tantum habent suavitatis, huius sermonibus quantum dulcedinis inest! Tu tamen frequentissime scribe, licet hoc ita me delectet, ut torqueat. Vale.

VIII.

VIII.

C. PLINIUS PRISCO SVO S.

*Attilium in causa pecuniaria commendat
tum ab amicitia, quam secum colat; tum a pro-
pria virtute, adsperso metu vindicandi damni,
quia facetissimus sit.*

Attilium Crescentem & nosti & amas. Quis enim illum spectatior paullo aut non no-
vit, aut non amat? Hunc ego non ut multi,
sed arctissime diligo. Oppida nostra vnius diei 2
itinere dirimuntur: ipsi amare inuicem, qui
est flagrantissimus amor, adolescentuli coepimus.
Mansit hic postea, nec refrixit iudicio, sed in-
valuit. Sciunt, qui alterutrum nostrum fami-
liarius intuentur. Nam & ille amicitiam meam
latissima praedicatione circumfert & ego prae-
me fero, quam sit mihi curae modestia, quies,
securitas eius. Quin etiam quum insolentiam 3
cuiusdam tribunatum plebis inituri vereretur,
idque indicasset mihi, respondi:

Oὐ τις ἐμεῦ ζώντος καὶ ἐπὶ χρόνῳ δεκαμένοιο,
Σοὶ νολαγεὶ πάροι γῆνοι βασιλεῖς χεῖρας ἐποίει.
Quorsum haec? Ut scias non posse Attilium, 4
me incolumi, iniuriam accipere. Iterum dices,
Quorsum haec? Debuit ei pectuniam Valerius
Varus: huius est heres Maximus noster, quem
& ipse amo, sed coniunctius tu. Rogo ergo, s
exigo etiam pro iure amicitiae, cures, ut At-
tilio meo salua sit non sors modo, sed etiam
vsura plurium annorum. Homo est alieni
abstinentissimus, sui diligens: nullis quaestibus

N

susti-

sustinetur, nullus illi, nisi ex frugalitate reditus. Nam studia, quibus plurimum praestat, ad voluptatem tantum & gloriam exercet. Grauis est ei vel minima iactura, quia reparare, quod amiseris, grauius est. Exime hunc illi, exime hunc mihi scrupulum: sine mesuauitate eius, sine leporibus perfrui. Neque enim possum tristem videre, cuius hilaritas me 7 tristem esse non patitur. In summa, nosti facetas hominis, quas velim attendas, ne in billem & amaritudinem vertat iniuria. Quam vim habeat offensus, crede ei, quam in amore habet. Non feret magnum & liberum ingenium cum contumelia damnum. Verum ut ferat ille, ego meum damnum, meam contumeliam vindicabo: sed non tanquam pro mea, hoc est, grauius irascar. Quamquam quid denunciationibus & quasi minis ago? Quin potius, ut cooperam, rogo, oro, des operam, ne ille se quod validissime vereor, a me, ego me neglectum a te putem. Dabis autem, si hoc perinde curae est tibi, quam illud mihi. Vale.

IX.

C. PLINIUS TACITO SVO S.

Respondet Nasonem commendanti.

Commendas mihi Iulium Nasonem candidatum. Nasonem mihi? quid si me ipsum? Fero tamen & ignasco. Eundem enim commendasssem tibi, si, te Romae morante, ipse abfuissem. Habet hoc solicitude, quod omnia necer-

necessaria putat. Tu tamen, censeo, alios roges; ego precum tuarum minister, adiutor, particeps ero. Vale.

X.

C. PLINIUS ALBINO SVO S.

Conqueritur, Verginio Rufo post decimum mortis annum nondum absolutum sepulcrum.

Quum venissem in socrus meae villam Al-
siensem, quae aliquando Rufi Verginii
fuit, ipse mihi locus optimi illius & maximi
viri desiderium non sine dolore renouauit.
Hunc enim incolere secessum, atque etiam se-
nectutis suae nidulum vocare consueuerat. Quo-
cunque me contulisset, illum animus, illum
oculi requirebant. Libuit etiam monimentum
eius videre, & vidisse poenituit. Est enim
adhuc imperfectum: nec difficultas operis in
caussa, modici, ac potius exigui; sed inertia
eius, cui cura mandata est. Subit indignatio
cum miseratione, post decimum mortis annum
reliquias, neglectumque cinerem, sine titulo,
sine nomine iacere, cuius memoria orbem ter-
rarum gloria peruagetur. At ille mandauerat
caueratque, ut diuinum illud & immortale
factum versibus inscriberetur,

HIC SITVS EST RVFVS, PVLSO
QVI VINDICE QVONDAM,
IMPERIVM ADSERVIT NON SIBI,
SED PATRIAEC.

Tam rara in amicitiis fides, tam parata obli-
vio mortuorum, vt ipsi nobis debeamus etiam

conditoria extruere, omniaque heredum officia prae sumere. Nam cui non est verendum, quod videmus accidisse Verginio? cuius iniuriam ut indignorem, sic etiam notiorum ipsius claritas facit. Vale.

XI.

C. PLINIUS MAXIMO SVO S.

Laetatur, nobiles adolescentes ad sui imitationem egisse, & nomen ac famam ex studiis petere.

O diem laetum! adhibitus in consilium praefecto vrbis, audiui ex diuerso agentes summae spei, summae indolis iuuenes duos, Fuscum Salinatorem & Numidium Quadratum, egregium par, nec modo temporibus nostris,
2 sed litteris ipsis ornamento futurum. Miravtrique probitas, constantia salua, decortus habitus, os planum, vox virilis, tenax memoria, magnum ingenium, iudicium aequale: quae singula mihi voluptati fuerunt: atque inter haec illud, quod & ipsi me, ut rectorem, ut magistrum intuebantur, & iis, qui audiebant, me aemulari, meis instare vestigiis videbantur.
3 O diem (repetam enim) laetum, notandumque mihi candidissimo calculo! Quod enim aut publice laetius quam clarissimos iuuenes nomen & famam ex studiis petere, aut mihi optatius, quam me ad recta tendentibus quasi exemplar 4 esse propositum? Quod gaudium ut perpetuo capiam, deos oro: ab iisdem, teste te, peto, ut omnes,

omnes, qui me imitari tanti putabunt, meliores esse, quam me velint. Vale.

XII.

C. PLINIUS FABATO PROSOCERO
SVO S.

Respondet, commendaticiae, & alteri castigatoriae epistolae, huic quidem immeritae.

Tu vero non debe; suspensa manu commenda-
re mihi, quos tuendos putas. Nam &
decet multis prodesse, & me suscipere quic-
quid ad curam tuam pertinet. Itaque Vettio 2
Prisco, quantum plurimum potuero, praestabo,
praesertim in arena mea, hoc est, apud cen-
tumuiros. Epistolarum, quas mihi, vt ait, aper-
to pectore scripsisti, obliuisci me iubes: at ego 3
nullarum libentius memini. ex illis enim vel
praecipue sentio, quantopere me diligas, cum
sic exegeris mecum, vt solebas cum tuo filio.
Nec dissimulo, hoc mihi iucundiores eas fuisse, 4
quod habebam bonam caussam, quum summo
studio curassem, quod tu curari volebas. Proin-
de etiam atque etiam rogo, vt mihi semper
admodum simplicitate, quoties cessare videbor
(nunquam enim cessabo) conuicium facias:
quod & ego intelligam a summo amore pro-
ficiisci, & tu non meruisse me gaudeas. Vale.

XIII.

C. PLINIUS VRSO S.

Cauſam Bithynorum aduersus Varenū, narrare pergit.

Vnquamne vidisti quemquam tam laboriosum & exercitum, quam Varenū meum? cui, quod summa contentione impetrauerat, defendendum & quasi rurſus petendum fuit.

2 Bithyni senatusconsultum apud consules carpere & labefactare sunt ausi, atque etiam absenti principi criminari: ab illo ad senatum remissi, non destiterunt. Egit Claudius Capito irreuerenter magis quam constanter, ut qui ipsum senatu consultum apud senatum accusaret. Respondit Fronto Catius grauiter & firme. Senatus ipſe mirificus. Nam illi quoque, qui prius negarant Vareno, quae petebat, eadem danda, postquam erant data; censuerunt. Singulos enim, integra re, diffentire fas esse; peracta, quod pluribus placuisse, cunctis tuendum. Acilius tantum Rufus, & cum eo septem an octo? (septem immo) in priori sententia perseuerarunt. Erant in hac paucitate nonnulli, quorum temporaria grauitas, 6 vel potius grauitatis imitatio, ridebatur. Tamen aestima, quantum non in ipsa pugna certaminis maneat, cuius quasi praelusio atque praecursio has contentiones excitauit. Vale.

XIV.

XIV.

C. PLINIUS MAVRICO SVO S.

Aduentum in villam Maurici promittit sub conditione.

Sollicitas me in Formianum. Veniam ea conditio ne, ne quid contra commodum tuum facias: qua pactione inuicem mihi caueo. Neque enim mare & litus, sed te, otium, libertatem sequor: alioqui satius est in vrbe remanere. Oportet enim omnia aut ad alienum arbitrium, aut ad suum facere: mei certe stomachi haec natura est, vt nihil nisi totum & merum velit. Vale.

XV.

C. PLINIUS ROMANO SVO S.

Passieni exemplo, ab Iauoleno interpellati, monet, recitaturis sanae mentis auditores adhibendos esse.

Mirificae rei non interfueristi: ne ego quidem: sed me recens fabula exceperit. Passienus Paullus, splendidus eques Romanus, & in primis eruditus, scribit elegos. Gentilitium hoc illi: est enim municeps Propertii, atque etiam inter maiores suos Propertium numerat. Is quum recitaret, ita coepit dicere, *Prifice iubes?* Ad hoc Iauolenus Priscus (aderat enim, vt Paullo amicissimus) *ego vero non iubeo.* Cogita, qui risus hominum, qui ioci. Est omnino Priscus dubiae sanitatis: interest tamen officiis, adhibetur consiliis, atque etiam ius civile publice respondet: quo magis, quod tunc fecit,

4 fecit, & ridiculum & notabile fuit. Interim Paullo aliena deliratio aliquantum frigoris attulit. Tam solicite recitaturis prouidendum est, non solum ut sint ipsi sani, verum etiam ut sanos adhibeant. Vale.

XVI.

C. PLINIUS TACITO SVO S.

Auunculi exitum Tacito, historiam scripturam, rogatus narrat.

Petis, ut tibi auunculi mei exitum scribam, quo verius tradere posteris possis. Gratias ago. Nam video, morti eius, si celebretur a te immortalem gloriam esse propositam. 2 Quamuis enim pulcherrimarum clade terrarum, ut populi, ut urbes, memorabili casu, quasi semper victurus, occiderit; quamvis ipse plurima opera & mansura considerit; multum tamen perpetuitati eius scriptorum tuorum aeternitas addet. Evidem beatos puto, quibus deorum munere datum est aut facere scribenda, aut scribere legenda; beatissimos vero, quibus utrumque. Horum in numero avunculus meus & suis libris & tuis erit. Quo libentius suscipio, deposito etiam, quod inungis. Erat Miseni, classemque imperio praesens regebat. Nonum Kalend. Septembres, hora fere septima, mater mea indicat ei, apparere nubem inusitata & magnitudine & specie. Vsus ille sole, mox frigida, gustauerat iacens, studebatque; poscit soleas, adscendit locum, ex quo maxime miraculum illud conspicit.

spici poterat. nubes (incertum procul intuen-
tibus, ex quo monte: Vesuuium fuisse postea
cognitum est) oriebatur: cuius similitudinem
& formam non alia magis arbor, quam pinus
expresserit. Nam longissimo velut truncu clata
in altum, quibusdam ramis diffundebatur. Cre-
do quia recenti spiritu euecta, deinde sene-
scente eo destituta, aut etiam pondere suo vi-
eta, in latitudinem vanescet: candida inter-
dum, interdum sordida & maculosa, prout
terram cineremue sustulerat Magnum proprius-
que noscendum id eruditissimo viro visum.
Iubet Liburnicam aptari: mihi si venire vna
vellem, facit copiam. Respondi, studere me
malle: & forte ipse, quod scriberem, dederat.
Egrediebatur domo, accipit codicillos. Reti-
nae classiarii imminentis periculo exterriti (nam
villa ea subiacebat, nec villa nisi nauibus fuga)
vt se tanto discrimini eriperet, orabant. Ver-
tit ille consilium, & quod studioso animo in-
choauerat, obit maximo. Deducit quadriri-
mes, adscendit ipse non Retinae modo, sed
multis (erat enim frequens amoenitas orae) la-
turus auxilium. Properat illuc, vnde alii fu-
giunt; rectumque cursum, recta gubernacula
in periculum tenet, adeo solitus metu, vt
omnes illius mali motus, omnes figuræ, vt de-
prehenderat oculis, dictaret enotaretque. Iam
nauibus cinis inciderat, quo propius accederet,
calidior & densior; iam pumices etiam, nigri-
que & ambusti & fracti igne lapides; iam va-

dum subitum, ruinaque montis littora obstantia. Cunctatus paullim, an retro flecteret? mox gubernatori ut ita faceret monenti, FORTES, inquit, fortuna iuuat Pomponianum pete. Stabiliis erat, diemtus sinu medio. Nam sensim circumactis curuatisque litoribus mare infunditur. Ibi, quamquam nondum periculo appropinquante, conspicuo tamen, &, quum cresceret, proximo, sarcinas contulerat in naues, certus fugae, si contrarius ventus resedisset: quo tunc auunculus meus secundissimo inuenitus complectitur trepidantem, consolatur, horretatur: vtque timorem eius sua securitate leniret, deferri se in balineum iubet; lotus accubat, coenat, atque hilaris, aut, quod est aequum magnum, similis hilari. Interim e Vesuvio monte pluribus locis latissimae flammæ altaque incendia reucebant, quorum fulgor & claritas tenebris noctis excitabatur. Ille agrestium trepidatione igni relicta desertasque vilas per solitudinem ardere, in remedium formidinis, dictitabat. Tum se quieti dedit, & quievit verissimo quidem somno. Nam meatus animae, qui illi propter amplitudinem corporis grauior & sonantior erat, ab iis, qui limini obuersabantur, audiebatur. Sed area, ex qua diaeta adibatur, ita iam cinere, mixtisque pumicibus oppleta surrexerat, vt si longior in cubiculo mora esset, exitus negaretur. Excitatus procedit, teque Pomponiano, certiusque, qui peruigilarant, reddit. In commu-

ne consultant, an intra tecta subsistant, an in
aperto vagentur: nam crebris vastisque tremo-
ribus tecta nutabant, & quasi emota sedibus
suis, nunc huc, nunc illuc abiit aut referri
vid bantur. Sub dio rursus, quamquam leuum¹⁶
exesorumque, pūicum casus metuebatur. quod
tamen periculorum collatio elegit. Et apud
illum quidem ratio rationem, apud alios timo-
rem timor vicit. Ceruicalia capitibus impo-
sita linteis constringunt. Id munimentum ad-
versus decidentia fuit. Iam dies alibi, illic¹⁷
nox omnibus noctibus nigrior densi rque: quam
tamen faces multae variaque lumina soluebant.
Placuit egredi in littus, & e proximo adspicere,
ecquid iam mare admitteret, quod adhuc
vastum & aduersum permanebat. Ibi super¹⁸
abiectum linteum recubans, semel atque iterum
frigidam poposcit, hausitque. Deinde flammæ,
flammarumque prænuntius odor sulfuris, alios
in fugam vertunt, excitant illum. Innixus¹⁹
seruis duobus adsurrexit, & statim concidit,
vt ego coniecto, crassiore caligine spiritu ob-
structo, clausoque stomacho, qui illi natura in-
validus & angustus & frequenter interaestuans
erat. Vbi dies redditus (is ab eo, quem no-²⁰
uissime viderat, tertius) corpus inuentum est
integrum, illaesum opertumque, vt fuerat in-
dutus: habitus corporis quiescenti, quam de-
functo, similior. Interim Miseni ego & mater.²¹
Sed nihil ad historiam, nec tu aliud, quam
de exitu eius, scire voluisti. Fine ergo fa-²²
ciam.

ciam. Vnum adiiciam, omnia me, quibus interfueram, quaeque statim, quum maxime vera memorantur, audiueram, vere persequutum. Tu potissima excerptes. Aliud est enim epistolam, aliud historiam; aliud amico, aliud omnibus scribere. Vale.

XVII.

C. PLINIUS RESTITVTO SVO S.

Indignatur, quosdam, eruditos sibi visos, recitanti amico nullum signum laetitiae dedit.

Indignatiunculam, quam in cuiusdam amici auditorio cepi, non possum mihi temperare, quo minus apud te, quia non contigit coram, per epistolam effundam. Recitabatur liber absolutissimus: hunc duo aut tres, ut sibi & paucis videntur, diserti, surdis mutisque similes audiebant. Non labra diduxerunt, non mouerunt manum, non denique adsurerunt, saltem lassitudine sedendi. Quae tanta grauitas? quae tanta sapientia? quae immo pigritia, arrogantia, sinisteritas ac potius amnesia, in hoc totum diem impendere, ut offendas, ut inimicum relinquas, ad quem tanquam amicissimus veneris? Disertior ipse es? tanto magis ne inuideres: nam, QVI inuidet, minor est. Denique, siue plus, siue minus, siue idem praestas, lauda vel inferiorem, vel superiorem, vel parem. Superiorem, quia nisi laudandus ille est, non potes ipse laudari; inferiorem aut parem, quia pertinet ad tuam gloriam quam maximum videri, quem praecedes

cedis vel exaequas. Evidem omnes, qui ali- 5
quid in studiis faciunt, venerari etiam mirari-
que soleo. Est enim res difficilis, ardua, fa-
stidiosa, & quae eos, a quibus contemnitur,
designatur. Nisi forte aliud iudicas tu: quam-
quam quis vno te reuerentior huius operis,
quis benignior aestimator? Qia ratione ductus, 6
tibi potissimum indignationem meam prodidi,
quem habere socium maxime poteram. Vale.

XVIII.

C. PLINIVS SABINO SVO S.

*Promittit, Firmanorum se causam adju-
vum esse.*

Rogas, vt agam Firmanorum publicam cau-
sam; quod ego, quamquam plurimis oc-
cupationibus distentus, adnitar. Cupio enim
& ornatissimam coloniam aduocationis officio,
& te gratissimo tibi munere obstringere. Nam 2
quum familiaritatem nostram, vt soles praedi-
care, ad praesidium ornamentumque tibi sum-
feris, nihil est quod negare debeam, praesertim
pro patria petenti. Quid enim precibus aut
honestius pii, aut efficacius amantis? Proinde 3
Firmanis tuis, ac iam potius nostris, obliga-
fidem meam; quos labore & studio meo di-
gnos cum splendor ipsorum, tum hoc maxime
pollicetur, quod credibile est optimos esse, in-
ter quos tu talis extiteris. Vale.

XIX.

XIX.

C. PLINIVS NEPOTI SVO S.

Pretium agrorum creuisse scribit: quia candidati tertiam patrimonii partem in praedia Italica iussi sint impendere.

Scis tu accessisse pretium agri, praecipue sub urbanis? Causa subitae caritatis, res multis agitata sermonibus, proximis comitiis honestissimas voces senatui expressit: **CANDIDATI NE CONVVENTVR, NE MITTANT MVNERA, NE PECVNIAS DEPONANT.** Ex quibus duo priora tam aper-te, quam immodice siebant: hoc tertium, quamquam occultaretur, pro comperto habebatur. **3** Homullus deinde noster, usus vigilanter hoc consensu senatus, sententiae loco postulauit, ut consules desiderium vniuersorum notum principi facerent, peterentque, sicut aliis vitiis, huic quoque prouidentia sua occurreret: **occurrit.** Nam sumtus candidatorum, foedos illos & infames, ambitus lege restrinxit: eosdem patrimonii tertiam partem conserre iussit in ea, quae solo continentur, deforme arbitratus (ut erat) honorem petituros, urbem Italiamque non pro patria, sed pro hospitio aut stabulo quasi peregrinantes habere. **5** Concursant ergo candidati certatim: quidquid venale audiunt, emitant; ut sint quoque plura venalia efficiunt. Proinde, si poenitet te Italiorum praediorum, hoc vendendi tempus tam hercule, quam in prouinciis comparandi; dum iidem

*Sidem candidati illic vendunt, vt hic emant.
Vale.*

XX.

C. PLINIUS CORNELIO TACITO
SVO S.

*Narrat, quae ex Vesunii incendio, cum
matre Miseni relitus, pertulerit.*

Ais, te adductum litteris, quas exigenti tibi
de morte auunculi mei scripsi, cupere co-
gnoscere, quos ego Miseni relictus (id enim
ingressus abruperam) non solum metus, ve-
rum etiam casus pertulerim.

Quamquam animus meminisse horret, - - -

Incipiam.

Profecto auunculo, ipse reliquum tempus stu- 2
diis (ideo enim remanseram) impendi: mox
balineum, coena, somnus inquietus & breuis.
Praecesserat per multos dies tremor terrae mi- 3
nus formidolosus, quia Campaniae solitus: illa
vero nocte ita inualuit, vt non moueri omnia,
sed eueri crederentur. Irrumpit cubiculum 4
meum mater: surgebam, inuicem si quiesceret,
excitaturus. Residimus in area domus, que
mare a tectis modico spatio diuidebat. Du- 5
bito constantiam vocare an prudentiam debeam:
agebam enim duodeuicesimum annum. Posco
librum Titi Liuii, & quasi per otium lego,
atque etiam, vt cooperam, excerpto, Ecce, ami-
cus auunculi, qui nuper ad eum ex Hispania
venerat, vt me & matrem sedentes, me vero
etiam legentem videt, illius patientiam, secu-
rita-

ritatem meam corripit: nihilo segnius ego intentus in librum. Iam hora diei prima, & adhuc dubius & quasi languidus dies, iam quassatis circumiacentibus tectis, quamquam in aperto loco, angusto tamen, magnus & certus ruinae metus. Tum deum excedere oppido visum. Sequitur vulgus affonitum, quodque in pauore simile prudentiae, alienum consilium suo praeferat, ingentique agmine absentes premit & impellit. Egressi tecta consistimus. Multa ibi miranda, multas formidines patimur. Nam vehicula quae produci iusseramus, quamquam in planissimo campo, in contrarias partes agebantur, ac ne lapidibus quidem fulta, in eodem vestigio quiescebant. Praeterea mare in se resorberi & tremore terrae quasi repellri videbatur. Certe processerat litus, multaque animalia maris in siccis arenis detinebat. Ab altero latere nubes atra & horrenda ignei spiritus tortis vibratisque discursibus erupta, in longas flamarum figuris dehiscebat: fulgoribus illae & similes & maiores erant. Tum vero ille idem ex Hispania amicus, acrius & instantius, *Si frater, inquit, tuus, si tuus aurunculus vinit, vult esse vos saluos: si periit, superstites voluit: proinde quid cessatis evadere?* Respondimus, non commissuros nos, ut de salute eius incerti, nostrae consuleneremus. Non mortatus ultra proripit se, effutoque cursu periculo aufertur: nec multo post, illa nubes descendere in terras, operire maria. Cinxerat
Ca-

Capreas & absconderat: Miseni quod procur-
 rit, abstulerat. Tum mater orare, hortari, iu-
 bere, quoquo modo fugerem: posse enim iuu-
 nem: se & annis & corpore grauem bene mo-
 rituram, si mihi cauſa mortis non fuisset. Ego
 contra, saluum me, nisi una, non futurum: dein-
 de manum eius amplexus, addere gradum co-
 go: paret aegre, incusatque se, quod me mo-
 retur. Iam cinis, adhuc tamen rarus: respicio;¹³
 densa caligo tergis imminebat, quae nos tor-
 rentis modo infusa terrae sequebatur. *Deslo-*
ctamus, inquam, dum videmus, ne in via strati,
comitantium turba in tenebris obteramur. Vix¹⁴
 consederamus, & nox, non quasi illunis aut
 nubila, sed qualis in locis clausis lumine ex-
 stincto: audires v lulatus seminarum, infantium
 quiritatus, clamores virorum: alii parentes, alii
 liberos, alii coniuges vocibus requirebant, vo-
 cibus noscabant: hi suum casum, illi suorum
 miserebantur: erant qui metu mortis mortem
 precarentur. Multi ad deos manus tollere:¹⁵
 plures, nusquam iam deos vlos, aeternamque
 illam & nouissimam noctem mundo interpreta-
 bantur. Nec defuerunt, qui fictis mentitisque
 terroribus vera pericula augerent. Aderant,
 qui Miseni fuisse, illud ruisse, illud ardere, falso,
 sed creditibus nuntiabant. Paullum relaxit;¹⁶
 quod non dies nobis, sed aduentantis ignis in-
 dicium videbatur: & ignis quidem longius sub-
 stitit: tenebrae rursus, cinis rursus multus &
 grauis: hunc identidem adsurgentes executieba-

mus: operti alioqui, atque etiam oblii pon-
 17dere essemus. Postem gloriari, non gemitum
 mihi, non vocem parum fortem in tantis pe-
 ricolis excidisse, nisi me cum omnibus, omnia
 mecum perire, misero, magno tamen mortali-
 18tatis solatio credidisse. Tandem illa caligo
 tenuata quasi in fumum nebulamue decessit:
 mox dies vere, sol etiam effulsit, luridus ta-
 men: qualis esse, quum deficit, solet. Occur-
 sabant trepidantibus adhuc oculis mutata omnia,
 19 altoque cinere, tanquam niue, obducta. Re-
 gressi Misenum, curatis utunque corporibus,
 suspensam dubiamque noctem spe ac metu exe-
 gimus: metus praeualebat. Nam & tremor
 terrae perseverabat, & plerique lymphati ter-
 rificis vaticinationibus & sua & aliena mala
 20 ludificabantur. Nobis tamen ne tunc quidem,
 quamquam & expertis periculum, & expe-
 ctantibus, abeundi consilium, donec de auun-
 culo nuntius. Haec, nequaquam historia di-
 gna, non scripturus leges, & tibi, scilicet qui
 requisisti, imputabis, si digna ne epistola qui-
 dem videbuntur. Vale.

XXI.

C. PLINIUS CANINIO SVO S.

*Verginii Romani probitatem & doctrinam,
praesertim in comoedia scribenda, laudat.*

*S*um ex iis, qui mirer antiquos non ta-
men, ut quidam, temporum nostrorum in-
genia

genia despicio. Neque enim quasi lassa & ef-
foeta natura, ut nihil iam laudabile pariat.
Atque adeo nuper audi Verginium Romanum
paucis legentem comoediam, ad exemplar ve-
teris comoediae scriptam, tam bene, ut esse
quandoque possit exemplar. Nescio, an noris 3
hominem, quamquam nosse debes. Est enim
probitate morum, ingenii elegantia, operum
varietate monstrabilis. Scripsit mimijambos
tenuiter, argute, venuste, atque in hoc genere
eloquentissime. Nullum est enim genus, quod, 4
absolutum non possit eloquentissimum dici.
Scripsit comoedias, Menandrum aliquosque aeta-
tis eiusdem aemulatus. Licet has inter Plau-
tinas, Terentianaque numeres. Nunc primum 5
se in vetere comoedia, sed non tanquam in-
ciperet ostendit. Non illi vis, non granditas
non subtilitas, non amaritudo, non dulcedo,
non lepos defuit. Ornauit virtutes, infectatus
est vitia, fictis nominibus decenter, veris usus
est apte. Circa me tantum benignitate nimia 6
modum excessit, nisi quod tamen poëtis men-
tiri licet. In summa, extorquebo ei librum, 7
legendumque, immo ediscendum, mittam tibi.
Neque enim dubito futurum, ut non deponas,
si semel sumseris. Vale.

XXII.

C. PLINIUS TIRONI SVO S.

*Tironem, prouinciam fortitum, exemplo
Bruttiani, a familiari suo accusati, monet, ne
euquam nimis fidat.*

Magna res acta est omnium, qui sunt pro-
vinciis praefuturi, magna omnium, qui
2 se simpliciter credunt amicis. Lustricus Brut-
tianus quum Montanum Atticinum comitem
suum, in multis flagitiis deprehendisset, Cae-
sari scripsit. Atticinus flagitiis addidit, ut
quem deceperat, accusaret. Recepta cognitio
est: fui in consilio: egit yterque pro se; egit
autem carptim, & *κατὰ πεφάλαια*, quo ge-
3 nere veritas statim ostenditur. Protulit Brut-
tianus testamentum suum, quod Atticini ma-
nu scriptum esse dicebat. Hoc enim & arcana
familiaritas, & querendi de eo, quem sic amas-
set, necessitas indicabatur. Enumerauit crimi-
na foeda manifestaque: ille, quum diluere non
posset, ita regessit, ut, dum defenditur, tur-
pis, dum accusat, sceleratus probaretur. Cor-
rupto enim scribæ seruo, interceperat com-
mentarios, intercideratque, ac per summum ne-
fas vtebatur aduersus amicum crimine suo.
4 Fecit pulcherrime Caesar. Non enim de Brut-
tiano, sed statim de Atticino perrogauit. Da-
mnatus & in insulam relegatus: Bruttiano iu-
stissimum integritatis testimonium redditum,
quem quidem etiam constantiae gloria secuta
5 est. Nam defensus expeditissime, accusauit ve-
he-

hementer; nec minus acer, quam bonus & sincerus apparuit. Quod tibi scripsi, ut te sortitum prouinciam praemonerem, plurimum tibi credas, nec cuiquam fatis fidas: deinde scias, si quis forte te, quod abominor, fallat, paratam vltionem: qua tamen ne sit opus, etiam atque etiam attende. Neque enim tam incundum est vindicari, quam decipi miserum. Vale.

XXIII.

C. PLINIVS TRIARIO SVO S.

Caussae defensionem, quam rogatus fuerat, ea lege promittit, vt Russo adolescens, quem in forum producturus erat, secum ageret.

Impense petis, vt agam caussam pertinentem ad curam tuam, pulchram alioquin & famosam: faciam, sed non gratis. Qui fieri potest, inquis, vt non gratis tu? Potest. Exigam enim mercedem honestiorem gratuito patrocinio. Peto, atque etiam pacisco, vt simul agat Cremutius Russo. Solitum hoc mihi, & iam in pluribus claris adolescentibus factitatum. Nam mire concupisco bonos iuvenes ostendere foro, adsignare famae. Quod si cui, praestare Rusoni meo debeo, vel propter natales ipsius, vel propter eximiam mei caritatem: quem magni aestimo in iisdem iudiciis, ex iisdem etiam partibus, conspici, audiri. Obliga me: obliga antequam dicat. nam quum dixerit, gratias ages. Spondeo, solicitudini tuae, spei meae, magnitudini caussae suffecturum. Er indolis

optimae, breui producturus alios, si interim proiectus fuerit a nobis. Neque enim cuiquam tam clarum statim ingenium est, ut possit emergere, nisi illi materia, occasio, fautor etiam commendatorque contingat. Vale.

XXIV.

C. PLINIUS MACRO SVO S.

Famam in factis conditionem facientium sequi, exemplo municipis feminae, quae marito dux & comes mortis fuerat, ostendit.

Quam multum interest, quid a quo fiat ? Eadem enim facta claritate vel obscuritate facientium aut tolluntur altissime, aut humillime deprimuntur. Nauigabam per Larium nostrum, quum senior amicus ostendit mihi villam, atque etiam cubiculum, quod in lacum prominet. *Ex hoc, (inquit) aliquando municeps nostra cum marito se praecipitauit.* Causam requisiui. Maritus ex diutino morbo circa velanda corporis, ulceribus putrefcebat: uxor, ut inspiceret, exegit: neque enim quemquam fidelius indicaturum, possetne sanari. Vedit, desperauit: hortata est, ut moreretur, comesque ipsa, mortis, dux immo & exemplum, & necessitas fuit. Nam se cum marito ligauit, abiecitque in lacum. Quod factum ne mihi quidem, qui municeps, nisi proxime auditum est; non quia minus illo clarissimo Arriae fatto, sed quia minor est ipsa. Vale.

XXV.

XXV.

C. PLINIUS HIPANO SVO S.

*De Robusto, qui peregre profectus disper-
verat, promittit se quaesturum esse: ex simili
autem exemplo timet, ne frustra sit.*

Scribis, Robustum, splendidum equitem Ro-
manum, cum Attilio Scauro, amico meo,
Orciculum vque commune iter peregisse, dein-
de nusquam comparuisse: petis vt Scaurus ve-
niat, no que, si potest, in aliqua inquisitionis
vestigia inducat. Veniet; vereor ne frustra. 2
Suspicio enim tale nescio quid Robusto acci-
disse, quale aliquando Metilio Crispo, muni-
cipi meo. Huic ego ordines impetraveram. at 3
que etiam proficisciendi quadraginta millia num-
mum ad instruendum se ornandumque dona-
veram; nec poslea aut epistolas eius, aut ali-
quem de exitu nuntium accepi. Interceptusne 4
fit a suis, an cum suis, dubium: certe non
ipse, non quisquam ex seruis eius apparuit.
Vtinam ne in Robusto idem experiamu! Ta-
men arcessamus Scaurum. Demus hoc tuis, 5
demus optimi adolescentis honestissimis preci-
bus, qui pietate summa, mira etiam sagacitate,
patrem quaerit. Dii faucent, vi sic inueniat
ipsum, quemadmodum iam, cum quo fuisset,
inuenit! Vale.

XXVI.

C. PLINIVS SERVIANO SVO S.

Gratulatur illi generum.

Gaudeo, & gratulor, quod Fisco Salinatori filiam tuam destinasti. Domus patricia; pater honestissimus; mater pari laude. Ipse est studiosus, litteratus, etiam disertus: puer simplicitate, comitate iuuenis, senex grauitate: neque enim amore decipior. Amo quidem effuse (ita officiis, ita reverentia meruit) iudico tamen, & quidem tanto acrius, quanto magis amo: tibique, vt qui explorauerim, spondeo, habiturum te generum, quo melior fingi, na
3 voto quidem, potuit. Super est, vt auum te quam maturissime simillimo sui faciat. Quam felix tempus illud, quo mihi liberos illius, nepotes tuos, vt meos vel liberos vel nepotes, ex vestro sinu sumere, & quasi pari iure tenere continget! Vale.

XXVII.

C. PLINIVS SEVERO SVO S.

Rogantem designatum consulem, quid in laudem principis adserret, docet exemplo suo, quid faciendum: addit & nouam ex nouis rebus gestis materiam.

Rogas, vt cogitem, quid designatus consul in honorem principis censeas. Facilis inventio, non facilis electio. Est enim ex virtutibus eius larga materia; scribam tamen, vel quod malo coram indicabo, si prius haesitationem

tionem meam ostendero. Dubito, num idem
tibi suadere, quod mihi, d. beam. Designatus ²
ego consul, omni hac, et si non adulatione spe-
cie tamen adulatio[n]is, abstinui: non tanquam
liber & constans, sed tanquam intelligens prin-
cipis nostri: cuius videbam hanc esse praecci-
puam laudem, si nihil quasi ex necessitate de-
cernerem. Recordabar etiam, plurimos hono- ³
res pessimo cuique delatos; a quibus hic optimus
separari non alio modo magis poterat,
quam diuersitate censendi: quod ipsum dissim-
mulatione & silentio non praeterii, ne forte
non iudicium illud meum, sed obliuio vide-
retur. Hoc tunc ego: sed non omnibus ea- ⁴
dem placent, nec conueniunt quidem. Prae-
terea, faciendi aliquid vel non faciendi vera
ratio cum hominum ipsorum, tum rerum etiam
ac temporum conditione mutatur. Nam re- ⁵
centia opera maximi principis praebent facul-
tatem noua, magna, vera censendi: quibus ex
caussis, ut supra scripsi, dubito, an idem nunc
tibi, quod tunc mihi, suadeam. Illud non du-
bito, debuisse me in parte consilii tui popere,
quod ipse fecisset. Vale.

XXVIII.

C. PLINIUS PONTIO SVO S.

*Excusationem illius admittit; fructus, quos
misericordia, moderando in posterum, denuntiat.*

Scio, quae tibi cauſa fuerit impedimento,
quo minus praecurrere aduentum meum

O §

in Campaniam posses: sed, quamquam absens,
totus *huc* migrasti. Tantum mihi copiarum
tam *urbanarum* quam *ruficarum* nomine tuo
oblatum est, quis omnes, improbe quidem, ac-
cep*ti* tamen. Nam me tui, ut ita facerem, ro-
gabant; & verebar, ne & mihi & illis irate-
reris, si non fecissem: in post*erum*, nisi adhi-
bueris modum, ego adhibeb*o*. Etiam tuis
denuntiaui, si rursus tam multa attulissent,
omnia relatu*ro*s. Dices, oportere me tuis re-
bus ut meis vti: etiam; sed perinde illis ac
meis parco. Vale.

XXIX.

C. PLINIUS QVADRATO SVO S.

*Quietum monet tum Thraseae dicto, tum
suo exemplo, quae caussae agenda*e* sint.*

*A*vidius Quietus, qui me vnice dilexit, &
quo non minus gaudeo, probauit, ut
multa alia Thraseae (fuit enim familiaris) ita
hoc saepe referebat, praecipere solitum, *susci-
piendas esse caussas aut amicorum, aut destitu-
tas, aut ad exemplum pertinentes. Cur amico-
rum?* Non eget interpretatione. *Cur desti-
tutas?* Quod in illis maxime & constantia
agentis & humanitas cerneatur. *Cur perti-
nentes ad exemplum?* Quia plurimum refert,
bonum an malum induceretur. Ad haec ego
genera caussarum, ambitiose fortasse, addam
tamen *claras & illustres*. Aequum enim est
agere nonnunquam gloriae & famae: id est,
suam

suam caussam. Hos terminos, quia me consuisti, dignitati ac verecundiae tuae statuo. Nec me praeterit, VSVM & esse & haberi optimum dicendi magistrum. Video etiam, multos paruo ingenio, litteris nullis, ut bene agerent, agendo consequitos. Sed & illud, quod vel Pollionis, vel tanquam Pollionis accepi, verissimum experior: *Commode agendo factum est, ut saepe agerem: saepe agendo, ut minus commode: quia scilicet assiduitate nimia facilitas magis quam facultas, nec fiducia, sed temeritas, paratur.* Nec vero Isocrati, quo minus habe retur summus orator, offecit, quod infirmitate vocis, mollitie frontis, ne in publico dice et, impeditabatur. Proinde multum lege, scribe, meditare, ut possis, quum voles, dicere; dices, quum velle debebis. Hoc f re temperamen tum ipse seruau. Nonnunquam necessitati, quae pars rationis est, parui. Egi enim quasdam, a senatu iussus, quae tertio in numero fuerunt ex illa Thraseæ diuisione, hoc est, ad exemplum pertinentes. Adfui Baeticis contra Baebium Massam. Quaesitum est, *An danda esset inquisitio?* data est. Adfui rursus, iisdem querentibus de Caecilio Classico. Quaesitum est, *An prouinciales, ut socios ministrosque proconsulis, plebii oportet? poenas luerunt.* Accusau Marium Priscum; qui, lege repetundarum damnatus, vtebatur clementia legis, cuius severitatem immanitate criminum excesserat: relegatus est. Tuitus sum Iulium Bassum, ut in custo-

eustoditum nimis & incautum, ita minime malum; iudicibus acceptis in senatu remansit.
 21 Dixi proxime pro Vareno, postulante, ut sibi inuicem vocare testes liceret: impetratum est. In posterum opto, ut ea potissimum iubear, quae me deceat vel sponte fecisse. Vale.

XXX.

C. PLINIUS FABATO SVO S.

Prosoperi villae durum & laboriosum hominem praeficiendum esse suadet.

D ebemus, me hercule, natales tuos perinde ac nosros celebrare, cum laetitia nostrorum ex tuis pendeat, cuius diligentia & cura 2 hic hilares, istic securi sumus. Villa Camilliana, quam in Campania possides, est quidem vetustate vexata; ea tamen quae sunt pretiosiora, aut integra manent, aut leuissime laesa sunt. Attendimus ergo, ut quam saluberrime reficiantur. Ego videor habere multos amicos, sed huius generis, cuius & tu quaeris, & 4 res exigit, prope neminem. Sunt enim omnes rogati & urbani: rusticorum autem praediumrum administratio poscit durum aliquem & agrestem, cui nec labor ille grauis, nec cura 5 ferdida, nec tristis solitudo videatur. Tu de Rufo honestissime cogitas: fuit enim filio tuo familiaris. Quid tamen nobis ibi praestare posset, ignoro; velle plurimum, credo. Vale.

XXXI

XXXI.

C. PLINIUS CORNELIANO SVO S.

*Quid Centumcellis in secessu principis perā-
tum sit egregie enarrat, simulque loci situm &
munitionem describit.*

Euocatus in consilium a Caesare nostro ad
Centum Cellas (hoc loco nomen) longe
maximam cepi voluptatem. Quid enim iucun- 2
dus, quam principis iustitiam, grauitatem, co-
mitatem in secessu quoque, vbi haec maxime
recluduntur, inspicere? Fuerunt variae cogni-
tiones, & quae virtutes iudicis per plures spe-
cies experientur. Dixit caussam Claudio 3
Ariston, princeps Ephesiorum, homo munifi-
cus, & innoxie popularis: inde inuidia, & ab
dissimillimis delator immisus: itaque absolu-
tus vindicatusque est. Sequenti die audita est 4
Gallita, adulterii rea. Nupta haec tribuno
militum, honores petituro, & suam & mariti
dignitatem centurionis amore maculauerat: ma-
ritus legato consulari, ille Caesari scripserat.
Caesar, excussis probationibus, centurionem ex- 5
auctorauit, atque etiam relegauit. Supererat
crimini, quod nisi duorum esse non poterat,
reliqua pars vltionis; sed maritum, non sine
aliqua reprehensione patientiae, amor vxoris
retardabat. quam quidem, etiam post delatum
adulterium, domi habuerat, quasi contentus
semulum remouisse. Admonitus, vt perageret 6
accusationem, peregit inuitus, sed illam damna-
xi, etiam inuito accusatore, necesse erat: da-
mna-

mnata, & Iuliae legis poenis relicta est: Caesar & nomen centurionis, & commemorationem disciplinae militari, sententiae adiecit, ne omnes eiusmodi caussas reuocare ad se videretur.

7 Tertio die inducta cognitio est, multis sermonibus & vario rumore iactata de Iulii Tironis codicillis, quos ex parte veros esse con-

8 stabant, ex parte falsi dicebantur. Substituebantur criminis Sempronius Senecio, eques Romanus, & Eurythmus, Caesaris libertus & procurator. Heredes, quum Caesar esset in Dacia, communiter epistola scripta, petierant, ut

9 susciperet cognitionem: suscepserat. Reuersus diem dixerat: &, quum ex heredibus quidam, quasi reverentia Eurythmi, remitterent accusationem, pulcherrime dixerat, *Nec ille Polycletus est, nec ego Nero.* Indulserat tamen pertinentibus dilationem; cuius tempore exacto,

10 confederat auditurus. A parte heredum intrauerunt duo: omnino postularunt, ut omnes heredes agere cogerentur, quum detulissent omnes, aut sibi quoque desistere permittentes.

11 Loquitur est Caesar summa grauitate, summa moderatione: quumque aduocatus Senecionis & Eurythmi dixisset, suspicionibus relinquui reos nisi audirentur; non curio, inquit, *an isti suspicionibus relinquantur: ego reliqueror.* Dein, conuersus ad nos, *E'nisaeo de quid facere debeamus? isti enim queri volunt, quod sibi licuerit non accusare.* Tum ex consilio sententia iussit denuntiari heredibus omnibus,

bus, aut agerent, aut singuli approbarent causas non agendi, alioqui se vel de calunnia promuntiaturum. Vides, quam honesti, quam se-¹³ veri dies: quos iucundissimae remissiones sequabantur. Adhibebamur quotidie coenae: erat modica, si principem cogitares: interdum *angore-patet* audiebamus: interdum iucundissimis sermonibus nox ducebatur. Summo die abeun-¹⁴ tibus nobis (quam diligens in Caesare huma-
nitas!) xenia sunt missa: sed mihi, ut graui-
tas cognitionum, consilii honor, suauitas sim-
plicitasque conuictus, ita locus ipse periuncun-
dus fuit. Villa pulcherrima cingitur viridis-¹⁵
simis agris: imminet litori, cuius in sinu fit
cum maxime portus. Huius sinistrum brachium
firmissimo opere munitum est; dextrum elabo-
ratur. In ore portus insula adsurgit, quae il-¹⁶
latum vento mare obiacens frangat, tutumque
ab utroque latere decursum nauibus praestet.
Adsurgit autem arte visenda. Ingentia saxa
latissima nauis prouehit: [contra,] haec alia su-
per alia deiecta ipso pondere manent, ac sen-
sim, quodam velut aggere construuntur. Emi-¹⁷
net iam & appareat saxeum dorsum: impactos-
que fluctus in immensum elidit & tollit. Va-
stus illic fragor, canumque circa mare. Saxis
deinde pilae adiiciuntur, quae procedenti tem-
pore enatam insulam imitantur. Habebit hic
portus etiam nomen auctoris, eritque vel ma-
xime salutaris. Nam per longissimum spatium
litus importuosum hoc receptaculo vtetur. Vale.

XXXII.

XXXII.

C. PLINIVS QVINTILIANO SVO S.

*Nubenti Quintiliani filiae dono offert L.
millia nummum.*

Quamuis & ipse sis continentissimus, & si-
liam tuam ita institueris, vt decebat si-
liam tuam, Tutilii neptem; quum tamen sit
nuptura honestissimo viro, Nonio Celer, cui
ratio ciuilium officiorum necessitatē quandam
nitoris imponit; debet, secundum conditiones
mariti, veste, cōmitatu (quibus non quidem
2 augetur dignitas, ornatur tamen) instrui. Te
porro animo beatissimum, modicum facultatis
bus scio: itaque partem oneris tui mihi vin-
dico, & tanquam parens puellae nostrae, con-
fero quinquaginta millia nummum: plus col-
latus, nisi a verecundia tua sola mediocri-
tate munusculi impetrari posse considerem, ne
recusares. Vale.

XXXIII.

C. PLINIVS ROMANO SVO S.

*Triumphat oratione sua, pro Accia apud
centumuiros habita, cuius artes detegit.*

Tollite cuncta, inquit, coepitosque auferre
labores. Seu scribis aliquid, seu legis,
tolli, auferri iube, & accipe orationem meam,
vt illi arma, diuinam. Num superbius potui?
reuera, vt inter meas pulchrum. nam mihi
2 satis est certare mecum. Est haec pro Accia
Variola & dignitate personae & exempli rari-
tatis;

tate, & iudicij magnitudine insignis. Nam fe-
mina splendide nata, nupta praetorio viro, ex-
heredata ab octogenario patre, intra vndecim
dies, quam ille nouercam ei, amore captus, in-
duxerat, quadruplici iudicio bona paterna re-
petebat. Sedebat iudices centum & octoginta:
tot enim quatuor consiliis consribuntur,
ingens vtrinque aduocatio, & numerosa sub-
sellia: practerea densa circumstantium corona
latissimum iudicium multiplici circulo ambibat.
Ad hoc, stipatum tribunal, atque etiam ex
superiore basilicae parte, qua feminae, qua viri,
& audiendi, quod erat difficile, & quod facile,
visendi studio imminebant. Magna exspecta-
tio patrum, magna filiarum, magna etiam no-
vercarum. Sequutus est varius euentus. Nam
duobus consiliis vicimus, totidem victi sumus.
Notabilis prorsus res & mira; eadem in caussa,
iisdem iudicibus, iisdem aduocatis, eodem tem-
pore tanta diuersitas accidit casu quidem, sed
non vt casus videretur. Vieta est nouerca:
ipsa heres ex parte sexta. Victor Suberinus;
qui exheredatus a patre singulari impudentia
alieni patris bona vindicabat, non ausus sui
petere. Haec tibi exposui, primum vt ex epi-
stola scires, quae ex oratione non poteras: dein-
de, (nam detegam artes) vt orationem liben-
tius legeres, si non legere tibi, sed interesse
iudicio videreris: quam, sit licet magna, non
despero gratiam breuissimae impetraturam. Nam
& copia rerum, & arguta divisione, & narra-

tiunculis pluribus, & eloquendi varietate, renouatur. Sunt multa (non auderem nisi tibi dicere) elata; multa pugnantia, multa subtilia. Interuenit enim acribus illis & erectis frequens necessitas computandi, ac paene calculos tabulamque poscendi, ut repente in privati iudicii formam centumuirale vertatur. **D**edimus vela indignationi; dedimus irae, dedimus dolori; & in amplissima caussa, quasi **i**mago mari, pluribus ventis sumus vecti. In summa, solent quidem ex contubernalibus nostris existimare han orationem (iterum dicam) praeccipuam, ut inter meas ὡς ὑπὲρ Κτησιφῶντος esse. An vere, tu facillime iudicabis, quia tam memoriter tenes omnes, ut conferre cum hac, dum hanc solam legis, possis. **V**ale.

XXXIV.

C. PLINIUS MAXIMO SVO S.

Maximi munus gladiatorium in funere uxoris commendat: dolet autem pantheras tardius aduenisse.

Reēte fecisti, quod gladiatorium munus Veronensis nostris promisisti; a quibus olim amaris, suspiceris, ornaris. Inde etiam uxorem carissimam tibi & probatissimam habuisti; cuius memoriae ut opus aliquod, ita maxime funebre debebatur. Praeterea, tanto consensu rogabarisi, ut negare non constans, sed durum videretur. Illud quoque egregium, quod tam facilis, tam liberalis in edendo fuisse. Nam per

per haec etiam magnus animus ostenditur. Velle Africanae, quas coemeras plurimas, ad praefinitum diem occurrisse: sed licet cessaerint illae, tempestate detiniae, tu tamen meruisti, ut acceptum tibi fieret, quod, quo minus exhiberes, non per te sletit. Vale.

LIBER VII.

I.

C. PLINIUS RESTITVTO SVO S.

Aegrotantem hortatur, ut valetudinem patienter ferat, suoque exemplo docet medicis obtemperare

Terret me haec tua tam pertinax valetudo, & quamquam te temperantissimum nouerim, vereor tamen, ne quid illi etiam in mores tuos liceat. Proinde moneo, patienter resistas. Hoc laudabile, hoc salutare. Admitit humana natura, quod suadeo. Ipse certe sic agere sanus cum meis soleo. Spero quidem, si forte in aduersam valetudinem incidero, nihil me desideraturum, vel pudore vel poenitentia dignum: si tamen superauerit morbus, dominatio, ne quid mini detur, nisi permittentibus medicis: sciantque, si dederint, ita vindicaturum, ut solent alii, quae negantur. Quin etiam quum perustus ardentissima febri; tandem remissus vinctusque acciperem a medico potionem, por-

rex manum, vtque me tangeret, dixi, admo-
 5 tumque iam labris poculum reddidi. Postea
 quum vicesimo valetudinis die balineo prae-
 pararer, mussantesque medicos repente vidis-
 sem, caussam requisiui. Responderunt, posse
 6 me tuto lauari, non tamen omnino sine aliqua
 suspicione. Quid (inquam) necesse est? Atque
 ita spe balinei, cui iam videbar inferri, pla-
 cide leniterque dimissa, ad abstinentiam rursus,
 non secus, ac modo ad balineum, animum vul-
 7 tumque composui. Quae tibi scripsi, primum
 vt te non sine exemplo monerem, deinde vt
 in posterum ipse ad eandem temperantiam ad-
 stringerer, quum me hac epistola quasi pigno-
 re obligauissem. Vale.

II.

C. PLINIUS IVSTO SVO S.

Promittit aliquid scriptorum suorum, quin
 aestas transmissa fuerit.

Quemadmodum congruit, vt simul. & ad-
 firmes, te assiduis occupationibus impe-
 diri, & scripta nostra desideres, quae vix ab
 otiosis impetrare aliquid perituri temporis pos-
 2 fuit? Patiar ergo, aestatem inquietam vobis
 exercitamque transcurrere; & hic me demum,
 quum credibile erit, noctibus saltem vacare te
 posse, quaeram quid potissimum ex nugis meis
 3 tibi exhibeam. Interim abunde est, si episto-
 lae non sunt molestae. Sunt autem, & ideo
 breviores erunt. Vale.

III.

III.

C. PLINIUS PRAESENTI SVO S.

Amicum a longo recessu in urbem reuocat.

Tantane perseverantia tu modo in Lucania,
modo in Campania? Ipse enim (inquis)
Lucanus, vxor Campana. Iusta causa longio-
ris absentiae, non perpetuae tamen. Quin ergo 2
aliquando in urbem redis? vbi dignitas, honor,
amicitiae tam superiores quam minores. Quo-
usque regnabis? quousque vigilabis quum vo-
les? dormies quamdiu voles? quousque calcei-
nusquam? toga feriata? liber totos dies? Tem- 3
pus est, te reuivere molestias nostras, vel hoc
solum, ne voluptates istae satietate languescant.
Saluta paullisper, quo sit tibi iucundius salu-
tari: terere in hac turba, vt te solitudo de-
lectet. Sed quid imprudens, quem reuocare 4
conor, retardo? Fortasse enim his ipsis admo-
neris, vt te magis ac magis otio inuoluas;
quod ego non abrumpi, sed intermitti volo.
Vt enim, si coenam tibi facerem, dulcibus ci- 5
bis acres acutosque miscerem, vt obtusus illis
& oblitus stomachus his excitaretur; ita nunc
hortor, vt iucundissimum genus vitae nonnul-
lis interdum quasi acoribus condias. Vale.

IV.

C. PLINIUS PONTIO SVO S.

Miranti, qui Plinius, seuerus homo, hendecasyllabos scripsit, poëtica sua studia ab ultima aetate recenset.

Alis, legisse te hendecasyllabos meos: requiri-
ris etiam, quemadmodum coeperim scri-
bere, homo, ut tibi videor, seuerus, ut ipse
fateor, non ineptus. Nunquam a poëtice (al-
tius enim repetam) alienus fui, quin etiam
quatuordecim natus annos Graecam tragoe-
diam scripsi. Qualem? inquis. Nescio, tragoe-
dia vocabatur. Mox quum e militia rediens,
in Icaria insula ventis detinerer, Latinos ele-
gos in illud ipsum mare ipsamque insulam
feci. Expertus sum me aliquando & heroico;
hendecasyllabis nunc primum, quorum hic na-
talibus, hae caussae. Legebantur in Laurentino
mihi libri Afinii Galli de comparatione patris
& Ciceronis: incidit epigramma Ciceronis in
Tironem suum: dein, quum meridie (erat
enim aestas) dormitus me receperisset, nec
obreperet somnus; coepi reputare, maximos
oratores hoc studii genus, & in oblationi-
bus habuisse & in laude posuisse. Intendi ani-
mum, contraque opinionem meam, post lon-
gam desuetudinem, perquam exiguo temporis
momento id ipsum, quod me ad scribendum
solicitauerat, his versibus exaraui:

Quum

Quum libros Galli legerem, quibus ille parenti
Ausus de Cicerone dare est palmamque decusque,
Lascivum inueni lusum Ciceronis, & illo
Spectandum ingenio, quo seria condidit, & quo
Humanis salibus, multo varioque lepore
Magnorum ostendit mentes gaudere virorum.
Nam queritur, quod fraude mala frustratus
amantem

Paucula coenato sibi debita suavia Tiro
Tempore nocturno subtraxerit. His ego libertis,
Cur post haec, inquam, nostros celamus amores?
Nullumque in medium timidi damus? atque fa-
temur
Tironisque dolos, Tironis nosse fugaces
Blanditas, & surta nouas addentia flamas?

Transii ad elegos; hos quoque non minus ce-
leriter explicui: addidi alios facilitate corru-
ptus: deinde in urbem reuersus, sodalibus le-
gi. Probauerunt. Dein plura metra, si quid 7
otii, maxime in itinere, tentaui. Postremo
placuit exemplo multorum vnum separatim
hendecasyllaborum volumen absoluere, nec poe-
nitet. Legitur, describitur, cantatur etiam; 9
a Graecis quoque, quos Latine huius libelli
amor docuit, nunc cithara nunc lyra persona-
tur. Sed quid ego tam gloriose? quamquam 10
poëtis futere concessum est; & tamen non de
meo, sed de aliorum iudicio loquor; qui siue
iudicant, siue errant, me delectant. Vnum
P 4 precor,

precor, ut posteri quoque aut errent similiter,
aut iudicent. Vale.

V.

C. PLINIUS CALPVRNIAE SVAE S.

Magno se uxoris desiderio teneri significat.

Incredibile est, quanto desiderio tui teneas.
In causa amor primum; deinde, quod non
confueimus abesse. Inde est, quod magnam
partem noctium in imagine tua vigil exigo;
inde, quod interdiu, quibus horis te visere
solebam, ad diaetam tuam ipsi me, ut veris-
simè dicitur, pedes ducunt: quod denique
aeger & moestus, & similis excluso, a vacuo
limine recedo. Vnum tempus his tormentis
caret, quo in foro & amicorum litibus con-
teror. Aestima tu, quae vita mea sit, cui
requies in labore, in miseria curisque sola-
tium est. Vale.

VI.

C. PLINIUS MACRINO SVO S.

*Bithynos decreto accusationem Vareni (Lib.
V. ep. 20.) omisisse: tacere consultius interdum
quam multa loqui.*

Rara & notabilis res contigit Vareno, sit li-
cet adhuc dubia. Bithyni accusationem
eius, ut temere inchoatam, omisisse narrantur.
Narrantur dico? adeò prouinciae legatus: at-
tulit decretum consilii ad Cæsarem, attulit
ad multos principes viros, attulit etiam ad
nos,

nos, Vareni aduocatos. Perstat tamen idem 2
ille Magnus; quin etiam Nigrinum, optimum
virum, pertinacissime exercet. Per hunc a
Consulibus postulabat, ut Varenus exhibe^te ra-
tiones cogeretur. Adsistebam Vareno iam tan-
tum ut amicus, & tacere decreueram. Nihil
enim tam contrarium, quam si aduocatus a se-
natū datus defenderem ut reum, cui opus esset,
ne reus videretur. Quum tamen, finita po-
stulatione Nigrini, consules ad me oculos re-
tulissent; Scietis, inquam, constare nobis silentium
nostrum rationem, quum veros legatos prouinciae
audieritis. Contra Nigrinus, Ad quem missi
sunt? Ego, Ad me quoque habeo decretum pro-
vinciae. Rursus ille, Potest tibi liquere. Ad
hoc ego, Si tibi ex diuerso liquet; potest &
mihi, quod est melius in causa, liquere. Dum
legatus Polyaenus causas abolitae accusationis
exposuit, postulauitque, Ne cognitioni Cæsaris
præiudicium fieret. Respondit Magnus, ite-
rumque Polyaenus ipse raro & breuiter inter-
loquutus, multum me intra silentium tenui.
Accepi enim, NON minus interdum oratorium 7
esse tacere, quam dicere: atque adeo repeto,
quibusdam me capitis reis vel magis silentio,
quam oratione accuratissima profuisse. Mater 8
amisso filio (quid enim prohibet, quamquam
alia ratio scribendæ epistola^e fuerit, de studiis
disputare?) libertos eius, eosdemque coheredes
suos, falsi & veneficii reos detulerat ad Prin-
cipem, iudicemque impetraverat Iulium Ser-

9 vianum. Defenderam reos ingenti quidem coe-
 tu. Erat enim causa notissima; praeterea
 vtrinque ingenia clarissima. Finem cognitio-
 ni quaestio imposuit; quae secundum reos de-
 10dit. Postea mater adiit Principem: adsirma-
 vit se nouas probationes inuenisse. Praeceptum
 est Seruiano, ut vacaret finitam causam re-
 tractanti, si quid noui adferret. Aderat ma-
 tri Iulius Africanus, nepos Iulii oratoris, (quo
 audito Passienus Crispus dixit, *Bene, me her-
 cule, bene: sed quo tam bene?*) huius nepos,
 iuuenis ingeniosus, sed parum callidus, quum
 multa dixisset, adsignatumque tempus imples-
 set, *Rogo, inquit, Seruiane, permittas mihi*
 12 *vnum versum adiicere.* Tum ego, quum omnes
 me, ut diu responsurum, intuerentur, *Respon-
 dissem, inquam, si vnum illum versum Africa-
 nus adiecisset, in quo non dubito omnia noua*
 13 *fuisse.* Non facile me repeto tantum conse-
 quutum adsensum agendo, quantum tunc non
 agendo. Similiter nunc & probatum & ex-
 ceptum est, quod pro Vareno haec tenus tacui.
 14 Consules, ut Polyaenus postulabat, omnia in-
 tegra Principi seruauerunt; cuius cognitionem
 suspensus exspecto. Nam dies ille nobis pro
 Vareno aut securitatem & otium dabit, aut
 intermissum laborem renouata solitudine in-
 iunget. Vale.

VII.

C. PLINIUS SATVRNINO SVO S.

*Gaudet Saturnini & Prisci coniunctione,
Et hunc ad se reuerti satiatum otio, cupit
Et proxime Prisco nostro, & rursus, quia ita
iussisti, gratias egi, libentissime quidem.
Est enim mihi pericundum, quod viri opti-
mi mihi amicissimi adeo cohaesistis, ut in-
vicem vos obligari putetis. Nam ille quoque 2
praecipuam se voluptatem ex amicitia tua ca-
pere profitetur, certaque tecum honestissimo
certamine mutuae caritatis, quam ipsum tem-
pus augebit. Te negotiis distineri ob hoc mo- 3
leste fero, quod deseruire studiis non potes, si
tamen alteram litem per iudicem, alteram, vt
ais, ipse finieris, incipies primum istuc otio frui,
deinde satiatus ad nos reuerti. Vale.*

VIII.

C. PLINIUS PRISCO SVO S.

*Eandem laetitiam significat Prisco, eumque
ad constantiam hortatur.*

*E*xprimere non possum, quam iucundum sit
mihi, quod Saturninus noster summas tibi
apud me gratias aliis super alias epistolis agit.
Perge ut coepisti, virumque optimum quam 2
familiarissime dilige, magnam voluptatem ex
amicitia eius percepturus, nec ad breue tem-
pus. Nam cum omnibus virtutibus abundat, 3
tum hac praecipue, quod habet maximam in
amore constantiam. Vale.

IX.

IX.

C. PLINIVS FVSCO SVO S.

*Quaerenti amico, rationem exercendi filii
praescribit.*

- Q**uaeris, quemadmodum in secessu, quo iam-
diu frueris, putem te studere oportere.
2 Vtile in primis, & multi praecipiunt, vel ex
Graeco in Latinum, vel ex Latino vertere
in Graecum; quo genere exercitationis pro-
prietas splendorque verborum, copia figurarum,
vis explicandi, praeterea imitatione optimorum
similia inueniendi facultas paratur: simul qua-
legentem felicissent, transferentem fugere non
possunt. Intelligentia ex hoc & iudicium ad-
3 quiritur. Nihil obsuerit, quae legeris hacte-
nus, ut rem argumentumque teneas, quasi ae-
mulum scribere, lectisque conferre, ac sedulo
pensitare, quid tu, quid ille commodius. Ma-
gna gratulatio, si non nulla tu; magnus pu-
dor, si cuncta ille melius. Licebit interdum
& notissima eligere, & certare cum electis.
4 Audax haec, non tamen improba, quia secre-
ta, contentio: quamquam multos videmus eius-
modi certamina sibi cum multa laude sumfisse,
quosque subsequi satis habebant, dum non de-
5 sperant, antecessisse. Poteris &, quae dixeris,
post obliuionem retractare, multa retinere,
plura transire; alia interscribere, alia rescribe-
re. Laboriosum istud & taedio plenum, sed
difficultate ipsa fructuosum, recalescere ex in-
tegro, & resumere impetum fractum omissum-
que:

que: postremo, noua velut membra peracto corpori intexere, nec tamen priora turbare. Scio, nunc tibi esse praecipuum studium orandi; sed non ideo semper pugnacem hunc & quasi bellatorium stilum suaserim. VT enim terrae variis mutatisque seminibus, ita ingenia nostra nunc hac, nunc illa meditatione recoluntur. Volo, interdum aliquem ex historia locum apprehendas: volo epistolam diligentius scribas, [volo carmina.] Nam saepe in orationes quoque non historicæ modo, sed prope poëticæ descriptionis necessitas incidit; & pressus sermo purusque ex epistolis petitur. Fas est & carmine remitti, non dico continuo & longo (id enim perfici nisi in otio non potest) sed' hoc arguto & breui, quod apte quantilibet occupationes curasque distinguit. Lusus vocantur; sed hi lusus non minorem interdum gloriam, quam seria consequuntur: atque adeo (Cur enim te ad versus non versibus adhorter?)

*Vt laus est cerae, mollis cedensque sequatur
Si doctos digitos, iussaque fiat opus;
Et nunc informet Martem, castanque Miner-
vam,*

Nunc Venerem effingat, nunc Veneris puerum;

*Vtque sacri fontes non sola incendia fistunt,
Saepe etiam flores vernaque prata iuuant;
Sic hominum ingenium fletii ducique per artes
Non rigidas docta mobilitate decet.*

Ita-

12 Itaque summi oratores, summi etiam viri sic
 se aut exercebant aut delectabant, immo de-
 13 lectabant exercebantque. Nam mirum est, ut
 his opusculis animus intendatur remittaturque.
 Recipiunt enim amores, odia, iras, misericor-
 diam, urbanitatem, omnia denique, quae in
 vita, atque etiam in foro caussisque versantur.
 14 Inest his quoque eadem, quae aliis carminibus
 utilitas, quod metri necessitate deuincti, solu-
 ta oratione laetamur, & quod facilius esse com-
 15 paratio ostendit, libentius scribimus. Habes
 plura, etiam fortasse, quam requirebas; unum
 tamen omisi. Non enim dixi, quae legenda
 arbitrarer: quamquam dixi, quum dicerem,
 quae scribenda. Tu memineris, sui cuiusque
 generis auctores diligenter eligere. (Aiunt
 enim, MVLTVM LEGENDVM ESSE,
 16 NON MVLTA.) Qui sint hi, adeo notum
 prouocatumque est, ut demonstratione non
 egeant: & alioqui tam irmodice epistola mo-
 extendi, ut dum tibi, quemadmodum studere
 debeas, suadeo, studendi tempus abstulerim.
 Quin ergo pugillares resumis, & aliquid ex
 his, vel istud ipsum, quod coeperas, scribis.
 Vale.

X.

C. PLINIUS MACRINO SVO S.

Euentum actionis Bithynorum contra Va-
ronum narrat.

Quia ipse, quum prima cognoui, iungere
 extrema, quasi auulsa, cupio; te quoque
 exi-

existimo velle de Vareno & Bithynis reliqua cognoscere. Acta causa hinc a Polyaeno, in de a Magno. Finitis actionibus Caesar, Neutra, inquit, pars de mora queretur. Erit mihi curae, explorare prouinciae voluntatem. Multum interim Varenus tulit. Etenim quam dubium est, an merito accusetur, qui an omnino accusetur, incertum est? Supereft, ne rurus prouinciae, quod damnasse dicitur, placeat, agatque poenitentiam poenitentiae suae. Vale.

XI.

C. PLINIUS FABATO SVO S.

Liberalitas in Corneliam explicatur.

Miraris, quod Hermes libertus meus hereditarios agros, quos ego iusseram prescribi, non exspectata auctione, pro' meo quindecim ex septingentis millibus Corelliae addixerit. Adiicis, posse eos nongentis millibus venire, ac tanto magis quaeris, an, quod gessit, ratum seruem. Ego vero seruo: quibus ex causa accipe. cupio enim & tibi probatum, & coheredibus meis excusatum esse, quod me ab illis, maiore officio iubente, fecerno. Corelliam cum summa reuerentia diligo; primum, ut sororem Corellii Rufi, cuius mihi memoria sacrosancta est; deinde, ut matri meae familiarissimam. Sunt mihi & cum marito eius, Minucio Fusco, optimo viro, vetera iura: fuerunt & cum filio maxima: adeo quidem, ut praetore me ludis meis praesederit. Haec, s' quam

quum proxime isthic fui, indicauit mihi, cuperet se aliquid circa Larium nostrum possidere: ego illi ex praediis meis, quod vellet, & quanti vellet, obtuli, exceptis paternis maternisque: his enim cedere ne Corelliae quidem possum. Igitur quum obuenisset mihi hereditas, in qua praedia ista, scripsi ei venalia futura. Has epistolas Hermes tulit, exigentique, ut statim portionem meam sibi addiceret, paruit. Vides, quam ratum habere debeam, quod libertus meus meis moribus gessit?

7 Supereft, vt coheredes aequo animo ferant, separatim me vendidisse, quod mihi licuit omnino vendere. Nec vero coguntur imitari meum exemplum. Non enim illis eadem cum Corellia iura sunt. Possunt ergo intueri utilitatem suam, pro qua mihi fuit amicitia. Vale.

XII.

C. PLINIUS MINVTIO SVO S.

Libellum postulatum sero mittens, per id cum se excusat, aliosque iocos inspergit.

Libellum formatum a me, sicut exegeras, quo amicus tuus, immo noster, (quid enim non commune nobis?) si res posceret, vteretur, misi tibi ideo tardius, ne tempus emendandi cum, id est, disperdendi, haberet. 2 Habebis tamen, an emendandi, nescio, vti que disperdendi (*ὑμεῖς γὰρ ναυπόζηλοι*) optimæ quaeque, si detraxeris. Quod si feceris, boni consulam. Postea enim illis ex aliqua occasione,

sione, vt meis, vtar, & beneficio fastidii tui ipse laudabor, vt in eo quod adnotatum invenies, & suprascripto aliter explicitum. Nam, 4 quum suspicarer, futurum, vt tibi tumidius videretur, quod est sonantius & elatius; non alienum existimauit, ne te torqueret, addere statim pressius quiddam & exilius, vel potius humilius & peius, vestro tamen iudicio rectius. Cur enim non vsquequaque tentuitatem ve- 5 stram insequar & exagitem? Haec, vt inter istas occupationes aliquid aliquando rideres: illud serio. Vide, vt mihi viaticum reddas, 6 quod impendi, data opera cursore dimisso. Nae tu, quum hoc legeris, non partes libelli, sed totum libellum improbabis, negabisque ullius pretii esse, cuius pretium reposceris. Vale.

XIII.

C. PLINIUS FEROCI SVO S.

Ferocis elegantem epistolam laudat.

Eadem epistola & studere te & non studere significat. Aenigmata loquor. Ita plane, donec distinctius, quod sentio, enuntiem. Ne 2 gat enim te studere, sed est tam polita, quae nisi a studente, non potest scribi: aut es tu super omnes beatus, si talia per desidiam & otium perficias. Vale.

Q

XIV.

XIV.

C. PLINIUS CORELLIAE SVAE S.

Firmat liberalitatem superiorem.

Tu quidem honestissime, quod tam impense & rogas & exigis, vt accipi iubeam a te premium agrorum non ex septingentis millibus, quanti illos a liberto meo, sed ex nongentis, quanti a publicanis partem vicesimam emisti. Inuicem ego & rogo & exigo, vt non solum quid te, verum etiam quid me deceat, adspicias, patiarisque, me in hoc vno tibi eodem animo repugnare, quo in omnibus obsequi soleo. Vale.

XV.

C. PLINIUS SATVRNINO SVO S.

Rem publicam ac amicorum curare honestissimum esse docet.

Requiris, quid agam? Quo nosti, distringor officio: amicis deseruio: studeo interdum, quod non interdum, sed solum semperque facere, non audeo dicere rectius, certe beatius erat. Te alia omnia, quam quae velis, agere, molestie ferrem, nisi ea, quae agis, essent honestissima. Nam & reipublicae seruire negotiis, & disceptare inter amicos, laude dignissimum est. Prisci nostri contubernium iucundum tibi futurum sciebam. Noueram simplicitatem eius, noueram comitatem: cundem esse, quod minus noram, gratissimum experior, quem tam iucundo officiorum nostrorum meminisse eum scribas. Vale.

VIX

XVI.

XVI.

C. PLINIUS FABATO PROSOCERO
SVO S.

Tironem se facile inducturum significat, ut ex via ad Fabatum declinet, & vindicta, quos iussit, liberet.

Calestrium Tironem familiarissime diligo, & priuatis mihi & publicis necessitudinibus implicitum. Simul militauimus, simul quaestores Caesaris fuimus. Ille me in tribunatu liberorum iure praecessit; ego illum in praetura sum consequutus, quum mihi Caesar annum remisisset. Ego in villas eius saepe fecessi; ille in domo mea saepe conualuit. His nunc proconsul prouinciam Baeticam per Ticinum est petiturus. Spero, immo confido, facile impetraturum, ut ex itinere deflextat ad te. Si voles vindicta liberare, quos proxime inter amicos manumisisti, nihil est, quod verearis, ne sit hoc illi molestum, cui orbem terrarum circumire, non erit longum mea cauſa. Proinde nimiam verecundiam pone, teque, quid velis, consule. Illi tam iucundum quod ego, quam mihi, quod tu iubes. Vale.

XVII.

C. PLINIUS CELERI SVO S.

Orationes quoque perinde ac carmina ac historias recitari posse, contra quosdam reprohatores defendit.

Sua cuique ratio recitandi; mihi, quod saepe iam dixi, ut, si quid me fugit, ut certe fugit,

2 fugit, admonear. Quo magis miror, quod scribis fuisse quosdam, qui reprehenderent, quod orationes omnino recitarem: nisi vero has solas non putant emendandas. A quibus libenter requisierim, Cur concedant (si concedant tamen) historiam debere recitari, quae non ostentationi, sed fidei veritatique componitur? cur tragoeidam, quae non auditorium, sed scenam & actores? cur lyrica, quae non lectorem, 4 sed chorum & lyram poscunt. *At horum recitatio usu iam recepta est:* non ergo culpandus est ille qui coepit? Quamquam orationes quoque & nostri quidam, & Graeci lectitauerunt. 5 *Superuacuum tamen est recitare, quae dixeris?* Etiam, si eadem omnia, iisdem omnibus, si statim recites: si vero multa inseras, multa commutes; si quosdam nouos, quosdam eosdem, sed post tempus, adsumas, cur minus probabilis sit caussa recitandi quae dixeris, 6 quam edendi? Sed difficile est, ut oratio, dum recitatur, satisfaciat? Iam hoc ad laborem recitantis pertinet, non ad rationem non recitandi. Nec vero ego dum recito, laudari; sed dum legor, cupio. Itaque nullum emendandi genus omitto: ac primum, quae scripsi, mecum ipse pertracto; deinde duobus aut tribus lego, mox aliis trado adnotanda: notaque eorum, si dubito, cum uno rursus aut altero pensito; nouissime pluribus recito, ac, si quid mihi credis, tunc acerrime emendo. Nam tanto diligentius, quanto solicitius, intendo.

tendo. Optime autem reuerentia, pudor, metus iudicant. Idque adeo sic habe. Nonne, si loquuturus es cum aliquo, quamlibet docto, uno tamen minus commoueris, quam si cum multis vel indoctis? Nonne, quum surgis ad agendum, tum maxime tibi ipse diffidis, tum commutata, non dico plurima, sed omnia cumpis? Utique, si latior scena, & corona diffusior. Nam illos quoque sordidos pullatosque reueremur. Nonne, si prima quaeque improbari putas, debilitatis & concidis? Opinor; quia in numero ipso est quoddam magnum collatumque consilium; quibusque singulis iudicii parum, omnibus plurimum. Itaque Pomponius Secundus (hic scriptor tragoeдиarum) si quid forte familiarior amicus tollendum, ipse retinendum arbitraretur, dicere solebat, AD POPVLVM PROVOCO: atque ita ex populi vel silentio vel adsensu aut suam aut amici sententiam sequebatur. Tantum ille populorū dabat. Recete an secus, nihil ad me. Ego enim non populum aduocare, sed certos electosque soleo, quos intuear, quibus credam, quos denique & tanquam singulos obseruem, & tanquam non singulos timeam. Nam quod M. Cicero de stilo, ego de metu sentio. TIMOR est emendator acerrimus. Hoc ipsum, quod nos recitatueros cogitamus, emendat: quod auditorium ingredimur, emendat: quod pallemus, horrescimus, circumspicimus, emendat. Proinde non poenitet me consuetudinis meae,
Q 3 quam

quam utilissimam experior: adeoque non de-
terror sermunculis istorum, vt vltro te ro-
gem, monstres aliquid, quod his addam. Ni-
hil enim curae meae satis est. Cogito, quam
sit magnum, dare aliquid in manus hominum:
nec persuadere mihi possum, non, & cum mul-
tis, & saepe tractandum, quod placere & sem-
per & omnibus cupias. Vale,

XVIII.

C. PLINIUS CANINIO SVO S.

*Caninio rogatus suadet, vt quam Comen-
fibus in epulum pecuniam promiserat, ita dispo-
nat, vt ipse suam in alimenta ingenuorum.*

Deliberas mecum, quemadmodum pecunia,
quam municipibus nostris in epulum ob-
tulisti, post te quoque salua sit. Honesta con-
sultatio, non expedita sententia. Numeres rei-
publicae summam? Verendum est, ne dilaba-
tur. Des agros? vt publici, negligentur. Equi-
dem nihil commodius inuenio, quam quod ipse
feci. Nam pro quingentis millibus nummum,
quae in alimenta ingenuorum promiseram,
agrum **ex** meis, longe pluris, actori publico
mancipavi: eundem vectigali imposito recepi,
3 tricena millia annua daturus. Per hoc enim
& reipublicae sors in tuto, nec reditus incer-
tus, & ager ipse propter id, quod vectigali
large supercurrit, semper dominum, a quo
4 exerceatur, inueniet. Nec ignoro, me plus
aliquanto, quam donasse videor, erogauisse,
quum

quum pulcherrimi agri pretium necessitas ve-
tigalis infregerit. Sed oportet priuatis vti- 5
litatibus publicas, mortalibus aeternas antefer-
re; multoque diligentius muneri suo consule-
re, quam facultatibus. Vale.

XIX.

C. PLINIVS PRISCO SVO S.

*Fanniam, cuius valetudinem dolenter fert,
meritis laudibus exornat.*

Angit me Fanniae valetudo. Contraxit hanc
dum adsidet Iuniae. Virgini, sponte pri-
mum, (est enim adfinis) deinde etiam ex au-
toritate pontificum. Nam virgines, quum vi 2
morbi atrio Vestae coguntur excedere, matro-
narum curae custodiaeque mandantur. Quo
munere Fannia dum sedulo fungitur, hoc di-
scrimine implicita est. Insident febres, tussis 3
increscit, summa macies, summa defestio: ani-
mus tantum & spiritus viget. Heluidio ma-
rito, Thrasea patre dignissimus: reliqua labun-
tut, meque non metu tantum, verum etiam
dolore conficiunt. Doleo enim, maximam fe- 4
minam eripi oculis ciuitatis, nescio an aliquid
simile visuris. Quae castitas illius? quae san-
ctitas? quanta grauitas? quanta constantia? bis
maritum sequuta in exsilium est, tertio ipsa
propter maritum relegata. Nam, quum Se- 5
necio reus esset quod de vita Heluidii libros
composuisset, rogatumque se a Fannia in de-
fensione dixisset, quaerente minaciter Metio
Caro,

Q. 4

Caro, *An rogasset?* respondit; *Rogaui:* *An commentarios scripturo dedisset?* *Dedi:* *An scientem matrem?* *Nesciente.* Postremo nullam vocem cedentem periculo emisit. *Quia* in etiam illos ipsos libros, quamquam ex necessitate & metu temporum abolitos, SC. publicatis bonis, seruavit, habuit, tulitque in exsilium exfilii causam. Eadem quam iucunda, quam comis, quam denique (quod paucis datum est) non minus amabilis, quam veneranda? Erit sane, quam postea vxoribus nostris ostentare possimus: erit, *qua* viri quoque fortitudinis exempla sumamus, quam sic cernentes audientesque miramur, ut illas, quae leguntur. Ac mihi dominus ipsa nutare, consulaque sedibus suis ruitura supra videtur, licet adhuc posteros habeat. Quantis enim virtutibus quantisque factis adsequentur, ut haec non nouissima occiderit? Me quidem illud etiam adfigit & tortquet, quod matrem eius, illam (nihil possum illustrius dicere) tantae feminae matrem, rursus videor amittere, quam haec, ut reddit ac resert nobis, sic auferet secum, meque & nouopariter & rescisso vulnere adficiet. Vtramque colui, vtramque dilexi: vtram magis, nescio; nec discerni yolebant. Habuerunt officia mea in secundis: habuerunt in aduersis. Ego solatum relegatarum, ego vltor reuersarum: non feci tamen paria, atque eo magis hanc cupio seruari, ut mihi soluendi tempora supervent. In his eram caris, quum scriberem ad

te; quas si deus aliquis in gaudium verterit,
de metu non querar. Vale.

XX.

C. PLINIUS TACITO SVO S.

Taciti liberum, a se notatum, remittit; in
suo libro vicem exspectat, & amicitia illius, flui-
diorumque ac famae societate delectatur.

Liberum tuum legi, &, quam diligentissime
potui, adnotaui, quae commutanda, quae
eximenda arbitrarer. Nam & ego verum di-
cere adsueui, & tu libenter audire. NEQVE
enim vlli patientius reprehenduntur, quam
qui maxime laudari merentur. Nunc a te li-
berum meum cum adnotationibus tuis exspecto.
O iucundas, o pulchras vices! Quam me dele-
stat, quod, si qua posteris cura nostri, usque-
quaque narrabitur, qua concordia, simplicitate,
fide vixerimus! Erit rarum & insigne, duos 3
homines, aetate propemodum aequales, non
nullius in litteris nominis (cogor enim de te
quoque parcus dicere, quia de me simul dico)
alterum alterius studia fouisse. Equidem ado-
lescentulus, quem iam tu fama gloriaque flo-
reres, te sequi, tibi longo, sed proximus, in-
teruallo & esse & haberi concupiscebam. Et
erant multa clarissima ingenia: sed tu mihi (ita
similitudo naturae ferebat) maxime imitabilis,
maxime imitandus videbaris. Quo magis gau-
deo, quod, si quis de studiis sermo, vna no-
minamur; quod de te loquentibus, statim ce- 5
curro.

Qs

turro. Nec desunt, qui utriusque nostrum praeferantur. Sed nihil interest mea, quo loco iungimur. Nam mihi primus, qui a te proximus: quin etiam in testamentis debes adnotasse, nisi quis forte alterutri nostrum amicissimus, eadem legata, & quidem pariter, accipimus. Quae omnia huc spectant, ut inuidem ardenter diligamus, cum tot vinculis nos studia, mores, fama, suprema denique hominum iudicia constringant. Vale.

XXI.

C. PLINIUS CORNUVTO SVO S.

Consilio de curandis oculis se pariturum scribit, & pro gallina iocabundus gratias agit.

Parco, collega carissime, & infirmitati oculorum, ut iubes, consulo. Nam & huc, testo vehiculo vndeque inclusus, quasi in cubiculo, perueni, & non stilo modo, verum etiam lectionibus difficulter, sed ab aineo, solisque auribus studeo. Cubicula obductis velis opaca, nec tamen obscura, facio. Cryptoporticu quoque, ad portis inferioribus fenestris, tantum umbrae, quantum luminis, habet. Sic paullatim lucem ferre condisco. Balaicum adsumo, quia prodest: vinum, quia non nocet; parcissime tamen. Ita adsueui, & nunc custos adest. Gallinam, ut a te missam, libenter accepi; quam satis acribus oculis, quamquam adhuc lippus, pinguissimam vidi. Vale.

XXII.

XXII.

C. PLINIUS FALCONI SVO S.

Aperte commendat, cui non nominato tribunatum impetraverat.

Minus miraberis, me tam instanter petisse, vt in amicum meum conferres tribunatum, quum scieris quis ille qualisque. Postsum autem iam tibi & nomen indicare, & describere ipsum, postquam polliceris. Est Cornelius Minutianus, ornamentum regionis meae, seu dignitate, seu moribus. Natus splendide, abundat facultatibus, amat studia, vt solent pauperes. Idem rectissimus iudex, fortissimus aduocatus, fidelissimus amicus. Accepisse te beneficium credes, quum proprius inspiceris hominem, omnibus honoribus, omnibus titulis (nihil volo elatius de modestissimo viro dicere) parem. Vale.

XXIII.

C. PLINIUS FABATO PROSOCERO
SVO S.

Prosocerum monet, vt domi proconsulsem expellet, nec obuiam si procurrat.

Gaudeo quidem esse te tam fortis, vt Mediolani occurtere Tironi possis: sed, vt perseueres esse tam fortis, rogo, ne tibi contra rationem aetatis tantum laboris iniungas. Quinimum denuntio, vt illum & domi, & intra domum, atque etiam intra cubiculi limen, exspectes. Etenim quum a me vt frater, diligatur,

gatur, non debet ab eo, quem ego parentis
loco obseruo, exigere officium, quod parenti
suo remisisset. Vale,

XXIV.

C. PLINIUS GEMINIO SVO S.

*Numidia mortem nuntiat, & ex heredi-
bus nepotem, eiusque educationem laudat.*

Numidia Quadratilla paullo minus octoge-
simo aetatis anno decessit, vsque ad no-
vissimam valetudinem viridis, atque etiam ul-
tra matronalem modum compacto corpore &
robusto. Decessit honestissimo testamento. Re-
liquit heredes, ex besse nepotem, ex tertia
parte neptem. Neptem parum noui: nepo-
tem familiarissime diligo; adolescentem singu-
larem, nec iis tantum, quos sanguine attingit,
3 inter propinquos amandum. Ac primum, con-
spicuus forma, omnes sermones malignorum &
puer & iuuenis euasit: intra quartum & vi-
cesimum annum maritus, &, si dens adnuisset,
pater. Vixit in contubernio auiae delicate
4 seuerissime, & tamen obsequentissime. Habe-
bat illa pantomimos, fouebatque effusius, quam
principi feminae conueniret. Hos Quadratus
non in theatro, non domi spectabat; nec illa
5 exigebat. Audii ipsam, quum mihi commen-
daret nepotis sui studia, solere se, vt femi-
nam in illo otio sexus, laxare animum lusu
calculatorum, solere spectare pantomimos suos;
sed quum factura esset alterutrum, semper se
nepoti

nepoti suo paecepisse, abiret, studeretque: quod mihi non amore eius magis facere, quam reverentia videbatur. Miraberis, & ego miratus sum. Proximis sacerdotalibus ludis, productis in commissione pantomimis, quum simul theatro ego & Quadratus egredieremur, ait mihi; *Scis, me hodie primum vidisse saltantem aviae tunc libertum?* Hoc nepos. At, hercule, alienissimi homines in honorem Quadratillae: pudet me dixisse honorem; per adulationis officium, in theatrum cursitabant, exultabant, plau-debant, mirabantur: ac deinde singulos gestus dominae cum canticis reddebat; qui nunc exiguisima legata, theatalis operae corollarium, accipient ab herede, qui non spectabat. Quorsum haec? quia soles, si quid incidit noui, non inuitus audire: deinde, quia iucundum est mihi, quod ceperim gaudium, scribendo retractare. Gaudeo enim pietate defunctae, honore optimi iuuenis: laetor etiam, quod dominus aliquando C. Cassii huius, qui Cassianae scholae princeps & parens fuit, seruiet domino non minori. Implebit enim illam Quadratus meus, ut decebit, rursusque ei pristinam dignitatem, celebritatem, gloriamque reddet, quum tantus orator inde procedet, quantus iuris ille consultus. Vale.

XXV.

C. PLINIUS RVFO SVO S.

*Quam docti viri sub habitu pagano lateant,
exemplo Terentii Iunioris docet.*

O quantum eruditorum, aut modestia ipsorum, aut quies operit & subtrahit famae! At nos eos tantum dicturi aliquid aut lecturi timemus, qui studia sua proferunt; quum illi, qui tacent, hoc amplius praestent,
 2 quod maximum opus silentio reuerentur. Expertus scribo, quod scribo. Terentius Iunior, equestribus militiis, atque etiam procuratione Narbonensis prouinciae integrime functus, recepit se in agros suos, paratisque honoribus
 3 tranquillissimum otium praetulit. Hunc ego, inuitatus hospitio, ut bonum patrem familie, vt diligentem agricolam intuebar; de his loquuturus, in quibus illum versari putabam:
 & cooperam, quum ille me doctissimo sermo-
 4 ne reuocauit ad studia. Quam terfa omnia?
 quam Latina? quam Graeca? Nam tantum
 vtraque lingua valet, vt ea magis videatur
 excellere, quam cum maxime loquitur. Quan-
 tum ille legit? quantum tenet? Athenis vi-
 5 vere hominem. non in villa, putas. Quid
 multa? Auxit solitudinem meam, effecitque,
 vt illis, quos doctissimos noui, non minus hos
 seductos & quasi rusticos verear. Idem suadeo
 tibi. Sunt enim, vt in castris, sic etiam in
 litteris nostris plures cultu pagano, quos cin-
 etes

Eos & armatos, & quidem ardentissimo ingenio, diligentius scrutatus inuenies. Vale.

XXVI.

C. PLINIUS MAXIMO SVO S.

Morbo amici admonitus, hortatur, ut tales sani perseueremus, quales nos futuros infirmi profitemur.

Nuper me cuiusdam amici languor admonuit, optimos esse nos, dum infirmi sumus. Quem enim infirmum aut avaritia aut libido sollicitat? Non amoribus seruit, non appetit honores, opes negligit, & quantulumcunque, ut relicturus, satis habet: tunc deos, tunc hominem esse se meminit: inuidet nemini, neminem miratur, neminem despicit, ac ne sermonibus quidem malignis aut attendit, aut alitur: balinea imaginatur & fontes. Haec summa curarum, summa votorum; mollemque in posterum & pinguem, si contingat euadere, hoc est, innoxiam beatamque destinat vitam. Possum ergo, quod pluribus verbis, pluribus etiam voluminibus philosophi docere conantur, ipse breuiter tibi mihiique praecepere, ut TALES esse sani perseueremus, quales nos futuros profitemur infirmi. Vale.

XXVII.

XXVII.

C. PLINIUS SVRAE SVO 5.

An aliquid spectra sint, ita quaerit, vt ~~etiam~~ emplis Curtii Rifi, & Athenodori philosophi, tum domesticorum suorum adfirmare videatur.

Et mihi discendi, & tibi docendi facultatem otium praebet. Igitur perquam velim scire, esse aliquid phasmata, & habere propriam figuram numenque aliquod putas, an inania & vana ex metu nostro imaginem accipere. Ego vt esse credam, in primis eo ducor, quod audio accidisse Curtio Rufo. Tenuis adhuc & obscurus obtinenti Africam comes haeserat: inclinato die spatiabatur in portici: offertur mulieris figura, humana grandior pulchriorque: per territo Africam se, futuronrum prae-nuntiam, dixit: iturum eum Romam, honoresque gesturum, atque etiam cum summo imperio in eandem prouinciam reuersurum, ibique moriturum. Facta sunt omnia. Praeterea accedenti Carthaginem, egressientique nauem, eadem figura in littore occurrisse narratur. Ipse certe implicitus morbo, futura praeteritis, adversa secundis auguratus, spem salutis, nullo suorum desperante, proiecit. Iam illud, nonne & magis terribile, & non minus mirum est, quod exponam, vt accepi? Erat Athenis spatiose & capax domus, sed infamis & pestilens. Per silentium noctis sonus ferri, &, si attenderes acrius, strepitus vinculorum longius primo, deinde & proximo reddebat: mox appa-

apparebat idolon, senex macie & squalore con-
fectus, promissa barba, horrenti capillo, cruri-
bus compedes, manibus catenas gerebat quatie-
batque. Inde inhabitantibus tristes diracque 6
noctes per metum vigilabantur: vigiliam mor-
bus, &, crescente formidine, mors sequebatur.
Nam interdiu quoque, quamquam abscesserat
imago, memoria imaginis oculis inherabat, lon-
giorque caustis [timoris] timor erat. Deserta
inde & damnata solitudine domu, totaque illi
monstro relicta: proscribebatur tamen, seu quis
emere, seu quis conducere, ignarus tanti mali,
vellet. Venit Athenas philosophus Atheno- 7
dorus, legit titulum: auditoque pretio, quia
suspecta vilitas, percunctatus, omnia docetur,
ac nihilominus, immo tanto magis, conductus:
vbi coepit aduerserascere, iubet sterni sibi in
prima domus parte, poscit pugillares, stilum,
lumen: suos omnes in interiora dimittit, ipse
ad scribendum, animum, oculos, manum inten-
dit, ne vacua mens audit a simulacra & inanes
sibi metus fingeret. Initio, quale vbiique, si- 8
lentium noctis, deinde concuti ferrum, vincu-
la moueri: ille non tollere oculos, non remit-
tere stylum, sed obfirmare animum, auribusque
praetendere: tum crebrescere frigor, aduentar
etiam, ac iam ut in limine, iam ut intra li-
men audiri: respicit, videt, agnoscitque nar-
ratam sibi effigiem. Stabat innuebatque di- 9
gito, similis vocanti: hic contra, ut paullulum
exspectaret, manu significat, rursusque ceris &

stilo incumbit: illa scribentis capiti catenis insonabat: respicit rursus idem, quod prius, innuentem: nec moratus, tollit lumen, & sequitur. Ibat illa lento gradu, quasi grauis vinculis: postquam deflexit in aream domus, repente dilapla deserit comitem: desertus herbas & folia concerpta signum loco ponit. Postero die adit magistratus, monet, ut illum locum effodi iubeant. Inueniuntur ossa inserta catenis & implicita, quae corpus aevo terraque putrefactum nuda & exesa reliquerat vinculis: collecta publice sepeliuntur; domus postea rite conditis manibus caruit. Et haec quidem adfirmantibus credo. Illud adfirmare aliis possum. Est libertus mihi Marcus, non illitteratus. Cum hoc minor frater eodem lecto quiescebat. Is visus est sibi cernere quandam in toro residentem, admouentemque capiti suo cultros, atque etiam ex ipso vertice amputantem capillos. Vbi illuxit, ipse circa verticem tonsus, capilli iacentes reperiuntur. Exiguum temporis medium, & rursus simile aliud priori fidem fecit. Puer in paedagogio mistus pluribus dormiebat; venerunt per fenestras (ita narrat) in tunicis albis duo, cabantemque detonderunt; & qua venerant, recesserunt. Hunc quoque tonsum, sparsosque circa capillos dies ostendit. Nihil notabile sequutum, nisi forte, quod non fui reus: futurus, si Domitianus, sub quo haec acciderunt, diutius vixisset. Nam in scrinio eius datus a

Caro

Caro de me libellus inuentus est; ex quo coniectari potest, quia reis moris est submittere capillum, recisos meorum capillos depulsi, quod imminebat, periculi signum fuisse. Pro 15 inde rogo, eruditionem tuam intendas. Digna res est, quam diu multumque consideres: ne ego quidem indignus, cui copiam scientiae tuae facias. Liceret etiam utramque in partem, vt 16 soles, disputes: ex altera tamen fortius, ne me suspensum incertumque dimittas, cum mihi consulendi causa fuerit, ut dubitare desinerem. Vale.

XXVIII.

C. PLINIVS SEPTICIO SVO S.

Reprehensus a nonnullis, quod nimium amicos laudet; amore se & benignitatis officio tutetur.

Aliis, quosdam apud te reprehendisse, tanquam amicos meos ex omni occasione ultra modum laudem. Agnosco crimen, amplector etiam. Quid enim honestius culpa benignitatis? Qui 2 sunt tamen isti, qui amicos meos melius norint? Sed ut norint; quid inuident mihi felicissimo errore? Ut enim non sint tales, quales a me praedicantur, ego tamen beatus, quod mihi videntur. Igitur ad alios hanc sinistram 3 diligentiam conferant (nec sunt parum multi) qui carpere amicos suos iudicium vocant: mihi nunquam persuadebunt, ut meos amari a me nimium putem. Vale.

XXIX.

C. PLINIUS MONTANO SVO S.

Pallantis liberti monumentum ridet cum indignatione.

Ridebis, deinde indignaberis, deinde ridebis,
 si legeris, quod nisi legeris, non potes cre-
 2 dere. Est via Tiburtina intra primum lapi-
 dem (proxime adnotauit) monumentum Pal-
 lantis, ita inscriptum; HVIC SENATVS,
 OB FIDEM PIETATEMQUE ERGA
 PATRONOS, ORNAMENTA PRAETO-
 RIA DECREVIT, ET SESTERTIVM
 CENTIES QVINQVAGIES, CVIVS HO-
 3 NORE CONTENTVS FVIT. Evidem
 nunquam sum miratus, quae saepius a fortu-
 na, quam a iudicio proficiscerentur: maxime
 tamen hic me titulus admonuit, quam essent
 nimica & inepta, quae interdum in hoc coe-
 num, in has fordes abiicerentur: quae denique
 ille furcifer & recipere ausus est, & recusare,
 atque etiam, vt moderationis exemplum, po-
 4 steris prodere. Sed quid indignor? Ridero
 satius est, ne se magnum aliquod adeptos pu-
 tent, qui huc felicitate perueniunt, vt ridan-
 tur. Vale.

XXX.

C. PLINIUS GENITORI SVO S.

*Dolet, amici studia amissi discipulo impedi-
ta, nec sua in secessu tranquilliora esse signifi-
cat, quamquam Demosthenis amicus compare-
vit.*

Torqueor, quod discipulum, ut scribis, opiti-
mæ spei amisisti, cuius & valetudine &
morte impedita studia tua quid nesciam?
quum sis omnium officiorum obseruantissimus,
quumque omnes, quos probas, effusissime dili-
gas? Me huc quoque urbana negotia perse- 2
quuntur. Non desunt enim, qui me aut iu-
dicem, aut arbitrum faciant. Accedunt que- 3
relae rusticorum, qui auribus meis post lon-
gum tempus suo iure abutuntur. Instat &
necessitas agrorum locandorum perquam mo-
lesta. Adeo rarum est inuenire idoneos con-
ductores. Quibus ex caussis precastio studio: 4
studeo tamen. Nam & scribo aliquid & lego:
sed quum lego, ex comparatione sentio, quam
male scribam; licet tu mihi bonum animum
facias, qui libellos meos de vltione Heluidii,
Orationi Demostheuiis *natura* Meidic confers:
quam sane, quum componerem illos, habui in 5
manibus, non ut aemularer, (improbum enim
ac paene furiosum) sed tamen imitarer & se-
querer, quantum aut diuersitas ingeniorum,
maximi aut minimi, aut caussae dissimilitudo
pateretur. Vale.

XXXI.

C. PLINIUS CORNVTO SVO S.

Claudium Pollionem commendat.

Claudius Pollio amari a te cupit: dignus
 hoc ipso, quod cupit: deinde, quod ipse
 te diligit. Neque enim fere quisquam exi-
 git illud, nisi qui facit. Vir alioqui rectus,
 integer, quietus, ac paene ultra modum (si
 quis tamen ultra modum) verecundus. Hunc,
 quum simul militaremus, non solum, ut com-
 miliito inspexi. Praecerat alae milliariae: ega-
 iussus a legato consulari rationem alarum &
 cohortium excutere, ut magnam quorundam
 foedamque avaritiam, & negligentiam parem,
 ita huius summam integritatem, solicitam di-
 ligentiam inueni. Postea promotus ad am-
 plissimas procurationes, nulla occasione corru-
 ptus ab insito abstinentiae amore deflexit;
 nunquam secundis rebus intumuit, nunquam
 officiorum varietate continuam laudem humi-
 nitatis infregit: eademque firmitate animi la-
 boribus sufficit, qua nunc otium patitur. Quod
 quidem paullisper cum magna sua laude in-
 termisit & posuit, a Corellio nostro ex libe-
 ralitate imperatoris Neruae emendis diuden-
 disque agris adiutor adsumptus. Etenim qua
 gloria dignum est, summo viro in tanta eli-
 gendi facultate praecipue placuisse? Idem quam
 reuerenter, quam fideliter amicos colat, mul-
 torum supremis iudiciis, in his Musonii Basti,
 grauissimi ciuis, credere potes, cuius memo-
 riam

riam tam grata praedicatione prorogat & ex-tendit, vt librum de vita eius (nam studia quoque, sicut alias artes bonas, veneratur) edi-derit. Pulchrum istud, & raritate ipsa pro-bandum, quum plerique haec tenus defunctorum meminerint, vt querantur. Hunc hominem, appetentissimum tui (mihi crede) complectere, apprehende, immo & inuita, ac sic ama, tan-quam gratiam referas. Neque enim obligan-dus, sed remunerandus est in amoris officio, qui prior coepit. Vale.

XXXII.

C. PLINIUS FABATO PROSOCERO
SVO S.

Tironem protos. ad Fabatum diuertisse;
plurimosque manumissos liberasse, vnicet laetatur.
Delector, iucundum tibi fuisse Tironis mei aduentum: quod vero scribis, oblata occa-sione proconsulis, plurimos manumissos, vnicet laetor. Cupio enim patriam nostram omni-bus quidem rebus augeri, maxime tamen ci-vium numero. Id enim oppidis firmissimum ornamentum. Illud etiam me, non vt ambi-tiosum, sed tamen iuuat, quod adiicis, me te-que & gratiarum actione & laude celebratos. Est enim, vt Xenophon ait, *ηδισογ ακεσματων*, vtique si te mereri putes. Vale.

XXXIII.

C. PLINIUS TACITO SVO S.

Rogat, vt Tacitus historiis suis actionem contra Baebium Massam inserat, cuius materiam recenset.

Augutor, nec me fallit augurium, historias tuas immortales futuras: quo magis illicis (ingenue fatebor) inseri cupio. Nam si esse nobis curae solet, vt facies nostra ab optimo quoque artifice exprimatur; nonne debeamus optare, vt operibus nostris similis tui scriptor praedicatorque contingat? Demonstro itaque, quamquam diligentiam tuam fugere non possit, quum sit in publicis aetis, demonstro tamen, quo magis credas, iucundum mihi futurum, si factum meum, cuius gratia periculo creuit, tuo ingenio, tuo testimonio ornaueris. Dederat me senatus cum Herennio Senecione aduocatum prouinciae Baeticae contra Baebium Massam: damnatoque Massa, censuerat, vt bona eius publice custodirentur. Senecio, quum explorasset, consules postulationibus vacatuos, conuenit me: &, Qua concordia, inquit, iniumentam nobis accusationem exsequunti sumus, hac adeamus consules, petamusque, ne bona dissipari finant, quorum esse in custodia debent. Respondi, Quum sumus aduocati a senatu dati, dispice, num peradas. putas partes nostras, senatus cognitione finita. Et ille, Tu, quem voles, tibi terminum statues, cui nulla cum prouincia necessitudo, nisi ex beneficio tuo,

hoc

hoc recenti: ipse & natus ibi, & quaestor in
ea fui. Tum ego, Si fixum tibi istud ac de- 6
liberatum, sequar te, ut, si qua ex hoc inuidia
erit, non tua tantum sit. Venimus ad coniu- 7
les, dicit Senecio, quae res ferebat: aliqua sub-
iungo. Vixdum conticueramus, & Massa que-
stus, Senecionem non aduocati fidem, sed inimici
amaritudinem implesse, impietatis reum postu-
lat. Horror omnium: ego autem, Vereor, in- 8
quam, clarissimi consules, ne mihi Massa silentio
suo praeuaricationem obiecerit, quod non & me
reum postulauit. Quae vox & statim excepta,
& postea multo sermone celebrata est. Diuus 9
quidem Nerua (nam priuatus quoque atten-
debat his, quae recte in publico fierent) missis
ad me grauissimis litteris, non mihi solum,
verum etiam seculo est gratulatus, cui exem-
plum (sic enim scripsit) simile antiquis conti-
gisset. Haec, vt cunque se habent, notiora, 10
clariora, maiora tu facies: quamquam non exi-
go, vt excedas actae rei modum. Nam nec
historia debet egredi veritatem, & honeste fa-
ctis veritas sufficit. Vale.

LIBER VIII.

I.

C. PLINIUS SEPTICIO SVO S.

*Ex itineris aestu lectorem suum in morbum
iniciasse, solicite significat.*

Iter commode explicui, excepto quod quidam ex meis aduersam valetudinem feruer-
2 scitibus aestibus contraxerint. Encolpius qui-
dem lector, ille seria nostra, ille deliciae, exas-
peratis faucibus puluere, sanguinem reiecit.
Quam triste hoc ipsi, quam acerbum mihi, si
is, cui omnis ex studiis gratia, inhabilis stu-
diis fuerit. Quis deinde libellos meos sic le-
get? sic amabit? quem aures meae sic sequen-
3 tur? Sed dii laetiora promittunt. Stetit san-
guis, resedit dolor. Praeterea continens ipse-
nos solliciti, medici diligentes. Ad hoc salu-
britas coeli, secessus, quies, tantum salutis,
quantum otii, pollicentur. Vale.

II.

C. PLINIUS CALVISIO SVO S.

*Vindemiae emtoribus, quod fructus spem
fefellerat, remisisse de pretio, & inde laudem con-
sequutum esse nuntiat.*

Alli in praedia sua profiscuntur, vt locu-
pletiores reuertantur; ego, vt pauperior.
Vendideram vindemias certatim negotiatoribus
ementibus. Inuitabat pretium; & quod tunc,
2 & quod fore videbatur. Spes fefellit. Erat
expe-

expeditum, omnibus remittere aequaliter, sed non satis aequum. Mihi autem egregium in primis videtur, vt foris, ita domi, vt in magnis, ita in paruis, vt in alienis, ita in suis, agitare iustitiam. Nam si paria peccata; pares etiam laudes. Itaque omnibus quidem, ne quis mihi non donatus abiret, partem octauam pretii, quo quis emerat, concessi. deinde iis, qui amplissimas summas emtionibus occupauerant, separati consului. Nam & me magis iuuerant, & maius ipsi fecerant damnum. Igitur iis, qui pluris, quam decem millibus emerant, ad illam communem, & quasi publicam octauam, addidi decimam eius summae, quae decem millia excesserat. Vereor, ne parum expresserim; apertius calculos ostendam. Si qui forte quindecim millibus emerant, hi & quindecim millium octauam, & quinque milium decimam, tulerunt. Praeterea, quum reputarem quosdam ex debito aliquantum, quosdam aliquid, quosdam nihil reposuisse, ne quaquam verum arbitrabar, quos non aequas- set fides solutionis, hos benignitate remissionis aequari. Rursus ergo iis, qui soluerant, eius, quod soluerant, decimam remisi. Per hoc enim aptissime & in praeteritum singulis, pro cuiusque merito, gratia referri, & in futurum omnes cum ad emendum, tum etiam ad sol- vendum allici videbantur. Magno mihi seu ratio haec, seu facilitas stetit: sed fuit tanti. Nam regione tota & nouitas remissionis & for-

ma

ma laudatur. Ex ipsis etiam, quos non vns,
vt dicitur, pertica, sed distincte gradatimque
tractaui, quanto quis melior & probior, tanto
mihi obligatior abit, expertus non esse apud
me, Ἐν δὲ τῷ τιμῷ οὐ μὲν κακὸς, οὐ δὲ καὶ
ἀσθλός.

III.

C. PLINIUS SPARSO SVO S.

Laetatur, placuisse librum suum, quem misserat, & de oratione, quam missurus erat, idem vel maius sperat.

Librum, quem nouissime tibi misi, ex omnibus meis vel maxime placere significas.
2. Est eadem opinio cuiusdam eruditissimi. Quo magis adducor, vt neutrū falli putem; quia non est credibile, vtrumque falli, & quia tantum blandior mihi. Volo enim, proxima quaeque absolutissima videri: & ideo iam nonc contra istum librum faueo orationi, quam nuper in publicum dedi: communicatus te cum, vt primum diligentem tabellarium inuenero.
3. Erexī expectationē tuā? quam vereor, nō destituat oratio in manus sumta. Interim tamen, tanquam placitum (& fortasse placebit) expecta. Vale.

IV.

IV.

C. PLINIUS CANINIO SVO S.

Bellum Dacicum scripturo stimulos addit.
et de fessitudiis barbaris nominibus consilium
dat.

Optime facis, quod bellum Dacicum scribere paras. Nam quae tam recens, tam copiosa, tam lata, quae denique tam poetica, & (quamquam in verissimis rebus) tam fabulosa materia? Dices immissa terris noua flumina, nouos pontes fluminibus injectos, insessa catris montium abrupta, pulsus regia, pulsus etiam vita, regem nihil desperantem. Super haec, actos bis triumphos: quorum alter ex iniuncta gente primus, alter nouissimus fuit. Una, sed maxima, difficultas, quod haec requare dicendo, arduum, immensum, etiam tuo ingenio, quamquam altissime adsurgat, & amplissimis operibus increscat. Non nullus & in illo labor, ut barbara & fera nomina, in primis regis ipsius, Graecis versibus non resulgent. Sed nihil est, quod non arte curaque, si non potest vinci, mitigetur. Praeterea, si datur Homero, & mollia vocabula & Graeca ad lenitatem versus contrahere, extendere, insectare; cur tibi similis audentia, praesertim non delicata, sed necessaria, negetur? Proinde iure vatuum, inuocatis diis, & inter deos ipso, cuius res, opera, consilia dicturus es, immitte rudentes, pande vela, ac, si quando alias, toto ingenio vehere. Cur enim non ego quoque poeti-

6 poëtice cum poëta? Illud iam nunc patiscor:
 prima quaeque ut absolueris, mitte, immo
 etiam, antequam absoluas; sic ut erunt re-
 centia, & rudia, & adhuc similia nascentibus.
 7 Respondebis, non posse perinde carptim, ut
 contexta; perinde inchoata placere, ut effecta.
 Scio. Itaque & a me aestimabuntur ut coe-
 pta; spectabuntur ut membra; extremamque
 limam tuam opperientur in scrinio nostro. Pa-
 tere hoc me super cetera habere amoris tui
 pignus, ut ea quoque norim, quae nosse ne-
 8 minem velles. In summa, potero fortasse scri-
 pta tua magis probare, laudare, quanto illa
 tardius cautiusque; sed ipsum te magis ama-
 bo, magisque laudabo, quanto celerius & in-
 cautius miseris. Vale.

V.

C. PLINIVS GEMINIO SVO S.

*Macrinum vxoris sanctissimae obitu gra-
vissimum vulnus accepisse, dolet.*

Gtaue vulnus Macrinus noster accepit. Ami-
 fit vxorem singularis exempli, etiam si
 olim fuisset. Vixit cum hac triginta nouem
 annis, sine iurgio, sine offensa. Quam illa re-
 verentiam marito suo praestitit, cum ipsa sum-
 mam mereretur? Quot quantasque virtutes,
 ex diuersis aetatibus sumtas, collegit & mi-
 scuit? Habet quidem Macrinus grande sola-
 tium, quod tantum bonum tam diu tenuit:
 sed hoc magis exacerbatur, quod amisit. Nam
 fruen-

fruendis voluptatibus crescit carendi dolor.
Ero ergo suspensus pro homine amicissimo, 3
dum admittere auocamenta, & cicatricem pati
possit; quam nihil aequa ac necessitas ipsa, &
dies longa, & satietas doloris inducit. Vale.

VI.

C. PLINIUS MONTANO SVO S.

*Adulatorium senatusconsultum de Pallante
liberto Claudi perstringit indignabundus.*

Cognouisse iam ex epistola mea debes, adno-
tasse me nuper monimentum Pallantis sub
hoc inscriptione: HVIC SENATVS, OB FI-
DEM PIETATEMQUE ERGA PATRO-
NOS, ORNAMENTA PRAETORIA DE-
CREVIT ET SESTERTIVM CENTIËS
QVINQVAGIES, CVIVS HONORE CON-
TENTVS FVIT. Postea mihi visum est pre- 2
tium curae, ipsum SC. quaerere. Inueni tam
copiosum & effusum, vt ille superbissimus ti-
tulus, modicus atque etiam demissus videre-
tur. Conferant se, non dico illi veteres, Afri-
cani, Achaici, Numantini, sed hi proximi, Mar-
ii, Syllae, Pompeii; (nolo progredi longius)
infra Pallantis laudes iacebunt. Vrbanos, qui 3
illa censuerunt, putem, an miseris? Dicerem
vrbanos, si senatum deceret vrbana. Mis-
eris ergo? sed nemo tam miser est, vt ad illa
cogatur. Ambitio ergo, & procedendi libido?
Sed quis adeo demens, vt per suum, per pu-
blicum dedecus procedere velit in ea ciuitate,
in

- in qua hic esset usus florentissimae dignitatis,
ut primus in senatu laudare Pallantem posset?
- 4 Omitto, quod Pallanti seruo praetoria orna-
menta esseuntur; quippe offeruntur a seruis:
mitto, quod censem, NON EXHORTAN-
DVM MODO, VERVM ETIAM COM-
PELLENDVM AD VSVM AVREORVM
ANNVLORVM. Erat enim contra mai-
starem senatus, si ferreis praetorius uteretur.
- 5 Lenia haec & transienda; illa memoranda,
quod NOMINE PALLANTIS SENATVS,
(nec expiata postea curia est?) PALLANTIS
NOMINE SENATVS GRATIAS AGIT
CAESARI; QVOD ET IPSE, CVM SVM-
MO HONORE MENTIONEM EIVS PRO-
SEQVVTVS ESSET, ET SENATVI FA-
CVLTATEM FECISSE I TESTANDI
ERGA EVM BENEVOLENTIAM SVAM.
- 6 Quid enim senatui pulchrius, quam ut erga
Pallantem satis gratus videretur? Additur,
VT PALLAS, cui se omnes pro virili parte
obligatos fatentur, SINGVLARIS FIDEI,
SINGVLARIS INDVSTRIAЕ FRVCTVM
MERITISSIMO FERAT. Prolatos imperii
fines, redditos exercitus reipublicae credas.
- 7 Adstruitur his, QVVM SENATVI POPV-
LOQVE ROMANO LIBERALITATIS
GRATIOR REPRAESENTARI NVLLA
MATERIA POSSET QVAM SI ABSTI-
NENTISSIMI FIDELISSIMI QE CV-
STODIS PRINCIPALIVM OPVM FA-
CVL-

CVLTATES ADIVVARE CONTIGISSET. Hoc tunc votum senatus; hoc praecipuum gaudium populi; haec liberalitatis materia gratissima, si Pallantis facultates adiuuare publicarum opum egestione contingent. Iam quae sequuntur, VOLVISSE QVIDEM SENATVM CENSERE, DANDVM EX AERARIO SESTERTIVM CENTIES QVINQVAGIES, ET QVANTO AB EIVSMODI CVPIDITATIBVS REMOTIOR EIVS ANIMVS ESSET, TANTO IMPENSIVS PETERE A PVBLICO PARENTE, VT EVM COMPELLERET AD CEDENDVM SENATVI. Id vero deerat, vt cum Pallante auctoritate publica ageretur; Pallas rogaretur, vt senatui cederet: vt illi superbissimae abstinentiae Caesar ipse patronus aduocaretur, ne sestertium centies quinqueagies sperneret. Sprefuit quod solum potuit, tantis opibus publice oblatis: arrogans fecit, quam si accepisset. Senatus tamen id quoque, similis querenti, laudibus tulit, his quidem verbis: SED QVVM PRINCEPS OPTIMVS, PAR-10 RENSQUE PVBLICVS, ROGATVS A PALLANTE, EAM PARTEM SENTENTIAE, QVAE PERTINEBAT AD DAN- DVM EI EX AERARIO CENTIES QVINQVAGIES SESTERTIVM REMIPTI VOLVISSET; TESTARI SENATVM, ET SE LIBENTER AC MERITO HANC SVMMAM INTER RELIQVOS HONO-

S

RES,

RES, OB FIDEM DILIGENTIAMQUE
 PALLANTIS, DECERNERE COEPISSE;
 VOLVNTATI TAMEN PRINCIPIS SVI
 CVI IN NVLLA RE FAS PVTARET RE-
 PVGNARE, IN HAC QVOQVE RE OB-
 SEQVI. Imaginare Pallantem velut interce-
 dentem senatusconsulto, moderantemque ho-
 nores suos, & festertium centies quinquagies,
 vt nimium, recusantem, quum praetoria or-
 namenta, tanquam minus, receperisset. Imag-
 nare Caefarem, liberti precibus, vel potius
 imperio, coram senatu obtemperantem. Imper-
 at enim libertus patrono, quem in senatu
 12 rogat. Imaginare senatum, vsquequaque te-
 stantem, merito libenterque se hanc summam,
 inter reliquos honores, Pallanti coepisse decer-
 nere; & perseveraturum fuisse se, nisi obse-
 queretur principis voluntati, cui non esset fas
 in vlla re repugnare. Ita, ne festertium cen-
 ties quinquagies Pallas ex aerario referret, ve-
 recundia ipsius, obsequio senatus opus fuit?
 in hoc praecipue non obsequuturi, si in vlla
 13 re putasset fas esse non obsequi. Finem exi-
 stimas? Mane dum, & maiora accipe. VTI-
 QVE, QVVM SIT VTILE, PRINCIPIS
 BENIGNITATEM PROMTISSIMAM AD
 LAUDEM PRAEMIAQUE MERENTIVM
 ILLVSTRARI VBIQVE. ET MAXIME
 IIS LOCIS. QVIBVS INCITARI AD IMI-
 TATIONEM PRAEPOSITI RFRVM E-
 IVS CVRAE POSSENT, ET PALLAN-
 TIS

TIS SPECTATISSIMA FIDES, ATQVE
INNOCENTIA EXEMPLIO PROVOCARE
STVDIVM TAM HONESTAE AE-
MVULATIONIS POSSET, EA QVAE III.
CALEND. FEBRVARIAS, QVAE PRO-
XIME FVISSENT, IN AMPLISSIMO OR-
DINE OPTIMVS PRINCEPS RECITAS-
SET, SENATVSQVE CONSULTA DE
HIS REBUS FACTA IN AES INCIDE-
RENTVR, IDQVE AES FIGERETVR
AD STATVAM LORICATAM DIVI IV-
LII. Parum visum tantorum dedecorum esse¹⁴
curiam testem: delectus est celeberrimus locus,
quo legenda praesentibus, legenda futuris pro-
derentur. Placuit aere signari omnes honores
fastidiosissimi mancipii: quosque repudiasset,
quosque, quantum ad decernentes pertinet,
gessisset. Incisa & insculpta sunt publicis ae-
ternisque monimentis praetoria; sic, quasi soe-
dera antiqua; sic, quasi sacrae leges. Tanta¹⁵
principis, tanta senatus, tanta Pallantis ipsius,
quid dicam, nescio; vt vellent in oculis omni-
um figi Pallas insolentiam suam, patientiam
Caesar, humilitatem senatus. Nec puduit ra-
tionem turpiditini obtendere: egregiam qui-
dem pulchritudine rationem, vt exemplo Pal-
lantis praemiorum ad studium aemulationis ce-
teri prouocarentur. Ea honorum vilitas erat,¹⁶
illorum etiam, quos Pallas non dignabatur.
Inueniebantur tamen honesto loco nati, qui
peterent cuperentque, quod dari liberto, pro-
mitti

mitti seruis videbant. Quam iuuat, quod in tempora illa non incidi, quorum sic me, tanquam illis vixerim, pudet! Non dubito, similiter adsici te. Scio, quam sit tibi viuus & ingenuus animus: ideoque facilius est, ut me, quamquam indignationem quibusdam in locis fortasse ultra epistolae modum extulerim, parum doluisse, quam nimis credas. Vale.

VII.

C. PLINIUS TACITO SVO S.

A Tacito rogatus, vt librum suum tamquam magister corrigeret, ita promittit, quod si petierat, vt hyperbato titulum deprecetur.

Neque ut magistro magister, neque ut discipulo discipulus (sic enim scribis) sed ut discipulo magister, (nam tu magister, ego contra: atque ideo tu in scholam reuocas, ego adhuc Saturnalia extendo) librum misisti.
2. Num potui longius hyperbaton facere, atque hoc ipso probare, cum me esse, qui non modo magister tuus, sed ne discipulus quidem debeam dici? Sumam tamen personam magistri; exseramque in librum tuum ius, quod dedisti; eo liberius, quo nihil ex meis interim missurus sum tibi, in quo te vlciscaris. Vale.

VIII.

VIII.

C. PLINIUS ROMANO SVO S.

Clitumni fontis & fluvii naturam mirabilem perscribit.

Vidistine aliquando Clitumnū fontem? Si nondum, (& puto nondum: alioqui narrasses mihi) vide; quem ego (poenitet tarditatis) proxime vidi. Modicus collis adsergit, ² antiqua cupressu nemorosus & opacus. Hunc subter fons exit, & exprimitur pluribus venis, sed imparibus; eluctatusque facit gurgitem, qui lato gremio patescit purus & vitreus, ut numerare iactas stipes & relucentes calculos possis. Inde non loci deuexitate, sed ipsa sui copia & quasi pondere, impellitur. Fons adhuc, & iam amplissimum flumen atque etiam nauium patiens; quas, obuias quoque & contrario nisu in diuersa tendentes, transmittit & perfert: adeo validus, ut illa, qua properat ipse, quamquam per solum planum, remis non adiuvetur: idem aegerrime remis contisque supereatur aduersus. Iucundum utrumque per iocum ⁴ ludumque fluitantibus, ut flexerint cursum, laborem otio, otium labore variare. Ripae fraxino multa, multa populo vestiuntur: quas perspicuus amnis, velut mersas, viridi imaginī adnumerat. Rigor aquae certauerit niibus; nec color cedit. Adiacet templum, priscum ⁵ & religiosum. Stat Clitumnus ipse, amictus ornatusque praetexta. Praesens numen, atque etiam fatidicum, indicant sortes. Sparsa sunt

circa facella complura, totidemque dei. Sua cuique veneratio, suum nomen: quibusdam vero etiam fontes. Nam praeter illum, quasi parentem ceterorum, sunt minores capite discreti; sed flumini miscentur, quod ponte transmittitur. Is terminus sacri profanique.

6 In superiore parte nauigare tantum, infra etiam natare concessum. Balineum Hispellates, quibus illum locum diuus Augustus dono dedit, publice praebent, praebent & hospitium. Nec desunt villae, quae sequutae

7 fluminis amoenitatem, margini insistunt. In summa, nihil erit, ex quo non capias voluptatem. Nam studebis quoque, & leges multa multorum omnibus c lumnis, omnibus parietibus inscripta, quibus fons ille deusque celebratur. Plura laudabis, nonnulla ridebis; quamquam tu vero, quae tua humanitas, nulla ridebis. Vale.

IX.

C. PLINIUS VRSO SVO S.

Negotia amicorum praefert studiis.

Olim non librum in manus, non stilum sumsi. Olim nescio, quid sit otium, quid quies, quid denique illud iners quidem, iucundum tamen, nihil agere, nihil esse: adeo multa me negotia amicorum nec secedere nec studere patiuntur. Nulla enim studia tanti sunt, ut amicitiae officium deseratur: quod religiosissime custodiendum studia ipsa praecepiunt. Vale.

X.

X.

C. PLINIUS FABATO PROSOCERO
SVO S.

Abortum vxorem fecisse, cum spe foecunditatis significat.

Quo magis cupis ex nobis pronepotes vide-re, hoc tristior audies, neptem tuam abortum fecisse, dum se praegnantem esse puellari-ter nescit; ac per hoc quaedam, custodienda praegnantibus, omittit, facit omittenda. Quem errorem magnis documentis expiauit, in sum-mum periculum adducta. Igitur, ut necesse ² est, grauiter accipias senectutem tuam quasi pa-ratis posteris destitutam: sic debes agere diis gratias, quod ita tibi in praesentia pronepo-tes negauerint, ut seruarint neptem, illos red-ituri, quorum nobis spem certiorem haec ipsa, quamquam parum prospere explorata, foecun-ditas facit. Iisdem nunc ego te, quibus ipsum ³ me, hortor, moneo, confirmo. Neque enim ardentius tu pronepotes, quam ego liberos cu-pio: quibus videor a meo tuoque latere pro-nun ad honores iter, & audita latius nomi-na, & non subitas imagines relicturus. Na-scantur modo, & hunc nostrum dolorem gau-dio mutent. Vale.

XI.

C. PLINIUS HISPVLLAE SVAE S.

Soceri sorori, eadem narrat.

Quum affectum tuum erga fratri filiam cogito, etiam materna indulgentia mol-li-

liorem; intelligo prius tibi, quod est post-
rius, nuntiandum, ut praesumta laetitia soli-
itudini locum non relinquat. Quamquam
vereor, ne post gratulationem quoque in me-
tum redeas; atque ita gaudeas periculo liber-
tatem, ut simul, quod pericitata sit, perhor-
rescas. Iam hilaris, iam sibi, iam mihi red-
dita, incipit refici, transmissumque discrimen
conualescendo remetiri. Fuit alioqui in sum-
mo discrimine (impune dixisse liceat) fuit
nulla sua culpa, aetatis aliqua. Inde abortus,
& ignorati vteri triste experimentum. Proin-
de, et si non contigit tibi desiderium fratri
amissi aut nepote eius aut nepte solari; me-
mento tamen, dilatum magis istud, quam ne-
gatum, quum salua sit, ex qua sperari potest.
Simul excusa patri tuo casum, cui paratio-
nepud feminas venia est. Vale.

XII.

C. PLINIUS MINVTIANO SVO S.

Capitonem auditurus, eius laudem praedicat.

Hunc solum diem excuso. Recitaturus est
Titinius Capito; quem ego audire, ne-
scio magis debeam, an cupiam. Vir est opti-
mus, & inter praecipua seculi ornamenta nu-
merandus: colit studia, studiosos amat, fouet,
prouehit, multorumque, qui aliqua compo-
nunt, portus, sinus, praemium, omnium exem-
plum; ipsarum denique litterarum iam sene-
centium reductor ac reformator. Domum
suam

suam recitantibus praebet; auditoria, non apud se tantum, benignitate mira frequentat; mihi certe, si modo in vrbe est, defuit nunquam. Porro, tanto turpius, gratiam non referre, quanto honestior caussa referenda. An, si libtibus tererer, obstrictum esse me crederem obeunti vadimonia mea; nunc, quia mihi omne negotium, omnis in studiis curia; minus, obligor tanta sedulitate celebranti, in quo obligari ego, ne dicam solo, certe maxime possum? Quod si illi nullam vicem, nulla quasi mutua officia deberem; solicitarer tamen vel ingenio hominis pulcherrimo & maximo, & in summa severitate dulcissimo, vel honestate materiae. Scribit exitus illustrium virorum, in iis quorundam mihi carissimorum. Videor ergo fungi pio munere, quorumque exsequias celebrare non licuit, horum quasi funebris laudationibus, seris quidem, sed tanto magis veris, interesse. Vale.

XIII.

C. PLINIVS GENIALI SVO S.

Felicem praedicat, quod docto patre utatur.
Probo, quod libellos meos cum patre legisti. Pertinet ad profectum tuum, a disertissimo viro discere quid laudandum, quid reprehendendum; simul ita institui, ut verum dicere adscendas. Vides quem sequi, cuius debas implere vestigia. O te beatum! cui contingit viuum, atque idem optimum & coniunctissimum.

Etissimum exemplar: qui denique eum potissimum imitandum habes, cui natura esse remissimum voluit. Vale.

XIV.

C. PLINIUS ARISTONI SVO S.

Quaestione senatoriam explicandam proponit.

Quum sis peritissimus & priuati iuris & publici, cuius pars senatorium est, cupio ex te potissimum audire, errauerim in senatu proxime, necne: non ut in praeteritum (serum enim) verum ut in futurum, si quid simile inciderit, erudiar. Dices, *Cur quaeris,*
 2 *quod nosse debebas?* Priorum temporum seruitus, ut aliorum optimarum artium, sic etiam iuris senatorii obliuionem quandam & ignorationem induxit. Quotus enim quisque tam patiens, ut velit discere, quod in usu non sit habiturus? Adde, quod difficile est tenere, quae acceperis, nisi exerceas. Itaque redacta libertas rudes nos & imperitos deprehendit: caius dulcedine accensi cogimur quaedam facere ante, quam nosse. Erat autem antiquitus institutum, ut a maioribus natu, non auribus modo, verum etiam oculis disceremus, quae facienda mox ipsis, ac per vices quasdam, tradenda minoribus, haberemus. Inde adolescenti statim castrenibus stipendiis imbuebantur, ut IMPERARE parendo, duces agere, dum sequuntur, adsuescerent: inde honores petitu-

ri

ri adfistebant curiae foribus, & concilii publi-
ci spectatores ante, quam confortes, erant. Suus 6
cuique parens pro magistro, aut cui parens non
erat, maximus quisque & vetustissimus pro
parente. Quae potestas referentibus, quod cen-
sentibus iu, quae vis magistratibus, quae ce-
teris libertas; vbi cedendum, vbi resistendum;
quod silentii tempus, quis dicendi modus, quae
distinctio pugnantium sententiarum, quae ex-
secutio prioribus aliquid addentium, omnem
denique senatorium morem, quod FIDELIS-
SIMVM praecipiendi genus, exemplis docebantur.
At nos iuuenes fuimus quidem in ca- 7
stris; sed cum suspecta virtus, inertia in pre-
tio, cum ducibus auctoritas nulla, nulla mi-
litibus verecundia, nusquam imperium, nus-
quam obsequium, omnia soluta, turbata, atque
etiam in contrarium versa, postremo obliuiscen-
da magis, quam tenenda. Idem prospeximus 8
curiam; sed curiam trepidam & elinguem;
cum dicere, quod velles, periculoseum; quod
nolles, miserum esset. Quid tunc disci potuit;
quid didicisse iuuit, cum senatus aut ad
otium summum, aut ad sumnum nefas voca-
retur? & modo ludibrio, modo dolori reten-
tus, nunquam seria, tristia saepe censeret?
Eadem mala iam senatores, iam participes ma- 9
lorum, multos per annos vidimus, tulimus-
que: quibus ingenia nostra in posterum quo-
que hebetata, fracta, contusa sunt. Breue 10
tempus (nam TANTO breuius omne, quanto
feli-

felicius tempus, quo libet scire, quod scimus; libet exercere, quod sumus. Quo iustius peto; primum vt errori (si quis est error) tribuas veniam, deinde medearis scientia tua, cui semper fuit curae, sic iura publica, vt priuata; sic antiqua, vt recentia; sic rara, vt assidua, tractare. Atque ego arbitror illis etiam, quibus plurimarum rerum agitatio frequens nihil esse ignotum patiebatur, genus quaestionis, quod adfero ad te, aut non satis tritum, aut etiam inexpertum fuisse. Hoc & ego excusator, si forte sum lapsus, & tu dignior laude, si potes id quoque docere, quod in obscuritate, an didiceris. Referebatur de libertis Afranii Dextri consulis, incertum sua an suorum manu, scelere an obsequio, peremti. Hos alius, (Quis? Ego; sed nihil refert) post quaestionem suppicio liberandos, alius in insulam relegandos, alius morte puniendos arbitrabatur. Quarum sententiarum tanta diuersitas erat, vt non possent esse, nisi singulæ. Quid enim commune habet, occidere & relegare? Non hercule magis, quam relegare & absoluere: quamquam propior aliquanto est sententiae relegantis, quae absolverit, quam quae occiderit. Vtraque enim ex illis vitam relinquit, haec admit: quum interim & qui morte puniebant, & qui relegabant, vna sedebant, & temporaria simulatione concordiae discordiam differebant. Ego postulabam, vt tribus sententiis constaret suus numerus, nec se brevibus

bus induciis duae iungerent. Exigebam ergo, ut, qui capitali suppicio adficiendos putabant, discederent a relegate, nec interim contra absoluentes mox dissensuri congregarentur, quia parvulum referret, an idem displiceret, quibus non idem placuisset. Illud etiam mihi perspicuum videbatur, cum quidem, qui libertos relegandos, seruos suppicio adficiendos censueret; coactum esse diuidere sententiam; hunc autem, qui libertos morte multaret, cum relegate numerari. Nam si oportuisset diuidi sententiam unius, quia res duas comprehenderat, non reperiebam, quemadmodum posset iungi sententia duorum tam diversa censentium. Atque adeo permitte mihi, sic apud te tanquam ibi; sic peracta re, tanquam adhuc *integra*, rationem iudicii mei reddere: quaeque tunc carptim, multis obstrepentibus, dixi, per otium iungere. Fingamus, tres omnino *iudices* in hanc caussam datos esse: horum vni placuisse, perire libertos; alteri, relegari; tertio, absolui: utrumne sententiae duae, collatis viribus, nouissimam periment, an separatim unaquaque tantundem, quantum altera, valebit? nec magis poterit cum secunda prima connecti, quam secunda cum tertia? Igitur in sensu quoque numerari, tanquam contrariae, debent, quae tanquam diversae dicuntur. Quod si unus atque idem & perdendos censeret & relegandos, num ex sententia unius & perire possent & relegari? num denique omnino una sen-

sententia putaretur, quae tam diuersa congiungeret? Quemadmodum igitur, quum alter puniendos, alter censeat relegandos, videri potest vna sententia, quae dicitur a duobus: quae non videretur vna, si ab uno diceretur? Quid? lex non aperte docet, dirimi debere sententias occidentis & relegantis, quum ita discessione fieri iubet; QVI HAEC SENTITIS, IN HANC PARTEM: QVI ALIA OMNIA, IN ILLAM PARTEM ITE, QVA SENTITIS? Examina singula verba & expende, QVI HAEC CENSETIS, hoc est, qui relegandos putatis: IN HANC PARTEM, id est, in eam, in qua sedet, qui censuit relegandos. Ex quo manifestum est, non posse in eadem parte remanere eos, qui interficiendos arbitrantur. QVI ALIA OMNIA; animaduertis, vt non contenta lex dicere ALIA, addiderit OMNIA. Num ergo dubium est, alia omnia sentire eos, qui occidunt, quam qui relegant? IN ILLAM PARTEM ITE, QVA SENTITIS; nonne videtur ipsa lex eos, qui dissentiant, in contrariam partem vocare, cogere, impellere? non consul etiam, vbi quisque remanere, quo transgredi debeat, non tantum solennibus verbis, sed manu gestuque demonstrat? At enim futurum est, vt, si diuidantur sententiae interficiens & relegans, praeualeat illa, quae absolvit. Quid istud ad censentes? quos certe non decet omnibus artibus, omni ratione pugnare, ne fiat, quod

quod est mitius: oportet tamen eos, qui puniunt, & qui relegant, absoluenteribus primum, mox inter se comparari; scilicet ut in spectaculis quibusdam sors aliquem seponit ac servat, qui cum victore contendat; sic in senatu sunt aliqua prima, sunt secunda certamina: & ex duabus sententiis eam, quae superior excedit, tertia exspectat. Quid? quod, prima sententia comprobata, ceterae perimuntur. Qua ergo ratione potest esse [non] unus atque idem locus sententiarum, quarum nullus est postea? Planius repetam. Nisi, dicente sententiam eo, qui relegat, illi, qui puniunt capite, initio statim in alia discedunt, frustra postea dissentient ab eo, cui paullo ante consenserint. Sed quid ego similis docenti, quum discere velim, an sententias diuidi, an iri in singulas, oportuerit? Obtinui quidem, quod postulabam: nihilominus tamen quaero, An postulare debuerim, an abstinere? Quemadmodum obtinuit? Is, qui ultimum supplicium sumendum esse censebat, nescio, an iure, certe aequitate postulationis meae victus, omissa sententia sua, accessit releganti: veritus scilicet, ne, si diuidearentur sententiae (quod alioqui fore videbatur) ea, quae absoluendos esse censebat, numero praeualeret. Etenim longe plures in hac una, quam in duabus singulis, erant. Tum illi quoque, qui auctoritate eius trahebantur, transeunte illo, destituti, reliquerunt sententiam ab ipso auctore desertam, sequutique sunt quasi

quasi transfugam, quem ducem sequebantur.
 26 Sic ex tribus sententiis duae factae; tenuitque ex duabus altera, tertia expulsa, quae quum ambas superare non posset, elegit, ab vtra vinceretur. Vale.

XV.

C. PLINIUS IVNIORI SVO S.

Non habenti, quod legat in vineis, legendos mittit libros.

Onerauit te tot pariter missis voluminibus. Sed onerauit primum, quia exegeras; deinde, quia scriperas tam graciles istic vindemias esse, ut plane scirem tibi vacaturum (quod vulgo dicitur) librum legere. Eadem ex meis 2 agellis nuntiantur. Igitur mihi quoque licet scribere, quae legas, sit modo, unde chartae emi possint: quae si seabrae bibulaeue sint, aut non scribendum, aut necessario, quidquid scripserimus boni maliae, delebimus. Vale.

XVI.

C. PLINIUS PATERNO SVO S.

De morbis & morte seruorum queritur, additis solatiis.

Confecerunt me infirmitates meorum, mortes etiam, & quidem iuuenum. Solatis duo, nequaquam paria tanto dolori, solatis tamen: vnum facilitas manumittendi (videor enim non omnino immaturos perdidisse, quos iam liberos perdidi) alterum, quum permittio seruis

feruis quoque quasi testamenta facere, eaque,
 vt legitima, custodio. Mandant rogantque,
 quod visum: pareo vt iussus. Dividunt, do-
 nant, relinquunt dumtaxat intra domum. Nam
 feruis respublica quaedam & quasi ciuitas do-
 mus est. Sed quamquam his solatiis adquie-
 scam, debilitor & frangor eadem illa humani-
 tate, quae me, vt hoc ipsum permitterem,
 induxit. Non ideo tamen velim durior fieri,
 nec ignoro, alios huiusmodi casus nihil am-
 plius vocare, quam damnum; coque sibi ma-
 gnos homines & sapientes videri. Qui an ma-
 gni sapientesque sint, nescio: homines non sunt.
 Hominis est enim adfici dolore, sentire; resi-
 stere tamen, & solatia admittere, non solatiis
 non egere. Verum de his plura fortasse, quam
 debui, sed pauciora, quam volui. Est enim
 quaedam etiam dolendi voluptas: praesertim
 si in amici sinu defleas, apud quem lacrymis
 tuis vel laus sit parata, vel venia. Vale.

XVII.

C. PLINIUS MACRINO SVO S.

*Exundationem Tiberis & Anienis narrat,
 rogans ut sibi nuntietur, si quid simile in aliis
 praediis accidisset.*

Num iste quoque immite & turbidum co-
 lum? Hic assidue tempestates, & crebra
 diluicia. Tiberis alueum excessit, & demissio-
 ribus ripis alte superfunditur. Quamquam a
 se, quam prouidentissimus imperator fecit;

T

exha

exhaustus, premit valles, innatat campis; quae
 planum solum, pro solo cernitur. Inde,
 quae solet flumina accipere, & permista ducere,
 velut obuius retro cogit; atque ita
 alienis aquis operit agros, quos ipse non tan-
 git. Anio, delicatissimus amnium, ideoque
 adiacentibus villis velut inuitatus retentusque,
 magna ex parte nemora, quibus inumbratur,
 & fregit & rapuit. Subruit montes, & deci-
 dentium mole pluribus locis clausus, dum amis-
 sum iter quaerit, impulit tecta, ac se super
 ruinas euexit atque extulit. Viderunt hi,
 quos excelsioribus terris illa tempestas non de-
 prehendit alibi diutum apparatus, & grauem
 supellecilem, alibi instrumenta ruris: ibi boues,
 aratra, rectores; hic soluta & libera armenta;
 atque inter haec arborum truncos, aut villa-
 rum trabes [atque culmina] varie lateque flu-
 tantia. Ac ne illa quidem loca malo vacauer-
 runt, ad quae non adscendit amnis. Nam pro
 amne imber assiduus, & deiecti nubibus tur-
 bines: proruta opera, quibus pretiosa rura cinguntur:
 quassata atque etiam decussa moni-
 menta. Multi ei modo casibus debilitati, ob-
 truti, obtriti, & aucta luictibus damna. Ne
 quid simile istic, pro mensura periculi, vereor:
 teque rago, si nihil tale est, quam maturissi-
 me solitudini meae consula: sed &, si tale,
 id quoque puncie. Nam parvulum differt,
 patiari aduersa, an exspectes: nisi quod ta-
 men est dolendi modus, non est timendi. Da-
 leas

leas enim, quantum scias accidisse; timeas,
quantum possit accidere. Vale.

XVIII.

C. PLINIVS RVFINO SVO S.

Domitium Tullum laudat, qui moribus cetera non probatissimis, testamentum fecerat honestissimis, posthabitis captatoribus, & scriptis venice, quos pietas iubebat.

Falsum est nimirum, quod creditur vulgo, testamenta hominum speculum esse morum: quum Domitius Tullus longe melior apparuerit morte, quam vita. Nam, quum se 2 captandum praebuisset, reliquit filiam heredem, quae illi cum fratre communis, quia genitam fratre adoptauerat. Prosequutus est nepotes plurimis iucundissimisque legatis; prosequutus etiam pronepotem. In summa, omnia pietate plenissima; ac tanto magis, quoniam inexpectata sunt. Ergo varii tota ciuitate sermones: 3 alii fictum, ingratum, immemorem loquuntur, seque ipsos, dum insectantur illum, turpissimis confessionibus produnt, ut qui de patre, auo, proauo, quasi orbi, querantur: alii contra hoc ipsum laudibus ferunt, quod sit frustratus improbas spes hominum: quos sic decipere, pro moribus temporum, prudentia est. Addunt etiam, non fuisse ei liberum, alio testamento mori; neque enim reliquisse opes filiae, sed reddidisse, quibus auctus per filiam fuerat. Nam Curtilius Mancia, perosus generum suum 4

Domitium Lucanum (frater est Tulli) sub conditione filiam eius, neptem suam, instituerat heredem, si esset manu patris emissa. Emiserat pater, adoptauerat patruus: atque ita circumscripto testamento, consors frater in patris potestate, emancipatam filiam adoptionis fraude reuocauerat, & quideam cum opibus amplissimis. Fuit alioqui fratribus illis quasi fato datum, ut diuites fierent inuitissimis, a quibus facti sunt. Quin etiam Domitius Afer, qui illos in nomen adsumsit, reliquit testamentum ante octo & decem annos nuncupatum; adeoque postea improbatum sibi, ut patris eorum bona proscribenda curauerit. Mir illius asperitas, mira felicitas horum: illius asperitas, qui numero ciuium excidit, quem socium etiam in liberis habuit; felicitas horum, quibus successit in locum patris, qui partem abstulerat. Sed haec quoque hereditas Afri, ut reliqua cum fratre quaesita, transmittenda erant filiae fratris, a quo Tullus exesse heres institutus, praelatusque filiae fuerat, ut conciliaretur. Quo laudabilius testamentum est, quod pietas, fides, pudor, scripsit: in quo denique omnibus adsinitatibus, pro cuiusque officio, gratia relata est: relata & vxori. Acceptit amoenissimas villas, accepit magnam pecuniam vxor optima & patientissima: ac tanto melius de viro merita, quanto magis est reprehensa, quod nupsit. Nam mulier natalibus clara, moribus proba, aetate declivis, diu
vidua,

vidua, mater olim, parum decore sequuta matrimonium videbatur diuitis senis, ita perditus morbo, ut esse taedio posset vxori, quam iuvenis sanusque duxisset. Quippe omnibus membris extortus & fractus rantas opes solis oculis obibat: ac ne in lectulo quidem, nisi ab aliis, mouebatur. Quin etiam (foedum miserandumque dictu) dentes lauandos fricandosque praebebat. Auditum est frequenter ab ipso, quum quereretur de contumeliis debilitatis suae, se digitos seruorum suorum quotidie lingere. Viuebat tamen, & viuere volebat, suarente maxime uxore; quae culpam inchoati matrimonii in gloriam perseuerantia verterat. Habet omnes fabulas urbis. Iam sunt venales tabulae Tulli: exspectatur auctio. Fuit enim tam copiosus, ut amplissimos hortos eodem, quo emerat, die instruxerit plurimis & antiquissimis statuis. Tantum illi pulcherrimorum operum in horreis, quae negligebantur. Inuicem tu, si quid istic epistola dignum, ne grauare scribere. Nam quum aures hominum nouitate laetantur, tum ad rationem vitae exemplis erudimur. Vale.

XIX.

C. PLINIUS MAXIMO SVO 5.

Infirmitate & moribus suorum turbatus solarium in litteris quaerit, & librum emendandum mittit.

Et gaudium mihi & solarium in litteris; nihilque tam laetum, quod his laetius; ni-

hil tam triste, quod non per has sit minus
triste. Itaque & infirmitate vxoris, & meorum
periculo, querundam vero etiam morte, tur-
batus, ad vnicum doloris leuamentum studia
confugio; quae praestant, ut aduerſa magis in-
2 telligam, sed patientius feram. Est autem mihi
moris, quod sum datus in manus hominum,
ante amicorum iudicio examinare, in primis tuo.
Proinde, si quando, nunc intende libro, quem
cum hac epistola accipies: quia vereor, ne ipse,
ut tristis, parum intenderim. Imperare enim
dolori, ut scriberem, potui; ut vacuo animo
laeroque, non potui. Porro, ut ex studiis
gaudium, sic studia hilaritate proueniant.
Vale.

XX.

C. PLINIUS GALLO SVO S.

Miranda lacus Vadimonis.

Ad quae nescenda iter ingredi, transmittere
mare solemus, ea sub oculis posita negli-
gimus: seu quia ita natura comparatum, ut
proximorum incuriosi, longinqua sectemur:
seu quod OMNIVM rerum cupidio languescit,
quum facilis occasio est: seu quod differimus
tanquam saepe visuri, quod datur videre, quo-
ties velis cernere. Quacunque de cauſa, per-
multa in vrbe nostra, iuxtaque vrbem, non
oculis modo, sed ne auribus quidem noui-
mus: quae si tulisset Achaia, Aegyptus, Asia,
aliaue quaelibet miraculorum ferax commen-
datrixque terra; audita, perlecta, iustrataque
2 habe-

haberemus. Ipse certe nuper, quod nec au-
dieram ante, nec videram, audiui pariter &
vidi. Exegerat proficer meus, ut Amerina
praedia sua inspiceret. Haec perambulanti
mihi ostenditur subiacens lacus, nomine Vadi-
monis; simul quaedam incredibilia narrantur.
Perueni ad ipsum. Lacus est in similitudinem
iacentis rotae circumscriptus, & vndeque aequa-
lis; nullus sinus, obliquitas nulla, omnia di-
mentia, paria, & quasi artificis manu cauta &
excita. Color caeruleo albidiō; viridior &
pressior sulphuris: odor saporque medicatus:
vi, qua fracta solidantur: spatum modicum,
quod tamen sentiat ventos, & fluctibus intu-
mescat. Nulla in hoc nauis (sacer enim est) 5
sed innatant insulae herbidae, omnes arundine
& iuncō rectae, quaeque alia foecundior palus,
ipsaque illa extremitas lacus effert. Sua cui-
que figura, ut modus: cunctis margo derasus,
quia frequenter vel littori vel sibi illisae te-
runt terunturque. Par omnibus altitudo, par
leuitas: quippe in speciem carinae humili ra-
dice descendunt. Haec ab omni latere per-
spicitur: eadem aqua pariter suspensa & mer-
sa. Interdum iunctae copulataeque & conti-
nenti similes sunt; interdum discordantibus
ventis digeruntur: nonnunquam desitatae,
tranquillitate, singulæ fluitant. Saepe mino-
res maioribus, velut cymbulae onerariis, ad-
haerescunt; saepe inter se maiores minoresque
quasi cursum certamenque desumunt; ursus
omnes

omnes in eundem locum appulsae, qua steterunt, promouent terram, & modo hac, modo illac, lacum reddunt auferuntque; ac tum demum, quam medium tenuere, non contrahunt. Constat, pecora herbas sequuta, sic in insulas, ut in extremam ripam, procedere solere, nec prius intelligere mobile solum, quam littore abrepta, quasi illata & imposita, circumfusum vndique lacum paudent; mox quotulerit ventus egressa, non magis se descendisse sentire, quam senserint adscendisse. Idem lacus in flumen egeritur; quod ubi se paulisper oculis dedit, specu mergitur, altequod conditum meat: ac, si quid, ante quam subducatur, accepit, seruat & profert. Haec tibi scripsi, quia nec minus ignota quam mihi, nec minus grata credebam. Nam te quoque, ut me, nihil aequa ac naturae opera delectant. Vale.

XXI.

C. PLINIUS ARRIANO SVO S.

Grauiora se studia distinguere lusibus, exemplo recitati poematum libri ostendit.

Vt in vita, sic in studiis pulcherrimum & humanissimum existimo, severitatem comitatemque miscere, ne illa in tristitiam, haec in petulantiam procedat. Qua ratione ductus, grauiora opera lusibus iocisque distinguo. Ad hos proferendos & tempus & locum opportunissimum elegi; vtque iam nunc adsuercent & ab otiosis & in triclinio audiri, Iulio.

Ilo mense, quo maxime lites interquiescunt,
positis ante lectos cathedris, amicos collocaui.
Forte accidit, ut eo die mane in aduocatio- 3
nem subitam rogarer: quod mihi caussam praे-
loquendi dedit. Sum enim deprecatus, ne
quis ut irreuerentem operis argueret, quod re-
citaturus, quamquam & amicis, & paucis, idem
iterum amicis, foro & negotiis non abstinuis-
sem. Addidi, hunc ordinem me & in scri-
bendo sequi, ut necessitates voluptatibus, seria
iucundis anteferrem, ac primum amicis, tum
mihi scriberem. Liber fuit & opusculis va- 4
rius & metris. Ita solemus, qui ingenio pa-
rum fidimus, satietatis periculum fugere. Re-
citaui biduo: hoc adsensus audientium exegit:
& tamen ut alii transeunt quaedam, imputant-
que, quod transeant; sic ego nihil praetereo,
atque etiam non praeterire me, testor. Legon-
im omnia, ut omnia emendem. Quod con-
tingere non potest electa recitantibus. At il- 5
lud modestius, & fortasse reuerentius? sed hoc
simplicius & amantius. Amant enim, qui se
sic amari putat, ut taedium non pertimescat.
Alioqui quid praestant sodales, si conueniunt
voluptatis suae caussa? Delicatus ac similis
ignoto est, qui amici librum bonum mauult
audire, quam facere. Non dubito, cupere te, 6
pro cetera mei caritate, quam maturissime le-
gere hunc adhuc musteum librum. Leges, sed
retractatum; quae caussa recitandi fuit; & ta-
men nonnulla iam ex eo nosti. Hacc vel emen-

data postea, vel (quod interdum longiore mo-
ra) solet deteriora facta, quasi noua iu sus,
& rescripta, cognosces. Nam, plerisque mu-
tatis, ea quoque mutata videntur, quae ma-
gent. Vale.

XXII.

C. PLINIUS GEMINIO SVO S.

*Reprehendit quosdam, qui dare veniam,
nisi sibi nesciunt.*

Nostine hos, qui omnium libidinum serui
sic aliorum vitiis irascuntur, quasi inui-
deant; & grauissime puniunt, quos maxime
imitantur? quum eos etiam, qui non indigent
clementia ullius, nihil magis quam lenitas de-
ceat. Atqui ego OPTIMVM & emendatissi-
mum existimo, qui ceteris ita ignoscit, tan-
quam ipse quotidie peccet; ita peccatis absti-
net, tanquam nemini ignoscat. Proinde hoc
domi, hoc foris, hoc in omni vitae genere te-
neamus, vt NOBIS implacabiles simus; exo-
rribiles ipsis etiam, qui dare veniam, nisi sibi,
nesciunt: mandemusque memoriae, quod vir-
mitissimus, & ob hoc quoque maximus, Thra-
sea, crebro dicere solebat; **QVI VITIA**
ODIT, HOMINES ODIT. Fortasse quae-
ris, quo commotus haec scribam? Quidam nu-
per --. Sed melius coram; quamquam ne-
tunc quidem. Vereor enim, ne id, quod im-
probo, insectari, carpere, referre, huic, quod
cum maxime praecipimus, repugnet. Quis-
quis ille, qualiscunque, fileatur; quem insi-
gnire,

gnire, exempli non nihil; non insignire, humilitatis plurimum refert. Vale.

XXIII.

C. PLINIUS MARCELLINO SVO S.

Obitus Auiti, cum laude ingenii morumque.

Omnia mihi studia, omnes curas, omnia auctoramenta exemit, excusit, eripuit dolor, quem ex morte Iunii Auiti grauissimum cepi. Latum clavum in domo mea induerat; suffragio meo adiatus in petendis honoribus fuerat: ad hoc, ita me diligebat, ita verebatur, ut me formatore morum, me quasi magistro vteretur. Rarum hoc adolescentibus nostris. Nam quotusquisque vel aetati alterius, vel auctorati, ut minor, cedit? Statim sapiunt, statim sciunt omnia: neminem verentur, imitantur neminem, atque ipsi sibi exempla sunt. Sed non Auitus: cuius haec praecipua prudenteria, quod alios prudentiores arbitrabatur; haec praecipua eruditio, quod discere volebat Semper ille aut de studiis aliquid, aut de officiis vitae consulebat: semper ita recedebat, ut melior factus: & erat factus vel eo, quod audierat, vel quod omnino quaesierat. Quod ille obsequium Seruiano, exactissimo viro praestitit? quem legatum tribunus ita & intellexit, & cepit, ut ex Germania in Pannoniam transeuntem, non ut commilito, sed ut comes adsectorque sequeretur. Qua industria, qua modestia quaestor consulibus suis (& plures habuit)

buit) non minus iucundus & gratus, quam
v*sui* fuit? Quo discursu, qua vigilantia, hanc
ipsam aedilitatem, cui praereptus est, petiit?
Quod vel maxime dolorem meum exulcerat.
 6 Observuantur oculis cassi labores, & infructuo-
fæ preces, & honor quem meruit tantum.
Redit animo ille latus clausus, in penatibus
meis sumtus; redeunt illa prima, illa postre-
ma suffragia mea, illi sermones, illæ consul-
 7 tationes. Adficio adolescentia ipsius, adficio
necessitudinum casu. Erat illi grandis natu-
parens; erat vxor, quam ante annum virgi-
nem acceperat; erat filia, quam paullo anto-
fustulerat. Tot spes, tot gaudia dies unus in
 8 diuersa conuertit. Modo designatus aedilis,
recens maritus, recens pater, intactum hono-
rem, orbam matrem, viduam vxorem, filiam
pupillam, ignaramque patris, reliquit. Acce-
dit lacrymis meis, quod absens, & impenden-
tis mali nescius, pariter aegrum, pariter de-
cessisse cognoui, ne grauissimo dolori timore
 9 confuescerem. In tantis tormentis eram, quum
scriberem haec, scriberem sola. Neque enim
nunc aliud aut cogitare aut loqui possum.
Vale.

XXIV.

C. PLINIUS MAXIMO SVO S.

*Maximum, ad Achaiam ordinandam mis-
sum, admonet, ut antiquitatis reverentia humani-
ter ciuitates trahet.*

Amor in te meus cogit, non ut praecipiam
(neque enim praceptor eges) admonem
tamen, vt, quae scis, teneas & obserues, aut
scias melius. Cogita, te missum in prouin-
ciam Achaiam, illam veram & meram Grae-
ciam, in qua primum humanitas, litterae,
etiam fruges, inuentae esse creduntur; missum
ad ordinandum statum liberarum ciuitatum,
id est, ad homines maxime homines ad libe-
ros maxime liberos, qui ius a natura datum
virtute, meritis, amicitia, foedere denique, &
religione tenuerunt. Reuerere conditores deos,
numina deorum. Reuerere gloriam veterem, 3
& hanc ipsam senectutem, quae in homine ve-
nerabilis, in vrbibus sacra est. Sit apud te
honor antiquitati, sit ingentibus factis, sit fa-
bulis quoque. Nihil ex cuiusquam dignitate,
nihil ex libertate, nihil etiam ex iactatione
decepseris. Habe ante oculos, hanc esse ter-
ram, quae nobis miserit iura, quae leges non
victa acceperit, sed potentibus dederit; Athe-
nas esse, quas adeas; Lacedaemonem esse, quam
regas: quibus reliquam umbram, & residuum
libertatis nomen eripere, durum, ferum, bar-
barumque est. Vides a medicis, quamquam 5
in aduersa valetudine nihil serui ac liberi dif-
ferant,

ferant, mollius tamen liberos clementiusque tra-
 etari. Recordare, quid quaeque ciuitas fue-
 rit; non ut despicias, quod esse desierit. Ab-
 sit superbia, asperitas. Nec timueris contem-
 6 tum. An contemnitur, qui imperium, qui
 fasces habet, nisi qui humilis, & torpidus, &
 qui se primus ipse contemnit? **MALE** vim
 suam potestas aliorum contumeliis experitur;
MALE terrore veneratio adquiritur; longe-
 que **VALENT OR** amor ad obtainendum quod
 velis, quam timor. Nam timor abit; si re-
 cedas, manet amor: ac sicut ille in odium,
 7 hic in reverentiam vertitur. Te vero etiam
 atque etiam (repetam enim) meminisse oportet
 officii tui titulum, ac tibi ipsi interpre-
 tari, quale quantumque sit ordinare statum li-
 8 berarum ciuitatum. Nam quid ordinatione
 ciuius? Quid libertate pretiosius? Porro quam
 turpe, si ordinatio euersione, libertas seruitu-
 te mutetur? Accedit, quod tibi certamen est
 tecum: onerat te quaesturae tuae fama, quam
 ex Bithynia optimam reuexisti: onerat testi-
 monium principis: onerat tribunatus, praetura,
 atque haec ipsa legatio, quasi praemium
 9 data. Quo magis nitendum est, ne in lon-
 ginquā prouincia, quam suburbana; ne inter
 seruientes, quam libero; ne sorte, quam iu-
 dicio missus; ne rudis & incognitus, quam ex-
 ploratus probatusque; humanior, melior, pe-
 ritior fuisse videaris: quum sit alioqui, ut sae-
 pe audisti, saepe legisti, **MVLTO** deformius,
mit-

amittere, quam non adsequi laudem. Haecio
velim credas, (quod initio dixi) scripsisse me
admonentem, non praecipientem; quamquam
praecipientem quoque. Quippe non vereor,
in amore ne modum excesserim. Neque enim
periculum est, ne sit nimium, quod esse maxi-
mum debet. Vale.

LIBER IX.

I.

C. PLINIUS MAXIMO SVO S.

Maximum hortatur, ut libros, contra Plantam viuum compositos, festinet edere, ne post mortem eius inchoasse videatur.

Saepe te monui, ut libros, quos vel pro te,
vel in Plantam, immo & pro te & in illum (ita enim materia cogebat) composuisti,
quam maturissime emitteres: quod nunc praeci-
pue, morte eius audita, & hortor, & moneo.
Quamuis enim legeris multis, legendosque de-
deris, nolo tamen quemquam opinari, defuncto
demum inchoatos, quos incolumi eo peregisti.
Salua sit tibi constantiae fama. Erit autem, si notum aequis inquisque fuerit, non post
inimici mortem scribendi tibi natam esse fidu-
ciam, sed iam paratam editionem morte pra-
tentam. Simul vitabis illud,

Oὐκ ὅτι φθεγμόν.

Nam

4 Nam quod de viuente scriptum, de viuente
recitatum est, in defunctum quoque, tanquam
5 viuentem adhuc, editur, si editur, statim. Igi-
tur, si quid aliud in manibus, interim differ-
hoc perfice, quod nobis, qui legimus olim,
absolutum videtur: sed iam videatur & tibi;
cuius cunctationem nec res ipsa desiderat, &
temporis ratio praecedit. Vale.

II.

C. PLINIUS SABINO SVO S.

*Longas & crebras epistolas flagitanti, ex-
cusat se, quod materia deficit.*

Facis iucunde, quod non solum plurimas epi-
stolas meas, verum etiam longissimas, flagi-
tas: in quibus parcior fui, partim quia tuas
occupationes verebar, partim quia ipse mul-
tum distringebar, plerumque frigidis, negotiis:
quae simul & auocant animum & comminuant.
2 Praeterea nec materia plura scribendi dabatur:
neque enim eadem nostra conditio, quae Ma-
Tullii, ad cuius exemplum nos vocas. Illi
enim & copiosissimum ingenium, & ingenio qua-
varietas rerum, qua magnitudo largissime sup-
petebat. Nos quam angustis terminis clauda-
mur, etiam tacente me, perspicis: nisi forte
volumus scholasticas tibi, atque (vt ita di-
cam) ymbraticas litteras mittere. Sed nihil
minus aptum arbitramur, quum arma vestra,
quum castra, quum denique cornua, tubas, su-
s dorem, pulucrem, soles cogitamus. Habes, vt
puto,

puto, iustum excusationem: quam tamen dubito, an tibi probari velim. Est enim summum amoris, negare veniam brevibus epistolis amicorum, quamuis scias illis constare rationem.
Vale.

III.

C. PLINIUS PAVLLINO SVO S.

*Bonam mansuramque famam omnibus aliis
rebus anteponit.*

Allis alium, ego beatissimum existimo, qui bonae mansuraeque famae praesumptione perfruitur, certusque posteritatis cum futura gloria vivit. Ac mihi nisi praemium aeternitatis ante oculos, pingue illud altumque otium placeat. Etenim omnes homines arbitror oportere aut immortalitatem suam aut mortalitatem cogitare: & illos quidem contendere, eniti, hos quiescere, remitti, nec breuem vitam caducis laboribus fatigari: ut video multos, misera simul & ingrata imagine industriae, ad vilitatem sui peruenire. Haec ego tecum, quae quotidie tecum, ut desinam tecum, si dissenties tu; quamquam non dissenties, ut qui semper praeclarum aliquid immortale mediteris. Vale.

IV.

IV.

C. PLINIUS MACRINO SVO S.

*Excusat orationem, quam mittit, tanquam
in vniuersitate longissimam, breuissimam in par-
tibus.*

Vererer, ne immodicam orationem putares,
quam cum hac epistola accipies, nisi esset
generis eius ut saepe incipere, saepe desinere
videatur. Nam singulis criminibus singulae
2 velut caussae continentur. Poteris ergo, un-
decunque inceperis, ubique desieris, quae
deinceps sequentur, & quasi incipientia legere,
& quasi cohaerentia; meque in vniuersitate
longissimum, breuissimum in partibus iudicare.
Vale.

V.

C. PLINIUS TIRONI SVO S.

Aequitate Tironis erga prouinciales laetatur.

Egregie facis (inquio enim, & perseuere)
quod iustitiam tuam prouincialibus multa
humanitate commendas: cuius praecipua pars
est, honestissimum quemque complecti, atque
ita a minoribus amari, ut simul a principibus
2 diligare. Plerique autem, dum verentur, ne
gratiae potentium nimium impertiri videan-
tur, sinisteritatis atque etiam malignitatis fa-
3 mam consequuntur. A quo vitio tu longe
recessisti, scio: sed temperare mihi non possum,
quo minus laudem, similis monenti, quod cum
modum tenes, ut discrimina ordinum digni-
tatumque custodias, quae si confusa, turbata.
per-

permista sint, nihil est ipsa aequalitate inae-
qualius. Vale.

VI.

C. PLINIUS CALVISIO SVO S.

*Ridet vanitatem Circensum ludorum, &
illorum tempus studiis impedit.*

Omne hoc tempus inter pugillares ac libel-
los iucundissima quiete transmisi. **Quem-**
admodum, inquis, *in urbe potuisti?* Circenses
erant; quo genere spectaculi ne leuissime qui-
dem teneor. Nihil nouum, nihil varium, nihil
quod non semel spectasse sufficiat. **Quo ma-**
gis miror, tot millia virorum tam pueriliter
identidem cupere currentes equos, insistentes
curribus homines videre. Si tamen aut velo-
citate equorum, aut hominum arte traheren-
tur, esset ratio non nulla: nunc fauent panno,
pannum amant: & si in ipso cursu, medioque
certamine, hic color illuc, ille huc transfe-
ratur; studium fauorque transibit, & repente
agitatores illos, equos illos, quos procul nosci-
tant, quorum clamitant nomina, relinquent.
Tanta gratia, tanta auctoritas in una vilissima
tunica. Mitto apud vulgus, quod vilius tu-
nica est; sed apud quosdam graues homines:
quos ego quum recordor, in re inani, frigida,
affidua, tam insatiabiliter desidere, capio ali-
quam voluptatem, quod hac voluptate non ca-
piar. Ac per hos dies libentissime otium
meum in litteris colloco, quos alii otiosissimis
occupationibus perdunt. **Vale.**

V 2

VII.

VII.

C. PLINIUS ROMANO SVO S.

*Villas suas ad Larium lacum, & in iis
aedificationem describit.*

Aedificare te scribis: bene est: inueni patrocinium. Aedifico enim iam ratione, quia tecum. Nam hoc quoque non dissimile, quod ad mare tu, ego ad Larium lacum.

2 Huius in littore plures villae meae, sed duae maxime delectant, ita exerceant. Altera imposita saxis, more Baiano, lacum prospicit:

3 altera, &que more Baiano, lacum tangit. Itaque illam, tragodiam; hanc, appellare comoediam soleo: illam, quod quasi cothurnis, hanc quod quasi soculis, sustinetur. Sua utriusque amoenitas, & utramque possidenti ipsa diversitate iucundior. Haec lacu proprius, illa latius uititur: haec unum sinum molli curuamine amplectitur, illa editissimo dorso duos dirimit: illic recta gestatio longo limite super littus extenditur, hic spatiofissimo xylo leuiter inflectitur: illa fluctus non sentit, haec frangit: ex illa possis despicere piscantes, ex hac ipse pescari, hamumque e cubiculo, ac pacne etiam lectulo, ut e nauicula, iacere. Haec mihi causae utriusque, quae desunt, adstruendi, ob ea, quae supersunt. Etsi quid ego rationem tibi, apud quem pro ratione erit, idem facero. Vale.

4

5

VIII.

VIII.

C. PLINIUS AVGVRINO SVO S.

Laudatus ab Augurino, laudare eum vereatur, & tamen laudat.

Si laudatus a te laudare te coepero, vereor,
ne non tam proferre iudicium meum, quam
referre gratiam videar. Sed, licet videar, omnia
scripta tua pulcherrima existimo; maxime ta-
men illa, quae de nobis. Accidit hoc vna ea-
demque de caussa. Nam & tu, quae de ami-
cis, optime scribis; & ego, quae de me, ut optimis,
lego. Vale.

IX.

C. PLINIUS COLONI SVO S.

*Fidem Colonis erga defunctum amicum lau-
dat, praesertim quod dignus ille fuerat.*

Vnice probo, quod Pompeii Quintianus mor-
te tam dolenter adficeris, ut amissi carita-
tem desiderio extendas; non ut plerique, qui
tantum viuentes amant, seu potius amare se
simulant, ac ne simulant quidem, nisi quos flo-
rentes vident. Nam miserorum, non secus ac
defunctorum, obliuiscuntur; sed tibi perennis
fides, tantaque in amore constantia, ut finiri,
nisi tua morte, non possit. Et, Hercule, is
fuit Quintianus, quem diligi deceat exemplo
iphius. Felices amabat, miseros tuebatur, de-
siderabat amissos. Iam illi quanta probitas in
ore? quanta in sermone cunctatio? quam pari
libra grauitas comita que? quod studium litte-

rarum? quod iudicium? qua pietate cum dis-
simillimo patre viuebat? quam non obstat
illi, quo minus vir optimus videretur, quod
3 erat optimus filius? Sed quid dolorem tuum
exulcero? Quamquam sic amasti viuentem, vt
haec audire potius, quam de illo fileri velis:
a me praesertim, cuius praedicatione putas vi-
tam eius ornari, memoriam prorogari, ipsam
que illam, qua est raptus, aetatem posse re-
stitui. Vale.

X.

C. PLINIUS TACITO SVO S.

*Quod studiis & venationi non conueniat,
illa sola in secessu tractari significat.*

Cupio praecepsis tuis parere; sed aprorum
tanta penuria est, vt Mineruae & Dia-
nac, quas ais pariter colendas, conuenire non
possit. Itaque Mineruae tantum seruiendum
est; delicate tamen, vt in secessu, & aestate.
2 In via plane nonnulla leuiora, statimque de-
lenda, ea garrulitate, qua sermones in vehi-
culo feruntur, extendi. His quaedam addidi
in villa, quum aliud non liberet. Itaque poë-
mata quiescunt; quae tu inter nemora & lu-
cos commodissime perfici putas. Oratiunculan-
vnam & alteram retractavi; quamquam id ge-
nus operis inamabile, inamoenum, magisque
laboribus ruris, quam voluptatibus simile.
Vale.

XI.

C. PLINIUS GEMIN' O SVO S.

*Materiam scribendi promittit rogatus, &
sua scripta trans Alpes legi laetatur.*

Hⁱpstolam tuam iucudissimam recepi; eo maxime, quod aliquid ad te scribi volebas, quod libris inseri posset. Obueniet materia, vel haec ipsa, quam monstras, vel potior alia. Sunt enim in hac offendicula nonnulla: circumfer oculos, & occurrent. Bibliopolas Lugduni esse non putabam: ac tanto libentius ex literis tuis cognoui, venditari libellos meos, quibus peregre manere gratiam, quam in rube collegerint, delector. Incipio enim satis absolutum existimare, de quo tanta diuersitate regionum discreta hominum iudicia consentiunt. Vale.

XII.

C. PLINIUS IVNIORI SVO S.

Quaedam filii remittenda, nec semper utendum seueritate, exemplo monet.

C^astigabat quidam filium suum, quod paulo sumtuosius equos & canes emeret. Huic ego, iuuene digresso, Heus tu, nunquamne fecisti, quod a patre corripi posset? Fecisti, dico? Non interdum facis, quod filius tuus, si repente pater ille, tu filius, pari grauitate reprehendat? Non omnes homines aliquo errore ducentur? Non hic in illo sibi, in hoc aliis, indulget? Haec tibi admonitus immodicae seueritatis exemplo, pro amore mutuo, scripsi, ne quan-

do tu quoque filium tuum acerbius duriusquam tractares. Cogita & illum puerum esse, & te fuisse: atque ita hoc, quod es pater, utere, ut memineris & hominem esse te, & hominis patrem. Vale,

XIII.

C. PLINIUS QVADRATO SVO S.

Quae circa Heluidii vltionem egerit, pertuleritque, ordine renarrat.

Quanto studiosius intentiusque legisti libros, quos de Heluidii vltione composui; tanto impensis postulas, ut prescribam tibi, quaeque extra libros, quaeque circa libros, totum denique ordinem rei, cui per aetatem non intersuisti. Occiso Domitiano statui mecum ac deliberaui, esse magnam pulchramque materiam insectandi nocentes, miseros vindicandi, se proferendi. Porro, inter multa scelera mulitorum, nullum atrocius videbatur, quam quod in senatu senator senatori, praetorius consulari, reo iudex, manus intulisset. Fuerat aliqui mihi cum Heluidio amicitia, quanta potuerat esse cum eo, qui metu temporum nomen ingens, paroque virtutes, secessu tegebat. Fuerat cum Arria & Fannia: quarum altera, Heluidii nouerca, altera, mater nouercæ. Sed non ita me iura priuata, ut publicum fas, & indignitas facti, & exempli ratio, 3 incitabat. Ac primis quidem diebus redditio libertatis pro se quisque inimicos suos, dumtaxat

taxat minores, incondito turbidoque clamore
 postulauerant simul & oppresserant; ego & mo-
 destius & constantius arbitratus immanissimum
 reum non communi temporum inuidia, sed
 proprio crimine vrgere: quum iam satis ille
 primus impetus deferuisse, & languidior in
 dies ira ad iustitiam redisset, quamquam tum
 maxime tristis, amissa nuper vxore; mitto ad
Anteiam (nupta haec Heluidio fuerat) rogo,
 vt veniat, quia me recens adhuc luctus limi-
 ne contineret. Ut venit; *Destinatum est,* in
 quam, mihi, maritum tuum non inultum pati:
nuntia Arriae & Fanniae (ab exilio enim re-
 dierant) *consule te, consule illas, an velitis ad-*
scribi facta, in quo ego comite non ero: sed
non ita gloriae meae fauerim, ut vobis societa-
tem eius inuideam. Perfert **Anteia** mandata; 6
 nec illae morantur. Opportune Senatus intra-
 diem tertium. Omnia ego semper ad Coreli-
 lum retuli, quem prudentissimum aetatis no-
 strae sapientissimumque cognoui. In hoc tamen
 contentus consilio meo sui, veritus, ne vetaret:
 erat enim cunctantior cautorque. Sed non su-
 stinui inducere in animum, quo minus illi eodem
 die facturum me indicarem, quod an fa-
 cerem non deliberabam: expertus vsu, DE co,
 quod destinaueris, non esse consulendos, quibus
 consultis obsequi debeas. Venio in senatum; 7
 ius dicendi peto; dico paullisper maximo ad-
 sensu. Vbi coepi crimen attingere, reum de-
 finare (adhuc tamen sine nomine) vnde mihi
 recla-

reclamari. Alius; Sciamus, qui sit, de quo extra ordinem referas: alias; Quis est ante relationem reus? alias; Salvi simus, qui supersumus. Audio imperturbatus, interitus: tantum susceptae rei honestas valet, tantumque ad fiduciam vel metum differt, nolint homines, quod facias, an non probent. Longum est omnia, quae tunc hinc inde iactata sunt, recensere. Nouissime consul; Secunde, sententiae loco dices, si quid volueris. Permiseris, inquam, 10 quod usque adhuc omnibus permisisti. Resido: aguntur alia. Interea me quidam ex consularibus amicis secreto accuratoque sermone, quasi nimis fortiter incauteque progressum, corripit, reuocat, monet, ut desistam. Adiecit etiam; Notabilem te futuris principibus fecisti. Esto, inquam, dum malis. Vix ille discesserat, rursus alter; Quid andes? cur ruis? quibus te periculis obiici? quid praesentibus confidis, incertus futurorum? Lacefis hominem iam praefectum aerarii. Et breui consulem; praeterea, qua gratia, quibus amicitiis fultum? Nomina quendam, qui tunc ad orientem amplissimum exercitum, non sine magnis dubiisque rumoribus, obtinebat. Ad haec ego; Omnia percepit, atque animo mecum ante peregi: nec recuso, si ita casus attulerit, luere poenas ob honestissimum factum, dum flagitiosissimum 13 cisor. Iam censendi tempus. Dicit Domitius Apollinaris, consul designatus, dicit Fabricius Veiento, Fabius Postumius, Vectius Pro-

Proculus, collega Publicii Certi, de quo agebatur, vxoris autem meae, quam amiseram, vitricus: post hos Ammius Flaccus. Omnes Certum, nondum a me nominatum, ut nominatum defendunt: crimenque quasi in medio relictum defensione suscipiunt. Quae praeter-¹⁴ ea dixerint, non est necesse narrare; in libris habes. Sum enim cuncta ipsorum verbis persequutus. Dicunt contra Auidius Quietus,¹⁵ Cornutus Tertullus. Quietus; Iniquissimum esse, querelas dolentium excludi: ideoque Arriae & Fanniae ius querendi non auferendum: nec interesse, cuius ordinis quis sit, sed quam causam habeat. Cornutus; Datum se a consulibus tu-¹⁶ torem Heluidii filiae, potentibus matre eius & vitrico: nunc quoque non sustinere deserere officii sui partes; in quo tamen, & suo dolori modum imponere, & optimarum seminarum perferre modestissimum affectum: quas contentas esse, admonere senatum Publicii Certi cruentae adulatio-¹⁷nis: & petere, si poena flagitii manifestissimi remittatur, nota Certo quasi censoria inuratur. Tum Satrius Rufus medio ambiguoque sermo-¹⁷ ne; Puto, inquit, iniuriam factam Publicio Cer-¹⁸to, si non absolvitur: nominatus est ab amicis Arriae & Fanniae, nominatus ab amicis suis: nec debemus solliciti esse. Idem enim nos, qui bene sentimus de homine, iudicaturi sumus: si in-¹⁹nocens est, sicuti & spero, & malo, donec aliquid probetur, credo poteritis absoluere. Haec illi, quo quisque ordine citabantur. Venitur ad me;

me; consurgo: ut or initio, quod in libro est: respondeo singulis. Mirum qua intentione, quibus clamoribus omnia excepereint, qui modo reclamabant. Tanta conuersio vel negotii dignitatem, vel prouentum orationis, vel actoris constantiam, subsequuta est. Finio. Incipit respondere Veiento: nemo patitur; obturbatur, obstrepit: adeo quidem, ut diceret; rogo, Patres C. ne me cogatis implorare auxilium tribunorum. Et statim Murena tribunus, 20 permitto tibi, vir clarissime Veiento, dicere. Tunc quoque reclamatur. Inter moras consul citatis nominibus, & peracta discessione, mittit senatum: ac paene adhuc stantem tentantemque dicere Veientonem relinquit. Multum ille de hac (ita vocitabat) contumelia questus est Homericō versu,

Ω γέρον, η μάλα δή σε νέοι τελέσοι μαχηταί.
 21 Non fere quisquam in senatu fuit, qui non me complectetur, exoscularetur, certatimque laude cumularet, quod intermissum tamdiu morem in publicum consulendi, susceptis propriis simultatibus, reduxisset: quod denique senatum inuidia liberasset, qua flagrabat apud ordines alios, quod seuerus in ceteros, senatoribus solis, dissimulatione quasi mutua, parceret. Haec acta sunt absente Certo. Abfuit enim, seu tale aliquid suspicatus, siue, ut excusabatur, infirmus. Et relationem quidem de 22 Caesar ad senatum non remisit: obtinui tamen quod intenderam. Nam collega Certi confu-

consulatum, successorem Certus accepit: plane-
que factum est, quod dixeram in fine; reddat
praemium sub optimo principe, quod a pessimo
acepit. Postea actionem meam, utcumque po-
tui, recollegi: addidi multa. Accidit fortui-²⁴
tum (sed non tanquam fortuitum) quod, edi-
tis libris, Certus intra paucissimos dies impli-
citus morbo decessit. Audiui referentes, hanc²⁵
imaginem menti eius, hanc oculis oberrasse,
tanquam videret me sibi cum ferro imminere.
Verane haec, adfirmare non ausim: interest ta-
men exempli, ut vera videantur. Habes epi-²⁶
stolam: si modo epistolam cogitas libris, quos
legisti, non minorem. Sed imputabis tibi, qui
contentus libris non fuisti. Vale.

XIV.

C. PLINIVS TACITO SVO S.

*Tacitum hortatur ad partitam scriptis
immortalitatem.*

Nec ipse tibi plaudis, & ego nihil magis ex
sive, quam de te scribo. Posteris an ali-
qua cura nostri, nescio: nos certe meremur,
ut sit aliqua, non dico ingenio (id enim su-
perbum) sed studio, sed labore, & reverentia
posteriorum. Pergamus modo itinere instituto;
quod vt paucos insulcem famamque pronexit,
ita multos in tenebris & silentio protulit.
Vale.

XV.

XV.

C. PLINIUS FALCONI SVO S.

Quid in villa agat.

Refugeram in Tuscos, ut omnia ad arbitrium
meum facerem: at hoc ne in Tuscis qui-
dem: tam multis vndique rusticorum libellis,
& tam querulis, inquietor; quos aliquanto
magis inuitus, quam meos, lego. Nam & meos
2 inuitus. Retracto enim actiunculas quasdam;
quod, post intercapedinem temporis, & frigi-
dum & acerbum est. Rationes, quasi absente
3 me, negliguntur. Interdum tamen equum
conscendo, & patrem familiae hactenus ago,
quod aliquam partem praediorum, sed pro
gestatione, percurro. Tu consuetudinem serua,
nobisque sic rusticis urbana acta perscribe. Vale.

XVI.

C. PLINIUS MAMILIANO SVO S.

*Non venari se propter vindemias, quam
quam exiguae posse, attamen versiculos pro mil-
lio deuencturum, significat.*

Summam te voluptatem percepisse ex isto co-
piosissimo genere venandi non miror, quum
historicorum more scribas, numerum iniri non
potuisse. Nobis venari nec vacat, nec libet:
non vacat, quia vindemiae in manibus: non
2 libet, quia exiguae. Deuehemus tamen pro
nouo musto nouos versiculos tibi, quos iucun-
dissime exigenti, ut primum videbuntur de-
seruisse, mittemus. Vale.

XVII.

XVII.

C. PLINIUS GENITORI SVO S.

Ferendos esse aliorum mores, ut isti nostros quoque ferant, acroamatum in coniuiis exemplo monet.

Accepi tuas litteras, quibus quereris, taedio tibi fuisse quamvis lautissimam coenam, quia scurræ, cinaedi, moriones mensis inerrabant. Vis tu remittere aliquid ex rugis? 2
Equidem nihil tale habeo, habentes tamen fero. Cur ergo non habeo? quia nequaquam me, vt inexpectatum festiuumue delectat, si quid molle a cinaedo, petulans a scurra, stultum a morione profertur. Non rationem, sed stomachum tibi narro. Atque adeo quam multos putas esse, quos aequa ea, quibus ego & tu capimur & ducimur, partim vt inepta, partim vt molestissima offendant? Quam multi, quum lector aut lyristes aut comoedus inductus est, calceos poscunt, aut non minore cum taedio recubant, quam tu ista (sic enim appellas) prodigia perpessus es? Demus 4 igitur alienis oblectationibus veniam, vt nostris impetremus. Vale.

XVIII.

C. PLINIUS SABINO SVO S.

Desideranti libellos suos promittit, sed per partes, ne memoriam turbet.

Qua intentione, quo studio, qua denique memoria, legeris libellos meos, epistola tua

tua ostendit. Ipse igitur exhibes negotium tibi, qui elicias & inuitas, ut quamplurima
 2 communicare tecum velim. Faciam; per partes tamen, & quasi digesta, ne istam ipsam memoriam, cui gratias ago, assiduitate & copia turbem, oneratamque, & quasi oppressam, cogam pluribus singula, posterioribus priora dimittere. Vale.

XIX.

C. PLINIUS RVFONI SVO S.

Verginium tuetur, quod factum suum se-
 pulcro inscribi iussit: & Frontinum laudat,
 qui monumentum sibi fieri vetuerat.

Significas, legisse te in quadam epistola mea,
 Quia si Verginium Rofsum inscribi sepulcro suo:

HIC SITVS EST RVFVS; PVLSO QVI
 VINDICE QVONDAM
 IMPERIVM AD SERVIT NON SIBI
 SED PATRIAE.

Reprehendis, quod iussit; addis etiam, me-
 lius rectiusque Frontinum, quod vetuerit
 omnino monumentum sibi fieri: meque ad ex-
 tremum, quid de vtroque sentiam, consulis.

2 Vtrumque dilexi; miratus sum magis, quem
 tu reprehendis, atque ita miratus, vt non pu-
 tarem satis vnuquam laudari posse, cuius nunc
 3 mihi subeunda defensio est. Omnes ego, qui
 magnum aliquod memorandumque fecerunt,
 non modo venia, verum etiam laude dignissi-
 mos

mos iudico, si immortalitatem, quam meruere,
sestantur, victurique nominis famam supremis
etiam titulis prorogare nituntur. Nec facile &
quemquam, nisi Verginium inuenio, cuius tanta
in praedicando verecundia, quanta gloria ex
facto. Ipse sum testis, familiariter ab eo di-
lectus probatusque, semel omnino, me audien-
te, proiectum, ut de rebus suis hoc unum re-
ferret, ita secum aliquando Cluuium loquu-
tum, Scis, Vergini, quae historiae fides debeat-
tur: proinde si quid in historiis meis legis aliter
ac veller, rogo ignoscas. Ad hoc sic illum, Tu-
me Cluui, ignoras, ideo me fecisse, quod feci, ut
asset tibi erum vobis scribere, quae libuisset. Age-
dum, hunc ipsum Frontinum in hoc ipso, in
quo tibi parcior videtur, & pressior, compa-
remus. Vetoit exstrui monimentum: sed qui-
bus verbis? Impensa monumenti superuacua est;
memoria nostri durabit, si vita meruimus. An
restrictius arbitraris per orbem terrarum le-
gendam dare duraturam memoriam sui, quam
vno in loco duobus versiculis signare, quod
feceris? Quamquam non habeo propositum, il-
lum reprehendendi, sed hunc tuendi: cuius
quae potest apud te iustior esse defensio, quam
ex collatione eius, quem praetulisti? Meo qui-
dem iudicio neuter culpandus, quorum vter-
que ad gloriam pari cupiditate, diuerso itine-
re, contendit: alter, dum expedit debitos ti-
tulos; alter, dum mauult videri contempsisse.
Vale.

XX.

C. PLINIUS VENATORI SVO S.

*Laetatur epistola, qua libros suos laudatos
vidit; & de vindemias munitat.*

Tua vero epistola tanto mihi iucundior fuit,
1 quanto longior erat, praesertim cum de
libellis meis tota loqueretur; quos tibi volu-
ptati esse non miror, cum omnia nostra, per-
2 inde ac nos ames. Ipse, quem maxime, vi-
demias, graciles quidem, vberiores tamen quam
exspectaueram, colligo; si colligere est, non-
nunquam decerpere vuam, torculum inuisere,
gustare de lacu mustum, obrepere vrbanis, qui
nunc rusticis praesunt, meque notariis & le-
ctoribus reliquerunt. Vale.

XXI.

C. PLINIUS SABINIANO SVO S.

*Libertum in gratiam cum patrono reduc-
re tentat. Adde Epist. XXIV. huius libri.*

Libertus tuus, cui succensere te dixeras, ve-
nit ad me, aduolutusque pedibus meis,
tanquam tuis, haesit. Fleuit multum, mul-
tumque rogauit; multum etiam tacuit: in
2 summa, fecit mihi fidem poenitentiae. Vere
credo emendatum, quia deliquisse se sentit.
Irasceris, scio: & irasceris merito, id quoque
scio: sed TVNC praecipua mansuetudinis laus,
3 quum irae caussa iustissima est. Amasti homi-
nem, &, spero, amabis: interim sufficit, ut
exorari te finas. Licebit rursus irisci, si meru-
crit:

erit: quod exoratus excusati facies. Re-
mitte aliquid adolescentiae ipsius, remitte la-
crys, remitte indulgentiae tuae: ne torseris
illum, ne torseris etiam te. Torqueris enim,
quam tam lenis irascis. Vereor ne videar
non rogare, sed cogere, si precibus eius meas
iunxero. Iungam tamen tanto plenius & ef-
fusius, quanto ipsum acrius severiusque corri-
pui, districte minatus, nunquam me postea ro-
gaturum. Hoc illi, quem terrori oportebat, 5
tibi non idem. Nam fortasse iterum rogabo,
iterum impetrabo: sit modo tale, ut rogare
me, ut praestare te deceat. Vale.

XXII.

C. PLINIUS SEVERO SVO S.

Passieni aegritudine dolet, eiusque genus,
mores & ingenium laudat.

Magna me solicitudine adfecit Passieni Paul-
li valetudo, & quidem plurimis iustissi-
misque de caussis. Vir est optimus, honestissi-
mus, nostri amantissimus; praeterea in litteris
veteres aemulatur, exprimit, reddit: Proper-
tium in primis, a quo genus dicit, vera sobo-
les, eoque simillima illi, in quo ille praecepsus. 2
Si elegos eius in manum sumferis, leges opus
tersum, molle, iucundum, & plane in Proper-
tii domo scriptum. Nuper ad lyrice deflexit,
in quibus ita Horatium, ut in illis illum al-
terum, effingit. Putes, si quid in studiis co-
gnatio valet, & huius propinquum. Magna
varic-

varieta, magna mobilitas. Amat, ut qui ~~ve-~~
rissime; dolet, ut qui impatientissime; laudat,
ut qui benignissime; ludit, ut qui facetissi-
me: omnia denique tanquam singula absoluit.
3 Pro hoc ego amico, pro hoc ingenio, non mi-
nus aeger animo, quam corpore ille, tandem
illum, tandem me recepi. Gratulare mihi;
gratulare etiam litteris, ipsis, quae ex pericu-
lo eius tantum discrimen adierunt, quantum
ex salute gloriae consequentur. Vale

XXIII.

C. PLINIUS MAXIMO SVO S.

*Laetatur, doctorum nomine se in primis &
Tatitum intelligi.*

Frequenter agenti mihi euenit, ut centum-
viri, quum diu se intra iudicum auctorita-
tem grauitatemque tenuissent, omnes repente
quasi victi coactique consenserent laudarent-
que. Frequenter e senatu famam, qualem
maxime optaueram, retuli: nunquam tamen
maiorem cepi voluptatem, quam nuper ex ser-
mone Cornelii Taciti. Narrabat, sedisse se-
cum Circensibus proximis equitem Romanum.
hunc post varios eruditosque sermones requi-
sisse, *Italicus es, an prouincialis?* se respon-
disse, *Nosti me,* & quidem ex studiis. Ad hoc
illum, *Tacitus es, an Plinius?* Exprimere non
possum, quam sit iucundum mihi, quod no-
mina nostra, quasi litterarum propria, non ho-
minum, litteris redduntur; quod uterque no-
strum

Rum his etiam ex studiis notus, quibus aliter ignotus est. Accidit aliud ante pauculos dies simile. Recumbebat mecum vir egregius, Fabius Rufinus, super eum municeps ipsius, qui illo die primum in urbem venerat: cui Rufinus, demonstrans me, *Vides hunc?* Multa deinde de studiis nostris. Et ille, *Plinius est,* inquit. Verum fatebor, capio magnum labo-
ris mei fructum. An, si Demosthenes iure lae-
tatus est, quod illum anus Attica ita noscita-
vit, Οὐτός ἐστι Δημοσθένης; ego celebritate
nominis mei gaudere non debeo? Ego vero &
& gaudeo, & gaudere me dico. Neque enim
vereor, ne iactantior videar, quum de me alio-
rum iudicium, non meum, profero: praeser-
tim apud te, qui nec ullius inuides laudibus,
& faues nostris. Vale.

XXIV.

C. PLINIUS SABINIANO SVO S.

*Gratias agit, quod precibus pro liberto suis
lotum dederit. Conf. 9. 21.*

Bene fecisti, quod libertum, aliquando tibi
carum, reducentibus epistolis meis in do-
mum, in animum recepisti. Iuuabit hoc te:
me certe iuuat; primum quod te talem vi-
deo, ut in ira regi possis: deinde quod tan-
tum mihi tribuis, ut vel auctoritati meae pa-
reas, vel precibus indulgeas. Igitur & laudo
& gratias ago. Simul in posterum moneo, ut
te erroribus tuorum, et si non fuerit, qui de-
precetur, placabilem praestes. Vale.

X 3.

XXV.

XXV.

C. PLINIVS MAMILIANO SVO S.

*Ex castris solicitatus de carminibus, mis-
surum esse finito rerum actu, pollicetur.*

Quereris de turba castrorum negotiorum,
 &, tanquam summo otio perfruare, lu-
 sus & ineptias nostras legis, amas, flagitas, me-
 que ad similia condenda non mediocriter in-
 citas. Incipio enim ex hoc genere studiorum
 non solum oblectationem, verum etiam glo-
 riam petere; post iudicium tuum, viri grauis-
 simi, eruditissimi, ac super ista verissimi. Nunc
 me rerum actus modice, sed tamen distingit:
 quo finito aliquid earundem Camaenarum in
 istum benignissimum sinum mittam. Tu pas-
 serculis & columbulis nostris inter aquilas ve-
 stras dabis pennas, si tamen & sibi & tibi pla-
 cebunt: si tantum sibi, continendos cauea ni-
 doue curabis. Vale.

XXVI.

C. PLINIVS LVPERCO SVO S.

*Veterum exemplo probat, oratorem subli-
mia interdum & fere praecepitia decere.*

Dixi de quodam oratore seculi nostri, recto
 quidem & sano, sed parum grandi & or-
 nato, ut opinor, apte, NIHIL PECCAT,
 2 NISI QVOD NIHIL PECCAT. Debet
 enim orator erigi, attolli, interdum etiam ef-
 feruescere, efferrri, ac saepe accedere ad pra-
 eeps. Nam plerumque altis & excelsis adia-
 cent

cent abrupta: tutius per plana, sed humilius & depresso iter: frequentior currentibus, quam reptantibus, lapsus: sed his non labentibus nulla, illis non nulla laus, etiamsi labantur. Nam ut quasdam artes, ita eloquentiam nihil magis, quam ancipitia commendant. Vides, qui per funem in summa nituntur, quantos soleant excitare clamores, quum iam iamque casuri videntur. Sunt enim maxime mirabilia, quae maxime insperata, maxime periculosa, utque Graeci magis exprimunt, παρέβολαι. Ideo nequaquam par gubernatoris est virtus, quum placido & quum turbato mari vehitur: tunc admirante nullo illaudatus, inglorius subit portum; at quum stridunt funes, curuatur arbor, gubernacula gemunt, tunc ille clarus & diis maris proximus. Cur haec? Quia visus es mihi in scriptis meis adnotasse quaedam ut tumida, quae ego sublimia; ut improba, quae ego audentia; ut nimia, quae ego plena arbitrabar. Plurimum autem refert, reprehendenda adnotes, an insignia. Omnis enim aduertit quod eminet & exstat; sed acriter intentione diiudicandum est, immodicum sit an grande, altum an enorme. Atque ut Homerum potissimum attingam, quem tandem alterutram in partem potest fugere,

Bεάχε δ' εὐρεῖα χθῶν,
Αμφὶ δ' ἐσάλπιγξ μέγας σπανός.
& Ἡέρι δ' ἔγχος ἐκέλυτο,
& totum illud.

‘Ος δὲ ὅτε χείμαρροι ποταμοὶ κατ’ ὄρεσφε
δέοντες
Ἐς μισγάγκειαν συμβάλλετον ὄμβριμον
ὑδωρ.

- 7 Sed opus est examine & libra, incredibilia sint
haec & immania, an magnifica & coelestia.
Nec nunc ego me his similia aut dixisse aut
posse dicere puto. Non ita insano: sed hoc
intelligi volo, laxandos esse eloquentiae frenos,
nec angustissimo gyro ingeniorum impetus re-
fringendos. At enim alia conditio oratorum,
alia poëtarum. Quasi vero M. Tullius minus
audeat. Quamquam hunc omitto: neque enim
ambigi, puto. Sed Demosthenes ipse, ille nor-
ma oratoris & regula, num se cohibet & com-
primit, quum dicit illa notissima? “Αὐθεωποι
μισροὶ, καὶ κόλακες καὶ αἰλάσορες. Ετ τούτης:
ἢ γὰρ λιθοῖς ἐτείχισα τὴν πόλιν, ἢ δὲ
πλίνθοις ἐγώ. Ετ statim: ἐκ μὲν θαλάτ-
της τὴν Εὔβοιαν προύβαλόμην ἐγώ περὸ τῆς
Ἀττικῆς. (ὅσου δὲ οἷμαι μὲν, ὡς σύν-
δεσες Ἀθηναῖοι, νὴ τὸς Θεῶς ἐκεῖνον μεθύειν
9 τῷ μεγέθει τῶν πεπραγμέων. Iam quid au-
dientius illo pulcherrimo ac longissimo excessu?
νόσημα γάρ. Quid haec breuiora superiori-
bus, sed audacia paria, Τότε ἐγώ μὲν τῷ Πυ-
θανοῦ θραυσυνομένῳ καὶ πολλῷ ἔρεοντι καθ’
ὑμῶν. Ex eadem nota: “Οταν δὲ ἐκ πλεο-
νεξίας καὶ πονηρίας τίς, ὥσπερ ὁ τοσοὶ ισχύσῃ,
ἡ πρώτη πρόφασις καὶ μικρὸν πταισμα ἀποσ-

τας ἀνεχαίτισε καὶ διέλυσε. Simile his: Ἀπε-
χονισμένος ἀπασι τοῖς ἐν τῇ πόλει δικαστοῖς
γνώστεσι τριῶν δικαιητῶν. Et ibidein: σὺ τὸν
αἰς ταῦτα ἔλεον προσθῶντας Ἀριστογεῖτον, μᾶλ-
λον δὲ ἀνήρηκας ὅλως, μὴ δὴ πρὸς ἡς αὐτὸς
ξάλωκας λιμένας, καὶ προσβολῶν ἐνέπλησας,
πρὸς τέττας ὄρμίζε. Et dixerat: Δέδοικα μὴ
δόξῃτέ τισι τὸν αἱρετὸν εἶναι πονηρὸν
τῷ ἐν τῇ πόλει παιδετρίζειν. οὐθενῆς μὲν
γάρ ἐστι πᾶς ὁ πονηρός, καθ' ἑαυτόν. Et
deinceps: Τέττα δὲ φένα ὄρῶ τῶν τόπων τέ-
των βάσιμον ὄγκα, ἀλλὰ πάντας ἀπόκρημα,
Φάραγγας, Βάραθρα. Nec satis: εὖ γὰρ
τὰς προγόνους ὑπολαμβάνω τὰ δικαιήρια
ταῦτα οἰκοδομῆσαι, ἵνα τὰς τοιούτας ἐν αὐ-
τοῖς μοσχεύητε, ἀλλὰ τύναντιον, ἢν ἀνελέγη-
τε, καὶ πολάζητε, καὶ μηδεὶς ζηλοῖ, μηδὲ ἐπι-
θυμῆ κακίας. Adhuc: Εἰ δὲ πάπηλός ἐστι
πονηρίας, καὶ παλιγνάπηλος, καὶ μεταβο-
λεύς. Et mille talia; ut praeteream, quae
ab Aeschine θαύματα, non δῆματα, vocan-
tur. In contrarium incidi. Dices, hunc quo-10
que ob ista culpari. Sed vide quanto maior
sit, qui reprehendit ipso reprehendente; &
maior ob haec quoque. In aliis enim vis, in
his granditas eius eluet. Num autem Ac-11
scines ipse iis, quae in Demosthene carpebat,
abstinuit? Χεὶ γὰρ (ὧ ἄνδρες Ἀθηναῖοι,) τὸ
αὐτὸν Φθέγγυεσθαι τὸν δῆτορα καὶ τὸν νόμον
ἔταν δὲ ἐτέρων μὲν Φωνὴν αὐθιγὸν νόμος, ἐτέ-
ρων δὲ ὁ δῆτωρ, τῷ τῷ νόμῳ δικαίῳ χεὶ δι-
δόναι

δόναι τὴν Ψῆφον, ἐτῇ τῇ λέγοντος οὐνοι-
 οχυντας. Altio loco: ἔπειτα ἀναφένεται
 περὶ πάντων ἐν τῷ Ψηφίσματι πρὸς τῷ
 κλέμματι γράψας τὰ πέντε τάλαντα, τὰς
 πρέσβεις, ἀξιῶν τὰς Ωρείτας μὴ ήμιν ἀλλὰ
 Καλλίος διδόναι. ὅτι δὲ αἱηθῇ λέγω. αἱρε-
 λῶν τὸν κορπὸν, οὐκ τὰς τριήρεις, οὐκ τὴν
 αἰλαζονεῖαν, ἐπὶ τῷ Ψηφίσματος ανάγνωσι. Ie-
 rum alio: οὐκ μὴ ἔστε αὐτὸν εἰς τὰς τὰς πα-
 ρανόμις λόγυς περιέσασθαι. Quod adeo pro-
 bauit, ut repetat, ἀλλὰ ἔγκαιδίμενοι οὐκ ἐν-
 δρεύοντες ἐν τῇ ἐκκλησίᾳ εἰσελάσσετε αὐτὸν
 εἰς τὰς τὰς παρανόμις λόγυς, οὐκ τὰς ἐκτρο-
 12 πὰς αὐτὰς τῶν λόγων ἐπιτρέπετε. An illa
 custoditius pressiusque? σὺ δὲ ἐλκοποιεῖς, οὐκ
 μᾶλλόν σοι μέλει τῶν αὐθημέρων λόγων, η
 τῆς σωτηρίας τῆς πόλεως. Altius illa: ἐκ
 ἀποπέμψοσθαι τὸν ἀνθρώπον ὡς ιοινὴν τῶν
 Ἑλλήνων συμφοράν, η συλλαβόντες ὡσλησην
 τῶν πραγμάτων διὰ τῆς πολιτείας πλέοντα
 13 τιμωρήσασθαι, & alia. Exspecto, ut quae-
 dam ex hac epistola, ut illud, *Guernacula*
 gemunt, &, diis *Maris proximus*, iisdem notis,
 quibus ea, de quibus scribo, confodias. In-
 tellige enim me, dum veniam prioribus peto,
 14 in illa ipsa, quae adnotaueras, incidisse. Sed
 confodias licet, dummodo iam nunc destines
 diem, quo & de illis & de his coram exigere
 possimus. Aut enim tu me timidum, aut
 ego te temerarium faciam. Vale.

XXVII.

C. PLINIUS LATERANO SVO S.

*Historiae reuerentiam haberi, exemplo mon-
strat.*

Quanta potestas, quanta dignitas, quanta maiestas, quantum denique numen sit historiae, cum frequenter alias, tum proxime sensi. Recitauerat quidam verissimum librum, partemque eius in alium diem reseruauerat: ecce amici cuiusdam orantes obsecrantesque, ne reliqua recitaret. Tantus audiendi, quae fecerint, pudor, quibus nullus faciendi, quae audire erubescunt. Et ille quidem praetulit, quod rogabatur; sinebat fides. Liber tamen, ut factum ipsum, manet, manebit, legeturque semper, tanto magis, quia non statim. Incitantur enim homines ad agnoscenda, quae differuntur. Vale.

XXVIII.

C. PLINIUS ROMANO SVO S.

Tribus epistolis respondet: quartam curiosus scriptam, accepisse se negat.

Post longum tempus epistolas tuas, sed tres pariter recepi, omnes elegantissimas, amantissimas, & quales a te venire, praesertim desideratas, oportebat: quarum una iniungis mihi iucundissimum ministerium, ut ad Plotinam, sanctissimam feminam, litterae tuae perferantur: perferentur. Eadem commendas Popilium, Artemisium: statim praetuli, quod petebat. Indicas

dicas etiam, modicas te vindemias collegisse.
 Communis haec mihi tecum, quamquam in di-
 3. versissima parte terrarum, quereba est. Altera
 epistola nuntias, multa te nunc dictare, nunc
 scribere, quibus nos tibi repraesentes. Gratias
 ago: agerem magis, si me illa ipsa, quae scri-
 bis aut dictas, legere voluisses. Et erat ac-
 quum, ut te mea, ita me tua scripta cognos-
 cere, etiamsi ad alium, quam ad me pertine-
 rent. Polliceris in fine, quum certius de vi-
 tae nostrae ordinatione aliquid audieris, futu-
 rum te fugitium rei familiaris, statimque ad
 nos euolaturum, qui iam tibi compedes nec-
 mus, quas perfringere nullo modo possis. Ter-
 tia epistola continebat, esse tibi redditam ora-
 tionem pro Clario, eamque visam vberiorem,
 quam dicente me, audiente te, fuerit. Et
 vberior. multa enim postea inserui. Adiicis,
 alias te litteras curiosius scriptas misisse: an
 acceperim, quaeris: non accepi, & accipere ge-
 stio. Proinde prima quaque occasione mitte,
 appositis quidem usurpis, quas ego (num par-
 cius possum?) centesimas computabo. Vale.

XXIX.

C. PLINIUS RVSTICO SVO S.

Diffusus perfectioni, in uno scribendi gene-
re, se vario, merendaе veniae caussa, exercet.
Vt satius, vnum aliquid insigniter, quam
 facere plurima mediocriter; ita plurima
 mediocriter, si non possis vnum aliquid insig-
 niter.

niter. Quod intuens ego, variis me studiorum generibus, nulli satis confisus, experior. Proinde quum hoc vel illud leges, ita singulis veniam, ut non singulis, debis. An ceteris artibus excusatio in numero, litteris durior lex, in quibus difficilior effectus est? Quid autem ego de venia quasi ingratus? Nam si ea facilitate haec proxima acceperis, qua priora, laus potius speranda, quam venia obsecranda est. Mihi tamen venia sufficit. Vale.

XXX.

C. PLINIUS GEMINIO SVOS.

Quae vera liberalitas sit, docet.

Laudas mihi, & frequenter praefens, & nunc per epistolas, Nonium tuum, quod sit liberalis in quosdam: & ipse laudo, si tamen non in hos solos. Volo enim eum, qui sit vere liberalis, tribuere patriae, propinquis, affinibus, amicis, sed amicis dico pauperibus: non ut isti, qui iis potissimum donant, qui donare maxime possunt. Hos ego vilcatis hanc 2 matisque muneribus non sua promere puto, sed aliena corripere. Sunt ingenio simili, qui quod huic donant, auferunt illi, famamque liberalitis avaritia petunt. Primum est autem, 3 suo esse contentum: deinde, quos praeципue scias indigere, sustentantem fountemque, orbe quodam societatis ambire. Quae cuncta si facit iste, usquequaque laudandus est: si vnum aliquid, minus quidem, laudandus tamen. Tam 4 raturum

rarum est etiam imperfectae liberalitatis exemplar. Ea inuasit homines habendi cupido, ut possideri magis, quam possidere videantur.
Vale.

XXXI.

C. PLINIUS SARDO SVO S.

Laudat illius librum, & laudatus in eo ipse, gratias agit.

Postquam a te recessi, non minus tecum, quam quum apud te, fui. Legi enim librum tuum, identidem repetens ea maxime (non enim mentiar) quae de me scripsisti. In quibus quidem percopiosus fuisti. Quam multa, quam varia, quam non eadem de eodem, nec tamen diuersa, dixisti? Laudem pariter & gratias agam? Neutrū satis possum, &, si possem, timerem, ne arrogans esset, ob ea laudare, ob quae gratias agerem. Vnum illud addam, omnia mihi tanto laudabiliora visa, quanto iucundiora; & tanto iucundiora, quanto laudabiliora erant. Vale.

XXXII.

C. PLINIUS TITIANO SVO S.

Quid agat amicus, quaerit: & delicatum otium suum festiuue narrat.

Quid agis? quid acturus es? Ipse vitam iucundissimam, id est otiosissimam, viuo. Quo fit, ut scribere longiores epistolas nolim, velim legere: illud, tanquam delicatus; hoc tanquam otiosus. Nihil est enim aut pigrius delicatis, aut curiosius otiosis. Vale.

XXXIII.

XXXIII.

C. PLINIUS CANINIO SVO S.

Mira de Hipponeſi delphino narrat.

Incidi in materiam veram, sed simillimam
 fictae, dignamque isto laetissimo, altissimo,
 planeque poëtico ingenio. Incidi autem, dum
 super coenam varia miracula hinc inde refe-
 runtur. Magna auctoris fides; tametsi quid
 poëtae cum fide? Is tamen auctor, cui bene
 vel historiam scripturus credidisses. Est in 2
 Africa Hipponeſis colonia, mari proxima:
 adiacet ei nauigabile stagnum, ex quo, in mo-
 dum fluminis, aestuarium emergit, quod vice
 alterna, prout aestus aut repressit, aut impulit,
 nunc infertur mari, nunc redditur stagno.
 Omnis hic aetas pescandi, nauigandi, atque 3
 etiam natandi studio tenetur: maxime pueri,
 quos otium ludusque sollicitat. His gloria &
 virtus altissime prouehi: victor ille, qui lon-
 gissime ut littus, ita simul nantes, reliquit.
 Hoc certamine puer quidam, audentior cete-
 ris, in vltiora tendebat. Delphinus occurrit,
 & nunc praecedere puerum, nunc sequi, nunc
 circuire, postremo subire, deponere, iterum sub-
 ire, trepidantemque perferre primum in al-
 tum: mox flebit ad littus, redditque terrae
 & aequalibus. Serpit per coloniam fama: con-
 currere omnes, ipsum puerum tanquam mira-
 culum adspicere, interrogare, audire, narrare.
 Postero die obſident littus, prospectant mare,
 & si quid est mari simile. Natant pueri: in-
 ter

ter hos ille, sed cautius. Delphinus rursum ad tempus, rursus ad puerum venit. Fugit ille cum ceteris. Delphinus, quasi inuitet, reuocet, exsilit, mergitur, variosque orbes implicitat expeditque. Hoc altero die, hoc tertio, hoc pluribus, donec homines, innutritos mari, subiret timendi pudor: accedunt, & adulunt, & appellant: tangunt etiam, pertrentque praebentem. Crecit audacia experimento. Maxime puer, qui primus expertus est, adnatat natanti, insilit tergo: fertur referturque, agnosci se, amari putat, amat ipse: 7 neuter timet, neuter timetur. Huius fiducia, mansuetudo illius augetur: nec non alii pueri dextra laeuaque simul eunt hortantes monentesque. Ibat vna (id quoque mirum) delphinus alias, tantum spectator & comes. Nihil enim simile aut faciebat, aut patiebatur: sed alterum illum ducebat, reducebat, ut puerum 8 ceteri pueri. Incredibile (tam verum tamen quam priora) delphinum gestatorem collusoremque puerorum in terram quoque extrahi solitum, arenisque siccatum, ubi incaluisset, in mare reuolui. Constat Octauium Auitum, legatum proconsulis, in littus educto religione prava superfudisse vnguentum, cuius illum novitatem odoremque in altum resugisse; nec nisi post multos dies visum languidum & moestum; mox, redditis viribus, priorem lasciviam & solita ministeria repetisse. Confluebant ad spectaculum omnes magistratus, quorum

rum aduentu, & mora modica, res publica novis sumtibus atterebatur. Postremo locus ipse quietem suam secretumque perdebat. Placuit occulte interfici, ad quod coibatur. Haec tuum qua miseratione, qua copia deslebis, ornabis, attolles? Quamquam non est opus adsingas aliquid aut adstruas: sufficit, ne ea, quae sunt vera, minuantur. Vale.

XXXIV.

C. PLINIUS TRANQVILLO SVO S.

Confusat, num versus, quos male legere dicitur, ipse pergit recitare, an liberto legendos tradat.

Explica aestum meum. Audio, me male legere, dumtaxat versus: orationes enim commodius, sed tanto minus versus. Cogito ergo recitaturus familiaribus amicis, experiri libertum meum. Hic quoque similiter, quem elegi, non bene; sed melius scio lectatum, si tamen non fuerit perturbatus. Est enim tam nouus lector, quam ego poëta. Ipse nescio quid illo 2 legente interim faciam, sed eam defixus, & mutus, & similis otioso; an (vt quidam) quae pronuntiabit, murmure, oculis, manu prosequar. Sed puto, me non minus male saltare, quam legere. Iterum dicam, explica aestum meum, vereque recribe, num sit melius, pessime legere, quam ista vel non facere, vel facere: Vale.

¶

XXXV.

XXXV.

C. PLINIUS APPIO SVO S.

*Librum sibi missum, quum vacauerit, te-
etrum esse promittit: & ne diligentior amicus
in retractatione sit, monet.*

- L**ibrum, quem misisti, recepi, & gratias ago:
sum tamen hoc tempore occupatissimus.
Ideo nondum eum legi, quum alioqui val-
dissime cupiam: sed eam reuerentiam cum lit-
teris ipsis, tum scriptis tuis debeo, ut sumere
illa, nisi vacuo animo, irreligiosum putem.
2 Diligentiam tuam in retractandis operibus val-
de probo. Est tamen aliquis modus, primum,
quod nimia cura deterit magis, quam emen-
dat? deinde; quod nos a recentioribus revo-
cat, simulque nec absoluit priora, & inchoare
posteriora non patitur. Vale.

XXXVI.

C. PLINIUS FVSCO SVO S.

*Quam vitae rationem & studiorum in se-
cessu seu villa teneat, exponit. Conf. 3. 5.*

- Q**uaeris, quemadmodum in Tuscis diem
aestate disponam. Euigilo, quum libuit,
plerumque circa horam primam, saepe ante,
tardius raro: clausae fenestrae manent. Mire
2 enim silentio & tenebris animus alitur. Ab
iis, quae auocant, abductus, & liber, & mihi
relictus, non oculos animo, sed animum ocu-
lis sequor, qui eadem, quae mens, vident,
quoties non vident alia. Cogito, si quid in
mani-

manibus, cogito ad verbum scribenti emen-
dantique similis: nunc pauciora, nunc plura,
vt vel difficile vel facile componi tenerue po-
tuerunt. Notarium voco, &, die admisso, quae
formaueram dicto; abit, rursusque reuocatur,
rursusque remittitur. Vbi hora quarta vel 3
quinta (neque enim certum dimensumque tem-
pus) vt dies suasit, in xylosum me vel cry-
ptoporticum confero; reliqua meditor & dicto.
Vehiculum adscendo. Ibi quoque idem, quod
ambulans aut iacens. Durat intentio, muta-
tione ipsa refecta: paullum redormio, dein
ambulo, mox orationem Graecam Latinamue
clare & intente, non tam vocis caussa, quam
stomachi, lego: pariter tamen & illa firmatur.
Iterum ambulo, vngor, exerceor, lauor. Coe-
nanti mihi, si cum vxore, vel paucis, liber
legitur: post coenam, comoedi aut lyristes: mox
cum meis ambulo, quorum in numero sunt
eruditii. Ita variis sermonibus vespera exten-
ditur, &, quamquam longissimus, dies cito
conditur. Non nunquam ex hoc ordine ali- 5
qua mutantur. Nam si diu tacui, vel ambu-
lau, post somnum demum lectionemque, non
vehiculo, sed (quod breuius, quia velocius)
equo gestor. Interueniunt amici ex proximis
oppidis, partemque diei ad se trahunt, inter-
dumque lassato mihi opportuna interpellatione
subueniunt. Venor aliquando; sed non sine 6
pugillaribus, vt quamuis nihil ceperim, non ni-
hil referam. Datur & colonis (vt videtur
Y 2 ipfis)

ipsis) non satis temporis, quorum mihi agrestes querelae litteras nostras & isthaec urbanae opera commendant. Vale.

XXXVII.

C. PLINIUS PAVLLINO SVO S.

Excusat se, quod propter praediorum locationem calendis Ianuariis Paullino, consulatum inituro, non possit adesse.

Nec tuae naturae est, translaticia haec & quasi publica officia a familiaribus amicis contra ipsorum commodum exigere: & ego te constantius amo, quam ut verear, ne aliter ac velim accipias, nisi te calendis statim consulem videro: praetertim quum me necessitas locandorum praediorum plures annos ordinatur detineat, in qua mihi noua consilia sumenda sunt. Nam priore lustro, quamquam post magnas remissiones, reliqua creuerunt: inde plus risque nulla iam cura minuendi aeris alieni, quod desperant posse persolui; rapiunt etiam consumuntque, quod natum est, ut qui iam putent se non sibi parcere. Occurrentum ergo augescentibus vitiis, & medendum est. Medendi una ratio, si non nummo, sed paribus locem, ac deinde ex meis aliquos exactores operi, custodes fructibus ponam: & alioquin nullum iustius genus reditus, quam quod terra, coelum, annus refert. Ad hoc, magnam fidem, acres oculos, numerosas manus poscit: experiendum tamen, & quasi in veteri morbo,

bo, quaelibet mutationis auxilia tentanda sunt.
Vide, quam non delicata me caussa obire pri-
mum consulatus tui diem non finat: quem
tamen hic vt praesens votis, gaudio, gratula-
tione celebrabo. Vale.

XXXVIII.

C. PLINIUS SATVRNINO SVO S.

*Rufum laudat, non tam precibus alienis,
quam ipsis meritis inductus.*

Ego vero Rufum nostrum laudo: non quia
tu, vt ita facerem, petiisti, sed quia est
ille dignissimus. Legi enim librum omnibus
numeris absolutum, cui multum apud me gra-
tiae amor ipsius adiecit. Iudicauit tamen. Ne-
que enim soli iudicant, qui maligne legunt.
Vale.

XXXIX.

C. PLINIUS MVSTIO SVO S.

*Aedem Cereris resecturus, marmora
signum sibi emi rogat.*

A ruspicum monitu reficienda est mihi aedes
Cereris in praediis in melius & in maius.
Vetus sane & angusta, quum sit alioqui stato
die frequentissima. Nam idibus Septembribus
magnus e regione tota coit populus, multae
res aguntur, multa vota suscipiuntur, multa
redduntur, sed nullum in proximo suffugium
aut imbris aut solis. Videor ergo munifice
simul religioseque facturus, si aedem quam pul-
cherrimam exstruxero, addidero porticus: il-

iam ad usum deae, has ad hominum. Velim
 ergo emas quatuor marmoreas columnas, cuius
 tibi videbitur generis: emas marmora, quibus
⁴ solum, quibus parietes excolantur. Erit etiam
 vel faciendum vel emendum ipsius deae signum:
 quia antiquum illud e ligno quibusdam sui
⁵ partibus vetustate truncatum est. Quantum
 ad porticus, nihil interim occurrit, quod vi-
 deatur istinc esse repetendum: nisi tamen, ut
 formam secundum rationem loci scribas: ne-
 que enim possunt circumdari templo; nam so-
 lum templi hinc fulmine & abruptissimis ripis,
⁶ hinc via cingitur. Est ultra viam latissimum
 pratum, in quo satis apte contra templum
 ipsum porticus explicabuntur: nisi quid tu me-
 lius inueneris, qui soles locorum difficultates
 arte superare. Vale.

XL.

C. PLINIUS FVSCO SVO S.

Cui vitae studiorumque rationem aestiuam,
 quam in secessu teneat, epist. XXXVI. prescri-
 pserat; eidem rogatus exponit etiam hibernam.
 Scribis, pergratas tibi fuisse litteras meas, qui-
 otium aetatis exigere: requiris, quid ex hoc
² in Laurentino hieme permutem. Nihil, nisi
 quod meridianus somnus eximitur, multum-
 que de nocte vel ante vel post diem sumitur:
 &, si agendi necessitas instat, quae frequens
 hieme, non iam comoedo vel lyristae post coe-
 nata

nam locus; sed illa, quae dictaui, identidem retractantur, ac simul memoriae frequenti emanatione proficitur. HABES aestate, hieme consuetudinem; addas huc, licet, auctumnum, quaeque inter hiemem aestatemque media, ut nihil de die perduas, ita de nocte paruulum adquirunt. Vale.

LIBER X.

In quo Epistolae Plinii ad Traianum Imperatorem; & Traiani ad Plinium.

I.

C. PLINIVS TRAIANO.

Traiano, imperium morte Neruae consequito, gratulatur.

Tua quidem pietas, Imperator sanctissime, optauerat, ut quam tardissime succederes patri: sed dii immortales festinauerunt virtutes tuas ad gubernacula reipublicae, quam suscepseras, admouere. Precor ergo, ut tibi, & 2 per te generi humano, prospera omnia, id est, digna seculo tuo, contingent. Fortem te & hilarem, Imperator optime, & priuatim & publice opto.

Y 4

II.

II.

C. PLINIUS TRAIANO.

Iure trium liberorum donatus, principi gratias agit.

Exprimere, Domine, verbis non possum,
quantum mihi gaudium attuleris, quod
me dignum putasti iure trium liberorum.
Quamuis enim Ialii Seruiani, optimi viri,
tuique amantissimi, precibus indulseris: tamen
etiam ex rescripto intelligo, libentius hoc ei
2 te praestitisse, quia pro me rogabat. Videor
ergo summam voti mei consequuntur, quam
inter initia felicissimi principatus tui probaueris, me ad peculiarem indulgentiam tuam per-
tinere: eoque magis liberos concupisco; quos
habere etiam illo tristissimo seculo volui, sicut
3 potes duobus matrimoniis meis credere. Sed
dii melius, qui omnia integra bonitati tuae
referuarunt. Malui hoc potius tempore me
patrem fieri, quo futurus essem & securus &
felix.

III. (V.)

C. PLINIUS TRAIANO.

*Petit, ut Voconium in senatorium ordinum
promoueat.*

Indulgentia tua, Imperator optime, quam ple-
nissimam experior, hortatur me, ut audeam
tibi etiam pro amicis obligari; inter quos sibi
vel praecipuum locum vindicat Voconius Ro-
manus, ab ineunte aetate condiscipulus & con-
2 tubernalis meus. Quibus ex causis & diuo
patre

patre tuo petieram, ut illum in amplissimum ordinem promoueret: sed hoc votum meum bonitati tuae reseruatum est, quia mater Romani liberalitatem festerii quadringenties, quod conferre se filio codicillis ad patrem tuum scriptis professa fuerat, nondum satis legitime peregerat. Quod postea fecit, admonita a nobis. 3
 Nam & fundos emancipauit, & cetera, quae in emancipatione implenda solent exigi, consummavit. Quam sit ergo finitum, quod spes 4
 nostras morabatur, non sine magna fiducia sub-signo apud te fidem pro moribus Romani mei, quos & liberalia studia exornant, & eximia pietas, quae hanc ipsam matris liberalitatem, & statim patris hereditatem, & adoptionem a vi-trico meruit. Auget haec & natalium & pa-5
 ternarum facultatum splendor; quibus singulis multum commendationis accessurum etiam ex meis precibus, indulgentiae tue credo. Rogo 6
 ergo, Domine, ut me exoptatissimae mihi gra-tulationis compotem facias, & honestis (ut spero) adfectibus meis praestes, vt non in me tan-tum, verum & in amico gloriari iudiciis tuis possim.

IV. (VI.)

C. PLINIUS TRAIANO.

Medico suo ciuitatem Romanam: Antoniae libertis feminis ius Quiritium petit. Conf. ep. 21.

Proximo anno, Domine, grauissima valetudi-ne vsque ad periculum vitae vexatus, ia-

tralipten adsumsi: cuius solitudini & studio,
tuae tantum indulgentiae beneficio, referre gra-
tiam possum. Quare rogo, des ei ciuitatem
2 Romanam. Est enim peregrinae conditionis,
manumissus a peregrina. Vocatur ipse Har-
pocras: patronam habuit Thermuthin Theonis,
quae iampridem defuncta est. Item rogo, des
ius Quiritium libertis Antoniae Maximillae,
ornatissimae feminae, Heliae & Antoniae Har-
meridi. Quod a te, petente patrona, peto.

V. (XI.)

C. PLINIUS TRAIANO.

*Alexandrinam etiam ciuitatem Harpocrati
datam laetatur, cui litteras ad praefectum Ae-
gypti, sibi licentiam occursum longioris petit.*

Exprimere, Domine, verbis non possum, quan-
to me gaudio adfecerint epistolae tuae,
ex quibus cognoui, te Harpocrati, iatraliptae
meo, etiam Alexandrinam ciuitatem tribuisse,
quamuis, secundum institutionem principum,
non temere eam dare proposuisses. Esse au-
tem Harpocratan *νομός μεμφίτης* indico tibi.

2 Rogo ergo, indulgentissime imperator, vt mi-
hi ad Pompeium Plantam, praefectum Aegy-
pti, amicum tuum, sic, vt promisisti, episto-
lam mittas. Obuiam iturus, quo maturius,
Domine, exoptatissimi aduentus tui gaudio
frui possim, rogo, permittas mihi, quam lon-
gissime occurrere tibi.

VI.

VI. (XII.)
C. PLINIUS TRAIANO.

*Medici propinquis ciuitatem, & aliis ius
Quiritium petit.*

Proxima infirmitas mea, Domine, obligavit
me Postumio Marino medico: cui parem
gratiam referre beneficio tuo possum, si preci-
bus meis, ex consuetudine bonitatis tuae, in-
dulseris. Rogo ergo, ut propinquis eius des 2
ciuitatem, Chrysippo Mithridatis, vxorique
Chrysippi, Stratonicae Epigoni, item liberis
eiusdem Chrysippi, Epigono & Mithridati, ita
ut sint in patriis potestate, utque iis in liber-
tos serueretur ius patronorum. Item rogo, in-
dulgeas ius Quiritium L. Satrio Abascantio,
& P. Caesio Phosphoro, & Panchariae Soteridi.
Quod a te, volentibus patronis, peto.

VII. (XIII.)
C. PLINIUS TRAIANO.

Praeturam amico, Accio Surae, petit.

Scio, Domine, memoriae tuae, quae est bene-
ficiandi tenacissima, preces nostras inhaere-
re: quia tamen in hoc quoque saepe indulsi, 2
admoneo simul & impense rogo, ut Accium
Suram praetura exornare digneris, cum locus
vacet. Ad quam spem alioqui quietissimum
hortatur & natalium splendor, & summa in-
tegritas in paupertate, & ante omnia, felicitas
temporum, quae bonam conscientiam ciuium
tuorum ad usum indulgentiae tuae prouocat
& attollit.

VIII. (XIV.)
C. PLINIUS TRAIANO.

Sacerdotium sibi petit.

Quum sciam, Domine, ad testimonium laus
demque morum meorum pertinere, tam
boni principis iudicio exornari, rogo, digni-
tati, ad quam me prouexit indulgentia tua,
vel auguratum, vel septemuiratum, quia van-
cant, adiicere digneris, ut iure sacerdotii pre-
eari deos pro te publice possim, quos nunc
precor pietate priuata.

IX. (XV.)
C. PLINIUS TRAIANO.

Victoriam Traiano gratulatur.

Victoriae tuae, optime imperator, maximae,
pulcherrimae, antiquissimae, & tuo nomi-
ne & reipublicae gratulor, deosque immorta-
les precor, ut omnes cogitationes tuas tam lac-
tus sequatur, euentus; ut virtutibus tantis
gloria imperii & nouetur & augeatur.

X. (XXVI.)
C. PLINIUS TRAIANO.

Seruilius aduentum nuntiat.

Seruilius Pudens legatus, Domine, VIII.
calend. Decembr. Nicomediam venit: me-
que longae exspectationis solicitudine liberat-
vit.

XI. (XXVII.)
C. PLINIUS TRAIANO.

Rofianum commendat.

Rofianum Geminum, Domine, arctissimo vinculo mecum tua in me beneficia iunxerunt. Habui enim illum quaestorem in consulatu, mei summe obseruantissimum expertus. Tantam mihi post consulatum reuerentiam praestat, vt publicae necessitudinis pignora priuatis cumulet officiis. Rogo ergo, vt ipsi apud te, pro dignitate eius, precibus meis faueas: cui & si quid mihi credis, indulgentiam tuam dabis. Dabit ipse operam, vt in his, quae ei mandaueris, maiora mereatur. Parciorem me in laudando facit, quod spero, tibi & integritatem eius, & probitatem, & industriam non solum ex eius honoribus, quos in vrbe sub oculis tuis gessit, verum etiam ex commilitio, esse notissimam. Illud vnum, quod propter caritatem eius nondum mihi videor satis plene fecisse, etiam atque etiam faeio; teque, Domine, rogo, gaudere me ex ornata quaestoris mei dignitate, id est, per illum mea, quam maturissime velis.

XII.
C. PLINIUS TRAIANO.

Gratias agit, quod Coelium ex consulatu in Bithyniam missurus fit.

Diffeile est, Domine, exprimere verbis, quantum perceperim lactitiam, quod & mihi

& socrui meae præstitisti, vt ad finem consu-
latus Coelium Clementem in hanc prouinciam
2 transferres. Ex illo enim mensuram benefi-
cii tui penitus intelligo, quum tam plenam
indulgentiam cum tota domo mea experiar:
cui referre gratiam parem ne audeo quidem,
quamuis maxime debeam. Itaque ad vota con-
fugio, deosque precor, vt iis, quæ in me
affidue confers, non indignus existimer.

XIII. (LXIV.)

C. PLINIUS TRAIANO.

*Tabellarium regis Sauromatae ad Traia-
num mittit.*

Scripsit mihi, Domine, Lycormas, libertus
tuus, vt, si qua legatio a Bosporo ve-
nisset, urbem petitura, vsque in aduentum
suum retineretur. Et legatio quidem dum-
taxat in eam ciuitatem, in qua ipse sum, nul-
la adhuc venit; sed venit tabellarius Sauro-
mata, quem ego, vsus opportunitate, qua
mihi casus obtulerat, cum tabellario, qui Ly-
cormam ex itinere praecessit, mittendum pu-
taui, vt possis ex Lycormae & ex regis epi-
stolis pariter cognoscere, quæ fortasse pariter
scire deberes.

XIV. (LXV.)

C. PLINIUS TRAIANO.

*Diplomate se tabellarium Sauromatam it-
uisse significat.*

Rex Sauromates scripsit mihi, esse quaedam,
quæ deberes quam maturissime scire: qua-

ex caussa festinationem tabellarii, quem ad te
cum epistolis misit, diplomate adiuui.

XV. (LXVIII.)
C. PLINIUS TRAIANO.

*Excusat, quod legatum regis Sauromatae
non retinuerit.*

Legato Sauromatae regis, quum sua sponte Nicæa, vbi me inuenerat, biduo substitis- set, longiorem moram faciendam, Domine, non putauit: primum quod incertum adhuc erat, quando libertus tuus Lycormas venturus esset; deinde quod ipse proficiscebar in diuersam prouinciae partem, ita officii necessitate exigente. Haec in notitiam tuam perferenda exi-
stimauit, quia proxime scripseram, petuisse Ly-
cormam, vt legationem, si qua venisset a Bos-
poro, vsque in aduentum suum retinerem.
Quod diutius faciendi nulla mihi probabilis
ratio occurrit; praesertim quum epistolæ Ly-
cormæ, quas detinere, vt ante praedixi, no-
lui, aliquot diebus hunc legatum antecessuræ
viderentur.

XVI. (LXXV.)
C. PLINIUS TRAIANO.

*Callidromum, multorum variante fortuna
seruum, Traiano mittit.*

Apuleius, Domine, miles, qui est in statio- ne Nicomedensi, scripsit mihi, quandam nomine Callidromum, quum detineretur a Ma-
ximo & Dionysio pistoribus, quibus operas suas
loca-

locauerat, consigilisse ad tuam statuam, perdu-
ctumque ad magistratus indicasse, seruisse ali-
quando Laberio Maximo, captumque a Susa-
go in Moesia, & a Decebalo muneri missum
Pacoro, Parthiae regi, pluribusque annis in
ministerio eius fuisse: deinde fugisse, atque ita
2 in Nicomediam peruenisse. Quem ego per-
ductum ad me, quoniam eadem narrasset, mit-
tendum ad te putavi. Quod paullo tardius
feci, dum requiro gemmam, quam sibi, ha-
bentem imaginem Pacori, & quibus insignibus
3 ornatus fuisset, subtraetam indicabat. Volui
ehim hanc quoque, si inteniri potuisset, simul
mittere, sicut glebulam misi, quam se ex Par-
thico metallo attulisse dicebat. Signata est
annulo meo, cuius est apophragisma, qua-
driga.

XVII. (LXXXVI)

C. PLINIVS TRAIANO:

*Procuratorem Caesaris testimonio prosequi-
tur.*

Maximum, libertum & procuratorem tuum,
Domine, per omne tempus, quo fuimus
una, probum, & industrium, & diligentem;
ac, sicut rei tuae amantissimum, ita discipli-
nac tenacissimum expertus, libenter apud te
testimonio prosequor ea fide, quam tibi
debedo.

XVIII.

XVIII. (LXXXVII.)

C. PLINIVS TRAIANO.

Gabium Bassum laudat apud Traianum.

Gabium Bassum, Domine, praefectum orae Ponticae, integrum, probum, industrium, atque inter ista reverentissimum mei expertus, Voto pariter & suffragio prosequor, ex fide, quam tibi debeo: quem abunde conspexi instructum commilitio tuo, cuius disciplinae debet, quod indulgentia tua dignus est. Apud me & milites & pagani, a quibus iustitia eius & humanitas petitus inspecta est, certatim ei, qua priuatim, qua publice, testimonium retribuerunt. Quod in notitiam tuam perfereo
ea fide, quam tibi debeo.

XIX. (LXXXVIII.)

C. PLINIVS TRAIANO.

Filium commilitonis sui, & ipsum acrem militem, commendat.

Nymphidium Lupum, Domine, primipilarem, commilitonem habui, quem ipse tribunus esset, ille praefectus: inde familiariter diligere coepi. Creuit postea caritas ipsa mutuae vetustate amicitiae. Itaque & quieti eius inieci manum, & exegi, ut me in Bithynia consilio instrueret. Quod ille amicissime, & otii & senectutis ratione postposita, & iam fecit, & facturus est. Quibus ex caussis necessitudines eius inter meas numero, & filium in primis, Nymphidium Lupum, iuuenem probum,

bum, industrium, & egregio patre dignissimum, suslectum indulgentiae tuae: sicut primis eius experimentis cognoscere potes, quum praefectus cohortis plenissimum testimonium meruerit Iulii Ferocis & Fisci Salinatoris, clarissimorum virorum. Meum gaudium, Domine, meam gratulationem filii honores continerent.

C. PLINII & TRAIANI EPISTOLAE MUTUAE.

XX. (III.)

C. PLINIUS TRAIANO IMP. S.

Excusat se, quod praefectus aerario patrocinium Afris negauerit, & rursus iubente senatu praefliterit.

Vt primum me, Domine, indulgentia nostra promouit ad praefeturam aerarii Saturni, omnibus aduocationibus, quibus alioquin nunquam eram promiscue functus, renuntiaui, ut toto animo, delato mihi officio vacarem. Quia ex causa, quum patronum me prouinciales optassent contra Marium Priscum, & petiti veniam huius muneris, & impetraui: sed quum postea consul designatus censuisset, agendum nobiscum, quorum erat excusatio accepta, ut essemus in tenatus potestate, patremurque nomina nostra in urnam coniici, convenientissimum esse tranquillitati seculi tui putaui, praelertim tam moderatae voluntati

am-

amplissimi ordinis non repugnare. Cui obse- 3
quio meo, opto, ut existimes constare ratio-
nem, quum omnia facta dictaque mea probare
sanctissimis moribus tuis cupiam.

XXI. (IV.)

TRAIANVS PLINIO S.

*Et ciuis & senatoris boni partibus funeris,
obsequium amplissimi ordinis, quod iustissime
exigebat, praestando. Quas partes implaturu-
te secundum suscepitam fidem confido.*

XXII. (VII.)

C. PLINIVS TRAIANO IMP. S.

*Gratias agit pro impetratis, quas roga-
rat, & Alexandrinam quoque ciuitatem iatrali-
ptae suo petit. Conf. ep. 4. & 5.*

*A*go gratias, Domine, quod & ius Quiri-
tium libertis necessariae mihi feminae, &
ciuitatem Romanam Harpocrati, iatraliptae meo,
sine mora indulsi. Sed quum annos eius &
censum, sicut preeperas, ederem, admonitus
sum a peritioribus, debuisse me ante ei Ale-
xandrinam ciuitatem impetrare, deinde Roma-
nam, quoniam esset Aegyptius. Ego autem, 2
quia inter Aegyptios, ceterosque peregrinos,
nihil interesse credebam, contentus fueram hoc
solum scribere tibi, eum scilicet a peregrina
manumissum, patronamque eius iampridem de-
cessisse. De qua ignorantia mea non queror,
per quam actit, vt tibi pro eodem homine

3 saepius obligarer. Rogo itaque, vt beneficio tuo legitime frui possim, tribuas ei & Alexandrinam ciuitatem, & Romanam. Annos eius & censum (ne quid rursus indulgentiam tuam moraretur) libertis tuis, quibus iusseras, misi.

XXIII. (VIII.)

TRAIANVS PLINIO S.

Ciuitatem Alexandrinam, secundum institutio-
nem principum, non temere dare proposui:
sed cum Harpocrati, iatraliptae tuo, iam ciui-
tatem Romanam impetraveris, huic quoque peti-
tioni tuae negare non sustineo. Tu, ex quo no-
mo sit, notum mihi facere debebis, vt epistolam
tibi ad Pompeium Plantam, praefectum Aegy-
pti, amicum meum, mittam.

XXIV. (IX.)

C. PLINIUS TRAIANO IMP. S.

Commeatum in agros excurrendi petit, tum
rerum suarum caussa, tum ut templum exsruat.

Q^uum diuus pater tuus, Domine, & or-
atione pulcherrima & honestissimo exem-
plio omnes ciues ad munificentiam esset cohor-
tatus, petii ab eo, vt statuas principum, quas
in longinquis agris per plures successiones tra-
ditas mihi, quales acceperam, custodiebam, per-
mitteret in municipium transferre, adiecta sua
2 statua. Quodque ille mihi cum plenissimo te-
stimonio indulserat, ego statim decurionibus
scripsoram, vt adsignarent solum, in quo tem-
plum

plum pecunia mea exstruerem: illi in hono-
 rem operis ipsius electionem loci mihi obtule-
 runt. Sed primum mea, deinde patris tui 3
 valetudine, postea curis delegati a vobis officii
 retentus, nunc videor, commodissime posse in
 rem praesentem excurrere. Nam & menstruum
 meum calend. Septembbris finitur, & sequens
 mensis complures dies feriatos habet. Rogo 4
 ergo, ante omnia, permittas mihi, opus, quod
 inchoaturus sum, exornare & tua statua: dein-
 de, ut hoc facere quam maturissime possim, in-
 dulgeas commeatum. Non est autem simplici- 5
 tatis meae dissimulare apud bonitatem tuam,
 obiter te plurimum collaturum utilitatibus rei
 familiaris meae. Agrorum enim, quos in ea-
 dem regione possideo, locatio, quum alioqui
 CCCC excedat, adeo non potest differri, ut
 proximam putationem nouus colonus facere de-
 beat. Praeterea continuae sterilitates cogunt
 me de remissionibus cogitare: quarum rationem,
 nisi praesens, inire non possum. Debebo ergo, 6
 Domine, indulgentiae tuae & pietatis meae ce-
 leritatem, & status ordinacionem, si mihi ob-
 vrraque haec dederis commeatum XXX die-
 rum. Neque enim angustius tempus praefinire
 possum, quum & municipium & agri, de qui-
 bus loquor, sint ultra centesimum & quinqua-
 gesimum lapidem.

XXV.

TRAIANVS PLINIO S.

Et priuatas multas & omnes publicas cauſſas petendi commeatus reddidisti: mihi autem vel ſola voluntas tua ſufficiſſet. Neque enim dubito te, ut primum potueris, ad tam diſtrictum oſſicium reuersurum. Statuam ponи mihi a te eo, quo deſideras loco, quamquam eiusmodi honorum parcifimus, tamen patior, ne impediſſe curſum orga me pietatis tuae viderat.

XXVI. (XVI.)

C. PLINIVS TRAIANO IMP. S.

Suum ad Bithyniam accessum nuntiat.

Qui confido, Domine, ad curam tuam per- tinere, nuntio tibi, me Ephesum cum omnibus meis ὑπὲρ Μαλέαν nauigasse. Quamvis contrariis ventis reuentus, nunc, destino partim orariis nauibus, partim vehiculis, provinciam petere. Nam ſicut itineri graues aeflui, ita continuae nauigationi etefiae reluantur.

XXVII. (XVII.)

TRAIANVS PLINIO S.

Relata renuntiaſſti mihi, Secunde cariſſime. Per- tint enim ad animum meum, quali itinere in prouinciam peruenias. Prudenter autem conſtituis interim nauibus, interius vehiculis uti- prout loca ſuaderint.

XXVIII

XXVIII. (XVIII.)

C. PLINIVS I RAIANO IMP. S.

*Nuntiat, se tandem in prouinciam venisse,
rationes excutere, propter quas mensorem
ex urbe petit.*

Sicut saluberrimam nauigationem, Domine, usque Ephesum expertus, ita inde, postquam vehiculis iter facere coepi, grauissimis aestibus, atque etiam febriculis, vexatus Pergamini substiti. Rursus, quum transisset in 2 orarias nauiculas, contrariis ventis retentus, aliquanto tardius, quam speraueram, id est, xv. calend. Octobres, Bithyniam intraui. Non possum tamen de mora queri, cum mihi contingit, quod erat auspiciatissimum, natalem tuum in prouincia celebrare. Nunc rei publicae Prusensium impendia, reditus, debitores executio: quod ex ipso tractu magis ac magis necessarium intelligo. Multae enim pecuniae variis ex caussis a priuatis detinentur: praeterea quedam minime legitimis sumtibus erogantur. Haec tibi, Domine, in ipso ingressu 4 meo scripsi. Quintodecimo calend. Octobris, Domine, prouinciam intraui, quam in eo obsequio, in ea erga te fide, quam de genere humano mereris, inueni. Dispice, Domine, an necessarium putas, mittere hac mensorem. Videntur enim non mediocres pecuniae posse reuocari a curatoribus operum, si mensurae fideliter aguntur. Ita certe prospicio ex ratione Prusensium, quam cum Maximo tracto.

XXIX.

TRAIANVS PLINIO S.

Cuperem sine querela corpusculi tui, & tuorum, peruenire in Bithyniam posuisse, ac simile tibi iter ab Epheso ei navigationi fuisset, quam expertus usque illo eras. Quo autem die peruenisse in Bithyniam, cognoui, Secunde carissime, litteris tuis Provinciales, credo, prospexitum sibi a me, intelligent. Nam & tu dabis operam, ut manifestum sit illis, electum te esse qui ad eosdem mei loco mittereris. Rationes autem in primis tibi rerum publicarum excutientes sunt. Nam & esse eas vexatas satis constat. Mensores vix etiam iis operibus, quae aut Romae, aut in proximo, finunt, sufficientes habeo: sed in omni prouincia inueniuntur, quibus credi possit, & ideo non deerunt tibi, modo velis diligenter excutere.

XXX.

C. PLINIVS TRAIANO IMP. S.

Consulit, custodiae per publicos seruos adseruandae sint, an per milites.

Rogo, Domine, consilio me regas haesitantem, vtrum per publicos ciuitatum seruos (quod usque adhuc factum) an per milites, adseruare custodias debeam. Vereor enim, ne & per seruos publicos parum fideliter custodiatur, & non exiguum militum numerum 2 haec cura distringat. Interim publicis seruis paucos milites addidi. Video tamen periculum

Ium esse, ne id ipsum vtrisque negligentiae caussa sit; dum communem culpam hi in illos, illi in hos regerere posse confidunt.

XXXI. (XXI.)

TRAIANVS PLINIO S.

Nihil opus est, mi Secunde carissime, ad conti-
nendas custodias, plures commilitones con-
verti. Perstueremus in ea consuetudine, quae
isti prouinciae est, ut per publicos seruos custo-
diantur. Etenim, ut fideliter hoc faciant, in tua ²
seueritate ac diligentia postum est. Inprimis
enim, sicut scribis, verendum est, ne, si permi-
scantur seruis publicis milites, mutua inter se
fiducia negligentiores sint: sed & illud haereat
nobis, quam paucissimos milites a signis auocan-
dos esse.

XXXII. (XXII.)

C. PLINIVS TRAIANO IMP. S.

Cur nondum a Basso supernumerarios mi-
litēs reuocauerit, significat.

Gabius Bassus, praefectus orae Ponticae &
reuerentissime & officiosissime, Domine, ve-
nit ad me, & compluribus diebus fuit mecum.
Quantum perspicere potui, vir egregius, & in-
dulgentia tua dignus: cui ego notum feci,
praecepisse te, vt ex cohortibus, quibus me
praeceps voluisti, contentus esset beneficiariis
decem, equitibus duobus, centurione uno. Re-
spendit; non sufficere sibi hunc numerum, id-
que so scripturum tibi. Hoc in caussa fuit,

quo minus statim reuocando putarem, quos
habet supra numerum.

XXXIII. (XXII.)
TRAJANVS PLINIO S.

Et mihi scribit Gabius Bassus, non sufficere
sibi eum militum numerum, qui ut daretur
illi, mandatis meis complexus sum. Quod qua-
ris, scripsisse me, ut notum haberetis, his litteris
suicci iussi. Multum interest, res poscat, an
homines imperare latius velint. Nobis autem
utilitas demum spectanda est: & quantum fieri
potest, curandum, ne milites a signis absint.

XXXIV. (XXIV.)
C. PLINIVS TRAIANO IMP. S.

Prusenfum nomine balineum rogat exstrui.
Prutentes, Domine, balineum habent & for-
didum & vetus. Id itaque, indulgentia
tua, restituere desiderant: ego tamen aestimans
nouum fieri debere, videris mihi desiderio
eorum indulgere posse. Erit enim pecunia,
ex qua fiat: primum ea, quam reuocare a pri-
vatis & exigere iam coepi: deinde, quam ipsi
erogare in oleum soliti, parati sunt in opus
balinei conferre. Quid alioqui & dignitas ci-
uitatis, & seculi tui nitor postulat.

XXXV.
TRAJANVS PLINIO S.

*Si instruacio noui balinei oneratura vires Pyr-
senfum non est, possumus desiderio eorum im-
peditus.*

dulgore: modo ne quid ideo aut intribuant, aut minus illis in posterum fiat, ad necessarias exortationes.

XXXVI.

C. PLINIVS TRAIANO IMP. S.

De militibus, liberto Caesaris relinquendis, consulit.

Maximus, libertus & procurator tuus, Domine, praeter decem beneficiarios, quos adsignati a me Gemellino, optimo viro, iussisti, sibi quoque confirmat necessarios esse milites. Ex his interim, sicut inueneram, in ministerio eius relinquendos existimauit: praesertim quum ad frumentum comparandum iret in Paphlagoniam. Quin etiam tutelae caussa, quia desiderabat, addidi duos equites. In futurum quid seruari velis, rogo referibas.

XXXVII. (XXIX.)

TRAIANVS PLINIO S.

Nunc quidem proficiscentem, ad comparationem frumentorum, Maximum, libertum meum recte militibus instruxisti. Fungebatur enim & ipse extraordinario munere. Quum ad pristinum actum reuersus fuerit, sufficient illi duo a te dati milites, & totidem a Virbio Gemellino, procuratore meo, quem adiuvauit.

XXXVIII.

XXXVIII. (XXX.)

C. PLINIUS TRAIANO IMP. S.

*Consulit de poena seruorum inter tirones
repertorum.*

Sempronius Caelianus, egregius iuuenis, repertus inter tirones, duos seruos misit ad me: quorum ego supplicium distuli, vt te, conditorem disciplinae militaris firmatoremque, consulerem de modo poenae. Ipse enim dubito ob haec maxime, quod, vt iam dixerant, sacramento militari nondum distributi in numeros erant. Quid ergo debeam sequi, rogo, Domine, scribas, praesertim quum pertineat ad exemplum.

XXXIX. (XXXI.)
TRAIANVS PLINIO S.

Secundum mandata mea fecit Sempronius Caelianus, mittendo ad te eos, de quibus cognosci oportebat, an capitale supplicium meruisse videantur. Refert autem, voluntarii se obtulerint, an ledii sint, vel etiam vicarii dati. Lestri si sunt, inquisitor peccauit: si vicarii dati, penes eos culpa est, qui dederunt: si ipsi, quum haberent conditionis suae conscientiam, venerunt; animaduertendum in illos erit. Neque enim multum interest, quod nondum per numeros distributi sunt. Ille enim dies, quo primum probati sunt, veritatem ab his originis suae exigit.

XL. (XXXII.)

C. PLINIVS TRAIANO IMP. S.

*Quaerit, quid faciendum de damnatis sit,
qui ministeriis publicis se immiscuerunt.*

Salua magnitudine tua, Domine, descendas oportet ad meas curas, quem ius mihi deris referendi ad te, de quibus dubito. In 2 plerisque ciuitatibus, maxime Nicomediae & Niceae, quidam vel in opus damnati, vel in ludum, similiaque his genera poenarum, publicorum seruorum officio ministerioque funguntur, atque etiam, ut publici serui, annua accipiunt. Quod ego quum audissem, diu multumque haesitaui, quid facere deberem. Nam 3 & reddere poenae post longum tempus pleros. que iam senes, & quantum adfirmatur, frugalius modesteque viuentes, nimis severum arbitrabor; & in publicis officiis retinere damnatos, non satis honestum putabam; eosdem rursus a republica pasci otiosos, inutile; non pasci, etiam periculosest existimabam. Necessario er- 4 go rem totam, dum te consulerem, in suspenso reliqui. Quaeres fortasse, quemadmodum euenerit, ut poenis, in quas damnati erant, exsoluerentur: & ego quaesiui, sed nihil comperi, quod adfirmare tibi possum. Ut decreta, quibus damnati erant, proferebantur; ita nulla monimenta, quibus liberati, probarentur. Erant 5 tamen, qui dicerent deprecantes, iussu proconsulium legatorumue dimissos. Addebat fidem, quod

quod credibile erat, neminem hoc ausum sine
auctore.

XLI. (XXXIII.)

TRAJANVS PLINIO S.

Memineris idcirco te in istam prouinciam mis-
sum, quoniam multa in ea emendanda ap-
paruerint. Erit autem vel hoc maxime corri-
gendum, quod qui damnati ad poenam erant,
non modo ea sine auctore, ut scribis, liberati
sunt: sed etiam in conditionem proborum mini-
strorum retrahantur. Qui igitur intra hos pro-
ximos decem annos damnati, nec ullo idoneo au-
ctore liberati sunt, hos oportebit poenae suae
reddi: si qui vetustiores inuenientur, & senes
ante annos decem damnati, distribuamus illos in
ea ministeria, quae non longe a poena sint. So-
lent enim eiusmodi, ad balineum, ad purgatio-
nes cloacarum, item munitiones viarum & vico-
rum, dari.

XLII. (XXXIV.)

C PL N VS TRAIANO IMP. S.

Nicomedense incendium narrat, & institu-
tionem collegii fabrum commendat.

Quem diuersam partem prouinciae circumci-
rem, Nicomediae vastissimum incendium
multas priuatorum domos, & duo publica ope-
ra, quamquam via interiacente, Gerusian &
Isson, absumsit. Est autem latius sparsum:
primum violentia venti, deinde inertia homi-
num, quod satis constat otiosos & immobiles
anti mali spectatores perficisse: & alioqui nul-
lus

lus vsquam in publico siphon, nulla hama, nullum denique instrumentum ad incendia compescenda: & haec quidem, ut iam praecepi, parabuntur. Tu, Domine, dispice, an instituendum putas collegium fabrorum, dumtaxat hominum CL; ego attendam, ne quis, nisi faber, recipiatur, neve iure concesso in aliud utatur. Nec erit difficile custodire tam paucos.

XLIII. (XXXV.)
TRAIANVS PLINIO S.

Tibi quidem secundum exempla complurium in mentem venit, posse collegium fabrorum apud Nicomedenses constitui: sed meminerimus, provinciam istam, & praecipus eas ciuitates, ab iismodi factionibus esse vexatas. Quodcunque nomen ex quacunque causa dederimus illis, qui in idem contracti fuerint, hetaerias, quamvis breves, coegerint. Satius itaque est comparari ea, quae ad coegerendos ignes auxilio esse possint, admonerique dominos praediorum, ut & ipsi inhibeant; ac, res poposcerit, accursu populi ad hoc uti.

XLIV. (XXXVI.)
C. PLINIUS TRAIANO IMP. S.

Vota pro principis salute suscepimus & soluta nuntiat.

Solemnia vota pro incolumitate tua, qua publica salus continetur, & suscipimus, Domine, pariter & soluimus, precati deos, ut ve- lint ea semper solui, semperque signari.

XLV.

XLV. (XXXVII.)
TRAIANVS PLINIO S.

Et soluisse vos cum provincialibus, diis immortaliibus vota pro mea salute & incolumente, & nuncupasse, libenter, mi Secunde carissime, cognoui ex litteris tuis.

XLVI. (XXXVIII.)
C. PLINIUS TRAIANO IMP. S.

Aquaeductum, Nicomediae frustra intentum, perfici posse scribit, si ex urbe aquilex mittatur.

In aquaeductum, Domine, Nicomedenses impenderunt HS XXX. CCC. XXVIII., qui imperfectus adhuc relictus, ac etiam destrunctus est: rursus in alium ductum erogata sunt CC. Hoc quoque relicto, nouo impedio est opus, ut aquam habeant, qui tantam pecuniam male perdiderunt. Ipse perueni ad fontem purissimum, ex quo videtur aqua debere perduci, sicut initio tentatum erat, arcuato opere, ne tantum ad plana civitatis & humilia perueniat. Manent adhuc paucissimi arcus: possunt & erigi quidam lapide quadrato, qui ex superiore opere detractus est: aliqua pars, ut mihi videtur, testaceo opere agenda erit. Id enim & facilius & vilius. Et in primis necessarium est, mitti ante vel aquilegem vel architectum, ne rursus perueniat, quod accedit. Ego illud unum affirmo, & utilitatem operis & pulchritudinem seculo tuo esse dignissimam.

XLVII.

XLVII. (XXXIX.)
TRAIANVS PLINIO S.

*C*urandum est, ut aqua in Nicomedensem ciuitatem perducatur. Vere credo, te ea, qua debabis, diligentia hoc opus adgreditur. Sed, me Dius fuis, ad eandem diligentiam tuam pertinet, inquire, quorum virio ad hoc opus tantam pecuniam Nicomedenses perdiderint, ne, quum inter se gratificantur, & inchoauerint aquaeductus, & reliquerint. Quid itaque compereris, perfer in notitiam meam.

XLVIII.
C. PLINIUS TRAIANO IMP. S.

De Nicensium & Claudiopolitanorum aedificationibus consulit.

*T*heatrum, Domine, Niceae maxima iam pars te constructum, imperfectum tamen, sectarium, ut audio (neque enim ratio plus excusa est) amplius centies haufit: vereor, ne frustra. Ingentibus enim rimis descendit & hiat, sive in causa solam humidum & molle, sive lapis ipse gracilis & putris: dignum est certe deliberatione, sitne faciendum, an sit relinquendum, an etiam destruendum. Nam futurae ac substructiones, quibus subinde suscipitur, non tam firmae mihi quam sumtuosae videntur. Huic theatro ex priuatorum pollicitationibus multa debentur, ut basilicae circa, ut porticus supra caueam: quae nunc omnia differuntur cessante eo, quod ante peragendum est. Idem Nicenses gymnasium, incendio amis-

A a

sum,



sum, ante aduentum meum restituere coepi-
runt longe numerosius laxiusque, quam fuerat.
Etiam aliquantum erogauerunt: periculum est,
ne parum utiliter. Incompositum enim & spar-
sum est. Praeterea architectus, sane aemulus
eius, a quo opus inchoatum est, adfirmat, pa-
rietes (quamquam viginti & duos pedes la-
tos) imposita onera sustinere non posse, quia
fine caemento medio farti, nec testaceo opere
5 praecincti. Claudiopolitani quoque in depresso
loco, imminentे etiam monte, ingens balineum
defodiunt magis, quam aedificant, & quidem
ex ea pecunia, quam buleutae addunt bene-
ficio tuo, aut iam obtulerunt ob introitum,
6 aut nobis exigentibus conferent. Ergo quum
timeam, ne illic publica pecunia, hic, quod est
omni pecunia pretiosius, munus tuum male
collocetur; cogor petere a te, non solum ob
theatrum, verum etiam ob haec balinea, mit-
tas architectum, despecturum, vtrum sit uti-
lius post sumtum, qui factus est, quoquo mo-
do consummare opera, vt inchoata sunt: an
quæ videntur emendanda, corrigere; quæ
transferenda, transferre; ne, dum seruare vo-
lamus quod impensum est, male impendamus;
quod addendum est.

XLIX. (XLI.) TRAIANVS PLINIO S.

Quid oporteat fieri circa theatrum, quod inchoa-
tum apud Nicenses est, in re praesenti optime
deliber-

deliberabis & constitues: mibi sufficiet indicari, cu^m
sententiae accesseris. Tunc autem a priuatis exigi
opera tibi curae sit, quum theatrum (propter quod
illa promissa sunt) factum erit. Gymnasiis indul- 2
gent Graeculi: ideo forsitan Nicense maiore animo
constructionem eius adgressi sunt; sed oportet illos eo
contentos esse, quod possit illis sufficere. Quid Clau- 3
diopolitanis circa halineum, quod parum (vt scribis)
idoneo loco inchoauerunt, suadendum sit, tu constitues.
Architecti tibi deesse non possunt. Nulla prouincia
est, quae non peritos & ingeniosos homines habeat:
modo ne existimes, breuius esse, ab urbe mitti, quam
ex Graecia etiam ad nos venire soliti sunt.

L. (XLII.)

C. PLINIVS TRAIANO IMP. S.

Suadet, vt lacus Nicomedensis cum mari fossa
coniungatur.

Intuenti mihi & fortunae tuae & animi ma-
gnitudinem, conuenientissimum videtur, de-
monstrare opera non minus aeternitate tua,
quam gloria digna, quantumque pulchritudinis,
tantum utilitatis habitura. Est in Nicome-
densium finibus amplissimus lacus: per hunc
marmora, fructus, ligna, materiae & sumtu
modico & labore usque ad viam nauibus, in-
de, magno labore, maiore impedio, vehiculis
ad mare deuechiuntur. Sed hoc opus multas
manus poscit: at hae pro re non desunt. Nam
& in agris magna copia est hominum, & ma-
xima in ciuitate: certaque spes, omnes liben-
tissime

tissime adgresturos opus omnibus fructuosum.
 3 Supereft, vt tu libratorem vel architectum,
 si tibi videbitur, mittas, qui diligenter ex-
 ploret, sitne lacus altior mari, quem artifices
 regionis huius quadraginta cubitis altiorum
 4 esse contendunt. Ego per eadem loca inuenio
 fossam a rege percussam: sed incertum, vtrum
 ad colligendum humorem circumiacentium agro-
 rum, an ad committendum flumini lacum;
 est enim imperfecta: hoc quoque dubium, in-
 tercepto rege, mortalitate, an desperato operis
 5 effectu. Sed hoc ipso (feres enim me ambi-
 tiosum) pro tua gloria incitor & accendor, vt
 cupiam peragi a te, quae tantum cooperant
 reges.

LI. (XLIII.)

TRAIANVS PLINIO S.

Potest nos solicitare lacus ifte, vt committere illum
 mari velimus: sed plane explorandum est dili-
 genter, ne, si immisus in mare fuerit, totus effluat;
 certe, quantum aquarum, & vnde accipiat. Pote-
 ris a Calpurnio Macro petere libratorem, & ego
 vinc aliquem tibi, peritum eiusmodi operum, mittam.

LII. (XLIV.)

C. PLINIUS TRAIANO IMP. S.

De sumtu Byzantiorum, in legationem ad pri-
 cipem quotannis facto, consulit.

R equirenti mihi Byzantiorum reipublicae
 impendia, quae maxima fecit, indicatum
 est, Domine, legatum ad te salutandum annis
 omni-

omnibus cum psephismate mitti, eique dari
nummorum duodena millia. Memor ergo pro- 2
positi tui, legatum quidem retinendum, pse-
phisma autem mittendum putaui, ut simul &
sumtus leuaretur, & impleretur publicum offi-
cium. Eadem ciuitati imputata sunt terrena 3
millia, quae viatici nomine annua dabantur le-
gato eunti ad eum, qui Moesiae praefectus, pu-
blice salutandum. Haec ego in posterum cir- 4
cumcidenda existimauit. Te, Domine, rogo,
ut quid sentias, rescribendo, aut consilium
meum confirmare, aut errorem emendare di-
gnarisi.

LIII. (XLV.)
TRAIANVS PLINIO S.

Optime fecisti, Secunde carissime, duodena ista By-
zantiis, quae ad salutandum me in legatum im-
pendebantur, remittendo. Fungetur his partibus, etsi
solum eorum psephisma per te missum fuerit. Ignor-
scet illis & Moesiae praefectus, si minus illum sumtuose
coluerint.

LIV. (XLVI.)
C. PLINIVS TRAIANO IMP. S.
Diplomata quamdiu valeant, doceri cupit.
Diplomata, Domine, quorum dies praeterita,
an omnino obseruari, & quamdiu velis,
rogo scribas, meque haesitatione liberes. Ve-
reor enim, ne in alterutram partem ignoran-
tia lapsus, aut illicita confirmem, aut necessa-
ria impediatur.

LV. (XLVII.)
TRAIANVS PLINIO S.

Diplomata, quorum praeteritus est dies, in usu esse non debent; ideo inter prima iungo mihi, ut per omnes provincias ante mittam noua diplomata, quam desiderari possint.

LVI. (XLVIII.)
C. PLINIUS TRAIANO IMP. S.

An Apameorum rationes, quod putabant contra priuilegia esse, inspiciendae sint, consulit.

Quum vellem Apameae, Domine, cognoscere publicos debitores, & redditum, & impendia; responsum est mihi, cupere quidem vniuersos, vt a me rationes coloniae legerentur; nusquam tamen esse letas abullo proconsulum: habuisse priuilegium & vetustissimum morem, arbitrio suo rempublicam administrare. Exegi, vt, quae dicebant, quaeque recitabant, libello complecterentur: quem tibi, qualem acceperam, misi: quamuis intelligerem, plerumque ex illo ad id, de quo quaeritur, non pertinere. Te rogo, vt mihi praecepere digneris, quid me putas obseruare debere. Vereor enim, ne aut excessisse, aut non impletisse officii mei partes videar.

LVII. (XLIX.)
TRAIANVS PLINIO S.

Libellus Apameorum, quem epistolae tuae iunxeras, remisit mihi necessitatem perpendendi, qualia essent,

sent, propter quae videri volunt eos, qui pro consulibus hanc provinciam obtinuerunt, abstinuisse inspectione rationum suarum, quum ipsum te, ut eas inspiceres, non recusauerint. Remuneranda est igitur probitas eorum: ut iam nunc sciant, hoc, quod inspecturus es, ex mea voluntate, saluis quae habent priuilegii, esse facturum.

LVIII. (L.)

C. PLINIVS TRAIANO IMP. S.

Consulit, an aedes Matris Magnae transferri possit.

Ante aduentum meum, Domine, Nicomedenses priori foro nouum adicere coeperunt, cuius in angulo est aedes vetustissima Matris Magnae, aut reficienda, aut transferenda: ob hoc praeципue, quod est multo depresso opero eo, quod nunc maxime surgit. Ego, quum quaererem, num esset aliqua lex dicta templo, cognoui alium hic, alium apud nos esse modum dedicationis. Dispice ergo, Domine, an putas aedem, cui nulla lex dicta est, salua religione posse transferri: alioqui commodissimum est, si religio non impedit.

LIX. (LI.)

TRAIANVS PLINIO S.

Potes, mi Secunde carissime, sine sollicitudine religiosis, si loci positio videtur hoc desiderare, aedem Matris Deum transferre in eam, quae est accommodationis: nec te moueat, quod lex dedicationis nulla

reperitur, quum solum peregrinae ciuitatis cap*ax* non
at dedicationis, quae fit nostro iure.

LX. (LIII.)

C. PLINIUS TRAIANO IMP. S.

Diem imperii solemniter celebratum esse nuntiat.
Diem, Domine, quo seruasti imperium, dum
 suscipis, quanta mereris laetitia, celebra-
 vimus, precati deos, ut te generi humano,
 cuius tutela & securitas saluti tuae innata est,
 incoludem florentemque praestarent. Prae-
 mus, & commilitonibus iusurandum more so-
 lemni praestantibus, & prouincialibus, qui ea-
 dem certarunt pietate, iurantibus.

LXI. (LIV.)

TRAIANVS PLINIO S.

Quanta religione ac laetitia commilitones cum pro-
 vincialibus, te praeeunte, diem imperii mei ce-
 lebrauerint, libenter, mi Secunde carissime, cognoui
 ex litteris tuis.

LXII. (LV.)

C. PLINIUS TRAIANO IMP. S.

De usu publicae pecuniae consulit.

Pecuniae publicae, Domine, prouidentia tu-
 a & ministerio nostro etiam exactae sunt &
 exiguntur: quae vereor, ne otiosae iaceant.
 Nam & praediorum comparandorum aut nulla
 aut rarissima occasio est: nec inueniuntur, qui
 velint debere, reipublicae praesertim, [duode-
 nis] assibus, quanti a priuatis mutuantur.
 Di-

Dispice ergo, Domine, numquid minuendam 2
vsuram, ac per hoc idoneos debitores inuitan-
dos, putas; &, si ne sic quidem reperiuntur,
distribuendam inter decuriones pecuniam, ita
ut recte reipublicae caueant: quod, quamquam
inuitis & recusantibus, minus acerbum erit,
leuiore vsura constituta.

LXIII. (LVI.)
TRAIANVS PLINIO S.

Et ipse non aliud remedium dispicio, mi Secunde
carissime, quam ut quantitas ~~vsur~~arum minua-
tur, quo facilius pecuniae publicae collocentur. Mo-
dum eius ex copia eorum, qui mutuabuntur, tu con-
stitues. Inuitos ad accipiendum compellere, quod for-
tassis ipsis otiosum futurum sit, non est ex iustitia
nostrorum temporum.

LXIV. (LVII.)
C. PLINIVS TRAIANO IMP. S.

De relegatis imperatorem consulit.

Summas, Domine, gratias ago, quod inter
maximas occupationes, iis, de quibus te con-
sului, me quoque regere dignatus es: quod
nunc quoque facias rogo. Adiit enim me qui-
dam, indicauitque, aduersarios suos a Seruilio
Caluo, clarissimo viro, in triennium relegatos,
in prouincia morari: illi contra, ab eodem se
restitutos adfirmauerunt, edictumque recitaue-
runt: qua causa necessarium credidi, rem in-
tegram ad te referre. Nam, sicut mandatis 3
Aa 2 tuis

tuis cautum est, ne restituam ab alio aut a me relegatos; ita de iis, quos alius relegaverit & restituerit, nihil comprehensum est. Ideo tu, Domine, consulendus fuisti, quid observare me velles, tam, Hercule, de iis, quam de illis, qui in perpetuum relegati, nec restituti, in prouincia deprehenduntur. Nam haec quoque species incidit in cognitionem meam. Est enim adductus ad me in perpetuum relegatus a Iulio Basso proconsule: ego, quia sciebam, acta Bassi rescissa, datumque a senatu ius omnibus, de quibus ille aliquid constituisset, ex integro agendi dumtaxat per biennium, interrogavi hunc, quem relegauerat, an adiisset, docuisseque proconsulem: negauit.

5 Per quod effectum est, ut te consulerem, an reddendum eum poenae suae, an grauius aliquid, & quid potissimum? constituendum putares & in hunc, & in eos, si qui forte in simili conditione inuenirentur. Decietum Calvi & edictum, item decretum Bassi his litteris subieci.

LXV. (LVIII.) TRAIANVS PLINIO S.

Quid in personam eorum statuendum sit, qui a Publio Seruilio Calvo proconsule in triennium relegati, & mox eiusdem edicto restituti in prouincia remanserunt, proxime tibi rescribam, quum causas huius facti a Calvo requisiero. Qui a Iulio Basso in perpetuum relegatus est, quum per biennium agendi facultatem habuerit, si existimabat, se in-

iurie

zuria relegatum, neque id fecerit, atque in prouincia morari perseuerauerit, vinctus mitti ad praefatos praetorii mei debet. Neque enim sufficit, eum poenae suae restitui, quam contumacia elusit.

LXVI.

C. PLINIUS TRAIANO IMP. S.

De Archippo philosopho, in metallum damnato, consulit.

Quum citarem iudices, Domine, conuentum inchoaturus, Flavius Archippus vacationem petere coepit, ut philosophus. Fuerunt, qui dicerent, non modo liberandum eum iudicandi necessitate, sed omnino tollendum de iudicium numero, reddendumque poenae, quam fractis vinculis euasisset. Recitata est sententia ³ Velii Pauli proconsul, qua probatur Archippus criminis falsi damnatus in metallum: ille nihil proferebat, quo restitutum se doceret. Allegabat tamen pro restitutione & libellum a se Domitiano datum, & epistolas eius ad honorem suum pertinentes, & decretum Prusenium. Addebat his & litteras tuas scriptas sibi: addebat & patris tui edictum, & epistolam, quibus confirmasset beneficia a Domitiano data. Itaque, quamuis eidem talia crimina applicarentur, nihil decernendum putaui, donec te consulerem de eo, quod mihi constitutione tua dignum videbatur. Ea, quae sunt vtrimeque recitata, his litteris subieci.

EPI-

EPISTOLA DOMITIANI AD TEREN-
TIVM MAXIMVM.

5 Flavius Archippus philosophus impetravit a me, ut
agrum ei DC circa Prusiadem, patriam suam,
emi iuberem, cuius redditu suis alere posset. Quod
ei praestari volo: summam expensam liberalitati
meae feres.

EIVSDEM AD L. APPIVM MAXIMVM.

6 Archippum philosophum, bonum virum, & pro-
fessioni suae, etiam maioribus respondentem, com-
mendatum habeas velim, mi Maxime, & plenam
ei humanitatem tuam praestes in iis, quae verecun-
de a te desiderauerit.

EDICTVM DIVI NERVAE.

7 QVAEADAM SINE DUBIO, QVIRITES,
IPS A FELICITAS TEMPORVM EDI-
CIT, NEC SPECTANDVS IN IIS BO-
NVS PRINCEPS, QVIBVS ILLVM IN-
TELLIGI SATIS EST, QVVM HOCSI-
BI QVISQUE CIVIVM MEORVM SPON-
DERE POSSIT, ME SECVRITATEM
OMNIVM QVIETI MEAE PRAETVLIS-
SE, VT ET LIBENTER NOVA BENE-
FICIA CONFERREM, ET ANTE ME
8 CONCESSA SERVAREM. NE TAMEN
ALIQVAM GAVDIIS PVBLICIS ADFE-
RAT HAESITATIONEM VEL EORVM
QVI IMPETRAVERVNT DIFFIDEN-
TIA,

TIA, VEL EIVS MEMORIA QVI PRAESTIT, NECESSARIVM PARITER CREDIDI AC LAEIVM, OBVIAM DVBILANTIBVS INDVLGENTIAM MEAM MITERE. NOLO EXISTIMER QVISQVAM, QVAE ALIO PRINCIPĒ VEL PRIVATIM VEL PVBLICE CONSEQVVIVS, IDEO SALTEM A MERE SCINDI, VT POTIVS MIHI DEBEAT, SIILLA RATA ET CERTA [FECERO]. NEC GRATVLATIO VLLIVS INSTAVRATIS EGET PRECIBVS. [ET QVI NON HABENT, ME,] QVEM FORVNĀ IMPERII VVLIV MELIORE RESEXIT. ME NOVIS BENEFICIIS VASCANT ROGANDA ESSE, QVAE NON HABENT.

EPISTOLA EIVSDEM AD TULIVM IVSIVM.

*Quum rerum omnium ordinatio, quae prioribus tem-
poribus inchoatae consummatae sunt, obseruanda
sit, tum epistolis etiam Domitiani standum est.*

LXVII. (LX.)

C. PLINIUS TRAIANO IMP. S.

*Archippi & accusatricis libellos mittit principi.
Flavius Archippus per salutem tuam aeternitatemque petit a me, ut libellum, quem
mihi dedit, mitterem tibi. Quod ego sic ro-*
gantia

ganti praestandum putauit; ita tamen, ut mis-
surum me, notum accusatrici eius faciem, a
qua & ipsa acceptum libellum his epistolis
iunxi, quo facilius, velut audita vtraque par-
te, dispiceres, quid statuendum putares.

LXVIII. (LXI.) TRAIANVS PLINIO S.

Potuit quidem ignorasse Domitianus, in quo statu-
set Archippus, quum tam multa ad honorem
eius pertinentia scriberet: sed meae naturae accom-
modatus est credere, etiam statui eius subuentum in-
teruentu principis: praesertim quum etiam statuarum
ei honor toties decretus sit ab iis, qui ignorabant,
quid de illo Paullus proconsul pronuntiasset. Quae
tamen, mi Secunde carissime, non eo pertinent, ut,
si quid illi noui criminis obiciatur, minns de eo au-
diendum putes. Libellos Furiae Primaे accusatri-
cis, item ipsius Archippi, quos alteri epistolæ tuat
iunxeras, legi.

LXIX. C. PLINIUS TRAIANO IMP. S.

Rursus de lacu Nicomedensium cum mari com-
mittendo scribit, seu respondet ad epist. LI.

Tu quidem, Domine, prouidentissime vere-
ris, ne commissus flumini, atque ita mari,
lacus effluat: sed ego in re praesenti inuenisse
videor, quemadmodum huic periculo occurre-
rem. Potest enim lacus fossa vsque ad flumen
adduci, nec tamen in flumen emitti, sed re-
licto quasi margine contineri pariter & dirimi:
sic

sic consequemur, ut nec vicino videatur flumi-
ni mistus, & sit perinde ac si misceatur. Erit
enim facile per illam breuissimam terram, quae
interiacebit, aduecta fossa onera transponere in
flumen. Quod ita fiet, si necessitas coget, & 3
spero, non coget. Est enim & lacus ipse satis
altus, & nunc in contrariam partem flumen
emittit; quod interclusum inde, & quo volu-
mus auersum, sine vlo detimento, lacui tan-
tum aquae, quantum nunc portat, adfundet.
Praeterea per id spatium, per quod fossa fa-
cienda est, incident riui: qui si diligenter col-
ligantur, augebunt illud, quod lacus dederit.
Enimuero si placeat fossam longius ducere, & 4
arctius pressam mari aequare, nec in flumen,
sed in ipsum mare emittere, repercussus ma-
ris seruabit & reprimet quidquid e lacu ve-
niet. Quorum si nihil nobis loci natura prae-
staret, expeditum tamen erat, cataractis aquae
tursum temperare. Verum & haec & alia 5
multo sagacius conquiret explorabitque libra-
tor, quem plane, Domine, debes mittere, ut
polliceris. Est enim res digna & magnitudine
tua & cura. Ego interim Calpurnio Macro,
clarissimo viro, auctore te, scripsi, vt libera-
torem quam maxime idoneum mitteret.

LXX. (LXIII.)

TRAIANVS PLINIO S.

*M*anifestum est, mi Secunde carissime, nec pru-
dentiam nec diligentiam tibi desuisse circa istum
lacum,

lacum, quum iam multa prouisa habeas, per quae nec periclitetur exbauriri, & magis in usus nobis futurus sit. Elige igitur id, quod praecipue res ipsa suaserit. Calpurnium Maerum credo facturum, ut te libratore instruat: neque enim prouinciae istae his artificibus carent.

LXXI. (LXVI.)

C. PLINIUS TRAIANO IMP. S.

*De libere natis, expositis, & in seruitute editis
catis, querit.*

Magna, Domine, & ad totam prouinciam pertinens quaestio est de conditione & alimentis eorum, quos vocant *DGENIT&ES*. In qua ego, auditis constitutionibus principum, quia nihil inueniebam aut proprium, aut universale, quod ad Bithynos ferretur, consulendum te existimaui, quid obseruari velles. Neque enim putaui, posse me in eo, quod auctoritatem tuam posceret, exemplis esse contentum. Recitabatur autem apud me edictum, quod dicebatur diui Augusti, ad Anniam pertinens: recitatae & epistolae diui Vespasiani ad Lacedaemonios, & diui Titi ad eosdem, dein ad Achaeos: & Domitian ad Auidum Nigrinum & Armenium Brocchum, proconsules, item ad Lacedaemonios: quae ideo tibi non misi, quia & parum emendata, & quaedam non certae fidei videbantur, & quia vera & emendata in scrienis tuis esse credebam.

LXXIL

LXXII. (LXVII.)
TRAIANVS PLINIO S.

Quaeſtio iſta; quae pertinet ad eos, qui liberi natū, expositi, deinde ſublati a quibusdum in ſeruitute educati ſunt, ſaepē tractata eſt: nec quidquam inuenitur in commentariis eorū principiū, qui ante me fuerunt, quod ad omnes prouincias ſit conſtitutum. Epifolae ſane ſunt Domitianī ad Auidium Nigrinum & Armenium Broccum, quae fortaffe debeant obſeruari: ſed inter eās prouincias, de quibus reſcripsit, non eſt Bitynia: & ideo nec adſertionem de negandam iis, qui ex eiusmodi cauſa in libertatem vindicabantur, puto: neque ipsam libertatem redimendam prelio alimentorum.

LXXIII. (LXIX.)
C. PLINIVS TRAIANO IMP. S.

An reliquias mortuorum transferre licent, Traianum, tanquam P. M. consulit.

Petentibus quibusdam, vt ſibi reliquias ſuorum, aut propter iniuriam vetuſatis, aut propter fulminis incurſum, aliaque his similia quaecunq; ſecundum exemplum proconsulū, transferre permittērem, quia ſciebam in urbe noſtra ex eiusmodi cauſis collegiū pontificum adiri ſolere, te, Domine, maximum pontificem, conſulendum putaui, quid obſeruare me velis.

LXXIV. (LXX.)
TRAIANVS PLINIO S.

*D*urum eſt iniungere neceſſitatēm prouincialib⁹ pontificum adſundorum, ſi reliquias ſuorum propter
B b alia

aliquas iustas causas transferre ex loco in alium locum velint. Sequenda ergo potius tibi exempla sunt eorum, qui isti prouinciae praefuerunt, & ex causa cuique ita aut permittendum, aut negandum.

LXXV. (LXXI.)

C. PLINIUS TRAIANO IMP S.

Locum idoneum ostendit, ubi balineum, ab im-
peratore Prusensibus concessum, possit exstrui.

Quaerenti mihi, Domine, Prusae ubi posset balineum, quod indulisti, fieri, placuit locus, in quo fuit aliquando domus, ut au-
dio, pulchra, nunc deformis ruinis. Per hoc enim consequemur, ut foedissima facies ciuitatis ornetur, atque etiam, ut ipsa ciuitas am-
plietur, nec villa aedificia tollantur; sed quae sunt vetustate sublapsa, reparentur in melius.

- 2 Est autem huius domus conditio talis. Le-
gauerat eam Claudio Polyaenus Claudio Cae-
sari, iusseratque in peristylio templum ei fieri,
reliqua ex domo locari, ex quo redditum ali-
quamdiu ciuitas percepit: deinde paullatim
partim spoliata, partim neglecta, cum peri-
stylio domus tota collapsa est: ac iam paene
nihil ex ea, nisi solum supereft: quod tu, Do-
mine, siue donaueris ciuitati, siue venire ius-
seris, propter opportunitatem loci, pro sum-
mo munere accipiet. Ego, si permiseris, co-
gito in area vacua balineum collocare;
- 3 autem locum, in quo aedificia fuerunt, exhe-
dra & porticibus amplecti, atque tibi conse-
crale,

erare, cuius beneficio elegans opus dignumque nomine tuo siet. Exemplar testamenti, quamquam mendosum, misi tibi; ex quo cognosces, multa Polyaenum in eiusdem domus ornatum reliquise, quae, ut domus ipsa, perierunt: a me tamen, in quantum potuerit, requirentur.

LXXVI. (LXXII.)
TRAIANVS PLINIO S.

Postumus apud Prusenses area ista cum domo collapsa, quam vacare scribis, ad destructionem halieui vti. Illud tamen parum expressisti, an aedes in peristylio Claudio facta esset. Nam si facta aedes esset, licet collapsa sit, religio eius occupauit solum.

LXXVII. (LXXIII.)
C. PLINIUS TRAIANO IMP. S.

Consulit de liberis agnoscendis, & natalibus restituendis.

Postulantibus quibusdam, ut de agnoscendis liberis restituendiisque natalibus & secundum epistolam Domitiani scriptam Minucio Rufo, & secundum exempla proconsulium, ipse cognoscere; respexi ad SC. pertinens ad eadem genera caussarum, quod de his tantum prouinciis loquitur, quibus proconsules praesunt: ideoque rem integrum distuli, dum tu, Domine, preecepis, quid obseruare me velis.

LXXVIII. (LXXIV.)

TRAIANVS PLINIO S.

*Si mibi SC. miseris, quod hafitationem tibi fecit,
aestimavo, an debeas cognoscere de agnoscendis li-
beris, & natalibus suis restituendis.*

LXXIX. (LXXVI.)

C. PLINIUS TRAIANO IMP. S.

*Ex Largi hereditate vtrum opera sibi fieri,
an ludos institui Traianus malit, vt significet, ro-
gatur.*

Iulius, Domine, Largus, ex Ponto, nondum
mihi visus, ac ne auditus quidem, se iu-
dicio tuo credens, dispensationem quandam
2 mihi erga te pietatis suae ministeriumque man-
davit. Rogauit enim testamento, vt heredi-
tatem suam adirem, cerneremque: ac deinde,
perceptis quinquaginta millibus nummum, re-
liquum omne Heracleotarum & Tianorum ci-
vitatibus redderem: ita vt esset arbitrii mei,
vtrum opera facienda, quae honori tuo con-
secrarentur, putarem, an instituendos quin-
quennales agonas, qui Traiani appellantur.
Quod in notitiam tuam perferendum existi-
maui, ob hoc maxime, vt dispiceres, quid
elgere debeam.

LXXX. (LXXVII.)

TRAIANVS PLINIO S.

*I*ulius Largus fidem tuam, quasi te bene nosset,
elegit. Quid ergo potissimum ad perpetuitatem
memor

*memoriae eius faciat, secundum cuiusque loci conditio-
nem ipse dispice, & quod optimum existimaueris,
sequere.*

LXXXI. (LXXVIII.)

C. PLINIUS TRAIANO IMP. S.

*Iuliopolitanis centurionem legionarium mitti cupit.
Prouidentissime, Domine, fecisti, quod pre-
cepisti Calpurnio Macro, clarissimo viro,
ut legionarium centurionem Byzantium mit-
teret. Dispice, an etiam Iuliopolitanis simili 2
ratione consulendum putes: quorum ciuitas,
cum sit perexigua, onera maxima sustinet, tan-
toque grauiores iniurias, quanto est infirmior,
patitur. Quidquid autem Iuliopolitanis pre- 3
fiteris, id etiam toti prouinciae proderit.
Sunt enim in capite Bithyniae, plurimisque
per eam commeantibus transitum praebent.*

LXXXII. (LXXIX.)

TRAIANVS PLINIO S.

*Ea conditio est ciuitatis Byzantiorum, confluente
vndique in eam commeantium turba, ut, secun-
dum consuetudinem praecedentium temporum, bonori-
bus eius praesidio centurionis legionarii consulendum
habuerimus: si Iuliopolitanis succurrendum eodem mo-
do putauerimus, onerabimus nos exemplo. Plures enim 2
tanto magis eadem requirent, quanto infirmiores erunt.
Tibi eam fiduciam diligentiae habeo, ut credam, te
omni ratione id futurum, ne sint obnoxii iniuriis.
Si qui autem se contra disciplinam meam gesserint, 3
statim occidentur: aut, si plus admiserint, quam ut*

in re praesenti satis puniantur: si milites erunt, legatis eorum, quae deprehenderis, notum facies: aut, si in urbem versus venturi erunt, mibi scribes.

LXXXIII. (LXXX.)

C. PLINIVS TRAIANO IMP. S.

De annali Bithynis data lege disquirit.

Cauteum est, Domine, Pompeia lege, quae Bithynis data est, ne quis capiat magistratum, neve sit in senatu minor annorum XXX; eadem lege comprehensum est, ut qui 2 coperint magistratum, sint in senatu. Sequutum est dein edictum diui Augusti, quo permisit minores magistratus ab annis duobus & 3 viginti capere. Quaeritur ergo, an qui minor XXX annorum gessit magistratus, possit a censoribus in senatum legi? &, si potest, An ii quoque, qui non gesserint, possint per eandem interpretationem ab ea aetate senatores legi, a qua illis magistratum gerere permisum est. quod alioqui factitatum adhuc, & esse necessarium dicitur, quia sit aliquanto melius, honestorum hominum liberos, quam e plebe 4 in curiam admitti. Ego a destinatis censoribus, quid sentirem, interrogatus, eos quidem, qui minores XXX annis gessissent magistratum, putabam posse in senatum & secundum edictum Augusti, & secundum legem Pompeiam, legi: quoniam Augustus gerebat magistratus minoribus annis XXX permisisset; lex senatorum esse voluisse, qui gessissent magistratum.

De

De his autem, qui non gessissent, quamuis es-
sent aetatis eiusdem, cuius illi, quibus gerere
permisum est, haesitabam. Per quod effectum
est, vt te, Domine, consulerem, quid obserua-
ri velles. Capita legis, tum edictum Augu-
sti, litteris subieci.

LXXXIV. (LXXXI.)
TRAIANVS PLINIO S.

*Interpretationi tuse, mi Secunde carissime, idem exi-
stimo; hactenus edito diu Augusti nouatam esse
legem Pompeiam, ut magistratum quidem capere pos-
sint ii, qui non minores duorum & viginti annorum
essent: & qui accepissent, in senatum cuiusque ciuita-
tis peruenirent. Ceterum, non capto magistratu eos,
qui minores XXX annorum sint, quia magistratum
capere possint, in curiam etiam loci cuiusque non
existimo legi posse.*

LXXXV. (LXXXII.)
C. PLINIUS TRAIANO IMP. S.

*Libellum supplicem Dionis, cui controuersio
cum Archippo de opere publico erat, imperatori
mittit.*

*Q*uum Prusae ad Olympum, Domine, pu-
blicis negotiis intra hospitium, eodem
die exiturus, vacarem, Asclepiades, magistratus
indicauit, appellatum me a Claudio Eumolpo,
quum Cocceianus Dion in bule adsignari ciui-
tati opus, cuius curam egerat, vellet: tum
Eumolpus assistens Flauio Archippo dixit;

exigendam esse a Dione rationem operis, antequam reipublicae traderetur, quod aliter se-
cisset ac debuisset. Adiecit etiam, esse in eo-
dem opere positam tuam statuam, & corpora
sepulchorum, vxoris Dionis, & filii: postula-
vitque, ut cognoscerem pro tribunal. Quod
quum ego me protinus facturum dilaturum-
que profecitionem dixisse; ut longiorem diem
ad instruendam causam darem, vique in alia
ciuitate cognoscerem, petiit. Ego me audi-
turum Niceae, respondi: ubi quum sedissem
cognitus, idem Eumolpus, tanquam adhuc
parum instructus, dilationem petere coepit:
contra Dion, ut audiretur, exigere. Dicta
sunt utrumque multa, etiam de causa: ego
quum dandam dilationem & consulendum ex-
stimate in re ad exemplum pertinenti, dixi
utriusque parti, ut postulationum suarum libel-
los darent. Volebam enim te ipsorum po-
tissimum verbis ea, quae erant proposita, co-
gnoscere. Et Dion quidem se daturum di-
xit: & Eumolpus respondit, complexurum se
libello, quae reipublicae peteret. Ceterum,
quod ad sepultos pertinet, non accusatorem
se, sed aduocatum Flavii Archippi, cuius man-
data pertulisset. Archippus, cui Eumolpus,
sicut Prusae, adsistebat, dixit, se libellum da-
turm. Ita nec Eumolpus, nec Archippus,
quam plurimis diebus expectati, adhuc mihi
libellos dederunt: Dion dedit, quem huic epi-
stola iunxi. Ipse in re praesenti fui, & vi-
di

di tuam quoque statuam in bibliotheca pos-
tam. Id autem, in quo dicuntur sepulti filius
& vxor Dionis, in area collocatum, quae por-
ticibus includitur. Te, Domine, rogo, ut me 8
in hoc praecipue genere cognitionis regere di-
gneris, quum alioqui magna sit expectatio;
ut necesse sit, in ea re, quae & in confessum
venit, & exemplis defenditur, deliberare.

LXXXVI. (LXXXIII.)
TRAIANVS PLINIO S.

Potuisti non haerere, mi Secunde carissime, circa id,
de quo me consulendum existimasti, quum pro-
positum meum optime nosset, non ex metu nec terrore
hominum, aut criminibus maiestatis, reverentiam no-
mini meo adquiri. Omissa ergo ea quaesione, quam 2
non admitterem, etiam si exemplis adiuuaretur, ratio
totius operis effecti sub cura tua Cocceiano Dionis
excuditur, cum & utilitas ciuitatis exigat, nec aut
recusat Dion, aut debeat recusare.

LXXXVII. (LXXXIV.)
C. PLINIVS TRAIANO IMP. S.
Nicensium libellum supplicem mittit.

Rogatus, Domine, a Nicensibus publice per
ea, quae mihi & sunt & debent esse san-
ctissima, id est, per aeternitatem tuam salu-
temque, ut preces suas ad te perferrem, fas
non putavi negare: acceptumque ab his libel-
lum, huic epistolae iunxi.

LXXXVIII.
TRAIANVS PLINIO S.

Nicensibus, qui intestatorum ciuium suorum concessam vindicationem bonorum a diuo Augusto adfirmant, debebis vacare, contractis omnibus personis ad idem negotium pertinentibus, exhibitis Virdio Gemellino, & Epimacho, liberto meo, procuratoribus, ut aestimatis etiam iis, quae contra dicuntur, quod optimum credideritis, statuatis.

LXXXIX.
C. PLINIVS TRAIANO IMP. S.

Traiano natale^m diem gratulatur.

Opto, Domine, & hunc natalem, & plurimos alios, quam felicissimos agas: aeternaque laude florentem virtutis tuae gloriam, incolumis & fortis, aliis super alia operibus augeras.

XC.

TRAIANVS PLINIO S.

Agnosco vota tua, mi Secunde carissime, quibus precaris, ut plurimos & felicissimos natales, florente statu reipublicae nostrae, agam.

XCI.

C. PLINIVS TRAIANO IMP. S.

De aqua in Sinopensem coloniam perducenda consulit.

Sinenses, Domine, aqua deficiuntur; quae videtur & bona & copiosa ab textodecimo milliario posse perduci. Est tamen statim ab ea-

capite paullo amplius mille passibus locus sus-
pectus & mollis; quem ego interim explorari
modico impendio iussi, an recipere & sustinere
opus possit. Pecunia, curantibus nobis, con- 2
tracta, non deerit, si tu, Domine, hoc genus
operis & salubritati & amoenitati valde fitien-
tis coloniae indulceris.

XCII.

TRAIANVS PLINIO S.

*Vt coepisti, Secunde carissime, explora diligenter,
an locus ille, quem suspectum habes, sustinere
opus aquae duetus possit. Neque enim dubitandum
puto, quin aqua perducenda sit in coloniam Sinopen-
sem, si modo & viribus suis ipsa id adsequi potest,
quum plurimum ea res & salubritati & voluptati
eius collatura sit.*

XCHI.

C. PLINIUS TRAIANO IMP. S.

Libellum Amisenorum mittit Traiano.

*A*misenorum ciuitas & libera & foederata
beneficio indulgentiae tuae legibus suis
vtitur: in hac datum mihi publice libellum,
ad eranos pertinentem, his litteris subieci, vt
tu, Domine, dispiceres, quid & quatenus aut
permittendum aut prohibendum putares.

XCIV.

TRAIANVS PLINIO S.

*Amisenos, quorum libellum epistolae tuae iunxeras,
si legibus istorum, quibus de officio foederis vtun-
tur,*

tur, concessum est eranos habere, possumus, quo minus habeant, non impedire, eo facilius, si tali collatione, non ad turbas & illicitos coetus, [sed] ad Justinendam tenuiorum inopiam vtuntur. In ceteris ciuitatibus, quae nostro iure obstrictae sunt, res huiusmodi prohibenda est.

XCV.

C. PLINIUS TRAIANO IMP. S.

Suetonio ius trium liberorion a principe petit.

Suetonium Tranquillum, probissimum, honestissimum, eruditissimum virum, & mores eius sequutus & studia, iampridem, Domine, in contubernium adsumsi, tantoque magis diligere coepi, quanto hunc propius inspexi.

- 2 **H**uic ius trium liberorum necessarium faciunt duae caussae. Nam & iudicia amicorum promeretur, & parum felix matrimonium expetitus est: impetrandumque a bonitate tua personos habet, quod illi fortunae malignitas de-
- 3 negavit. Scio, Domine, quantum beneficium petam. Sed peto a te, cuius in omnibus desideriis meis plenissimam indulgentiam exterior. Potes autem colligere, quantopere cupiam, quod non rogarem absens, si mediocriter cuperem.

XCVI.

TRAIANVS PLINIO S.

Quam parce haec beneficia tribuam, utique, mihi Secunde carissime, bacer tibi, quoniam etiam in senatu affirmare soleam, non excessisse me numerum, quem

quem apud amplissimum ordinem suffectorum mibi professus sum: tuo tamen desiderio subscripsi; & [vias] dedisse me ius trium liberorum Suetonio Tranquillo ea conditione, qua adsueui, referri in commentarios meos iussi.

XCVII.

C. PLINIVS TRAIANO IMP. S.

De Christianorum rebus accurate perscribit.

Solemne est mihi, Domine, omnia, de quibus dubito, ad te referre. Quis enim potest melius vel cunctationem meam regere, vel ignorantiam instruere? Cognitionibus de Christianis interfui nunquam: ideo nescio quid & quantum, aut puniri soleat, aut quaeri. Nec mediocriter haesitavi, sitne aliquod discrimen aetatum, an quamlibet teneri nihil a robustioribus differant? deturne poenitentiae venia, an ei, qui omnino Christianus fuit, desisse non proficit? nomen ipsum, etiamsi flagitiis careat, an flagitia cohaerentia nomini puniantur. Interim in iis, qui ad me tanquam Christiani deferebantur, hunc sum sequutus modum. Interrogavi ipsos, *An essent Christiani?* confitentes iterum ac tertio interrogavi, supplicium minatus: persecutantes duci iussi. Neque enim dubitabam, qualecunque esset, quod faterentur, pericaciam certe, & inflexibilem obstinationem debere puniri. Fuerunt alii similis amentiae: quos, quia ciues Romani erant, adnotaui in urbem remittendos. Mox ipso tractatu, ut fieri solet, diffundente se crimine, plures species

5 cies inciderunt. Propositus est libellus sine au-
 ctore, multorum nomina continens, qui nega-
 rent, se esse Christianos, aut fuisse, quum,
 praeeunte me, deos appellarent, & imagini tuae,
 quam propter hoc iusseram cum simulacris nu-
 minum adferri, thure ac vino supplicarent,
 praeterea maledicerent Christo: quorum nihil
 cogi posse dicuntur, qui sunt reuera Christia-
 ni. Ergo dimittendos putauit. Alii ab in-
 dice nominati, esse se Christianos dixerunt, &
 mox negauerunt: fuisse quidem, sed desisse,
 quidam ante triennium, quidam ante plures
 annos, non nemo etiam ante viginti quoque.
 Omnes & imaginem tuam, deorumque simu-
 lacra venerati sunt. ii & Christo maledixerunt.
 7 Adfirmabant autem, hanc fuisse summam vel
 culpae tuae, vel erroris, quod essent soliti sta-
 to die ante lucem conuenire: carmenque Chri-
 sto, quasi Deo, dicere secum inuicem: sequo
 sacramento non in scelus aliquod obstringere,
 sed ne fulta, ne latrocinia, ne adulteria com-
 mitterent, ne fidem fallerent, ne depositum
 appellati abnegarent: quibus peractis morem
 sibi discedendi fuisse, rursusque coëundi ad
 capiendum cibam, promiscuum tamen, & in-
 noxiū: quod ipsum facere desisse post edi-
 etum meum, quo secundum mandata tua be-
 taeria esse veteram. Quo magis necessarium
 credidi, ex duabus ancillis, quae ministrae di-
 cebantur, quid esset veri & per tormenta
 quaerere. Sed nihil aliud inueni, quam su-
 per-

perstitionem prauam & immodicam, ideoque, dilata cognitione, ad consulendum te decurri. Visa est enim mihi res digna consultatione, maxime propter periclitantium numerum. Multi enim omnis aetatis, omnis ordinis, utriusque sexus etiam, vocantur in periculum, & vocabuntur. Neque enim ciuitates tantum, sed vicos etiam atque agros superstitionis istius contagio peruagata est: quae videtur sisti & corrigi posse. Certe satis constat, prope iam de-¹⁰ solata templa coepisse celebrari, & sacra solemnia diu intermissa repeti: passimque venire victimas, quarum adhuc rarissimus emitor inveniebatur; ex quo facile est opinari, quae turba hominum emendari possit, si fiat poenitentiae locus.

XCVIII. TRAIANVS PLINIO S.

Actum quem debuisti, mi Secunde, in excutiendis causis eorum, qui Christiani ad te delati fuerant, sequatus es. Neque enim in uniuersum aliquid, quod quasi certam formam habeat, constitui potest. Conquirendi non sunt: si deferantur & arguantur, 2 puniendi sunt: ita tamen, ut, qui negauerit se Christianum esse, idque re ipsa manifestum ficerit, id est, supplicando diis nostris, quamvis suspectus in praeteritum fuerit, veniam ex poenitentia impetraret. Sine auctore vero propositi libelli, nullo criminis locum habere debent. Nam & pessimi exempli, nec nostre

XCIX.

C. PLINIVS TRAIANO IMP. S.

Quaerit de contegenda Amastrianorum pestifera aqua.

Amastrianorum ciuitas, Domine, & elegans & ornata, habet inter praecipua opera pulcherrimam, eandemque longissimam, plateam: cuius a latere per spatium omne porrigitur nomine quidem flumen, re vero cloaca foedissima: quae sicut turpis & immundissima aspectu, ita pestilens est, odore tetrorimo. Quibus ex caussis, non minus salubritatis quam decoris interest, eam contegi: quod fiet, si permiseris, curantibus nobis, ne desit quoque pecunia operi tam magno, quam necessario.

C.

TRAIANVS PLINIO S.

Rationis est, mi Secunde carissime, contegi aquam istam, quae per ciuitatem Amastrianorum fluit, si detecta salubritati obest. Pecunia ne huic opere desit, curaturum te secundum diligentiam tuam, certum babeo.

CI.

C. PLINIVS TRAIANO IMP. S.

Vota pro salute Traiani & soluta & noua nuncupata esse nuntiat.

Vota, Domine, priorum annorum nuncupata alacres laetique persoluimus, nouaque rufus, curante commilitonum & prouincialium pietate, suscepimus: precati deos, ut te reme que

que publicam florentem & incolumem ea benignitate seruarent, quam super magnas plurimasque virtutes, praecipue sanctitate consequi, deorum honore meruisti.

CII.

TRAIANVS PLINIO S.

Soluisse vota dis immortalibus, te praeceunte, pro mea incolumente, commilitones cum provincialibus laetissimo consensu, in futurumque nuncupasse, libenter, mi Secunde carissime, cognoui litteris tuis.

CIII.

C. PLINIUS TRAIANO IMP. S.

*Diem imperii suscepti anniuersario ritu celebra-
tum esse annuntiat.*

Diem, in quem tutela generis humani felicissima successione translata est, debita religione celebrauimus, commendantes diis, imperii tui auctoribus, & vota publica & gaudia.

CIV.

TRAIANVS PLINIO S.

*Diem imperii mei debita laetitia & religione a
commilitonibus & provincialibus, praeceunte te,
celebratum, libenter, mi Secunde carissime, cognoui
litteris tuis.*

CV.

C. PLINIUS TRAIANO IMP. S.

Ius Quiritium pro tribus libertis petit.

*Valerius, Domine, Paullinus, excepto uno,
ius Latinorum suorum mihi reliquit: ex
C. quibus*

quibus rogo tribus interim ius Quiritium des. Vereor enim, ne sit immodicum, pro omnibus pariter inuocare indulgentiam tuam; qua debo tanto modestius vti, quanto pleniorem experior. Sunt autem, pro quibus peto, C. Valerius Aestiaeus, C. Valerius Dionysius, C. Valerius Aper.

CVI.

TRAIANVS PLINIO S.

Quum honestissime iis, qui apud fidem tuam a Valerio Paulino depositi sunt, consultum velis mature per me; iis interim quibus nunc petisi, ut scias dedisse me ius Quiritium, referri in commentarios meos iussi, idem facturus in ceteris, pro quibus petieris.

CVII.

C. PLINIVS TRAIANO IMP. S.

Centurionis, filiae ciuitatem petentis, libellum mittit.

*R*ogatus, Domine, a P. Accio Aquila, centurione cohortsis sextae equestris, ut mitterem tibi libellum, per quem indulgentiam pro statu filiae suae implorat, durum putauis negare, quum scirem, quantam soleres militum precibus patientiam humanitatemque praestare.

CVIII.

TRAIANVS PLINIO S.

Libellum P. Accii Aquilae, centurionis cohortis sextae equestris, quem mihi misisti, legi: cuius preci-

*precibus motus dedi filiae eius ciuitatem Romanam.
Libellum rescripti, quem illi redderes, misi tibi.*

CIX.

C. PLINIVS TRAIANO IMP. S.

De protopraxia ciuitatum consulit.

Quid habere iuris velis & Bithynas & Ponticas ciuitates in exigendis pecuniis, quae illis vel ex locationibus, vel ex venditionibus aliisue caussis debeantur, rogo, Domine, rescribas. Ego inueni, a plerisque pro consulibus concessam eis protopraxian, eamque pro lege valuisse. Existimo tamen tua prouidentia constituendum aliquid & fisciendum, per quod utilitatibus eorum in perpetuum consulatur. Nam quae sunt ab aliis instituta, sint licet sapienter indulta, brevia tamen & infirma sunt, nisi illis tua contingat auctoritas. 2

CX.

TRAIANVS PLINIO S.

Quo iure vti debeant Bitynae vel Ponticae ciuitates in iis pecuniis, quae ex quaue causa reipublicae debehuntur, ex lege cuiusque animaduertendum est. Nam si habent priuilegium, quo ceteris creditoribus anteponantur, custodiendum est: Si vero non habent, in iniuriam priuatorum id dari a me non oportebit.

CXI.

C. PLINIUS TRAIANO IMP. S.

*De Amisenis, pecuniam Pijoni olim donatam
repetentibus, Traianum consulit.*

Ecclius, Domine, Amisenorum ciuitatis perebat apud me ab Iulio Pisone denario-rum circiter XI. millia, donata ei publice ante XX annos, & bule & ecclesia consentiente: nitebaturque mandatis tuis, quibus eiusmodi donationes vetantur. Piso contra plurima se in rempublicam contulisse, ac prope totas facultates erogasse, dicebat. Addebat etiam temporis spatium, postulabatque, ne id, quod pro multis & olim accepisset, cum euersione reliquae dignitatis reddere cogeretur. Quibus ex caussis integrum cognitionem differendam existimauit, vt te, Domine, consulerem, quid secundum putares.

CXII.

TRAIANVS PLINIO S.

Sicut largitiones ex publico fieri mandata prohibent, ita, ne multorum securitas subruatur, factas ante aliquantum temporis retractari atque in irritum vindicari non oportet. Quidquid ergo ex hac causa actum ante viginti annos erit, omittamus. Non minus enim hominibus cuiusque loci, quam pecuniae publicae consultum volo.

CXIII.

CXIII.

C. PLINIVS TRAIANO IMP. S.

An in senatum le&li, pro introitu aliquid inferre debeant, quaerit.

Lex Pompeia, Domine, qua Bithyni & Pontici viuntur, eos qui in bulen a censoribus leguntur, dare pecuniam non iubet: sed ii, quos indulgentia tua quibusdam ciuitatibus super legitimum numerum adiicere permisit, & singula millia denariorum & bina intulerunt. Anicius deinde Maximus proconsul eos etiam, **2** qui a censoribus legerentur, dumtaxat in paucissimis ciuitatibus, aliud aliis, iussit inferre. Supereft ergo, vt ipse dispicias, an in omnibus ciuitatibus certum aliquid omnes, qui deinde buleutae leguntur, debeant pro introitu dare. Nam quod in perpetuum mansurum est, a te constitui decet, cuius factis dictisque **3** debetur aeternitas.

CXIV.

TRAIANVS PLINIO S.

Honorarium decurionatus omnes, qui in quaque ciuitate Bithyniae decuriones sunt, inferre debeant necne, in vniuersum a me non potest statui. Id ergo, quod semper tutissimum est, sequendam cuiusque ciuitatis legem, puto, scilicet aduersus eos, qui inuiti sunt decuriones, existimo id acturos, vt erogatio ceteris praeseratur.

CXV.

C. PLINIUS TRAIANO IMP. S.

Decuriones alienae ciuitatis an eiici senatu possint, quaerit.

Lege, Domine, Pompeia permisum Bithynicis ciuitatibus adscribere sibi, quos vellet ciues, dum ciuitatis non sint alienae, sed suarum quisque ciuitatum, quae sunt in Bithynia. Eadem lege sanctitur, quibus de causis e senatu a censoribus eiificantur: inter quas
2 nihil de ciue alieno cauetur. Inde me quidam ex censoribus consulendum putauerunt, an eiicere deberent eum, qui esset alterius ciuitatis.
3 Ego, quia lex, sicut adscribi ciuem alienum vetabat, ita eiici e senatu ob hanc caussam non iubebat: praeterea quia ab aliquibus affirmabatur mihi, in omni ciuitate plurimos esse bulleutas ex aliis ciuitatibus, futurumque, ut multi homines multaeque ciuitates concuterentur ea parte legis, quae iam pridem consensu quodam exoleuisset; necessarium existimauit consulere te, quid seruandum putares. Capita legis his litteris subieci.

CXVI.

TRAIANVS PLINIO S.

Merito haesisti, Secunde carissime, quid a te rescribi oporteret censoribus consulentibus, an legerent in senatum aliarum ciuitatum, eiusdem tamen prouinciae, ciues. Nam & legis auctoritas, & longa consuetudo usurpata contra legem, in diuersum

*versum mouere te potuit. Mibi hoc temperamen-
tum eius placuit, vt ex praeterito nihil nouaremus,
sed manerent, quamuis contra legem, adsciti qua-
rumcunque ciuitatum ciues, in futurum autem lex
Pompeia obseruaretur: cuius vim si retro quoque ve-
limus custodire, multa necesse est perturbari.*

CXVII.

C. PLINIVS TRAIANO IMP. S.

*Veretur, ne ex inuitatione ad solempne officium
factiones oriantur.*

Qui virilem togam sumunt, vel nuptias fa-
ciunt, vel ineunt magistratum, vel opus
publicum dedicant, solent totam bulen, atque
etiam e plebe non exiguum numerum vocare,
binosque denarios vel singulos dare: quod an
celebrandum, & quatenus, putes, rogo scribas.
Ipse enim, sicut arbitror, [non imprudenter,] 2
praesertim ex solemnibus caussis concedendum
[iussi] inuitationes; ita vereor, ne ii, qui mille
homines, interdum etiam plures, vocant, mo-
dum excedere, & in speciem dianomes incidere
videantur.

CXVIII.

TRAIANVS PLINIO S.

Merito vereris, ne in speciem dianomes incidat in-
vitatio, quae in numero modum excedit, &
quasi per corpora, non viritim singulos ex notitia,
ad solempnes sportulas contrahit. Sed ego ideo pru-
dentiam tuam elegi, vt formandis istius provinciae

moribus ipse moderareris, & ea constituas, quae ad perpetuam eius provinciae quietem essent profutura.

CXIX.

C. PLINIUS TRAIANO IMP. S.

Doceri desiderat, a quo die incipient iselaisticae praemia victoribus dari.

Athletae, Domine, ea, quae pro iselaisticis certaminibus constitueristi, deberi sibi putant statim ex eo die, quo sunt coronati. Nihil enim referre, quando sint patriam invecti, sed quando certamine vicerint, ex quo inuehi possint. Ego contra [scribo] Iselaisticis nomine [itaque eorum] vehementer addubitem, an sit potius id tempus, quo εἰσῆλασσαν intuendum. Idem obsonia petunt pro eo agone, qui a te iselaisticus factus est, quamvis vicerint ante, quam fieret. Aiunt enim congruens esse, sicut non datur sibi pro his certaminibus, quae esse iselaistica, postquam vice-runt, desierunt; ita pro iis dari, quae esse coeperunt. Hic quoque non mediocriter haereo, ne cuiusquam retro habeatur ratio: tandemque, quod tunc, quum vincerent, non debebatur. Rego ergo ut dubitationem meam regere, id est, beneficia tua interpretari ipse digneris.

CXX.

CXX.

TRAIANVS PLINIO S.

*I*seasticum tunc primum mihi videtur incipere deberi, quum quis in ciuitatem suam ipse εἰσῆλασεν. Obsonia eorum certaminum, quae Iselastica esse placuit mihi, [si] ante Iselastica non fuerunt, retro non debentur. Nec proficere pro desiderio athletarum potest, tam eorum, quae postea Iselastica lege constitui, quam, quum vincerent, esse desierunt. Mutata enim conditione certaminum, nikelominus, quae ante perceperant, non reuocantur.

CXXI.

C. PLINIUS TRAIANO IMP. S.

Excusat se, quod vxorem diplomate adiuuerit.

*V*sque in hoc tempus, Domine, neque cuiquam diplomata commodaui, neque in rem villam, nisi tuam, misi. quam perpetuam seruationem meam quaedam necessitas rupit. 2 *V*xori enim meae, audita morte aui, volenti ad amitam suam excurrere, usum eorum negare durum putaui, quum talis officii gratia in celeritate consisteret; sciremque, te rationem itineris probaturum, cuius caussa erat pietas. Haec scripsi, quia mihi parum gratus tibi fore videbar, si dissimulassetsem inter alia beneficia hoc unum, quod me debere sciebam indulgentiae tuae, quod fiducia eius, quasi consulto te, non dubitavi facere; quem si consuluisse, sero fecisset.

CXXII.

TRAIANVS PLINIO S.

*M*erito habuisti, Secunde carissime, fiduciam animi
mei. Nec dubitandum fuisset, si exspectasses,
donec me consuleres, an iter uxoris tuae diplomati-
bus, quae officio tuo dedi, adiuuandum esset? usum
eorum intentioni non profuisse, quum apud amitam
suam uxor tua deberet etiam celeritate gratiam ad-
ventus sui augere.

F I N I S.



C. PLI-

C. PLINII CAECILII
SECUNDI CONSVLIS
PANEGYRICVS,
NERVAE TRAIANO
AVGVSTO DICTVS.

Bene ac sapienter, patres conscripti, maiores
instituerunt, ut rerum agendarum, ita di-
cendi initium a precationibus capere: quod
NIHIL rite, nihilque prouidenter homines
sine deorum immortalium ope, consilio, hono-
re auspicarentur. Qui mos cui potius quam 2
consuli? aut quando magis usurpandus colen-
dusque est, quam quum imperio senatus, au-
toritate reipublicae ad agendas Optimis. Prin-
cipi gratias excitamur? QVOD enim praesta- 3
bilius est, aut pulchrius munus deorum, quam
castus & sanctus & diis similimus princeps?
Ac, si adhuc dubium fuisset, forte casuque re- 4
ctores terris, an aliquo numine darentur, Prin-
cipem tamen nostrum liqueret diuinitus con-
stitutum. Non enim occulta potestate fatorum, 5
sed ab Iove ipso coram ac palam repertus est,
electus

electus quippe inter aras & altaria, eodemque loci, quem Deus ille tam manifestus ac praesens, quam coelum ac sidera insedit. Quo magis aptum piumque est, te, Iupiter optime maxime, antea conditorem, nunc conseruator imperii nostri, precari, ut mihi digna consule, digna senatu, digna principe contingat oratio: vtque omnibus, quae dicentur a me, libertas, fides, veritas consistet: tantumque a specie adulacionis absit gratiarum actio mea, quantum abest a necessitate.

II. Evidem non consuli modo, sed omnibus ciuibus enitendum reor, ne quid de Principe nostro ita dicant, ut idem illud de 2 alio dici potuisse videatur. Quare abeant ac recedant voces illae, quas metus exprimebat: nihil, quale antea, dicamus: nihil enim, quale antea, patimur: nec eadem de principe parlam, quae prius, praedicemus: neque enim 3 eadem secreto loquimur, quae prius. Discernatur orationibus nostris diuersitas temporum, & ex ipso genere gratiarum agendarum intelligatur, cui, quando sint actae. Nusquam ut deo nunc, nusquam ut numini blandiamur: non enim de tyranno, sed de cive; non de 4 domino, sed de parente loquimur. VNVM ille se ex nobis, & hoc magis excellit atque eminet, quod vnum ex nobis putat; nec minus hominem se, quam hominibus praesesse 5 meminit. Intelligamus ergo bona nostra, di-
gnos-

gnosque nos illius vsu probemus, atque idem cogitemus, si maius principibus praestemus obsequium, qui seruitute ciuum, quam qui libertate laetantur. Et populus quidem Romanus dilectum principum seruat, quantoque paullo ante concentu formosum alium, hunc fortissimum personat: quibusque aliquando clamoribus gestum alterius & vocem: huius pietatem, abstinentiam, manuetudinem laudat. Quid nos ipsi? diuinitatem Principis nostri, an humanitatem, temperantiam, facilitatem, ut amor & gaudium tulit, celebrare universi solemus? Iam, quid tam ciuale, tam senatorium, quam illud additum a nobis OPTIMI cognomen? quod peculiare huius & proprium arrogantia priorum principum fecit. Nam vero quam commune, quam ex aequo, quod FELICES NOS, FELICEM ILLVM praedicamus? alternisque votis HAEC FACIAT, HAEC AVDIAT, quasi non dicturi, nisi fecerit, comprecamur? Ad quas ille voces lacrymis etiam ac multo pudore suffunditur. agnoscit enim, sentitque, sibi, non principi, dici.

III. Igitur quod temperamentum omnes in illo subito pietatis calore seruauimus, hoc singuli quoque meditati teneamus; sciamusque, nullum esse neque sincerius neque acceptius genus gratiarum, quam quod illas acclamaciones aemuletur, quae singendi non habent tempus. Quantum ad me pertinet, laborabo, ut oratio,

orationem meam ad modestiam Principis moderationemque submittam, nec minus considerabo, quid aures eius pati possint, quam quid 3 virtutibus debeatur. Magna & inusitata Principis gloria, cui gratias acturus, non tam vereor, ne me in laudibus suis parcum, quam 4 ne nimium putet. Haec me cura, haec difficultas sola circumstat: nam MERENTI gratias agere facile est, Patres conscripti. non enim periculum est, ne, quum loquar de humanitate, exprobrari sibi superbiam credat; quum de frugalitate, luxuriam; quum de clementia, crudelitatem; quum de liberalitate, auaritiam; quum de benignitate, liuorem; quum de continentia, libidinem; quum de labore, inertiam; quum de fortitudine, timorem. Ac ne illud quidem vereor, ne gratus ingratusue videar, prout satis, aut parum dixerim. Animaduerto enim etiam DEOS ipsos non tam accuratis adorantium precibus, quam innocentia & sanctitate laetari: gratioremque existimari, qui delubris eorum puram castaque mentem, quam qui meditatum carmen intulerit.

IV. Sed parendum est Senatus consulto, quod ex utilitate publica placuit, ut Consulis voce, SVB titulo gratiarum agendarum, boni principes quae facerent recognoscerent: mali, 2 quae facere deberent. Id nunc eo magis solemnne ac necessarium est, quod parens noster pri-

priuatas gratiarum a^ctiones cohibet & comprimit: inter effusus etiam publicis, si permettere sibi vetare, quod Senatus iuberet. Vtrumque, Caesar Auguste, moderate, & quod alibi tibi gratias agi non finis, & quod hic finis. non enim a te ipso tibi honor iste, sed ab agentibus habetur. Cedis affectibus nostris, nec nobis inunera tua praedicare, sed audire tibi necesse est. SAEPE ego mecum, P. C. tacitus agitaui, qualem quantumque esse oportet, cuius ditione nutuque maria, terrae, pax, bella regerentur: quum interea fingenti formantique mihi principem, quem aequata diis immortalibus potestas deceret, nunquam voto saltem concipere succurrit similem huic, quem videmus. Enituit aliquis in bello, sed obsoleuit in pace: alium toga, sed non & arma honestarunt: reuerentiam ille terrore, aliis amorem humilitate captauit: ille quaesitam domi gloriam in publico; hic in publico partam domi perdidit. Postremo adhuc nemo exsilit, cuius virtutes nullo vitiorum confinio laederentur. At Principi nostro quanta concordia, quantusque concentus omnium laudum, omnisque gloriae contigit? vt nihil se veritati eius hilaritate, nihil grauitati simplicitate, nihil maiestati humanitate detrahatur! Iam firmitas, iam proceritas corporis, iam honor capitidis, & dignitas oris, ad hoc aetatis indeflexa maturitas, nec sine quodam munere deum festinatis senectutis insignibus ad augendam

dam maiestatem ornata caesaries; nonne longe
lateque principem ostentant?

V. Talem esse oportuit, quem non bella
ciuilia, nec armis oppressa respublica, sed pax
& adoptio, & tandem exorata terris numina
2 dedissent. An fas erat, nihil differre inter im-
peratorem, quem homines, & quem dii fecis-
sent? quorum quidem in te, Caesar Auguste,
iudicium & fauor, tunc statim, quum ad exer-
citum proficereris, & quidem inusitato in-
3 dicio enituit. Nam ceteros principes aut lar-
gus cruor hostiarum, aut sinister volatus au-
um consulentibus nuntiauit: tibi adscendentí
de more Capitolium, quamquam non id agen-
tium ciuium clamor, vt iam principi, occurrit.
4 Siquidem omnis turba, quae limen insederat,
ad ingressum tuum foribus reclusis, illa qui-
dem, vt tunc arbitrabatur, deum; ceterum,
vt docuit euentus, te censalutauit imperato-
5 rem. Nec aliter a cunctis omen acceptum est.
nam ipse intelligere nolebas: recusabas enim
imperare; recusabas, quod bene erat impera-
6 turi. Igitur cogendus fuisti. Cogi porro non
poteras, nisi periculo patriae, & nutatione rei-
publicae. Obstinatum enim tibi, non fuscis-
7 pere imperium, nisi seruandum fuisset. Quare
ergo illum ipsum furorem motumque castren-
sem reor extitisse, quia magna vi magnoque
8 terrore modestia tua vincenda erat. Ac sicut
maris coelique temperiem turbines tempesta-
tesque

tesque commendant; ita ad augendam pacis
tuae gratiam, illum tumultum praecessisse cre-
diderim. HABET has vices conditio morta-
lium, vt aduersa ex secundis, ex aduersis se-
cunda nascantur. Occultat vtrorumque semina
deus, & plerumque honorum malorumque caus-
sae sub diuersa specie latent.

VI. Magnum quidem illud seculo de-
decus, magnum reipublicae vulnus impressum
est. Imperator, & parens generis humani, ob-
sessus, captus, inclusus: ablata mitissimo seni
seruandorum hominum potestas; ereptumque
principi ILLVD in principatu beatissimum,
quod nihil cogitur. Si tamen haec sola erat 2
ratio, quae te publicae salutis gubernaculis
admoueret; prope est vt exclamem, tanti fuisse.
Corrupta est disciplina castrorum, vt tu cor-
rector emendatorque contingeres: inductum
peccatum exemplum, vt optimum opponere-
tur: postremo coactus princeps, quos nolle,
occidere, vt daret principem, qui cogi non
posset. Olim tu quidem adoptari merebare; 3
sed nescissemus, quantum tibi deberet impe-
rium, si ante adoptatus es. Exspectatum est
tempus, in quo liqueret, non tam accepisse te
beneficium, quam dedisse. Confugit in sinum
tuum concussa respublica ruensque imperium
super imperatorem, imperatoris tibi voce de-
latum est. Imploratus adoptione, & accitus es,
vt olim duces magni a peregrinis externisque 4

D d

bellis

bellis ad opem patriae ferendam reuocari solebant. Ita filius ac patens uno eodemque momento, rem maximam inuicem praefitisti: ille tibi imperium dedit, tu illi reddidisti. Solus ergo ad hoc aei pro munere tanto patria accipiendo fecisti, immo vltro dantem obligasti: communicato enim imperio solicitor tu, ille securior factus es.

VII. Onouum atque inauditum ad principatum iter! non te propria cupiditas, proprius metus; sed aliena vtilitas, alienus timor, principem fecit. Videaris licet, quod est amplissimum, consequutus, inter homines; felicius tamen erat illud, quod reliquisti: sub 2 bono principe priuatus esse desisti. Assumtus es in laborum curarumque confortium, nec te laeta & prospera stationis istius, sed aspera & dura ad capessendam eam compulerunt. Suscepisti imperium, postquam alium suscepti 3 poenitebat. Nulla adoptati cum eo, qui adoptabat, cognatio, nulla necessitudo; nisi quod uterque optimus erat, dignusque alter eligi, alter eligere. Itaque adoptatus es, non, vt prius aliis atque aliis in gratiam vxoris. Adscivit enim te filium non vitricus, sed princeps, eodemque animo diuus Nerua pater tuus factus est, quo erat omnium. Nec decet alter 4 filium assumi, si assumatur a principe. An Senatum Populumque Romanum, exercitus, prouincias, socios, transmissurus vni, successio-

rem

rem e sinu vxoris accipias? summaeque potestatis heredem tantum intra domum tuam queras? non per totam ciuitatem circumferas oculos? & HVNC tibi proximum, hunc coniunctissimum existimes, quem optimum, quem diis simillimum inuenieris? IMPERATVRVS omnibus eligi debet ex omnibus. Non enim servulis tuis dominum, ut possis esse contentus quasi necessario herede, sed principem ciuibus daturus es imperator. Superbum istud & regium, nisi adoptes eum, quem constet imperaturum fuisse, etiamsi non adoptasses. Fecit hoc Nerua, nihil interesse arbitratus, genueris an elegeris; si perinde sine iudicio adoptentur liberi ac nascuntur, nisi tamen, quod AEQVORE animo fertunt homines, quem princeps parum feliciter genuit, quam quem male elegit.

VIII. Sedulo ergo vitauit hunc casum, nec iudicium hominum, sed deorum etiam in consilium assumisit. Itaque non tua in cubiculo, sed in templo; nec ante genialem torum, sed ante puluinar Iouis optimi maximi, adoptio peracta est: qua tandem non seruitus nostra, sed libertas, & talus, & securitas fundabatur. Sibi enim dii gloriam illam vindicaverunt: horum opus, horum illud imperium; Nerua tantum minister fuit. Vtique, qui adoptaret, tam paruit, quam tu, qui adoptabar. Allata erat ex Pannonia laurea, id agentibus diis, ut inuicti imperatoris exortum victoriae

insigne decoraret. Hanc Imperator Nerua in gremio Iouis collocarat: quum repente sol to
 maior & augustior, aduocata hominum concio-
 ne deorumque, te filium sibi, hoc est, vnicum
 4 auxilium fessis rebus assunxit. Inde quasi de-
 posito imperio, qua securitate, qua gloria laet-
 tus (nam quantulum refert, deponas, an par-
 tialis imperium? nisi quod difficilius hoc est)
 non secus ac praesenti tibi innixus, tuis hu-
 meris se patriamque sustentans, tua iuventa,
 tuo robore inualuit? Statim consedit omnis
 5 tumultus. Non adoptionis opus istud fuit,
 sed adoptati: atque adeo temere fecerat Nerva,
 si adoptasset alium. Oblitine sumus; vt
 nuper post adoptionem non desierit seditio,
 sed cooperit? irritamentum istud irarum, &
 6 fax tumultus fuisset, nisi incidisset in te. An
 dubium est, vt dare posset imperium impera-
 tor, qui reverentiam amiserat, auctoritate eius
 effectum esse, cui dabatur. Simul filius, simul
 Caesar, mox imperator, & consors Tribuni-
 ciae potestatis, & omnia pariter, & statim fa-
 ctus est: quae proxime parens verus tantum
 in alterum filium contulit.

IX. Magnum hoc tuae moderationis in-
 dicium, quod non solum successor imperii, sed
 particeps etiam sociusque placuisti. Nam SVC-
 CESSOR, etiamsi nolis, habendus est: non est
 habendus socius, nisi velis. Credentne posteri,
 Patricio, & Consulari, & Triumphali patre
 geni-

genitum, quum fortissimum, amplissimum, aman-
tissimum sui exercitum regeret, imperatorem
non ab exercitu factum? eidem, quum Ger-
maniae praesideret, Germanici nomen hinc mis-
sum? nihil ipsum, ut imperator fieret, agi-
tasse? nihil fecisse, nisi quod me uit & paru-
it? Paruisti enim Caesar, & ad principatum 3
obsequio peruenisti: nihilque magis a te sub-
iecti animi factum est, quam quod imperare
coepisti. Iam Caesar, iam Imperator, iam Ger-
manicus, absens & ignarus, & post tanta no-
mina, quantum ad te pertinet, priuatus. Ma- 4
gnum videretur, si dicerem, Nescisti te impe-
ratorem futurum: eras imperator, & esse te
nesciebas. Ut vero ad te fortunae tuae nun-
tius venit, malebas quidem hoc esse, quod fue-
ras, sed non erat liberum. Annon obsequere-
ris principi ciuii: legatus imperatori; filius
patri? Vbi deinde disciplina, vbi mos a ma- 5
ioribus traditus, quodecunque imperator mu-
nus iniungeret, aequo animo paratoque subeun-
di. Quid enim si prouincias ex prouinciis, ex
bellis bella mandaret? Eodem illum vti iure
posse putas, quum ad imperium revocet, quo
sit usus, quum ad exercitum miserit; nihilque
interesse, ire legatum, an redire principem iu-
beat, nisi quod MAIOR sit obsequii gloria
in eo, quod quis minus velit.

X. Augebat auctoritatem iubentis, in
summum discrimen auctoritas eius adducta: vt-

Dd 3

que

que magis parendum imperanti putares, efficiebatur eo, quod ab aliis minus parebatur.

2 Ad hoc audiebas Senatus Populique consensum. non unius Neruae iudicium illud, illa electio fuit. Nam qui ubique sunt homines, hoc idem votis expetebant; ille tantum iure principis occupauit, primusque fecit, quod omnes facturi erant. Nec Hercule tantopere cunctis factum placeret, nisi lacuisset, ante-

3 quam fieret. At quo, dii boni, temperamento, potestatem tuam fortunamque moderatus es? Imperator tu titulis, & imaginibus, & signis: ceterum modestia, labore, vigilancia, dux, & legatus, & miles, quum iam tua vexilla, tuas aquilas magno gradu anteires: neque aliud tibi ex illa adoptione, quam filii pietatem, filii obsequium assereres, longamque huic nomini aetatem, longam gloriam preccare.

4 Iam te prouidentia deorum primum in locum prouexerat; tu adhuc in secundo resistere, atque etiam senescere optabas: priuatus tibi videbaris, quamdiu imperator & alius esset. Audita sunt vota tua, sed in quantum optimo illi & sanctissimo seni utile fuit, quem dii coelo vindicauerunt, ne quid post illud diuinum & immortale factum, mortale faceret.

5 Deberi quippe maximo operi hanc veneracionem, vt nouissimum esset, auctoremque eius statim consecrandum, vt quandoque inter posteros quaereretur, an illud iam deus fecisset.

6 Ita ille nullo magis nomine publicus parens, quam

quam quia tuus. Ingens gloria, ingensque fama, quum abunde expertus esset, quam bene humeris tuis federet imperium, tibi terras, te terris reliquit; eo ipse carus omnibus ac desiderandus, quod prospexerat, ne desideraretur.

XI. Quem tu lacrymis primum, ita ut filium decuit, mox templis honestasti, non imitatus illos, qui hoc idem, sed alia mente, fecerunt. Dicauit coelo Tiberius Augustum; sed ut maiestatis crimen induceret: Claudium Nero; sed ut irriteret: Vespasianum Titus, Domitianus Titum: sed ille, ut dei filius, hic, ut frater videretur. Tu sideribus patrem intulisti, non ad metum ciuium, non in contumeliam numinum, non in honorem tuum; sed quia deum credis. Minus est hoc, quum sit ab his, qui & seos deos putant. Sed licet illum aris, puluinaribus, flamme cola; non magis tamen deum & facis & probas, quam quod ipse talis es. IN principe enim, qui electo successore fato concessit, vna itemque certissima diuinitatis fides est, bonus successor. Num ergo tibi ex immortalitate patris aliiquid arrogantiae accessit? num hos proximos diuinitate parentum desides ac superbos, potius, quam illos veteres & antiquos aemularis; qui hoc ipsum imperium peperere, quod modo hostes inuaserant contemserantque? cuius pulsii fugatiue si non aliud magis habebatur indicium, quam si triumpharetur. Ergo sustulerant ani-

Dd 4

mos,

mos, & iugum excusserant: nec iam nobiscum de sua libertate; sed de nostra seruitute, certabant: ac ne inducias quidem, nisi aequis conditionibus inibant, legesque ut acciperent, dabant.

XII. At nunc rediit omnibus terror & metus, & votum imperata faciendi. Vident enim Romanum ducem, vnum ex illis veteribus & priscis; quibus imperatorum nomen addebant contecti caedibus campi & infecta vi-
 2 ctoiriis maria. Accipimus obsides ergo, non emimus: nec ingentibus dannis immensisque muneribus paciscimur, ut vicerimus. Rogant, supplicant; largimur, negamus, vtrumque ex imperii maiestate, agunt gratias, qui impe-
 trauerunt; non audent queri, quibus negatum
 3 est. An audeant? qui sciant, te adsedisse ferocissimis populis eo ipso tempore, quod amicissimum illis, difficillimum nobis: quum Da-
 dubius ripas gelu iungit, duratusque glacie in-
 gentia tergo bella transportat: quum ferae
 gentes non telis magis, quam suo coelo, suo
 4 sidere armantur? Sed ubi in proximo tu, non secus ac si mutatae temporum vices essent, illi quidem latibulis suis clausi tenebantur; nostra agmina percursare ripas, & aliena occasione, si permitteres, yti, vltroque hiemem suam bar-
 baris inferre, gaudebant.

XIII. Haec tibi apud hostes veneratio.
Quid apud milites? quam admirationem, quem-
admodum comparati? quum tecum inediā,
tecum ferrent sitim; quum in illa meditatio-
ne campestri militaribus turmis imperatorum
puluerem sudoremque misceres, nihil a ceteris,
nisi robore ac praestantia differens: quum li-
be-ro Marte, nunc cominus tela librārēs, nunc
vibrata susciperes, alacer virtute militum & 2
laetus, quoties aut cassidi tuae, aut clypeo gra-
vior ictus incideret: (laudabas quippe ferien-
tes, hortabarisque, ut auderent: & audebant
iam) quum spectator moderatorque ineuntium
certamina virorum, arma compeneres, tela ten-
tares, ac si quid durius accipienti videretur,
ipse vibrares. Quid quum solatium fessis, ae- 3
giis opem ferres? Non tibi moris tua inire
tentoria, nisi commilitonum ante lustrasses; nec
requiem corpori, nisi post omnes, dare. Hac 4
mihi admiratione dignus imperator non vide-
retur, si inter Fabricios, & Scipiones, & Ca-
millos talis esset. Tunc enim illum imitatio-
nis ardor, semperque melior aliquis accenderet.
Postquam vero studium armorum a manibus 5
ad oculos, ad voluptatem a labore translatum
est: postquam exercitationibus nostris non ve-
teranorum aliquis, cui decus muralis aut ciui-
ca; sed Graeculus magister assistit: quam ma-
gnum est, vnum ex omnibus patrio more, pa-
tria virtute laetari, & sine aemulo, ac sine
exemplo secum certare, secum contendere; ac
Dd 5 sicut

sicut imperat solus, solum ita esse, qui debent
imperare?

XIV. Nonne incunabula haec tibi, Cae-
sar, & rudimenta, quum puer admodum Par-
thica lauro gloriam patris augeres, nomenque
Germanici iam tum mererere, quum ferociam
superbiamque barbarorum ex proximo audi-
tus magno terrore cohieres, Rhenumque &
Euphratem admirationis tuae societate con-
iungeres? quum orbem terrarum non pedibus
magis, quam laudibus peragrares? apud eos
semper maior & clarior quibus postea conti-
gisses. Et nec dum imperator, nec dum dei
filius eras. Germaniam quidem cum pluri-
mae gentes, ac prope infinita vastitas inter-
iacentis soli, tum Pyrenaeus, Alpes, immen-
sique alii montes, nisi his compararentur, mu-
niunt dirimuntque. Per hoc omne spatium
quum legiones duceres, seu potius (tanta ve-
locitas erat) raperes: non vehiculum vñquam,
non equum respexisti. Leuis hic, non subsidi-
dium itineris, sed decus, & cum ceteris sub-
sequebatur: vt cuius nullus tibi usus, nisi
quum die statuorum proximum campum ala-
4 critate, discursu, puluere attolleret. Initium
laboris mirer, an finem? multum est, quod
perseuerasti; plus tamen, quod non timuisti,
5 ne perseuerare non posses. Nec dubito, quin
ille, qui te inter illa Germaniae bella ab His-
pania vsque, vt validissimum praesidium, ex-
ciue-

eiuera^t, iners ipse, alienisque virtutibus tunc quoque inuidus imperator, quum ope earum indigeret, tantam admirationem tui, non sine quodam timore concepe it; quantam ille genitus Ioue post saeuos labores, duraque imperia regi suo indomitus semper indefessusque re- ferebat: quum aliis super alias expeditionibus munere alio dignus inuenireris.

XV. Tribunus vero disiunctissimas ter-
ras teneris adhuc annis viti firmitate lustrasti:
iam tunc praemonente Fortuna, vt diu peni-
tus perdisceres, quae mox praecipere deberes.
Neque enim prospexitile castra, bieuemque mi-
litiam quasi transisse contentus, ita egisti tri-
bunum, vt esse statim dux posses, nihilque di-
scendum haberes tempore docendi. Cognoui-
sti per stipendia decem, mores gentium, regionum
situs, opportunitates locorum; & diuer-
sam aquarum coelique temperiem, vt patrios
fontes patriumque sidus, ferre consuesti. Quo-
ties equos, quoties emerita arma mutasti. Ve-
niet ergo tempus, quo posteri visere, visendum
tradere mihoribus suis gestient, quis sudores
tuos hauserit campus, quae refectiones tuas ar-
bores, quae somnum faxa praetexerint, quod
denique tectum magnus hospes impleueris, vt
tunc ipsi tibi ingentium ducum sacra vestigia,
iisdem in locis, monstrabantur. Verum haec
olim: in praesentia quidem, qui quis paullo
vetustior miles, hic te commilitone censetur.

Quo-

Quotus enim quisque, cuius tu non ante commilito, quam imperator? Inde est, quod prope omnes nomine appellas; quod singulorum fortia facta commemoras: nec habent adnumeranda tibi pro republica vulnera, quibus statim laudator & testis contigisti.

XVI. Sed magis praedicanda moderatio tua, quod innutritus bellicis laudibus pacem amas: nec quia vel pater tibi triumphalis, vel adoptionis tuae die dicata Capitolino Ioui laureatus, idcirco ex occasione omni quaeris triumphos. Non times bella, nec prouocas. Magnum est, Imperator Auguste, magnum est stare in Danubii ripa, si transfas, certum triumphi; nec decertare cupere cum recusantibus: quorum alterum fortitudine, alterum moderatione efficitur. Nam ut ipse nolis pugnare, moderatio; fortitudo tua praestat, ut neque hostes tui velint. Accipiet ergo aliquando Capitolium non mimicos currus, nec falsae simulacra victoriae; sed imperatorem veram ac solidam gloriam reportantem, pacem, tranquillitatem, & tam confessa hostium obsequia, ut vincendus nemo fuerit. Pulchrius hoc omnibus triumphis. Neque enim vñquam, nisi ex contemptu imperii nostri factum est, ut vinceremus. Quod si quis barbarus rex eo insolentiae furorisque processerit, ut iram tuam indignationemque mereatur: nac ille, siue interfuso mari, seu fluminibus immensis, seu praecipi-

cipi monte defenditur, omnia haec tam pro-
na tamque cedentia virtutibus tuis sentiet, vt
subledisse montes, flumina exaruisse, interceptum
mare, illatasque sibi non esse classes no-
stras, sed terras ipsas arbitretur.

XVII. Videor iam cernere non spoliis
prouinciarum, & extorto sociis auro, sed ho-
stilibus armis, captorumque regum catenis trium-
phum grauem. Videor ingentia ducum nomi-
na, nec indecora nominibus corpora noscitare.
Videor intueri immanibus ausis barbarorum 2
onusta fercula, & sua quemque facta vinctis
manibus sequentem: mox ipsum te sublimem
instantemque curru domitarum gentium tergo;
ante currum autem clipeos, quos ipse perfo-
deris. Nec tibi opima desuerint, si quis re- 3
gum venire in manus audeat; nec non modo
telorum tuorum, sed etiam oculorum mina-
rumque coniectum, toto campo totoque exer-
citu opposito, perhorrescat. Meruisti proxima 4
moderatione, vt quandocunque te vel inferre
vel propulsare bellum coegerit imperii digni-
tas, non ideo viciisse videaris ut triumphares;
sed triumphare, quia viceris.

XVIII. Aliud ex alio mihi occurrit.
Quam speciosum est, quod disciplinam casto-
rum lapsam extinctamque refouisti, depulso
prioris seculi malo, inertia, & contumacia, &
deditigatione parendi? Tutum est reuerentiam,
tutum

tutum caritatem mereri: nec ducum quisquam,
 aut non amari a militibus, aut amari timeret:
 & inde offensae gratiaeque pariter securi, in-
 instant operibus, adsunt exercitationibus, arma,
 3 moenia, viros aptant. Quippe non is prin-
 ceps, qui sibi imminere, sibi intendi putet,
 quod in hostes paretur: quae persuasio fuit
 illorem, qui hostilia quam facerent, timebant.
 Idem ergo torpere militaria studia, nec ani-
 mos modo, sed & corpora ipsa languescere,
 gladios etiam incuria hebetati retundique gau-
 4 debant. Duce porro nostri, non tam regum
 exterorum, quam suorum principum insidias,
 nec tam hostium, quam commilitonum manus
 ferrumque metuebant.

XIX. Est haec natura sideribus, ut par-
 va & exilia validiorum exortus obsecuret: simi-
 liter imperatoris aduentu legatorum dignitas
 2 inumbratur. Tu tamen maior omnibus qui-
 dem eras, sed sine ullius deminutione maior:
 eandem auctoritatem praesente te quisque,
 quam absente, retinebat: quin etiam plerisque
 ex eo reuerentia accesserat, quod tu quoque
 3 illos reuerebare. Itaque perinde summis at-
 que infimis carus, sic imperatorem commilito-
 nemque miscueras, ut studium omnium labo-
 remque, & tanquam exactor intenderes, &
 4 tanquam perticeps sociusque relevares. Felic-
 es illos, quorum fides & industria non per
 internuntios & interpretes, sed ab ipso te,
nec

nec auribus tuis, sed oculis, probabatur! Consequuti sunt, vt absens quoque de absentibus nemini magis, quam tibi, crederes.

XX. Iam te ciuium desideria reuocabant, amoremque castrorum superabat caritas patriae. Iter inde placidum ac modestum, vt plane a pace redeuntis. Nec vero ego in laudibus tuis ponam, quod aduentum tuum non pater quisquam, non maritus expauit. Affectionata aliis castitas, tibi ingenita & innata, interque ea, quae imputare non possis. Nullus in exigendis vehiculis tumultus, nullum circa hospitia fastidium; annona, quae ceteris; ad hoc, comitatus accinctus, & parens: diceres magnum aliquem ducem, & te potissimum ad exercitus ire: adeo nihil, aut certe parum intererat inter imperatorem factum, & breui futurum. Quam dissimilis nuper alterius principis transitus? si tamen transitus ille non populatio fuit, quum abactus hospitum exerceret, omniaque dextra laeuaque perusta & attrita, vt si vis aliqua, vel ipsi illi barbari, quos fugiebat, incidenterent. Persuadendum provinciis erat, illud iter Domitiani fuisse, non principis. Itaque non tam pro tua gloria, quam pro utilitate communi, edicto subiecisti, quid in utrumque vestrum esset impensum. Adsuescat imperator, cum imperio calculum ponere: sic exeat, sic redeat, tanquam rationem redditurus; edicat, quid absumperit. Ita fiet,

6 ut non absumat, quod pudeat dicere. Praeterea futuri principes, velint nolint, sciant; tanti tuum constat: propositisque duobus exemplis meminerint, perinde coniecturam de moribus suis homines esse facturos, priout hoc vel illud elegerint.

XXI. Nonne his tot tantisque meritis nouos aliquos honores, nouos titulos merebare? At tu etiam nomen Patris Patriae recusabas. Quam longa nobis cum modestia tua
 2 pugna? quam tarde vicimus? Nomen illud, quod alii primo statim principatus die, vt Imperatoris & Caesaris, receperunt, tu usque eo distulisti, donec tu quoque beneficiorum tuorum parcissimus aestimator, iam te mereri
 3 fatereris. Itaque soli omnium contigit tibi, vt pater patriae esses ante quam fieres, eras enim in animis, in iudiciis nostris: nec publicae pietatis intererat, quid vocare: nisi quod ingrata sibi videbatur, si te Imperatorem potius vocaret & Caesarem, quum patrem ex-
 4 periretur. Quid quidem nomen qua benignitate, qua indulgentia exeres! vt cum ciuiibus tuis, quasi cum liberis parens, viuis! vt reuersus imperator, qui priuatus exieras, agnoscis, agnosceris! eodem nos, eundem te putas: par omnibus, & hoc tantum ceteris maior, quo melior.

XXII. Ac primum qui dies ille, quo
spectatus desideratusque vibem ingressus es?
Iam hoc ipsum, quod ingressus es, quam mi-
rum laetumque! Nam priores inuchi & im-
portari solebant: non dico quadriugo curru,
& albentibus equis, sed humeris hominum,
quod arrogantius erat. Tu sola corporis pro-
ceritate elatior aliis & excelsior, non de pa-
tientia nostra quendam triumphum, sed de su-
perbia Principum egisti. Ergo non aetas quem-
quam, non valetudo, non sexus retardauit, quo
minus oculos insolito spectaculo impleret. Te 3
paruuli noscere, ostentare iuuenes, mirari senes,
aegri quoque neglecto medentium imperio, ad
conspicuum tui, quasi ad salutem sanitatemque
prorepere. Inde alii se satis vixisse, te viso,
te recepto; alii nunc magis esse viuendum
praedicabant. Feminas etiam tunc foecundita-
tis suae maxima voluptas subiit, quum cerne-
rent, cui principi ciues, cui imperatori mili-
tes, peperissent. Videres reserta tecta ac la-
borantia, ac ne eum quidem vacantem locum,
qui nonnisi suspensum & instabile vestigium ca-
peret: oppletas vndique vias, angustumque tra-
mite relictum tibi; alacrem hinc atque inde
populum, vbique par gaudium paremque cla-
morem. Tam aequali ab omnibus ex aduentu 4
tuo laetitia percepta est, quam omnibus veni-
sti: quae tamen ipsa cum ingressu tuo crevit,
ac propo in singulos gradus adiecta est.
1830

XXIII. Gratum erat cunctis, quod servatum osculo exciperes, ut dimissus osculo fueras: gratum, quod equestris ordinis decora honore nominum sine monitore signares; gratum, quod tantum non ultra clientibus salutatis quasdam familiaritatis notas adderes.

2 Gratius tamen, quod sensim & placide, & quantum respectantium turba pateretur, incederes: quod occursantium populus te quoque, te, immo maxime, adstaret: quod primo statim die latus tuum crederes omnibus. Neque enim stipatus satellitum manu, sed circumfusus vnde nunc Senatus, nunc equestris ordinis flore, prout alterutrum frequentiae genus inualuisset, silentes quietosque lectores tuos subsequebare: nam milites nihil a plebe habi-

4 tu, tranquillitate, modestia, differebant. Vbi vero coepisti Capitolium adscendere, quam laeta omnibus adoptionis tuae recordatio? quam peculiare gaudium eorum, qui te primi eodem loco salutauerant imperatorem? quin etiam deum ipsum tunc praecipuam voluptatem operis sui percepisse crediderim. Ut quidem iisdem vestigiis institisti, quibus parens tuus ingens illud deorum prolaturus arcanum: quae circumstantium gaudia? quam recens clamor? quam similis illi dies, qui hunc genuit diem? vt plena altaribus, augusta victimis cuncta! vt in unius salutem collata omnium vota! quum sibi se ac liberis suis intelligerent

6 precari, quae pro te precarentur. Inde tu in
Pala-

Palatium quidem, sed eo vultu, sed ea moderatione, vt si priuatam domum peteres: ceteri ad penates suos quisque, iteraturus gaudii fidem, vbi nulla necessitas gaudendi est.

XXIV. Onerasset alium eiusmodi introitus, tu quotidie admirabilior & melior, talis denique, quales alii principes futuros se tantum pollicentur. Solum ergo te commendat augetque temporis spatium. Iunxisti enim ac miscuisti res diuersissimas, securitatem olim imperantis, & incipientis pudorem. Non tu ci-
vium amplexus ad pedes tuos deprimis, nec osculum manu reddis. Manet imperatori, quae prior oris humanitas, dextrae verecundia. Incedebas pedibus; incedis: laetabar is labore; laetaris. Eadem, quae omnia illa circa te, nihil in ipso te Fortuna mutauit. Liberum est, 3 ingrediente per publicum principe, subsistere, occurtere, comitari, praeterire: ambulas inter nos, non quasi contingas; & copiam tui, non vt imputes, facis. Haeret lateri tuo quisquis accessit, fineisque sermoni suus cuique pudor, non tua superbia, facit. Regimur quidem a te, & subjecti tibi, sed quemadmodum legibus, sumus. Nam & illae cupiditates nostras libidinesque moderantur, nobiscum tamen & inter nos versantur. Emines, excellis, vt honor, vt potestas, quae super homines quidem, hominum sunt tamen. Ante te principes, fastidio nostri, & quodam aequalitatis metu, usum

Ec 2

pedum

pedum amiserant. illos ergo humeri cervicesque seruorum super ora nostra; te fama, te gloria, te ciuium pietas, te libertas super iplos principes vobis; te ad sidera tollit humus ita communis, & confusa principis vestigia.

XXV. Nec vereor, P. C. ne longior videar, quum sit maxime optandum, ut ea, pro quibus aguntur principi gratiae, multa sint: quae quidem reuerentius fuerit integra illibataque cogitationibus vestris reseruari, quam carptim breuiterque perstringi, quia fere sequitur, ut illa quidem, de quibus taceas, tantumta, quanta sunt, esse videantur. Nisi vero leviter attingi placet, locupletatas tribus, datumque congiarium populo, & datum totum, quum donatiui partem milites accepissent. An mediocris animi est, his potius repraesentare, quibus magis negari potest? quamquam in hac quoque diuersitate aequalitatis ratio seruata est. Aequati sunt enim populo milites eo quod partem, sed priores; populus militibus, quod posterior, sed totum statim accepit. ³Enimuero qua benignitate diuisum est? quantae curae tibi fuit, ne quis expers liberalitatis tuac fieret? Datum est his, qui post editum tuum in locum erasorum subditi fuerant: aequatique sunt ceteris illi etiam, quibus non erat promissum. Negotiis aliquis, valetudine alius, hic mari, ille fluminibus distingebatur: exspectatum est prouisumque, ne quis aeger,

aeger, ne quis occupatus ne quis denique longe fuisset: veniret quisque quum vellet: veniret quisque quum posset. Magnificum, Caesar, & tuum, disiunctissimas terras munificentiae ingenio velut admouere, immensaque spatia liberalitate contrahere: intercedere casibus, occurssare fortunae, atque omni ope adniti, ne quis e plebe Romana, dante congiarium te, hominem magis sentiret se fuisse, quam ciuem.

XXVI. Aduentante congiarii die, obseruare principis egressum in publicum, insidere examina infantium, futurusque populus solebat. Labor parentibus erat, ostentare paruulos, impositosque ceruicibus adulantia verba blandasque voces edocere: reddebant illi, quae monebantur. Ac plerique irritis precibus surdas principis aures adstrepebant; ignarique quid rogassent, quid non impetrassent, donec plane scirent, differebantur. Tu ne rogari quidem sustinuisti, & quamquam laetissimum oculis tuis esset, conspectu Romanæ sobolis impleri, omnes tamen, antequam te viderent adirentur, recipi, incidi iussisti: vt iam inde ab infantia parentem publicum munere educationis experientur: crescerent de tuo, qui crescerent tibi, alimentisque tuis ad stipendia tua peruenirent, tantumque omnes vni tibi, quantum parentibus suis quisque deberet. Recte, Caesar, quod spem Romani nominis sumtibus tuis suscipis.

NVLLVM est enim magno principe, immor-
talitate inque merituro, impendii genus digni-
sus, quam quod erogatur in posteris. Locu-
pletes ad tollendo liberos ingentia praemia;
& pares poenae, cohortantur; pauperibus edu-
candis vna ratio est, bonus princeps. Hic fidu-
cia sui procreat, nisi larga manu fouet, au-
get, amplectitur, occasum imperii, occasum rei-
publicae accelerat, FRVSTRAQUE plebe ne-
glecta, vt defectum corpore caput, nutatu-
rumque instabili pendere tuetur. Facile est
coniectare, quod percepis gaudium, quum te
parentum, liberorum, senum, infantium, pue-
rorum clamor exciperet. Haec prima paruu-
lorum ciuium vox aures tuas imbuit, quibus
tu datus alimenta hoc maximum praestitisti,
ne rogarent. Super omnia est tamen, quod
talis es, vt sub te liberos tollere libeat &
expediat.

XXVII. Nemo iam parens filio, nisi fra-
gilitatis humanae vices horret; nec inter in-
sanabiles morbos principis ira numeratur. Ma-
gnum quidem est educandi incitamentum, tol-
lere liberos in spem alimentorum, in spem
congiariorum; maius tamen, in spem liberta-
tis, in spem securitatis. Atque adeo nihil
largiatur princeps, dum nihil auferat; non alat,
dum non occidat: nec deerunt, qui filios con-
cupiscant. Contra, largiatur & auferat; alat
& occidat; nac ille in tam breui tempore ef-
fecerit,

fecerit, vt omnes non posterorum modo, sed
sui parentumque poeniteat. Quocirca nihil ma- 3
gis in tua tota liberalitate laudauerim, quam
quod congiarium das de tuo, alimenta de tuo:
neque a te liberi ciuium, vt ferarum catuli,
sanguine & caedibus nutrijuntur: quodque gra- 4
tissimum est accipientibus, sciunt dari sibi, quod
nemini est ereptum, locupletatisque tam mul-
tis pauperiorem esse factum principem tantum:
quamquam nec hunc quidem. nam CVIVS est,
quidquid est omnium, tantum ipse, quantum
omnes, habet.

XXVIII. Alio me vocat numerosa glo-
ria tua: alio autem? quasi vero iam tatis ve-
neratus miratusque sim, quod tantam pecuni-
am profudisti, non vt flagitiis tibi conscius ab
insectatione eius auerteres famam; nec vt tri-
stes hominum moestosque sermones laetiore ma-
teria detineres. Nullam congiario culpam, nul- 2
lam alimentis crudelitatem redemisti, nec tibi
benefaciendi fuit caussa, vt, quae male feceras,
impune fecisses. amor impendio isto, non ve-
nia quaesita est: populusque Romanus obliga-
tus a tribunali tuo, non exoratus recessit.
Obtulisti enim congiarium gaudentibus gaudens, 3
securusque securis: quodque antea principes ad
odium sui leniendum tumentibus plebis animis
obiecerabant, id tu tam innocens populo dedi-
sti, quam populus accepit. Paullo minus, P. 4
C. quinque millia ingenuorum fuerunt, quae

Ec 4

libe-

liberalitas principis nostri conquisiuit, inuenit,
adieciuit. Hi subsidium bellorum, ornamentum
pacis, publicis sumtibus aluntur, patriamque
non ut patriam tantum, verum ut altricem
5 amare condiscunt. Ex his castra, ex his tri-
bus replebuntur: ex his quandoque nascen-
6 tur, quibus alimentis opus non sit. Dent tibi,
Caesar, aetatem dii, quam mereris, seruentque
animum, quem dederunt: & quanto maiorem
infantium turbam iterum atque iterum vide-
7 bis incidi? Augetur enim quotidie & crescit,
non quia cariores parentibus liberi, sed quia
principi ciues. Dabis congiaria si voles, praec-
stabis alimenta si voles: illi tamen propter te
nascentur.

XXIX. Instar ego perpetui congiarii
reor affluentiam annonae. Huius aliquando
cura Pompeio non minus addidit gloriae, quam
pulsus ambitus campo, exactus hostis mari,
2 oriens triumphis occidensque lustratus. Nec
vero ille ciuilis, quam parens noster, auctoritate,
consilio, fide relusit vias, portus pa-
tefecit, itinera terris, littoribus mare, littora
mari reddidit, diuersasque gentes ita commer-
cio miscuit, vt quod genitum esset usquam,
3 id apud omnes natum esse videretur. Nonne
cernere datur, ut sine ullius iniuria omnis
usibus nostris annus exuberet? Quippe non,
ut ex hostico raptae, perituraeque in horreis
messes, nequidquam quiritantibus sociis aufer-
runtur.

runtur. Deuehunt ipsi, quod terra genuit, 4
quod fidus aluit, quod annus tulit: nec nouis
indictionibus pressi ad vetera tributa deficiunt.
Emit fiscus, quidquid videtur emere; inde co- 5
piae, inde annona, de qua inter licentem ven-
didentemque conueniat: inde hic satietas, nec
fames vaquam.

XXX. Aegyptus alendis augendisque
seminibus ita gloriata est, ut nihil imbribus
coeloque deberet: siquidem proprio semper
amne perfusa, nec alio genere aquarum solita
pinguescere, quam quas ipse deuexerat, tan-
tis segetibus induebatur, ut cum feracissimis
terrīs, quasi nunquam cœlura, certaret. Haec 2
inopina siccitate vsque ad iniuriam sterilitatis
exaruit. quia piger Nilus cunctanter alueo
fese ac languide extulerat, ingentibus quidem
tunc quoque ille, fluminibus tamen, conferen-
dus. Hinc pars magna terrarum, mergi repa- 3
rarique palanti amne consueta, alto puluere
incanduit. Frustra iunc Aegyptus nubila op-
tauit, coelumque respexit, quum ipse foecun-
ditatis parens contractior & exilior, iisdem vber-
tatem eius anni angustiis, quibus abundantiam
suam, cohibusset. Neque enim solum vagus 4
ille, cum expanditur, amnis intra usurpata sem-
per collium substiterat atque haeserat; sed su-
pino etiam ac detinenti solo, non placido se
mollique lapsu refugum abstulerat: & nec dum
satis humentes terras addiderat arentibus. Igi- 5
Ec 5 tur

tur inundatione, id est, vbertate, regio frau-
data, sic opem Caesaris inuocauit, vt solet
amnem suum: nec longius illi aduersorum fuit
spatium, quam dum nuntiat. Tam velox,
Caesar, potentia tua est, tamque in omnia pa-
riter intenta bonitas & accincta, vt trifius ali-
quid seculo tuo passis, ad remedium salutem-
que sufficiat, vt scias.

XXXI. Omnibus equidem gentibus fer-
tilest annos gratasque terras precor: credide-
rim tamen per hunc Aegypti statum tua For-
tunam vires experiri, tuamque vigilantiam
spectari voluisse. Nam quum omnia vbiique
secunda mereari; nonne manifestum est, si quid
aduersi cadat, tuis laudibus, tuisque virtuti-
bus materiem campumque prosterne. quum se-
cunda felices, aduersa magnos probent? Per-
crebuerat antiquitus, vrbem nostram nisi op-
ibus Aegypti ali sustentarique non posse. Su-
perbiebat ventosa & insolens natio, quod vi-
ctorem quidem populum, pasceret tamen;
quodque in suo flumine, in suis nauibus vel
abundantia nostra vel fames esset. Refudimus
Nilo suas copias: recepit frumenta, quae mi-
serat, deportatasque messes reuexit. Discat
igitur Aegyptus, creditque experimento, non
alimenta se nobis, sed tributa praestare: sciat
se non esse populo Romano necessariam, & ta-
men seruiat. Post haec, si volet, Nilus amet
alueum suum, & fluminiis modum seruet: ni-
hil

hil hoc ad urbem, ac ne ad Aegyptum quidem, nisi vt inde nauigia inania & vacua, & simil a redeuntibus, hinc plena & onusta, & qualia solent venire, mittantur; conuersoque munere mari, hinc potius venti ferentes & breuis cursus optentur. Mirum, Caelar, vi-
deretur, si desidem Aegyptum, cessantemque Nilum non sensisset urbis annona; quae tuis opibus, tua cura usque illuc redundauit, ut simul probaretur, & nos Aegypto posse, & no-
bis Aegyptum carere non posse. Actum erat
de foecundissima gente, si libera fuisset: pude-
bat sterilitatis insolitae, nec minus erubescerat
fame, qua torquebatur; quum pariter a te ne-
cessitatibus eius pudorique subuentum est. Stu-
pebant agricultae plena horrea, quae non ipsi
referrissent, quibus de campis illa subiecta mes-
sis? quae in Aegypti parte alius amnis? Ita
beneficio tuo, nec maligna tellus; & obsequens
Nilus, Aegypto quidem saepe, sed gloriae no-
strae nunquam largior fluxit.

XXXII. Quam nunc iuuat, prouincias
omnes in fidem nostram ditionemque venisse,
postquam contigit princeps, qui terrarum fo-
ecunditatem nunc huc nunc illuc, ut tempus, &
necessitas posceret, transferret referretque? qui
diremtam mari gentem, ut partem aliquam po-
puli pleisque Romanae, aleret ac tueretur.
Et coelo quidem nunquam benignitas tanta,
ut omnes simul terras vberet foueatque: hic
omni-

omnibus pariter, si non sterilitatem, at mala sterilitatis extubat: hic, si non foecunditatem, at bona foecunditatis importat. Hic alternis commeatibus orientem occidentemque connectit, ut, quae ubique seruntur, quaeque expetuntur, omnes gentes inuicem capiant & discant, quanto libertati discordi seruientibus
 3 sit utilius, vnum esse, cui seruant. Quippe discretis quidem bonis omnium sua cuiusque ad singulos mala; sociatis autem atque permixtis singulorum mala ad neminem, ad omnes omnium bona pertinent. Sed siue terris diuinitas quaedam, siue aliquis amnibus genius: & solum illud & flumen ipsum precor, ut hac principis benignitate contentum, molli gremio
 4 semina recondat, multiplicata restituat. Non equidem reposcimus foenus: putet tamen esse soluendum, fallacemque vnius anni fidem omnibus annis, omnibusque postea seculis tanto magis, quia non exigimus, excuset.

XXXIII. Satisfactum qua ciuium, qua sociorum utilitatibus. Visum est spectaculum inde non enerue, nec fluxum, nec quod animos virorum molliret & frangeret, sed quod ad pulchra vulnera contemtumque mortis accenderet: quum in seruorum etiam noxiorumque corporibus amor laudis & cupido victoriae cerneretur. Quam deinde in edendo liberalitatem, quam iustitiam exhibuit, omni affectione aut intactus, aut maior! Impetratum
 cl³

est, quod postulabatur: oblatum, quod non postulabatur. Iassitit vltro, & vt concupisceremus, admonuit: ac sic quoque plura inopinata, plura subita. Iam quam libera spectantium studia, quam securus fauor? Nemini impietas, vt solebat, obiecta, quod odisset gladiatorem: nemo e spectatore spectaculum factu, miserias voluptates vno & ignibus expiauit. Demens ille, verique honoris ignarus, qui criminata maiestatis in arena colligebat, ac se despici & contemni, nisi etiam gladiatores eius veneraremur: sibi maledici in illis, suam diuinitatem, suum numen violari, interpretabatur; quum se idem quod deos, idem gladiatores, quod se putabat.

XXXIV. At tu, Caesar, quam pulchrum spectaculum pro illo nobis execrabilis reddidisti? Vidimus delatorum iudicium, quasi grassatorum, quasi latronum. Non solitudinem illi, non iter, sed templum, sed forum infederant: nulla iam testamenta secura, nullus status certus: non orbitas, non liberi proderant. Auxerat hoc malum principum avaritia. Aduerti oculos, atque, vt ante castris, ita postea patrem foro reddidisti: excidisti intestinum manum: & prouida seueritate cauisti, ne fundata legibus ciuitas euersa legibus videretur. Licet ergo cum fortuna, tum liberalitas tua visenda nobis praebuerit, vt praebuit, nunc ingentia robora virorum, & pares animos, nunc immunita-

nitatem ferarum, nunc mansuetudinem inco-
gnitam; nunc secretas illas & arcanae, ac sub-
te primum communes ope; nihil tamen grati-
us, nihil seculo dignius, quam quod contigit
desuper intueri delatorum supina ora, retor-
4 tasque ceruices. Agnoscebamus & fruebamur,
quum velut piaculares publicae solitudinis
victimae supra sanguinem noxiorum, ad lenta
5 supplicia grauioresque poenas ducerentur. Con-
gesti sunt in nauigia raptim conquisita, ac tem-
pestatibus dediti abirent, fugerentque vasta-
tas delationibus terras: ac si quem fluctus ac
procellae scopulis reseruassent, hic nuda saxa
& inhospitale littus incoleret: ageret duram
& anxiam vitam, relictaque post tergum to-
tius generis humani securitate, moereret.

XXXV. Memoranda facies, delatorum
classis permissa omnibus ventis, coactaque vela
tempestatibus pandere, iratosque fluctus sequi,
quoscunque in scopulos detulissent. Iupabat,
prospectare statim a portu sparsa nauigia, &
apud illud ipsum mare agere principi gratias,
qui, clementia sua salua, vltionem hominum
2 terrarumque diis maris commendasset. Quan-
tum diuersitas temporum posset, tum maxime
cognitum est, quum iisdem, quibus antea cau-
tibus innocentissimus quisque, tunc nocentissi-
mus affigeretur, quumque insulas omnes, quas
modo senatorum, iam delatorum turba com-
pleret; quos quidem non in praesens tantum,
sed

sed in aeternum repressisti, mille poenarum in-
dagine inclusos. Ereptum alienas pecunias eunt; 3
perdant, quas habent: expellere penatibus ge-
stunt; suis extuibentur; neque, vt antea, ex-
sanguem illam & ferream frontem necquid-
quam conuulnerandam praebeant punctis, &
notas suas rideant; sed aspectent paria prae-
mio damna, nec maiores spes, quam metus
habeant; timeantque, quantum timebantur.
Ingenti quidem animo diuus Titus securitati 4
nostrae vltionique prospexerat, ideoque numi-
nibus aequatus est: sed quanto tu quandoque
dignior coelo, qui tot res illi adieciſti, pro-
pter quas illum deum fecimus? Id hoc magis
arduum fuit, quod Imperator Nerua, te filio,
te successore dignissimus, per quem magna quae-
dam edicto Titi adstruxerat, nihilque reliquisse
tibi videbatur, qui tam multa excogitasti, vt
si ante te nihil esset inuentum. Quae singu- 5
la, quantum tibi gratiae dispensata adieciſ-
sent? at tu simul omnia profudisti; vt sol &
dies non parte aliqua, sed statim totus, nec
vni aut alteri, sed omnibus in commune, pro-
fertur.

XXXVI. Quam iuuat cernere aerarium
ſilens & quietum, & quale ante delatores erat!
Nunc templum illud, nunc vere aedes, non
ſpoliarium ciuium, cruentarumque praedarum
ſaeuum receptaculum, ac toto in orbe terra-
rum adhuc locus vnuſ, in quo, optimo princ-
pe,

2 pe; boni malis impares essent. Manet ~~tamen~~ honor legum, nihilque ex publica utilitate conuultum; nec poena cuiquam remissa, sed addita est vltio, solumque mutatum, quod iam
3 non delatores, sed leges timentur. At fortasse non eadem seueritate fiscum, qua aerarium, cohibus. Immo tanto maiore, quanto plus tibi licere de tuo, quam de publico credis. Dicitur actori atque etiam procuratori tuo: IN IVS VENI; SEQVERE AD TRIBVNAL.
4 Nam tribunal quoque excogitatum principatui est, par ceteris, nisi illud litigatoris amplitudine metiaris. Sors & vrna fisco iudicem assignat: licet reiicere, licet exclamare: Hunc nolo, timidus est, & bona seculi parum intelligit: illum nolo, quia Caesarem fortiter amat. Eodem foro vtuntur principatus & libertas. Qiae praecipua tua gloria est, saepius vincitur fiscus; cuius mala caussa
5 nunquam est, nisi sub bono principe. Ingens hoc meritum, maius illud, quod eos procuratores habes, vt plerumque ciues tui non alios iudices malint. Liberum est autem disceptanti dicere: NOLO EVM ELIGERE. neque enim ullam necessitatem muneribus tuis addis, vt qui scias, hanc esse beneficiorum principalium summam, si illis & non vti licet.

XXXVII. Onera imperii, pleraque vestigalia institui, vt pro utilitate communi, ita singulorum iniuriis coegerunt. His Vicesuma
reperto

reperta est, tributum tolerabile & facile here-
dibus dumtaxat extraneis, domesticis graue.
Itaque illis irrogatum est, his remissum. vi- 2
delicet quod manifestum erat, quanto cum do-
lore laturi, seu potius non laturi homines es-
sent, destringi aliquid & abradi bonis, qua-
sanguine, gentilitate, sacrorum denique socie-
tate meruissent, quaeque nunquam ut aliena
& speranda, sed ut sua semperque possessa, ac
deinceps proximo cuique transmittenda cepis-
sent. Haec mansuetudo legis veteribus ciui- 3
bus seruabatur: noui, seu per Latium in ci-
vitatem, seu beneficio principis venissent; nisi
simul cognationis iura impetrassent, alienissimi
habebantur, quibus coniunctissimi fuerant. Ita 4
maximum beneficium vertebatur in grauissi-
mam iniuriam, ciuitasque Romana instar erat
odii, & discordiae, & orbitatis, quum carissi-
ma pignora, salua ipsorum pietate, distraheret.
Inueniebantur tamen, quibus tantus amor no-
minis nostri inesset, ut Romanam ciuitatem non
Vicesimae modo, verum etiam affinitatum da-
mmo bene compensari putarent, sed his maxi-
me debebat gratuita contingere, & quibus tam
magno aestimabatur. Igitur pater tuus sanxit, 6
vt, quod ex matris ad liberos, ex liberorum
bonis peruenisset ad matrem, etiamsi cognatio-
num iura non recepissent, quum ciuitatem adi-
piscerentur, eius Vicesimam ne darent. Ean- 7
dem immunitatem in paternis bonis filio tri-
buit, si modo reductus esset in patris potesta-

tem: ratus, improbe & insolenter ac paene impie his nominaibus inseri publicanum: nec sine piaculo quodam sanctissimas necessitudines velut intercedente Vicesima scindi, nullum esto tanti vestigal, quod liberos ac parentes ficeret extraneos.

XXXVIII. Hactenus ille: parcus fortasse, quam decuit optimum principem, sed non parcus, quam optimum patrem, qui optimum adoptaturus, hoc quoque parentis indulgentissimi fecit, quod delibasse quaedam seu potius demonstrasse contentus, largam, ac prope intactam beneficiandi materiam filio referauit. Statim ergo muneri eius liberalitas tua adstruxit, ut quemadmodum in patris filius, sic in hereditate filii pater esset immunis, nec eodem momento, quo pater esse desisset, hoc quoque amitteret, quod fuisset. Egregie, Caesar, quod lacrymas parentum vestigales esse non pateris. Bona filii pater sine diminutione possideat, nec socium hereditatis accipiat, quem non habet luctus: nemo recentem & attonitam orbitatem ad computationem vocet, cogatque patrem, quid reliquerit filius, scire. Augeo P. C. principis munus, quum ostendo, liberalitati eius inesse rationem. Ambitio enim, & iactantia, & effusio, & quiduis potius, quam liberalitas existimanda est, cui ratio non constat. Dignum ergo, imperator, mansuetudine tua, minuere orbitatis iniurias, nec pati quemquam,

quam, filio amissso, insuper adfici alio dolore.
Sic quoque abunde misera res est, pater filio
solus heres: quid si coheredem non a filio ac-
cipiat? Adde, quod quum diuus Nerua san- 6
xisset, vt in paternis bonis liberi necessitate
Vicesimae soluerentur, congruens erat, eandem
immunitatem parentes in liberorum bonis ob-
tinere. Cur enim posteris amplior honor, quam 7
maioribus haberetur? curue non retro quoque
recurreret aequitas eadem? Tu quidem, Cae-
sar, illam exceptionem remouisti, si modo filius
in potestate patris fuisset: intuitus, opinor,
vim legemque naturae, quae semper in ditione
parentum esse liberos iussit, nec vti inter pe-
cudes, sic inter homines potestatem & impe-
rium valentioribus dedit.

XXXIX. Nec vero contentus primum
cognitionis gradum abstulisse Vicesimae, secun-
dum quoque exemit, cavitque, vt in sororis
bonis frater, & contra, in fratris soror, vtque
auis, auia, in neptis nepotisque, & inuicem
illi, seruarentur immunes. His quoque, qui- 2
bus per Latium ciuitas Romana patuisset,
idem indulxit, omnibusque inter se cognatio-
num iura commisit, simul & pariter, & more
naturae; quae priores principes a singulis ro-
gari gestiebant, non tam praestandi animo,
quam negandi. Ex quo intelligi potest, quan- 3
tae benignitatis, quanti spiritus fuerit, spar-
tas, atque, vt ita dicam, laceras gentilitates

colligere atque connectere, & quasi renasci iubere; deferre quod negabatur, atque id praestare cunctis, quod saepe singuli non impetrassent: postremo, ipsum sibi eripere tot beneficiorum occasiones, tam numerosam obligandi imputandique materiam. Indignum credo ei visum, ab homiae peti, quod dii dedissent. Sorores estis & frater, avus & nepotes; quid est ergo, cur rogetis, vt sitis? vobis estis. Qui? pro cetera sua moderatione non minus inuidiosum putat dare hereditatem, quam auferre. Laeti ergo adite honores, capessite ciuitatem, neminem hoc necessitudinis abruptum, velut truncum amputatumque, destituet: iisdem omnes, quibus ante pignoribus, sed honestiores perfruentur. Ac ne remotus quidem, iamque deficientis affinitatis gradus a qualibet quantitate Vicesimam inferre cogetur. statuit enim communis omnium parens summam, quae publicanum pati possit.

XL. Carebit onere Vicesimae parva & exilis hereditas: & si ita gratus heres volet, tota sepulcro, tota funeri seruiet. nemo obseruator, nemo castigator adsistet. cuiunque modica pecunia ex hereditate alicuius obuenient, securus habeat quietusque possideat. Ea lex Vicesimae dicta est, vt ad periculum eius perueniri, nisi opibus, non possit. Conuersa est iniquitas in gratulationem; iniuria in votum: optat heres, vt Vicesimam debeat. Additum

est, vt, qui eiusmodi ex caussis in diem edicti
Vicesimam deberent, nondum tamen intulissent,
non inferrent. At in praeteritum subuenire,
ne dii quidem possunt: tu tamen subuenisti,
cauistique, vt desineret quisque debere, quod
non esset postea debiturus. Idem effecisti, ne **4**
malos principes habuissimus; quo ingenio, si
natura pateretur, quam libenter tot spoliatis,
tot trucidatis sanguinem & bona refudisses?
Vetuisti exigi, quod deberi non tuo seculo
cooperat. Alius vt contumacibus irasperetur, **5**
tarditatemque soluendi dupli vel & quadru-
pli irrogatione mulctaret: tu nihil referre ini-
quitatis existimas, exigas, quod deberi non
oportuerit, an constituas, vt debeat?

XLI. Feres, Caesar, curam & solicitudi-
nem consulariem. Nam mihi cogitanti, eun-
dem te collationes remisisse, donatiuum reddi-
disse, congiarium obtulisse, delatores abegisse,
vectigalia temperasse, interrogandus videris,
fatisne computaueris imperii redditus, an tantas
vires habeat frugalitas principis, vt tot impen-
diis, tot erogationibus sola sufficiat? Nam quid **2**
est caussae, cur aliis quidem, quum omnia ra-
perent, & rapta retinerent, vt si nihil rapuis-
sent, nihil detinuissent, defuerint omnia? tibi,
quum tam multa largiaris, & nihil auferas,
omnia supersint? Nunquam principibus defue- **3**
runt, qui fronte graui & tristi supercilie uti-
litatibus fisci contumaciter adessent; & erant

principes ipsi sua sponte audi & rapaces, &
qui magistris non egerent: plura tamen sem-
per a nobis contra nos didicerunt. Sed ad
tuas aures cum ceteris omnibus, tum vel ma-
xime auaris adulacionibus obstructus est adi-
4 tus. Silent ergo & quiescunt, & postquam
non est cui suadeatur; qui suadeant non sunt.
Quo euenit, vt tibi cum plurimum pro tuis,
tum pro nostris moribus debeamus.

XLII. Locupletabant & fiscum & aera-
rium non tam Voconiae & Iuliae leges, quam
MAIESTATIS singulare & vnicum crimen
eorum, qui crimine vacarent. huius tu-
mentum penitus sustulisti, contentus magnitudine,
qua nulli magis caruerunt, quam qui sibi ma-
2iestatem vindicabant. Reddita est amicis fides,
liberis pietas, obsequium seruis: verentur, &
parent, & dominos habent. Non enim iam
serui nostri principis amici, sed nos sumus:
nec pater patriae alienis se mancipibus cario-
3rem, quam ciuibus suis credit. Omnes accu-
satore domestico liberasti, vnoque salutis pu-
blicae signo illud, (vt sic dixerim) seruile bel-
lum sustulisti, in quo non minus seruis, quam
dominis praestitisti. hos enim securos, illos bo-
4nos fecisti. Non vis interea laudari; nec for-
tasste laudanda sint: grata sunt tamen recor-
dantibus principem illum in capita dominorum
seruos subornantem, monstrantemque cri-
mina, quae tanquam delata puniret: magnum
&

& ineuitabile, ac toties cuique experiendum malum, quoties quisque similes principi seruos haberet.

XLIII. In eodem genere ponendum est, quod testamenta nostra secura sunt: nec unus omnium, nunc quia scriptus, nunc quia non scriptus, heres es. Non tu falsis, non tu ini quis tabulis aduocaris. Nullius ad te iracun dia, nullius impietas, nullius furor confugit: nec quia offendit alius, nuncuparis; sed quia ipse meruisti. Scriberis ab amicis, ab ignotis ² praeteriris: nihilque inter priuatum & principem interest, nisi quod nunc a pluribus amaris: nam & plures amas. Tene, Caesar, hunc ³ cursum, & probabitur experimento, si tne fera cius & vberius, non ad laudem modo, sed ad pecuniam, principi, si herede illo mori homines velint, quam si cogantur. Donavit pater ⁴ tuus multa, & ipse donasti. cesserit parum gratus: manent tamen ii, qui bonis eius fruantur, nihilque ex illis ad te, nisi gloria redit. nam **LIBERALITATEM** iucundiores debitor gratus, clariorem ingratus facit. Sed ⁵ quis ante te laudem istam pecuniae practulit? quotusquisque principum ne id quidem in patrimoniis nostris suum duxit, quod esset de suo? Nonne ut regum, ita Caesorum munera illitos cibis hamos, opertos praeda laqueos acumulabantur? quum priuatis facultatibus velut hausta & implicata, retro secum, quidquid at tigerant, referrent?

XLIV. Quam Vtile est, ad usum
 secundorum, per aduersa venisse! Vixisti no-
 biscum, periclitatus es, timuisti, quae tunc erat
 innocentium vita: scis & expertus es, quanto-
 perē DETESTENTVR malos principes eti-
 am, qui malos faciunt. meministi, quae opta-
 re nobiscum, quae sis queri solitus. Nam pri-
 uato iudicio principem geris, meliorem immo-
 te praestas, quam tibi alium precabere. Ita-
 que sic imbuti sumus, ut quibus erat summa
 votorum, melior pessimo princeps; iam non
 possimus, nisi optimum ferre. Nemo est ergo
 tam tui, tam ignarus sui, ut locum ipsum
 post te concupiscat. Facilius est, ut esse ali-
 quis successor tuus possit, quam ut velit. Quis
 enim curae tuae molem sponte subeat? quis
 comparari tibi non reformidet? Expertus &
 ipse es, quam sit onerosum succedere bono
 principi, & adferebas excusationem adoptanti.
 An prona paruaque sunt ad aemulandum,
 quod nemo incolumentem turpitudine repen-
 dit? Salua est omnibus vita, & dignitas vi-
 tiae, nec iam consideratus ac sapiens, qui acta-
 tem in tenebris agit. Eadem quippe sub prin-
 cipe virtutibus praemia, quae in libertate:
 nec bene facto tantum ex conscientia merces.
 Amas constantiam ciuium, rectosque ac viu-
 dos animos non, ut alii, contundis ac depri-
 mis; sed foues & attollis. Prodest bonos esse,
 quum sit satis abundeque, si non nocet: his
 honores, his sacerdotia, his provincias offers:

hi amicitia tua, hi iudicio florent. Acuuntur isto integritatis & industriae pretio similes, dissimiles alliciuntur. nam PRAEMIA bonorum malorumque bonos ac malos faciunt. Pauci adeo ingenio valent, vt non turpe honestumque, prout bene ac secus cessit, expetant fugiantur; ceteri, vbi laboris inertiae, vigilaziae somno, frugalitatis luxuriae merces datur; eadem ira, quibus alios artibus adsequutos vident, consestantur; qualesque sunt illi, tales esse & videri volunt, & dum volunt, fiunt.

XLV. Et priores quidem principes, excepto patre tuo, praeterea uno aut altero, (& nimis dixi), vitiis potius ciuium, quam virtutibus laetabantur. primum quod in alio sua quemque natura delectat: deinde quod patientiores seruitutis arbitrabantur, quos non deceperet esse nisi seruos. Horum in sinum omnia 2 congerebant: bonos autem otio aut situ abstrusos, & quasi sepultos, non nisi delationibus & periculis in lucem ac diem proferebant. Tu 3 amicos ex optimis legis, & hercule aequum est, esse eos carissimos bono principi, qui inuisi malo fuerint. Scis, vt sunt diuersa natura dominatio & principatus, ita non aliis esse principem gratiorem, quam qui maxime dominum grauentur. Hos ergo prouehis, & ostendas quasi specimen & exemplar, quae tibi secta vitae, quod hominum genus placeat: & 4 ideo non censuram adhuc, non praefecturam

morum recepisti; quia tibi beneficiis potius,
 quam remediis ingenia nostra experiri placet.
 Et alioquin nescio, an plus moribus conferat
 princeps, qui bonos esse patitur, quam qui co-
 git. Flexibles quamcunque in partem duci-
 mur a principe, atque, ut ita dicam, sequaces
 sumus. huic enim cari, huic probati esse cu-
 pimus; quod frustra sperauerint dissimiles: eo-
 que obsequii continuatione peruenimus, ut
 prope omnes homines vnius moribus viuamus.
 Porro, non tam sinistre constitutum est, ut
 qui malum principem possimus, bonum non
 possimus imitari. Perge modo, Caesar, & vim
 effectumque censurae, tuum propositum, tui
 actus obtinebunt. Nam VITA principis cen-
 sura est, eaque perpetua: ad hanc dirigimur,
 ad hanc conuertimur: nec tam imperio nobis
 opus est, quam exemplo. Quippe INFIDE-
 LIS recti magister est metus. MELIUS ho-
 mines exemplis docentur, quae in primis hoc
 in se boni habent, quod approbant, quae praec-
 cipiunt, fieri posse.

XLVI. Et quis terror valuerit efficere,
 quod reuerentia tui effecit? Obtinuit aliquis,
 ut spectaculum pantomimorum populus Ro-
 manus tolli pateretur; sed non obtinuit, ut
 2 vellet. Rogatus es tu, quod cogebat alias,
 coepitque esse beneficium, quod necessitas fue-
 rat. Neque enim a te minore concentu, ut
 tolleres pantomimos; quam a patre tuo, ut
 refi-

restitueret, exactum est. Vtrumque recte: 3
 nam & restitui oportebat, quos sustulerat ma-
 lus princeps; & tolli restitutos. IN his enim,
 quae a malis bene fiunt, hic tenendus est mo-
 dus, vt appareat, auctorem displicuisse, non
 factum. Idem ergo populus ille aliquando sce- 4
 nici imperatoris spectator & applausor, nunc
 in pantomimis quoque auersatur & damnat ef-
 feminatas artes, & indecora seculo studia. Ex 5
 quo manifestum est, principum disciplinam ca-
 pere etiam vulgus: quum rem, si ab uno fiat,
 seuerissimam, fecerint omnes. Maecte hac gra-
 uitatis gloria, Caesar, qua consequutus es, vt,
 quod antea vis & imperium, nunc mores vo-
 carentur. Castigauerunt vitia sua ipsi, qui ca- 6
 stigari merebantur: iidemque emendatores, qui
 emendandi fuerunt. Itaque nemo de seueri-
 tate tua queritur, & liberum est queri. Sed 7
 quum ita comparatum sit, vt DE nullo mi-
 nus principe querantur homines, quam de quo
 maxime licet; tum in seculo nihil est, quo
 non omne hominum genus laetetur & gaudeat.
 Boni prouehuntur; mali, qui est tranquillissi- 8
 mus status ciuitatis, nec timent, nec timentur.
 Mederis erroribus, sed implorantibus: omni-
 busque, quos bonos facis, hanc adstruis laudem,
 ne coëgisse videaris.

XLVII. Quid vitam? quid mores iu-
 ventutis? quam principaliter formas? quem ho-
 norem dicendi magistris? quam dignationem
 sapien-

sapientiae doctoribus habes? ut sub te spiritum, & sanguinem, & patriam receperunt studia! quae priorum temporum immanitas exsiliis puniebat, quum sibi vitiorum omnium conscius princeps, inimicas vitiis artes non odio
 2 magis, quam reuerentia, relegaret. At tu easdem artes in complexu, oculis, auribus habes. Praestas enim, quaecunque præcipiunt, tantumque eas diligis, quantum ab illis probaris.
 3 An quisquam studia humanitatis professus, non cum omnia tua, tum vel in primis laudibus
 4 ferat admissionum tuarum facilitatem? Magno quidem animo parens tuus hanc ante vos principes arcem, PVBLICARVM AEDIVM nomine inscriperat; frustra tamen, nisi adoptasset, qui habitare ut in publicis, posset. Quam bene cum titulo isto moribus tuis conuenit! quamque omnia sic facis, tanquam non aliis inscriperit! Quod enim forum, quae templam reserata? non Capitolium, ipsaque illa adoptionis tuae sedes imagis publica, magis omnium. Nullae obices, nulli contumeliarum gradus: superatisque iam mille liminibus, ultra semper aliqua dura & obstantia. Magna ante te, magna post te, iuxta tamen maxima quiete: tantum ubique silentium, tam altus pudor, ut ad paruos penates & larem angustum ex domo principis, modestiae & tranquillitatis exempla referantur.

XLVIII. Ipse autem, vt excipis omnes!
vt exspectas! vt magnam partem dierum inter-
tot imperii curas, quasi per otium, transfigis!
Itaque non vt alias attoniti, nec vt periculum
capitis adituri tarditate, sed securi & hilares,
quum commodum est, conuenimus. Et admit-
tente principe interdum est aliquid, quod nos
domi quasi magis necessarium teneat: excusati
semper tibi, nec vñquam excusandi sumus.
Scis enim, sibi quemque praestare, quod te vi-
deat, quod te frequentet: ac tanto liberalius
ac diutius voluptatis huius copiam praebes.
Nec salutationes tuas fuga & vastitas sequitur. 3
remoramus, resistimus, vt in communi domo,
quam nuper immanissima bellua plurimo ter-
rore munierat: quum velut quodam specu in-
clusa, nunc propinquorum sanguinem lamberet,
nunc se ad clarissimorum ciuium strages cae-
desque proferret. Obuersabantur foribus hor-
ror & minae, & par metus admissis & exclu-
sis. Ad haec ipse occursu quoque visuque
terribilis: superbia in fronte, ira in oculis, fe-
mineus pallor in corpore, in ore impudentia
multo rubore suffusa. Non adire quisquam, 5
non alloqui audebat, tenebras semper secretum
que captantem, nec vñquam ex solitudine sua
prodeuntem, nisi vt solitudinem faceret.

XLIX. Ille tamen, quibus sibi parieti-
bus & muris salutem suam tueri videbatur,
dolum secum & insidias, & vltorem scelerum
deum

deum inclusit. Dimouit perfregitque custodias Poena, angustosque per aditus & obstratos, non secus ac per apertas fores, & inuitantia limina irrupti: longeque tunc illi diuinitas sua, longe arcana cubilia saeuique secessus, in quos, timore, & superbia, & odio
 2 hominum agebatur. Quanto nunc tutior, quanto securior eadem domus, postquam eius non crudelitatis, sed amoris excubiis; non solitudine & claustris, sed ciuium celebritate defenditur? Eequid ergo. discimus experimento,
 3 **FIDISSIMAM** esse custodiam, principis ipsius innocentiam? HAEC arx inaccessa, hoc inexpugnabile munimentum, munimento non egere. **FRVSTRA** se terrore succinxerit, qui septus caritate non fuerit, **ARMIS** enim arma irritantur.
 4 Num autem serias tantum partes diem in oculis nostris coetique consumis? num remissionibus tuis eadem frequentia: eademeque illa socialitas interest? Non tibi semper in medio cibus, semperque mensa communis? non ex coniuictu nostro mutua voluptas? non prouocas reddisque sermones? non ipsum tempus epularum tuarum, quum frugalitas contrahat,
 5 extendit humanitas? Non enim ante medium diem distentus solitaria coena spectator adnotatorque conuiuis tuis immines: nec ieunis & inanibus plenus ipse & eructans, non tam apponis, quam obiicis cibos, quos dedigneris attingere, aegreque perpeslus superbam illam conuictus simulationem, rursus te ad clandestinam

stinanā ganeam occultumque luxum refers.
Ergo non aurum, nec argentum, nec exqui- 7
sita ingenia coenarum, sed suavitatem tuam iu-
cunditatemque miramur: quibus nulla satie-
tas adest, quando sincera omnia, & vera, &
ornata grauitate. Neque enim aut peregrinae 8
superstitutionis mysteria, aut obscena petulantia,
mensis principis oberrat: sed benigna inuitatio,
& liberales ioci, & studiorum honor. Inde tū-
bi parcus, & breuis somnus, nullumque amo-
re nostri angustius tempus, quam quod sine
nobis agis.

L. Sed quum rebus tuis ut participes
perfruamur: quae habemus ipsi, quam propria,
quam nostra sunt? Non enim exturbatis prio-
ribus dominis, omne stagnum, omnem lacum,
omnem etiam saltum immensa possessione cir-
cumuenis: nec vnius oculis flumina, fontes,
maria deseruiunt. Est, quod Caesar non suum 2
videat; tandemque imperium principis, quam
patrimonium, maius est. Multa enim ex pa-
trrimonio refert in imperium, quae priores
principes occupabant, non ut ipsi fruerentur,
sed ne quis alias. Ergo in vestigia sede que 3
nobilium immigrant pares domini, nec iam
clarissimorum virorum receptacula habitatore
seruo teruntur, aut foeda vastitate procumbunt.
Datur intueri pulcherrimas aedes deterso situ 4
auctas ac vigentes. Magnum hoc tuum non
erga homines modo, sed erga tecta ipsa me-
ritum,

ritum, sistere ruinas, solitudinem pellere, ingentia opera eodem, quo exstructa sunt, animo ab interitu vindicare. Muta quidem illa & anima parentia; sentire tamen & laetari videntur, quod niteant, quod frequententur, quod aliquando cooperint esse domini scientis.

5 Circumfertur sub nomine Caesaris tabula ingens rerum venalium; quod sit detestanda auaritia illius, qui tam multa concupiscebat, quem haberet superuacula tam multa. Tunc exitialis erat apud principem, huic laxior domus,

6 illi amoenior villa. Nunc princeps in haec eadem dominos quaerit, ipse inducit: ipsos illos magni aliquando imperatoris hortos, illud nusquam nisi Caesaris suburbanum, licemur, emimus, implemus. Tanta benignitas principis, tanta securitas temporum est, ut ille nos principalibus rebus existimet dignos: nos non timeamus, quod digni esse videmur. Nec vero emendi tantum ciuibus tuis copiam praebes, sed amoenissima quaeque largiris & donas: ita, inquam, donas, in quae electus, in quae adoptatus es: transfers, quod iudicio accepisti, ac nihil magis tuum credis, quam quod per amicos habes.

LI. Idem tam parcus in aedificando, quam diligens in tuendo. Itaque non, ut ante immanium transuertione saxonum urbis teat quatiuntur; stant securae domus, nec iam 2 templo nutantia. Satis est tibi, nimiumque, quum

quam successeris frugalissimo principi; magis
reincere aliquid & amputare ex his, quae prin-
ceps tanquam necessaria reliquit. Praeterea pa-
ter tuus vobis suis detrahebat, quae fortuna
imperii dederat: tu tuis, quod pater. At 3
quam magnificus in publicum es? hinc porticus,
inde delubra occulta celeritate properantur, ut
non consummata, sed tantum commutata vi-
deantur. Hic immensum latus circi templo-
rum pulchritudinem prouocat, digna populo
victore gentium sedes, nec minus ipsa visen-
da, quam quae ex illa spectabuntur: visenda
autem cum cetera specie, tum quod aequatus
plebis ac principis locus. Siquidem per omne 4
spatium una facies, omnia continua & paria,
nec magis proprius spectandi Caesaris sugge-
stus, quam propria, quae spectet. Licebit ergo
ciuibus tuis inuicem contueri: dabitur non cu-
biculum principis, sed ipsum principem cerne-
re, in publico, in populo sedentem: populo,
cui locorum quinque millia adiecisti. Auxe-
ras enim numerum eius congiaii facilitate,
maiorisque in posterum suicipi liberalitatis
tuue fide iusseras.

LII. Horum vnum si praestitisset alias,
illi iamdudum radiatum caput, & media in-
ter deos sedes auro staret, aut ebore, augu-
stioribusque aris & grandioribus victimis inuo-
caretur. Tu delubra non nisi adoraturus in- 2
tras, tibi maximus honor excubare pro tem-

G g plis,

plis, postibusque praetexi. Sic fit, vt dei sum-
mum inter homines fastigium feruent, quum
3 deorum ipse non adpetas. Itaque tuam sta-
tuam in vestibulo Iouis optimi maximi vnam
alteramue, & hanc aeream, cernimus. At paul-
lo ante aditus omnes, omnes gradus, totaque
area hinc auro, hinc argento relucebat, seu
potius polluebatur: quum incesti principis fla-
tuis permixta deorum simulacra forderent.
4 Ergo istae quidem aereae & paucae manent,
manebuntque quamdiu templum ipsum: illae
autem aureae & innumerabiles strage & rui-
na publico gaudio litauerunt. Iuuabat illidere
solo superbissimos vultus, instare ferro, saeuire
securibus, vt si singulos ictus sanguis dolorque
5 sequeretur. Nemo tam temperans gaudii se-
raeque laetitiae, quin instar vltionis videre-
tur, cernere laceros artus, truncata membra;
postremo, truces horrendasque imagines abie-
etas, excoctasque flammis: vt ex illo terrore
& minis, in usum hominum ac voluptates
6 ignibus mutarentur. Simili reuerentia, Cae-
sar, non apud Genium tuum bonitati tuae
gratias agi, sed apud numen Iouis optimi ma-
ximi, pateris: illi debere, quidquid nos tibi
debeamus, illius, quod bene facias, muneris
esse, qui te dedit. Ante quidem ingentes ho-
stiarum greges per Capitolinum iter, magna
sui parte velut intercepti, deuertere via co-
gebantur: quum saeuissimi domini atrocissima
effigies

effigies tanto victimarum cruento coleretur,
quantum ipse humani sanguinis profundebat.

LIII. Omnia, P. C. quae de aliis principibus a me aut dicuntur, aut dicta sunt, eo pertinent, ut ostendam, quam longa consuetudine corruptos depravatosque mores principatus patens noster reformat & corrigat. Et alioquin NIHIL non parum grate sine comparatione laudatur. Praeterea hoc primum erga optimum imperatorem piorum ciuium officium est, insequi dissimiles. NEQVE enim satis amarint bonos principes, qui malos satis non oderint. Adiice, quod Imperatoris nostri non aliud amplius ac diffusius meritum est, quam quod infectari malos principes tutum est. An excidit dolori nostro modo vindicatus Nero? permitteret, credo, famam vitamque eius carpi, qui mortem vlcisciebatur: nec vt in se dicta interpretaretur, quae de simillimo dicerentur. Quare ego, Caesar, muneribus tuis omnibus comparo, multis antepono, quod licet nobis & in praeteritum de malis imperatoribus quotidie vindicari; & futuros sub exemplo praemonere, NVLLVM locum, nullum esse tempus, quo funestorum principum manes a posteriorum exsecrationibus conquiescant. Quo constantius, P. C. & dolores nostros & gaudia proferamus; ingemiscamus illis, quae patiemur. simul utrumque faciendum est sub bono principe. hoc secreta nostra, hoc sermones,

hoc ipsae gratiarum actiones agant; meminissentque, sic maxime laudari in columnem imperatorem, si priores fecus meriti reprehendantur. Nam QVVM de malo principe posteritatem, manifestum est, eadem facere praesentem.

LIV. Et quis iam locus miserae adulatio[n]is manebat ignarus, quum laudes imperatorum ludis etiam & commissionibus celebrarentur, saltarentur, atque in omne ludibrium effeminatis vocibus, modis, gestibus, frangerentur? Sed illud indignum, quod eodem tempore in senatu & in scena; ab histrione & a consule laudabantur. Tu procul a tui cultu ludicras artes remouisti. Seria ergo te carmina, honorque aeternus annalium, non haec breuis & pudenda praedicatio colit: quin etiam tanto maiore consensu in venerationem tui theatra ipsa consurgent, quanto magis de te scenae filebunt. Sed quid ego istud admiror? quum eos quoque honores, qui tibi a nobis offeruntur aut delibare parciisse, aut omnino soleas recusare? Nihil antem vulgare, tam paruum in senatu agebatur, ut non laudibus principum immoraretur, qui buscunque censendi necessitas accidisset. De ampliando numero gladiatorum, aut de instituendo collegio fabrorum consulebamur: & quasi prolatis imperii finibus nunc ingentes arcus, excessur scue templorum fastigium titulos, nunc menses etiam, nec hos singulos, nomi-

nomini Caesarum dicabamus. patiebantur illi,
& quasi meruissent, laetabantur. At nunc quis 5
notrum, tanquam oblitus eius, de quo refer-
tur, censendi officium principis honore consu-
mit? Tuae moderationis laus haec constantia
nostra; tibi obsequimur, quod in curiam, non
ad certamen adulacionum, sed ad vsum mu-
nusque iustitiae conuenimus, hanc simplicitati
tuae veritatique gratiam relaturi, vt te, quae
vis, velle, quae non vis, nolle credamus. In- 6
cipimus inde, desinimus ibi, a quo incipi, in
quo desini sub alio principe non posset. Nam
plerosque ex decretis honoribus, & alii non re-
cepérunt, nemo ante tantus fuit, vt credere-
tur noluisse decerni. Quid ego titulis omni- 7
bus speciosius reor, quando non trabibus aut
saxis nomen tuum, sed monumentis aeternae
laudis inciditur.

LV. Ibit in secula, fuisse principem,
cui florenti & incolumi, nunquam nisi modici
honores, saepius nulli decernerentur. Et sane, 2
si velimus cum priorum temporum necessitate
certare, vincemur: INGENIOSIOR est enim
ad excogitandum simulatio veritate, seruitus
libertate, metus amore. Simul quum iampri- 3
dem nouitas omnis adulacione consumta sit,
non aliis erga te nouis honor supereft, quam
si aliquando de te tacere audeamus. Age si 4
quando pietas nostra silentium rupit, & vere-
cundiam tuam vicit, quae qualiaque decerni-

mus nos, tu non recusas? vt appareat, non
superbia & fastidio te amplissimos honores re-
5 pudiare, qui minores non dederis. Pul-
chrius hoc, Caesar, quam si recusares omnes:
nam RECVSARE omnes, ambitionis; mo-
derationis est, eligere parcissimos. Quo tem-
peramento & nobis & aerario consulis; nobis
quidem, quod omni liberos suspicione; aera-
rio autem, quod sumtibus eius adhibes mo-
dum, vt qui exhaustum non sis innocentium
6 bonis repleturus. Stant igitur effigies tuae,
quales olim ob egregia in rempublicam merita
priuatis dicabantur. Visuntur eadem e ma-
teria Caesaris statuae, qua Brutorum, qua
7 Camillorum. Nec discrepat caufsa. Illi enim
reges hostemque victorem moenibus depule-
runt: hic regnum ipsum, quaeque alia capti-
uitas gignit, arcet ac submouet: sedemque
8 obtinet principis, ne sit domino locus. Ac
mihi, intuenti sapientiam tuam, minus mi-
rum videtur, quod mortales istos caducosque
titulos, aut depreceris, aut temperes. Scis enim,
vbi vera principis, vbi sempiterna sit
gloria: vbi sint honores, in quos nihil flam-
mis, nihil senectuti, nihil successoribus liceat.
9 ARCVS enim & statuas, aras etiam templa-
que demolitur & obscurat obliuio, negligit
carpitque posteritas: contra, contemtor ambi-
tionis, & infinitae potestatis domitor ac fre-
nator animus ipsa vetustate florescit, nec ab
illis magis laudatur, quam quibus minime
necessitatem.

necesse est. Praeterea, VT quisquis factus est princeps, extemplo fama eius, incertum bona an mala, ceterum aeterna est. Non ergo per-¹⁰
petua principi fama quae inuitum manet, sed bona concupiscenda est: ea porro non imaginibus & statuis, sed virtute ac meritis prorogatur. Quin etiam leuiora haec, FORMAM¹¹
principis figuramque, non aurum melius vel argentum, quam fauor hominum exprimat te-
neatque. quod quidem prolix^e tibi cumula-
teque contingit, cuius laetissima facies, & ama-
bilis vultus in omnium ciuium ore, oculis,
animo sedet.

LVI. Annotasse vos credo, Patres Con-
scripti, iamdudum me non eligere, quiae refe-
ram: propositum est enim mihi, Principem lau-
dare, non principis facta. Nam LAVDABI-
LIA multa etiam mali faciunt; ipse laudari,
nisi optimus, non potest. Quare non alia ma-
ior, Imperator Auguste, gloria tua, quam
quod agentibus tibi gratias nihil velandum est,
nihil omittendum est. Quid est enim in prin-
cipatu tuo, quod cuiusque praedicatio vel tran-
filire vel praeteruehi debeat? quod momentum,
quod immo temporis punctum, aut beneficio
sterile, aut vacuum laude? num omnia eius-
modi, vt is OPTIME te laudasse videatur,
qui narrauerit fidelissime? Quo fit, vt prope
in immensum diffundatur oratio mea; & nec-
dum de biennio loquor. Quam multa dixi ³

de moderatione, & quanto plura adhuc restant? ut illud, quod secundum consulatum receipisti, quia princeps & pater deferebat. At postquam ad te imperii summam, & cum omnium rerum, tum etiam tui potestatem dii transtulerunt; tertium consulatum recusasti, quum agere tam bonum consulem posset.

4 MAGNUM est, distare honorem; gloriari, maius. Gestum consulatum mirer, an non receptum? gestum non in hoc urbis otio, & intimo sinu pacis; sed iuxta barbaras gentes: ut illi solebant, quibus erat moris paludamento mutare praetextam, ignotasque terras
 5 victoria sequi. Pulchrum imperio, gloriosum tibi, quum te socii atque amici, sua in patria, suis in sedibus adierunt. Decora facies consulis: multa post secula tribunal viridi cespite exstructum, nec fascium tantum, sed pilorum signorumque honore circumdateum. Augebant maiestatem praesidentis, diuersi postulantum habitus, ac dissimilae voces, raraque sine
 7 interprete oratio. Magnificum est, ciuibus iura; quid hostibus reddere? speciosum certam, fori partem; quid immanes campos sella curuli, vicitorisque vestigio premere? imminentem minacibus ripis tutum quietumque; quid spernere barbaros fremitus, hostilemque terrorem, non armorum magis, quam togarum ostentatione
 8 compescere? Itaque non te apud imagines, sed ipsum praesentem audientemque consulabant

tabant imperatorem, nomenque quod alii domitis hostibus, tu contemtis merebare.

LVII. Haec laus acti consulatus; illa dilati, quod adhuc initio principatus, ut iam excusatus honoribus & expletus, consulatum recusasti: quem noui imperatores destinatum aliis, in se transferebant. Fuit etiam, qui in 2 principatus sui fine, consulatum, quem dede-
rat, ipse, magna ex parte iam gestum, extor-
queret, & raperet. Hoc ergo honore, quem
& incipientes principes & desinentes adeo con-
cupiscunt, ut auferant; tu, otioso ac vacante,
priuatis cessisti. Inuidiosusne erat aut tibi ter-
tius consulatus, aut principi primus? Nam
secundum Imperator quidem, sub Imperatore
tamen, inisti: nihilque imputari in eo vel ho-
nori potest vel exemplo, nisi obsequium. Ita 4
vero, quae ciuitas quinquies, atque etiam se-
xies, consules vidi, non illos, qui exspirante
iam libertate per vim ac tumultum creaban-
tur, sed quibus sepositis & absentibus, in ru-
ra sua consulatus ferebantur: in hac ciuitate
tertium consulatum princeps generis humani,
ut pergrauem, recusasti? Tantone Papyriis
etiam & Quintiis moderatior Augustus, &
Caesar, & Pater patriae? At illos respublica
ciebat. Quid? te non eadem respublica? non
senatus? non consulatus ipse? qui sibi tuis
humeris attolli & augescere videtur?

LVIII. Non te ad exemplar eius voco,
 qui continuis consulatibus fecerat longum quen-
 dam & sine discrimine annum: his te confe-
 ro, quos certum est, quoties consules fuerunt,
 non sibi praestitisse. Erat in senatu ter con-
 sul, quem tu tertium consulatum recutabas.
2 Onerosum nescio quid verecundiae tuae con-
 sensus noster indixerat, ut princeps toties con-
 sul esses, quoties senator tuus: nimia mode-
3 stia istud, etiam priuatus, recusasses. An con-
 sularis viri triumphalisque filius, quem ter-
 tio consul creatur, ascendit? non debitum
 hoc illi? non vel sola generis claritate pro-
4 meritum? Contigit ergo priuatis aperte an-
 num, fastosque referare: & hoc quoque redi-
 ditaे libertatis indicium fuit, quod consul
 aliis, quam Caesar, esset. Sic exactis regibus
 coepit liber annus: sic olim seruitus pulsa,
5 priuata fastis nomina induxit. Miseros am-
 bitionis, qui ita consules semper, ut semper
 principes erant! quamquam non ambitio magis,
 quam liuor & malignitas videri potest,
 omnes annos possidere, summumque illud pur-
6 purple decus non nisi praecerptum praeflora-
 tumque transmittere. Tuam vero magnani-
 mitatem, an modestiam, an benignitatem prius
 mirer? Magnanimitas fuit, expedito semper
 honore abstinere; modestia, cedere; benigni-
 tas, per alios frui.

LIX. Sed iam tempus est, te ipsi consulatu*m* praestare, ut maiorem eum suscipiendo gerendoque augustiorem facias. Nam saepius recusare, ambiguam ac potius illam interpretationem habet, tanquam minorem putes. Tu quidem ut maximum recusasti; sed hoc persuadere nemini poteris, nisi aliquando & non recusaueris. Quum arcus, quum tropaea, quum statuas deprecaris, tribuenda est verecundiae tuae venia; illa enim sane tibi dicantur: nunc vero postulamus, ut futuros principes doceas inertiae renuntiare, paullisper delicias differre, paullisper & saltem ad breuissimum tempus, ex illo felicitatis somno velut excitator, induere praetextam, quam quum dare possent, occuparint; ascendere curulem, quam detineant; esse denique, quod concupierunt, nec ideo tantum velle consules fieri, ut fuerint. Gessisti alterum consulatum, scio: illum exercitibus, illum prouinciis, illum etiam ceteris gentibus poteris imputare, non potes nobis. Audiuiimus quidem, te omne munus consulis obiisse, sed audiuiimus. Diceris iustissimus, humanissimus, patientissimus fuisse; sed diceris. aequum est aliquando nos iudicio nostro, nostris oculis, non famae semper & rumoribus credere. Quousque absentes de absente gaudemus? Liceat experiri, an aliquid superbiae tibi ille ipse secundus consulatus attulerit. Multum in commutandis moribus hominum medius annus valet, in principum plus.

Didi-

- 5 Didicimus quidem, cui virtus aliqua contingat, omnes inesse: cupimus tamen experiri, an nunc quoque vna eademque res sit, bonus
 6 consul & bonus princeps. Nam praeter id, quod est arduum, duas, easque summas simul capere potestes? tum inest utrique nonnulla diuersitas, quum principem quam simillimum esse priuato; consulem quam dissimillimum, deceat.

LX. Atque ego video, proximo anno consulatus recusandi hanc praeципuam fuisse rationem, quod eum absens gerere non poteras: sed iam vrbi votisque publicis redditus, quid est, in quo magis sis approbaturus, quae quantaque fuerint quae desiderabamus? Parum est, vt in curiam venias, nisi & conuocas; vt interfis senatui, nisi & praefides;
 2 vt censemtes audias, nisi & perrogas. Vis illud augustissimum consulum aliquando tribunal maiestati suae reddere? adscende. Vis, constare reuerentiam magistratibus, legibus au-
 3 toritatem, modestiam postulantibus? adi. Quod enim interesset reipublicae, si priuatus essem, consulem te haberet tantum, an & senatorem; hoc nunc scito interesse, principem te habeat
 4 tantum, an & consulem. His tot tantisque rationibus, quamquam multum reluctata, verrecundia Principis nostri tandem tamen cessit. At quemadmodum cessit? Non, se vt priuatis, sed vt priuatos pares sibi faceret. Reccepit

pit enim tertium consulatum, vt daret: no-
uerat moderationem hominum, nouerat podo-
rem, qui non sustinerent tertio consules esse,
nisi cum ter consule. Bellorum istud sociis
olim, periculorum consortibus, parce tamen
tribuebatur, quod tu singularibus viris, ac de-
te quidem bene ac fortiter meritis praefitisti,
sed in toga meritis. Vtriusque cura, vtrius-
que vigilantia obstrictus es, Caesar. Sed IN
principe rarum, ac prope insolitum est, vt se
putet obligatum, aut, si putet, amet. Debes
ergo, Caesar, & soluis. Sed quum ter consu-
les facis, non tibi magnus princeps, sed non
ingratus amicus videris. Quin etiam erquam 7
modica quaedam ciuium merita fortunae tuae
viribus in maius extollis. efficiis enim, vt tan-
tum tibi quisque praefitisse videatur, quantum
a te recepit. Quid isti benignitati precer?
nisi vt semper obligeris, incertumque facias,
vtrum magis expediat ciuibus tuis debere ti-
bi, an praefitisse.

LXI. Evidem illum antiquum sena-
tum contueri videbar, quum ter consule ad-
sidente, tertio consulem designatum rogari sen-
tentiam cernerem. Quanti tunc illi, quanto-
que tu? Accedit quidem, vt CORPORA 2
quamlibet ardua & excelsa, procerioribus ad-
mota decrescant; item, vt altissimae ciuium
dignitates collatione fastigii tui, quasi depri-
mantur, quantoque proprius ad magnitudinem
tuam

tuam adscenderint, tanto etiam a sua descen-
3 disse videantur. Illos tamen tu, quamquam
non potuisti tibi aequare, quum velles, adeo
in edito collocasti, vt tantum super ceteros,
4 quantum infra te cernerentur. Si vnius ter-
tium consulatum eundem in annum, in quem
tuum, contulisses: ingentis animi specimen ha-
beretur. VT enim felicitatis est, quantum
velis, posse: sic magnitudinis, velle, quantum
5 possis. Laudandus quidem & ille, qui ter-
tium consulatum meruit; sed magis, sub quo
meruit: magnus memorandusque, qui tantum
praemium cepit; sed maior, qui capienti de-
dit. Quid? quod duos pariter tertio consu-
latu collegas tui sanctitate decorasti? vt si ne-
mini dubium, hanc tibi praecipuam caussam
fuisse extendendi consulatus tui, vt duorum
consulatus amplectetur, & collegam te non
7 vni daret. Vterque nuper consulatum alte-
rum gesserat a patre tuo, id est, quanto mi-
nus quam a te? datum: vtriusque adhuc ocu-
lis paullo ante dimissi fasces oberrabant: vtri-
usque solemnis ille lictorum & praenuntius
clamor auribus infederat; quum rursus curu-
lis, rursusque purpura: vt olim, quum hostis
in proximo, & in summum discrimen adducta
respublica, expertum honoribus virum posce-
ret, non consulatus hominibus iisdem, sed
8 iidem homines consulatibus reddebantur. Tan-
ta tibi beneficiandi vis, vt indulgentia tua
necessitates aemuletur. Modo praetextas ex-
uerant,

uerant, resumant: modo lictores abire iusserant; reuocent: modo gratulantes amici recesserant; reuertantur. Hominisne istud ingenium est? hominis potestas? renouare gaudia, redintegrare laetitiam, nullam requiem gratulationis dare: neque alia repetendis consulibus interualla permettere, nisi dum finiuntur? Facias ista semper, nec vñquam in hoc opereris aut animus tuus, aut fortuna lassetur. Des quam plurimis tertios consulatus, &, quum plurimis tertios consulatus dederis, semper tam plures, quibus debeas dare, supersint.

LXII. Omnia quidem beneficiorum, quae merentibus tribuuntur, non ad ipsos gaudium magis, quam ad similes redundant: praecipue tamen ex horum consulatu, non ad partem aliquam senatus, sed ad totum senatum tanta laetitia peruenit, ut eundem honorem omnes sibi & dedisse & accepisse videantur. Nempe enim hi sunt, quos senatus, quum publicis sumtibus minuendis optimum quemque praeficeret, elegit & quidem primos. Hoc est igitur, hoc est, quod penitus illos animo Caesaris insinuavit. An parum saepe experti sumus, hanc esse rerum conditionem, ut senatus fauor apud principem aut profit, aut noceat? Nonne paullo ante nihil magis exitiale erat, quam illa principis cogitatio? hunc senatus probat, hic senatui carus est. Oderat, quos nos amaremus; sed & nos, quos ille.

Nunc

- 4 Nunc inter principem senatumque dignissimi cuiusque caritate certatur. demonstramus in vicem, credimus in vicem, quodque maximum amoris mutui signum est, eosdem amamus.
- 5 Proinde P. C. fauete aperte, diligite constanter: non iam dissimulandum est amor, ne nocteat; non premendum odium, ne profit. Eadem Caesar quae senatus probat improbatque vos ille praesentes, vos etiam absentes in con-
- 6 filio habet. Tertio consules fecit, quos vos elegeratis: & fecit hoc ordine, quo electi a vobis erant. Magnus uterque honor vester, siue eosdem maxime diligit, quos scit nobis esse carissimos; siue illis neminem praefert,
- 7 quamuis aliquem magis amet. Proposita sunt senioribus praemia, iuuenibus exempla: adeant, frequentent securas tandem ac patentes domos: qui quis probatos senatui viros suffici-
- 8 pit, hic maxime principem promeretur. Sibi enim accrescere putat, quod cuique adstruantur: nullamque in eo gloriam ponit, quod sit omnibus maior, nisi maximi fuerint, quibus
- 9 maior est. Persta, Caesar, in ista ratione propositi, talesque nos crede, qualis fama cuiusque est. huic aures, huic oculos intende: ne respexeris clandestinas existimationes, nullisque magis quam audientibus insidiantes susurros. MELIVS omnibus, quam singulis creditur. Singuli enim decipere & decipi possunt: nemo omnes, neminem omnes fecellerunt.

LXIII. Reuertor iam ad consulatum tuum, et si sunt quaedam ad consulatum quidem pertinentia, ante consulatum tamen. In primis quod comitiis tuis interfueristi, candidatus, non consulatus tantum, sed immortalitatis, & gloriae, & exempli, quod seuerentur boni principes, mali mirarentur. Vedit te populus Romanus in illa vetere potestatis suae sede: perpessus es longum illud carmen comitorum, nec iam irridendam moram: consulque es, ut unus ex nobis, quos facis consules. Quotusquisque principum antecedentium honorem istum aut consulatu habuit, aut populo? Non alii marcidi somno, hesternaque coena redundantes, comitorum suorum nuntios operiebantur? Alii sane peruigiles & insomnes, sed intra cubilia sua illis ipsis consulibus, quibus consules renuntiabantur, exsilia & caedem machinabantur. O prava & inficia verae maiestatis ambitio, concupiscere honorem, quem dedigneris, dignari, quem concupisces: quumque ex proximis hortis campum & comitia prospectes, sic ab illis abesse, tanquam Danubio Rhenoque dirimare! Auerteris tu honoris tuo sperata suffragia, renuntiarique te consulem iussisse contentus, liberae ciuitatis ne simulationem quidem serues? Abstineas denique comitiis, abstrusus atque abditus, quasi illic tibi non consulatus detur, sed abrogetur imperium? Haec persuasio superbissimis dominis erat, ut sibi viderentur principes esse desinere, si quid

H h fac-

facerent tanquam senatores. Plerique tamen non tam superbia, quam metu quedam submouebantur. An stuprorum sibi incestarumque noctium consciii, auspicia polluere, sacratumque campum nefario audierent contaminare vestigio? non adeo deos hominesque contemperant, vt in illa spatiofissima sede hominum deorumque coniectos in se oculos ferre ac perpeti possent. 8 Tibi contra & moderatio tua suasit, & sanctitas, vt te & religioni deorum & iudiciis hominum exhiberes.

LXIV. Alii consulatum ante quam acciperent, tu & dum accipis, me uisti. Peracta erant solemnia comitiorum, si principem cogitares, iamque se omnis turba commouerat, quum tu, mirantibus cunctis, accedis ad consulis sellam: adigendum te praebes in verba principibus ignota, nisi quum iurare cogerent alios. Vides, quam necessarium fuerit consulatum non recusare? non putassemus, istud 2 facturum te fuisse, si recusasses. Stupeo, P. C. nec dum satis aut oculis meis aut auribus credo: atque identidem me, an audierim, an viderim, interrogo. Imperator ergo, & Caesar, & Augustus, Pontifex maximus, stetit ante gremium consulis? sed itque consul principe ante se stante: & sed it inturbatus, interritus, 3 & tanquam ita fieri soleret. Quin etiam sedens stanti praebuit iusiurandum, & ille iurauit, expressit, explanauitque verba, quibus caput

caput suum, domum suam, si sciens fefelleret,
deorum irae consecraret. Ingens, Caesar, &
par gloria tua, siue fecerint istud postea prin-
cipes, siue non fecerint. Villane satis praedi- 4
catio digna est, idem tertio consulem fecisse,
quod primo? idem principem, quod priuatum?
idem Imperatorem, quod sub Imperatore?
Nescio iam, nescio, pulchritudine sit istud, quod
praeeunte nullo, an hoc, quod alio praeceunte
iurasti.

LXV. In rostris quoque simili religione
ipse te legibus subiecisti: legibus, Caesar, quas
nemo principi scripsit. Sed tu nihil amplius
vis tibi licere, quam nobis: sic fit, ut nos tibi
plus velimus. Quod ego nunc primum audio,
nunc primum disco, NON est princeps super
leges, sed leges supra principem. Idem Cae- 2
sari consuli, quod ceteris non licet: iurat in
legem attendantibus diis; nam cui magis, quam
Caesari attendant? iurat obseruantibus his,
quibus idem iurandum est. Non ignarus alio-
qui, nemini religiosius, quod iurauerit, custo-
diendum, quam cuius maxime interest, non
peccari. Itaque & abiturus consulatu iurasti,
te nihil contra leges fecisse. Magnum hoc erat,
quam promitteres; maius, postquam praefiti-
sti. Iam toties procedere in rostra, inadscen- 3
sumque illum superbiae principum locum te-
rere, hic suscipere, hic ponere magistratus,
quam dignum te, quamque diuersum consue-
sti.

tudine illorum, qui pauculis diebus gestum consulatum, immo non gestum, abiiciebant per edictum. Hoc pro concione, pro rostris, pro iure iurando: scilicet ut primis extrema congruerent, utque hoc solo intelligerentur ipsi consules fuisse, quod alii non fuissent.

LXVI. Non transfilii, Patres Conscripti, Principis nostri consulatum; sed eundem in locum contuli, quidquid de iure iurando dicendum erat. Neque enim, ut in sterili ie*i*unaque materia, eandem speciem laudis diducere ac spargere, atque identidem tractare debemus. Illuxerat primus consulatus tui dies, quo tu curiam ingressus, nunc singulos, nunc vniuersos adhortatus es resumere libertatem, capessere quasi communis imperii curas, inuigilare publicis utilitatibus & insurgere. Omnes ante te eadem ista dixerunt, nemini tamen ante te creditum est. Erant sub oculis naufragia multorum, quos infidiosa tranquillitate prouectos improuisus turbo perculerat. Quod enim tam infidum mare, quam blanditiae principum illorum, quibus tanta leuitas, tanta fraus, ut facilius esset iratos, quam propitious habere? Te vero securi & alacres, quo vocas, sequimur. Iubes esse liberos; erimus. Iubes, quae sentimus, promere in medium; proferemus: neque enim adhuc ignauia quadam & insito torpore cessauimus: terror, & metus, & misera illa ex periculis facta prudentia monebat,

bat, ut a republica (erat autem omnino nulla res publica) oculos, aures, animos auerteremus. At nunc tua dextera tuisque promissis freti & innixi, obsepta diutina servitute ora reseramus, frenatamque tot malis linguam resolvimus. Vis enim tales esse nos, quales iubes, nihilque exhortationibus tuis fucatum, nihil subdolum denique, quod credentem fallere pareret, non sine periculo fallentis. NEQVE enim vñquam deceptus est princeps, nisi qui prius ipse decepit.

LXVII. Evidem hunc parentis publici sensum, cum ex oratione eius, tum pronuntiatione ipsa perspexisse videor. Quae enim illa grauitas sententiarum? quam inaffectata veritas verborum? quae asseueratio in voce? quae affirmatio in vultu? quanta in oculis, habitu, gestu, toto denique corpore, fides? Tenebit ergo semper, quod suaserit: scietque nos, quoties libertatem, quam dedit, experiemur, sibi parere. Nec verendum est, ne incertos putet, si fidelitate temporum constanter vtamur, quos meminit sub malo principe alter vixisse. Nuncupare vota & pro aeternitate imperii, & pro salute ciuium? immo pro salute principium, ac propter illos pro aeternitate imperii solebamus. Haec pro imperio nostro in quae sint verba suscepta operae pretium est annotare: SI BENE REMPVBLICAM ET EX VSTITATE OMNIVM

H h 3

RE-

REXERIS Digna vota, quae semper suscipiantur, semperque soluantur. Egit cum diis, ipso te auctore, Caesar, res publica, ut te sospitem incolumemque praestarent, si tu ceteros praestitisses: si contra, illi quoque a custodia tui capitinis oculos dimouerent, teque relinquerent votis, quae non palam susciperentur. Alii se superstites reipublicae optabant, faciebantque: tibi salus tua inuisa est, si non sit cum reipublicae salute coniuncta. Nihil prote pateris optari, nisi expediat optantibus: omnibusque annis in consilium de te deos mittis; exigisque, ut fententiam suam mutent, si talis esse desieris, qualis electus es. Sed ingenti conscientia, Caesar, pacisceris cum diis, ut te, si mereris, seruent: quum scias, an merearis, neminem magis, quam deos scire. Nonne vobis P. C. haec diebus ac noctibus agitare secum videtur? Ego quidem in me, si omnium utilitas ita posceret, etiam praefecti manum armaui: sed ne deorum quidem aut iram, aut negligentiam deprecor: quae so immo & obtistor, ne unquam pro me vota res publica inuita suscipiat; aut si suscepere in vita, ne debeat.

LXVIII. Capis ergo, Caesar, salutis tuae glorioissimum fructum ex consensu deorum. Nam quum excipias, ut ita **DEMVM TE DII SERVENT, SI BENE REMPVBLICAM ET EX V UTILITATE OMNI-**

OMNIVM REXERIS : certus es , te bene
rempublicam gerere , quum seruent . Itaque 2
securus tibi & laetus dies exit , qui principes
alios cura & metu distinebat : quum suspensi
& attoniti , parumque confisi patientia nostra ,
hinc atque inde publicae seruitutis nuntios ex-
spectarent . ac si forte aliquos flumina , niues , 3
venti praepedissent , statim hoc illud esse crede-
bant , quod merebantur ; nec erat discrimen vlu-
lum pauoris : propterea quod , QVVM a malo
principe tanquam successor timeatur , quisquis
est dignior , quum sit nemo non dignior , omnes
timeniur . Tuam securitatem non mora nun- 4
tiorum , non litterarum tarditas differt . scis
tibi vbiique iurari , quum ipse iuraueris omni-
bus . Nemo hoc sibi non praefstat . amamus qui- 5
dem te , in quantum mereris ; istud tamen non
tui facimus amore , sed nostri ; nec vnuquam il-
lucescat dies , quo pro te nuncupet vota non
vtilitas nostra , sed fides , Caesar . TVRPIS 6
tutela principis , cui potest imputari . Queri
libet , quod in secreta nostra non inquirant
principes , nisi quos odimus . Nam si eadem 7
cura bonis , quae malis esset , quam vbiique ad-
mirationem tui , quod gaudium exsultationem
que deprehenderes ? quos omnium cum coniu-
gibus ac liberis , quos etiam cum domesticis
aris focisque sermones ? Scires mollissimis illis
auribus parcí , & alioqui , quum sint odium
amorque contraria , hoc perquam simile habent ,

H h 4

quod

quod IBI intemperantius amamus bonos principes, vbi liberius malos odimus.

LXIX. Cepisti tamen & adfectus nostri & iudicij experimentum, quantum maximum praesens capere potuisti, illo die, quo sollicitudini pudorique candidatorum ita consuluit, ne vlius gaudium alterius tristitia turbaret. Alii cum laetitia, alii cum spe recesserunt: multis gratulandum, nemo consolandus fuit. Nec ideo segnius iuvenes nostros exhortatus es, Senatum circumirent, senatui supplicarent, atque ita a principe sperarent honores, si a senatu petissent. Quo quidem in loco, si quibus opus exemplo, adieciſti, vt te imitarentur. Arduum, Caesar, exemplum, & quod imitari non magis quisque candidatorum, quam principum possit. Quis enim vel uno die reverentior senatus candidatus, quam tu cum omni vita, tum illo ipso tempore, quo iudicas de candidatis? An aliud a te, quam senatus reverentia obtinuit, vt iuuenibus clarissimae gentis, debitum generi honorem, sed antequam deberetur, offerres? Tandem ergo nobilitas non obscuratur, sed illustratur a principe: tandem illos ingentium virorum nepotes, illos posteros libertatis, nec terret Caesar, nec pauet: quin immo festinatis honoribus amplificat atque auget, & maioribus suis reddit. si quid usquam stirpis antiquae, si quid residuae claritatis, hoc amplexatur, & refouet, & in

in vsum reipublicae promit. Sunt in honore 6
hominum & in honore famae magna nomina
ex tenebris obliuionis, indulgentia Caesari, cu-
ius est, vt nobiles & conseruet, & efficiat.

LXX. Praefuerat prouinciae quaestor
vnus ex candidatis, inque ea ciuitatis amplissi-
mae redditus egregia constitutione fundauerat.
Hoc senatui allegandum putasti. cur enim te 2
princeps, qui generis tui claritatem virtute su-
perasti, deterior esset conditio eorum, qui po-
steros habere nobiles mererentur, quam eorum,
qui parentes habuissent? O te dignum, qui de
magistratibus nostris semper haec nunties, nec
poenis malorum, sed honorum praemiis bonos
facias! Accensa est iuuentus, erexitque animos 3
ad aemulandum, quod laudari videbat: nec
fuit quisquam, quem non haec cogitatio subi-
ret, quum sciret, quidquid a quoque in pro-
uinciis bene fieret, omnia te scire. Vtile est, 4
Caesar, & salutare praesidibus prouinciarum,
hanc habere fiduciam: paratum esse sanctitati,
industriæ suae maximum praemium, iudicium
principis, suffragium principis. Adhuc autem 5
quamlibet sincera rectaque ingenia, et si non de-
torquebat, hebetabat tamen misera, sed vera
reputatio. Vides enim, si quid bene fecero, 6
nesciet Caesar: aut si scierit, testimonium non
reddet. Ita eadem illa seu negligentia, seu 7
malignitas principum, quum male consultis im-
punitatem, recte factis nullum praemium pol-

liceretur; nec illos a crimine, & hos deterrebat a laude. At nunc, si bene aliquis prouinciam rexerit, huic quaeſita virtute dignitas offertur. Patet enim omnibus honoris & gloriae campus: ex hoc quisque, quod cupit, petat; & aſſecutus ſibi debeat. Prouinciis quoque in posterum, & iniuriarum metum, & accusandi neceſſitatem remiſiſti. Nam ſi profuerint, quibus gratias egerint, de nullo queri cogentur. & alioqui liquet, nihil magis prodeſſe candidato ad ſequentes honores, quam peractos. Optime magistratus, magistratu, honore honor petitur. Volo ego, qui prouinciam rexerit, non tantum codicillos amicorum, nec urbana coniuratione e blanditas preces, ſed decreta coloniarum, decreta ciuitatum alleget. Bene suffragiis consularium virorum urbes, populi, gentes inferuntur. Efficacissimum pro candidato genus eſt rogandi, gratias agere.

LXXI. Iam quo affensu ſenatus, quo gaudio exceptum eſt, quum candidatis, vt quemque nominaueras, oſculo occurreret? deuexus quidem in planum, & quaſi vnuſ ex gratulantibus. Te mirer magis, an improbem illos, qui effecerunt, vt iſtud magnum videtur? quum velut affixi curulibus ſuis manum tantum, & hanc cunctanter & pigre, & impudentibus ſimiles, promerent. Contigit ergo oculis noſtris iſolita facies, principis aequati candidatis & ſimilantis; contigit intueri parem

parem accipientibus, honorem qui dabat. Quod 4
 factum tuum a cuncto senatu quam vera ac-
 clamatione celebrarum est, TANTO MAIOR,
 TANTO AVGUSTIOR! Nam CVI nihil
 ad augendum fastigium superest, hic uno mo-
 do crescere potest, si se ipse submittat, secu-
 rus magnitudinis suae. Neque enim ab ullo 5
 periculo fortuna principum longius abest, quam
 ab humilitatis. Mihi quidem non tam huma-
 nitas tua, quam intentio eius admirabilis vi-
 debatur. Quippe quum orationi oculos, vo- 6
 cem, manum commodares: ut si alii eadem ista
 mandassent, omnes comitatis numeros obibas.
 Atque etiam, quum suffragatorum nomina ho-
 nore, quo solent, exciperentur: tu quoque in-
 ter excipientes eras, & ex ore principis ille se-
 natorius assensus audiebatur. Quodque apud 7
 principem perhibere testimonium merentibus
 gaudebamus, perhibebatur a principe. Facie-
 bas ergo, quum dices OPTIMOS: nec ipso-
 rum modo vita a te, sed iudicium senatus
 comprobabatur, ornarique se non illos magis,
 quos laudabas, laetabatur.

LXXII. Nam quod precatus es, vt illa
 ipsa ordinatio comitiorum bene ac feliciter
 eueniret NOBIS, REIPUBLICAE, TIBI;
 nonne tale est, vt nos hunc ordinem vo-
 torum conuertere debeamus? deos denique
 obsecrare, vt omnia, quae facis, quaeque fa-
 cies, prospere cedant TIBI, REIPUBLICAE,
 NOBIS?

NOBIS? vel, si breuius sit optandum, vt
VNI TIBI? in quo & res publica & nos su-
2 mus? Fuit tempus, ac nimium diu fuit, quo
alia aduersa, alia secunda, principi & nobis:
nunc communia tibi nobiscum tam laeta, quam
tristia: nec magis sine te nos esse felices, quam
3 tu sine nobis, potes. An, si posset, in fine
votorum adieceris, VT ITA PRECIBVS
TVIS DII ANNVERENT, SI IUDICIVM
NOSTRVM MERERI PERSEVERASSE?
Adeo nihil tibi amore ciuium antiquius, vt
ante a nobis, deinde a diis; atque ita ab il-
4 lis amari velis, si a nobis ameris. Et sane
priorum principum exitus docuit, NE a diis
quidem amari, nisi quos homines ament. Ar-
duum erat, has precatio[n]es tuas laudibus adae-
5 quare: adaequauiimus tamen. Qui amoris ar-
dor, qui stimuli, quae faces illas nobis accla-
mationes subiecerunt? Non nostri, Caesar, in-
genii, sed tuae virtutis tuorumque merito-
rum voces fuerunt: quas nulla v[er]nam adu-
latio inuenit, nullus cuiusquam terror expre-
6 sit. Quem sic timuimus, vt haec fingeremus?
quem sic amamus, vt haec fateremur? Nostri
necessitatem seruitutis: quando simile aliquid
audisti, & quando dixisti? MVLTA quidem
excogitat metus; sed quae apparent quaesita
ab inuitis: aliud sollicitudinis, aliud securita-
tis ingenium est; alia tristum inuentio, alia
gaudentium: neutrum simulationes expresse-
rint. Habent sua verba miseri, sua verba fe-
lices;

lices; vtque maxime eadem ab utrisque dicantur, aliter dicuntur.

LXXIII. Testis ipse es, quae in omnium ore laetitia. non amictus cuiquam, non habitus, quem modo extulerat. inde resultantia vocibus testa, nihilque tantis clamoribus satis clausum. Quis nunc non ex vestigio suo exsiliuit? quis exsiluisse sensit? Multa fecimus sponte, plura instinctu quodam & imperio. Nam GAVDIO quoque cogendi vis inest. Nam ergo modum ei tua saltem modestia imposuit? nam quanto magis a te reprimebatur, exarsimus, non contumacia, Caesar. Sed ut in tua potestate est an gaudemus; ita in quantum, nec in nostra. Comprobasti & ipse acclamatio-
num nostrarum fidem, lacrymarum tuarum ve-
ritate. Vidimus humescentes oculos tuos, de-
missumque gaudio vultum, tantumque sanguinis in ore, quantum in animo pudoris. Atque hoc magis incensi sumus, ut precaremur,
ne quando tibi non eadem caussa lacrymarum,
vtque nunquam frontem tuam absterges. Hoc ipsum templum, has sedes nobis quasi respon-
suras interrogemus, viderintne unquam prin-
cipis lacrymas? at senatus saepe viderunt,
Onerasti futuros principes: sed & posteros no-
stros. Nam & hi a principibus suis exigent,
ut eadem audire mereantur: & illi, quod non
audiant, indignabuntur.

LXXIV. Nihil magis possum propriè dicere, quam quod dictum est a cuncto senatu: **O TE FELICEM!** quod quum dicemus, non opes tuas, sed animum mirabamur. **EST** enim demum vera felicitas, felicitate dignum videri. Sed cum multa illo die dicta sunt sapienter & grauiter, tum vel in primis hoc, **CREDE NOBIS, CREDE TIBI.** Magna hoc fiducia nostri, maiore tamen tui diximus. Alius enim fortasse alium, ipsum se nemo deceperit. Introspectat modo vitam, sequitur, quid mereatur, interroget. Proinde dabant vocibus nostris fidem apud optimum principem, quod apud malos detrahebat. Quamuis enim faceremus, quae amantes solent: illi tamen, non amari se, credebant sibi. Super haec precati sumus; ut **SIC TE AMARENT DII, QVEMADMODVM TV NOS.** Quis hoc aut de se, aut principi diceret mediocriter amanti? Pro nobis ipsis quidem haec fuit summa votorum: ut **NOS SIC AMARENT DII, QVOMODO TV.** Estne verum, quod inter ista clamauiimus, **O NOS FELICES!** Quid enim felicius nobis, quibus non iam illud optandum est, ut nos diligit princeps, sed dii quemadmodum princeps? Ciuitas religionibus dedita, semperque deorum indulgentiam pietate merita, nihil felicitati suae putat adstrui posse, nisi ut dii **Caesarem imitantur.**

LXXV. Sed quid singula consecutor & colligo? quasi vero aut oratione complecti, aut memoria consequi possim, quae vos, P. C. ne qua interciperet obliuio, & in publica acta mitenda, & incidenda in aere centuistis? Ante, 2 orationes principum tantum, eiusmodi genere monumentorum mandari aeternitati solebant: acclamations quidem nostrae parietibus curiae claudebantur. Erant enim, quibus nec senatus 3 gloriari, nec princeps possent. Has vero & in vulgus exire, & posteris prodi, cum ex utilitate, tum ex dignitate publica fuit. Primum, ut orbis terrarum pietatis nostrae adhiberetur testis & conscius: deinde, ut manifestum esset, audere nos de bonis malisque principibus, non tantum post ipsos iudicare: postremo, ut experimento cognosceretur, & ante nos gratos, sed miseros fuisse; quibus esse nos gratos probare antea non licuit. At qua contentione, 4 quo nisu, quibus clamoribus expostulatum est; ne affectus nostros, ne tua merita suppresseres? denique, ut in posterum exemplo prouideres? Discant & principes acclamations veras falsas- 5 que discernere, habeantque muneris tui, quod iam decipi non poterunt. Non instruendum illis iter ad bonam famam, sed non deserendum: non submouenda adulatio; sed non reducenda est. Certum est, & quae facere, & quae debeant audire, si faciant. Quid nunc 6 ego super ea, quae sum cum toto senatu precatus, pro senatu precer? nisi ut haereat ani-

mo tuo gaudium, quod tunc oculis protuli-
sti. Ames illum diem, & tamen vincas: no-
ua merearis, noua audias: eadem enim dici,
nisi ob eadem facta, non possunt.

LXXVI. Iam quam antiquum, quam
consulare, quod triduum totum senatus sub
exemplo tui sedit, quum interea nihil praec-
2 ter consulem ageres? Interrogauit quisque, quod
placuit: dissentire, discedere, & copiam iudi-
cii sui reipublicae facere, tutum fuit; consulti
omnes, atque etiam dinumerati sumus: vicit-
3 que sententia non prima, sed melior. At quis
antea loqui, quis hiscere audebat, praeter mi-
seros illos, qui primi interrogabantur? ceteri
quidem defixi & attoniti ipsam illam mutam
ac sedentariam assentiendi necessitatem, quo
cum dolore animi, quo cum totius corporis
4 horrore perpetiebantur? Vnus solusque censem-
bat, quod sequerentur omnes, & omnes im-
probarent, inprimis ipse, qui censuerat. Adeo
NVLLA magis omnibus displicent, quam quae-
5 sic fiunt, tanquam omnibus placeant. Fortasse
imperator in senatu ad reverentiam eius componebatur: ceterum egressus, statim se recipiebat in principem, omniaque consularia offi-
cia abigere, negligere, contemnere solebat. Ille
vero ita consul, ut si tantum consul foret:
nihil infra se putabat, nisi quod infra consu-
6 lem esset. Ac primum, ita domo progredie-
batur, vt illum nullus apparatus arrogantiae
7 prin-

principalis, nullus praecursorum tumultus detineret. Vna erat in limine mora, consulta re aues, reuererique numinum monitus. Ne- 8
mo perturbabatur, nemo submouebatur: tanta viatoribus quies, tantus pudor fascibus, vt plerumque aliena turba subsistere & consulem & principem cogeret: ipsius quidem officium tam modicum, tam temperatum, vt antiquus aliquis magnus consul sub bono principe incedere videretur.

LXXVII. Iter illi saepius in forum, frequenter tamen & in campū. Nam comitia consulū obibat ipse; tantum ex renuntiatione eorum voluptatis, quantum prius ex destinatione capiebat. Stabant candidati ante 2 curulem principis, vt ipse ante consulis steterat, adigebanturque in verba, in quae paullo ante ipse iurauerat princeps: qui tantum putat esse in iureitando, vt illud & ab aliis exigat. Reliqua pars diei tribunali dabatur. 3 Ibi vero quanta religio aequitatis? quanta legum reuerentia? Adibat aliquis vt principem: respondebat, se consulem esse. Nullius ab eo 4 magistratus ius, nullius auctoritas imminuta est: aucta etiam, siquidem pleraque ad praetores remittebat: atque ita, vt collegas vocaret. Non quia populare gratumque audientibus, sed quia ita sentiebat. Tantum dignationis in ipso honore ponebat, vt non amplius esse censeret, quod aliquis collega appellaretur. 5

a principe, quam quod praetor esset. Ad haec
 tam assiduus in tribunali, vt labore refici ac
 6 reparari videretur. Quis nostrum idem curae,
 idem sudoris sumit? quis adeo expeditis ho-
 7 noribus aut deseruit, aut sufficit? Et sane
 aequum est tantum ceteris praestare consulibus
 ipsum, qui consules facit: quippe etiam For-
 tunae videbatur indignum, si posset honores
 dare, qui gerere non posset. Factius consu-
 les doceat, accepturisque amplissimum honorem
 persuadeat, scire se, quid sit, quid daturus
 sit: sic fit, vt illi quoque sciant, quid acce-
 perint.

LXXVIII. Quo iustius senatus, vt su-
 sciperes quartum consulatum, & rogauit &
 iussit. Imperii hoc verbum, non adulacionis
 esse, obsequio tuo crede: quod non alia in re
 magis aut senatus exigere a te, aut tu pree-
 2 flare senatui debes. Ut enim ceterorum ho-
 minum, ita principum, illorum etiam, qui dii-
 fisi videntur, aevum omne & breue & fragi-
 le est. Itaque optimum quemque niti & con-
 tendere decet, vt post se quoque ieiublicae
 prospicit, moderationis scilicet iustitiaeque moni-
 mentis, quae plurima statuere consul potest.
 Haec nempe intentio tua, vt libertatem re-
 3 uoces ac reducas. Quem ergo honorem ma-
 gis amare, quod nomen usurpare saepius de-
 bes, quam quod primum inuenit recuperata
 4 libertas? Non est minus ciuile, & principem
 esse

esse pariter, & consulem, quam tantum consulem. Habe etiam rationem vetercundiae collegarum tuorum; collegarum inquam: ita enim & ipse loqueris, & nos loqui vis. Onerosa erit modestiae illorum testi*tii* consulatus sui recordatio, donec te consulem videant. Neque enim potest non nimium esse priuatis, quod principi satis est. Annuas, Caesar, optantibus, qui busque apud deos adesse consuesti, quorum potens es ipse, votorum compotes facias.

LXXIX. Fortasse sufficiat tibi tertius consulatus: sed nobis tanto minus sufficit. Ille nos instituit & induxit, vt te iterum iterumque consulem habere cupiamus. Remissius istud contendere mus, si adhuc non sciremus, qualis esses futurus. Tolerabilius fuit, experimentum tui nobis, quam usum negari. Dabitur ne rursus videre consulem illum? audiet & reddet, quas proxime, voces? praestabitque gaudium, quantum ipse percipiet? praesidebit laetitiae publicae auctor eius & caussa? tentabitque affectus nostros, vt solet, cohibere; nec poterit? Erit pietati natus, cum modestia principis, felix speciosumque certamen, seu fuerit victa, seu vicebit? Evidem incognitam quandam proximaque maiorem praesumo laetitiam. Quis enim est tam imbecilli ingenio, qui non tanto meliorem consulem speret, quanto saepius fuerit? Alius labores, si non continuo se desidiae ac voluptati dedisset, otio

tamen & quiete recreaslet: hic consularibus curis exsolutus, principales resumfit, tam diligens temperamenti, vt nec consulis officium, 6 princeps; nec principis, consul appeteret. Videlimus, vt prouinciarum desideriis, vt singularum etiam ciuitatum precibus occurrat. Nulla in audiendo difficultas, nulla in respondendo mora: adeunt statim, dimituntur statim: tandemque principis fores exclusa legationum turba, non obsidet.

LXXX. Quid? in omnibus cognitionibus, quam mitis seueritas, quam non dissoluta clementia? Non locupletando fisco sedes, nec aliud tibi sententiae tuae preium, quam 2 bene iudicasse. Stant ante te litigatores, non de fortunis suis, sed de tua existimatione solliciti, nec tam verentur, quid de causa sua, 3 quam quid de moribus sentias. O vere principis, atque etiam consulis, reconciliare aemulas ciuitates; tumultesque populos non imperio magis, quam ratione compescere: intercedere iniquitatibus magistratum, infectumque 4 reddere, quidquid fieri non oportuerit; postremo, velocissimi fideris more, omnia inuisere, omnia audire, & vndeunque inuocatum 5 statim, velut numen, adesse & adsistere! Talia esse crediderim, quae ipse mundi parens temperat natus, si quando oculos demisit in terras, & facta mortalium inter diuina opera numerare dignatus est: qua nunc parte curarum liber

liber solutusque, coelo tantum vacat, postquam
te dedit, qui erga omne hominum genus vi-
ce sua fungereris. Fungeris enim, suffici-
que mandanti: quum tibi dies omnis summa
cum utilitate nostra, cum tua laude, condatur.

LXXXI. Quod si quando cum influen-
tibus negotiis paria fecisti, instar refectionis
existimas mutationem laboris. Quae enim re-
missio tibi, nisi lustrare saltus, excutere cubi-
dibus feras, superare immensa montium iuga.
& horrentibus scopulis gradum inferre, nul-
lius manu, nullius vestigio adiutum: atque in-
ter haec pia mente adire lucos, & occurssare
numinibus? Olim haec experientia iuuentutis, 2
haec voluptas erat, his artibus futuri duces
imbuebantur: certare cum fugacibus feris cur-
su, cum audacibus robore, cum callidis astu:
nec mediocre pacis decus habebatur, submota
campis irruptio ferarum, & obsidione quadam
liberatus agrestium labor. Vsurpabant gloriam 3
istam illi quoque principes, qui obire non pot-
erant: usurpabant autem, ut domitas fractas-
que claustris feras, ac deinde in ipsorum qui-
dem ludibrium emissas mentita sagacitate col-
ligerent. Nunc par capiendi quae*rendique* su-
 dor, summusque & idem gratissimus labor, in-
uenire. Enimuero, si quando placuit idem 4
corporis robur in maria proferre, non ille flui-
tantia vela, aut oculis sequitur, aut manibus:
sed nunc gubernaculis adsidet, nunc cum va-

lentissimo quoque sodalium certat frangere flu-
etus, dominare ventos reluctantēs, remisque
transire obstantia freta.

LXXXII. Quantum dissimilis illi, qui
non Albani lacus otium, Baianique torporem
& silentium ferre, non pulsū saltem frago-
remque remorum perpeti poterat, quin ad
2 singulos ictus turpi formidine horresceret. Ita-
que procul ab omni sono inconcussus ipse &
immotus, religato reuinctoque nauigio, non
3 secus ac piaculum aliquod, trahebatur. Foe-
da facies, quam P. R. imperator alienum cur-
sum, alienumque rectorem, velut capta naue,
sequeretur. Nec deformitate ista saltem flu-
mina carebant atque amnes. Danubius ac Rhe-
nus tantum illud nostri dedecoris vehere gau-
deban, non minore cum pudore imperii quod
haec Romanae aquilae, Romana signa, Roma-
na denique ripa, quam quod hostium prospe-
ctarent. Hostium, quibus moris est, eadem
5 illa nunc rigentia gelu stumina, aut campis su-
perflua, nunc liquida ac deferentia, lustrare
nauigis, nandoque superare. Nec vero lau-
dauerim per se magnopere duritiem corporis
ac lacertorum; sed si his validior toto cor-
pore animus imperitet, quem non fortunae in-
dulgentiae moliant, non copiae principales ad
segnitatem luxumque detorqueant; tunc ego,
6 seu montibus seu mari exerceatur, & laetum
opere corpus, & crescentia laboribus membra
miram-

mirabor. Video enim iam inde antiquitus 7
maritos dearum, ac deorum liberos, nec digni-
tate nuptiarum magis, quam his artibus incla-
ruisse. Simul cogito, quum sint ista ludus & 8
auocamentum huius, quae quantaeque sint il-
lae seriae & intentae, & a quibus se in tale
otium recipit, voluptates. SVNΓ enim vor-
luptates, quibus optime de cuiusque grauita-
te, sanctitate, temperantia creditur. Nam quis 9
adeo dissolutus, cuius non occupationibus ali-
qua species seueritatis incidat? Otio prodimur.
An non plerique principes hoc idem tempus
in aleam, stupra, luxum conferebant? quum
seriarum laxamenta curarum, vitiorum conten-
tione supplerent?

LXXXIII. HABET hoc primum ma-
gna fortuna, quod nihil tectum, nihil occul-
tum esse patitur: principam vero non modo
domos, sed cubicula ipsa intimosque secessus
recludit, omniaque arcana noscenda famae pro-
ponit atque explicat. Sed tibi, Caesar, ni-
hil accommodatius fuerit ad gloriam, quam pe-
nitus inspici. Sunt quidem paeclara, quae 2
in publicum profers; sed non minora ea, quae
limine tenes. Est magnificum, quod te ab omni
contagione vitiorum reprimis ac reuocas, sed
magnificentius, quod tuos. Quanto enim ma- 3
gis arduum est, alios praestare, quam se; tan-
to laudabilius, quod, quum ipse sis optimus,
omnes circa te similes tui effecisti. Multis il- 4
li 4 lu-

lustribus dedecori fuit, aut inconsultius vxor assumta, aut retenta patientius: ita foris claros domestica destruebat infamia: & ne maxi-
mi ciues haberentur, hoc efficiebat, quod ma-
riti minores erant. Tibi vxor in decus &
gloriam cedit. Quid enim illa sanctius? quid
antiquius? Nonne, si pontifici maximo deli-
genda sit coniux, aut hanc aut similem (vbi
est autem similis?) elegerit? Quam illa nihil
sibi ex fortuna tua, nisi gaudium vindicat?
quam constanter non potentiam tuam, sed
ipsum te reueretur? Idem estis inuicem, quod
fuistis: probatis ex aequo: nihilque vobis fe-
licitas addidit, nisi quod scire coepistis, quam
bene vterque vestrum felicitatem serat. Ea-
dem quam modica cultu? quam parca comita-
tu? quam ciuilis incessu? Mariti hoc opus,
qui ita imbuit, ita instituit. Nam **VXORI**
sufficit obsequii gloria. An, quum videat,
quam te nullus terror, nulla comitetur am-
bitio; non & ipsa cum silentio incedat? in-
redientemque pedibus maritum, in quantum
patitur sexus, imitetur? Decuerit hoc illam,
etiamsi diuersa tu facias. Sub hac vero mo-
destia viri, quantam debet verecundiam vxor
marito? femina sibi?

LXXXIV. Soror autem tua, vt se so-
rorem esse meminit! vt in illa tua simplici-
tas, tua veritas, tuus candor agnoscitur? vt
si quis eam vxori tuae conferat, dubitare co-
gatur,

gatur, vtrum sit efficacius ad recte viuendum,
bene institui, aut feliciter nasci. NIHIL est 2
tam prouum ad similitates, quam aemulatio,
in feminis praefertim: ea porro maxime na-
scitur ex coniunctione, alitur aequalitate, exar-
descit inuidia, cuius finis est odium. Quo qui- 3
dem admirabilius existimandum est, quod mu-
lieribus duabus in una domo, parique fortuna,
nullum certamen, nulla contentio est. Suspi- 4
ciunt inuicem, inuicem cedunt: quumque te
vtraque effusissime diligit, nihil sua putant in-
teresse, vtram tu magis ames. Idem vtrique
propositum, idem tenor vitae, nihilque ex quo
sentias duas esse. Te enim imitari, te subse- 5
qui student. Ideo vtraque mores eosdem, quia
vtraque tuos, habet: inde moderatio, inde
etiam perpetua securitas. Neque enim vnquam
periclitabuntur esse priuatae, quae non desier-
tunt. Obtulerat illis senatus cognomen Au- 6
gustarum, quod certatim deprecatae sunt, quam-
diu appellationem Patris patriae tu recusasses:
seu, quod plus esse in eo iudicabant, si vxor
& soror tua, quam si Augustae dicerentur.
Sed quaecunque illis ratio tantam modestiam 7
fuerit; hoc magis dignae sunt, quae in animis
nostris & sint & habeantur augustae, quia non
vocantur. Quid enim laudabilius feminis, 8
quam si verum honorem non in splendore ti-
tulorum, sed in iudiciis hominum reponant?
magnisque nominibus pares se faciant, etiam
dum recusant?

LXXXV. Iam etiam & in priuatorum animis exoleuerat priscum mortalium bonum, amicitia, cuius in locum migrauerant assentationes, blanditiae, & PEIOR odio amoris simulatio. Etenim in principum domo nomen tantum amicitiae, inane scilicet irrisumque, manebat. Nam quae poterat esse inter eos amicitia, quorum sibi alii domini, alii serui videbantur? Tu hanc pulsam & errantem reduxisti: habes amicos, quia amicus ipse es. NEQVE enim, ut alia subiectis, ita amor imperatur: neque est ullus affectus tam erectus, & liber, & dominationis impatiens, nec qui magis vices exigat. Potest fortasse princeps inique, potest tamen odio esse nonnullis, etiamsi ipse non oderit: AMARI, nisi ipse amet, non potest. DILIGIS ergo, quum diligaris, & in eo, quod vtrinque honestissimum est, tota gloria tua est; qui superior factus, descendis in omnia familiaritatis officia, & in amicum ex imperatore submitteris: immo tunc maxime imperator, quum amicum ex imperatore agis. Etenim quum plurimis amicitiis fortuna principum indigeat, praecipuum est principis opus, amicos, parare. Placeat tibi semper haec secta, & cum alias virtutes tuas, tum hanc constantissime teneas: NEC vnuquam persuadeatur, humile esse principi, nisi odisse. IVGVNDISSIONVM est in rebus humanis amari, sed non minus amare: quorum vtroque ita frueris, vt quum ipse ardentissime dili-

diligas, adhuc tamen ardentius diligaris. Pri- 8
mum, quia facilius est vnum amare, quam
multos: deinde, quia tibi amicos tuos obli-
gandi adest facultas tanta, vt nemo possit te,
nisi ingratuſ, non magis amare.

LXXXVI. Operae pretium est referre,
quod tormentum tibi iniunxeris, ne quid ami-
co negares. Dimisisti optimum virum, tibi
carissimum, inuitus & tristis, & quasi retinere
non posses. quantum amares eum, desiderio
expertus es: distractus separatusque, dum ce-
dis & vinceris. Ita quod fando inauditum, 2
quum princeps & principis amicus diuersa vel-
letis, id potius factum est, quod amicus vo-
lebat. O rem memoriae litterisque mandan-
dam! Praefectum praetorii non ex ingerenti-
bus, sed ex subtrahentibus legere; eundemque
otio, quod pertinaciter amet, reddere: quum-
que sis ipse distentus imperii curis, non quie-
tis gloriam cuiquam inuidere. Intelligimus, 3
Caesar, quantum tibi pro laboriosa ista statio-
ne & exercita debeamus, quum otium a te,
tanquam res optima, & petatur, & detur.
Quam ego audio confusionem tuam fuisse,
quum digredientem prosequereris? Prosequi-
zus enim nec temperasti tibi, quo minus exe-
unti in littore amplexus osculum ferres. Ste- 4
xit Caesar in illa amicitiae specula, precatus-
que maria, celere inque (si tamen ipse voluis-
set) recursum, nec sustinuit recedentem nou-
etiam

5 etiam atque etiam votis, lacrymis, sequi. Nam
 de liberalitate taceo. Quibus enim muneri-
 bus aequari haec cura principis, haec patien-
 tia potest? qua meruisti, ut ille sibi nimium
 fortis, ac prope durus videretur? Nec dubi-
 to, quin agitauerit secum, an gubernacula re-
 torqueret: & fecisset, nisi quod paene ipso
 contubernio principis felicius iucundiusque est,
 6 desiderare principem. Et ille quidem ut ma-
 ximo fructu suscepit, ita maiore depositi of-
 ficii gloria fruitur: tu autem facilitate ista
 consequutus es, ne quem retinere videaris
 inuitum.

LXXXVII. Ciuale hoc erat, & paren-
 ti publico conuenientissimum, nihil cogere:
 semperque meminisse, NVLLAM tantam po-
 testatem cuiquam dari posse, ut non sit gra-
 2 tior potestate libertas. Dignus es, Caesar, qui
 officia mandes deponere optantibus; qui peten-
 tibus vacationem inuitus quidem, sed tamen
 tribuas; qui ab amicis orantibus requiem no-
 te relinqui putas; qui semper inuenias, & quos
 3 ex otio reuoces, & quos otio reddas. Vos
 quoque, quos parens noster familiariter inspi-
 cere dignatur, fouete sancte iudicium eius,
 quod de vobis habet: hic vester labor est.
 4 PRINCEPS enim, quum in uno probauit
 amare se scire, vacat culpa, si alios minus
 amat. Ipsum quidem quis mediocriter dili-
 gat? quum leges amandi non det, sed acci-
 piat?

piat? Hic præsens, ille manult absens amari: vterque ametur, vt manult: nemo in taedium præsentia, nemo in obliuionem absentia veniat. Tenet quisque locum, quem semper meruit; faciliusque est, vt oculis eius vultus absentis, quam vt animo caritas excidat.

LXXXVIII. Plerique principes, quum essent ciuum domini, libertorum erant serui: horum consiliis, horum nutu regebantur: per hos audiebant, per hos loquebantur: per hos praeturae etiam, & sacerdotia, & consulatus, immo & ab his, petebantur. Tu libertis tuis summum quidem honorem, sed tanquam libertis habes; abundeque sufficere his credis, si probi & frugi existimentur. Scis enim, **PRAECIPVVM** esse indicium non magni principis, magnos libertos. Ac primum neminem in usu habes, nisi aut tibi, aut patri tuo, aut optimo cuique dilectum; statimque hos ipsos quotidie, deinde ita formas, vt se non tua fortuna, sed sua metiantur: & tanto magis digni, quibus honor omnis praestetur a nobis, quia non est necesse. Iustisne de caussis **S. P. Q. R.** **OPTIMI** tibi cognomen adiecit? Paratum id quidem & in medio positum, nouum tamen. Scias neminem ante meruisse, quod non erat excogitandum, si quis meruisset. An satius fuit **FELICEM** vocare? quod non moribus, sed fortunae datum est. Satius **MAGNUM**? cui plus inuidiae, quam pulchritudinis inest. Adopta-

ptauit te optimum princeps in suum, senatus
 6 in OPTIMI nomen. Hoc tibi tam proprium,
 quam paternum, nec magis definite distinete-
 que designat, qui TRAIANVM, quam qui
 OPTIMVM appellat, ut olim frugalitate Pi-
 sones, sapientia Laelii, pietate Metelli mon-
 strabantur. Quae simul omnia uno isto nomi-
 ne continentur. NEC videri potest optimus,
 nisi qui est omnibus [optimis] in sua cuius-
 que laude praestantior. Merito tibi ergo, post
 ceteras appellationes haec est addita, ut maior.
 Minus est enim Imperatorem, & Caesarem, &
 Augustum, quam omnibus Imperatoribus, &
 8 Caesariibus, & Augustis esse meliorem. Ideo-
 que ille parens hominum deorumque OPTI-
 MI prius, deinde MAXIMI nomine colitur.
 quo praeclarior laus tua, quem non minus
 9 constat optimum esse, quam maximum. Ad-
 sequutus es nomen, quod ad alium transire
 non possit, nisi ut appareat in bono principe alien-
 num, in malo falsum: quod licet omnes postea
 usurpent, semper tamen agnoscerunt ut tuum.
 10 Etenim, ut nomine AVGVSTI admonemur
 eius, cui primum dicatum est: ita haec OPTI-
 MI appellatio, nunquam memoriae hominum
 sine te recurret, quotiesque posteri nostri
 OPTIMVM aliquem vocare cogentur, toties
 recordabuntur, quis meruerit vocari.

LXXXIX. Quanto nunc, diue Nerua,
 gaudio frueris, quum vides & esse OPTI-
 MVM, & dici, quem tanquam optimum ele-
 gisti?

gisti? quam laetum tibi, quod comparatus filio tuo vinceris! Neque enim alio magis approbatur animi tui magnitudo, quam quod optimus ipse non timuisti eligere meliorem. Sed & tu, pater Traiane (nam tu quoque, si non sidera, proximam tamen sideribus obtines sedem) quantam percipis voluptatem, quum illum tribunum, illum militem tuum, tantum imperatorem, tantum principem cernis? cumque eo, qui adoptauit, amicissime contendis, pulchrius fuisse genuisse talem, an elegisse? Maecte uterque ingenti in temp. merito, cui hoc tantum boni contulisti! Licet alteri vestrum filii virtus triumphalia, caelum alteri dederit: non minor tamen vestra laus, quod ista per filium, quam si ipsi meruissetis.

XC. Scio, P. C. cum ceteros ciues, tum praecipue consules, oportere sic adfici, ut se publice magis, quam priuatim obligatos putent. Ut enim malos principes rectius pulchriusque est ex communibus iniuriis odisse, quam propriis; ita boni speciosius amantur ob ea, quae generi humano, quam quae hominibus, praestant. Quia tamen in consuetudinem venit, ut consules publica gratiarum actione perlata, suo quoque nomine, quantum debeant principi, profiteantur: concedite, me non pro me magis munere isto, quam pro collega meo Cornuto Tertullo, C. V. fungi. Cur enim non pro illo quoque gratias agam, pro quo non minus

minus debeo? praesertim quum indulgentissimus imperator in concordia nostra ea praestiterit ambobus; quae si tantum in alterum contulisset, ambos tamen aequaliter obligasset.

5 Vtrumque nostrum ille optimi cuiusque ipsiulator & carnifex stragibus amicorum, & in proximum iacto fulmine adflauerat. Idem enim amicis gloriabamur, eosdem amissos lugebamus: ac sicut nunc spes gaudiumque, ita tunc communis nobis dolor & metus erat.

6 Habuerat hunc honorem periculis nostris diuus Nerua, ut nos, et si minus notos, ut bonos tamen, promouere vellet: quia mutati seculi signum & hoc esset, quod florerent, quodrum praecipuum votum ante fuerat, ut memoriae principis elaberentur.

XCI. Nondum biennium completeramus in officio laboriosissimo & maximo, quum tu nobis, optime principum, fortissime Imperatorum, consulatum obtulisti, ut ad summum honorem gloria celeritatis accederet. Tantum inter te & illos principes interest, qui beneficiis suis commendationem ex difficultate capabant, gratiore que accipientibus honores arbitrabantur, si prius illos desperatio, & tandem, & similis repulsae mora, in notam quandam pudoremque vertissent. Obstat verecundia, quo minus percenseamus, quo vtrumque nostrum testimonio ornaris; ut amore recti, amore reipublicae prisca illis consulibus aequalueris.

ueris. Merito necne, neutram in partem de- 4
cernere audeamus: quia nec fas est adfirmatio-
ni tuae derogare; & onerosum confiteri vera
esse, quae de nobis, praesertim tam magnifica,
dixisti. Tu tamen dignus es, qui eos consu- 5
les facias, de quibus possis ista praedicare. Tri-
buas veniam, quod inter haec beneficia tua
gratissimum est nobis, quod nos rursus colle-
gas esse voluisti. Ita caritas mutua, ita con- 6
gruens tenor vitae, ita vna eademque ratio
propositi postulabat: cuius ea vis, ut morum
similitudo concordiae nostrae gloriam minuat:
ac perinde sit mirum, si alter nostrum a col-
lega, ac si a se ipso dissentiat. Non ergo tem- 7
porarium & subitum est, quod vterque colle-
gac consulatu, tanquam iterum suo gaudet:
nisi quod tamen, qui rursus consules fiunt,
bis quidem, sed temporibus diuersis obligan-
tur: nos duos consulatus accipimus simul, si-
mul gerimus, alterque in altero consules, sed
iterum & pariter sumus.

XCII. Illud vero quam insigne! quod
nobis praefectis aerario consulatum ante, quam
successorem dedisti? Aucta est dignitas digni-
tate: neque continuatus tantum, sed gemina-
tus est honor, finemque potestatis alterius,
tanquam parum esset excipere, praeuenit.
Tanta tibi integritatis nostrae fiducia fuit, vt 2
non dubitares, te salua diligentiae tuae ratio-
ne esse facturum, si nos post maximum offici-
K k um

um priuatos esse non sineres. Quid, quod
 cundem in annum consulatum nostrum contu-
 listi? Ergo non alia nos pagina, quam te con-
 sulem accipiet, & nostra quoque nomina ad-
 dentur fastis, quibus ipse praescriberis. Tu
 comitiis nostris praesidere, tu nobis sanctissi-
 mum illud carmen praeire dignatus es, tuo
 iudicio consules facti, tua voce renuntiati su-
 mus: ut idem honoribus nostris suffragator in
 curia, in campo declarator exsisteres. Nam
 quod cum potissimum mensem attribuisti,
 quem tuus natalis exornat, quam pulchrum
 nobis! quibus edicto, quibus spectaculo cele-
 brare continget diem illum triplici gaudio lae-
 tum: qui principem abstulit pessimum, dedit
 optimum, meliorem optimo genuit. Nos sub
 oculis tuis augustior solito currus accipiet: nos
 inter secunda omina, & vota certantia, quae
 praesenti tibi conferentur, vehemur alacres, &
 incerti ex vtra parte maior auribus nostris ac-
 sidat clamor.

XCIII. Super omnia tamen praedican-
 dum videtur, quod pateris consules esse; quos
 fecisti: quippe nullum periculum, nullus ex
 principe metus consulares animos debilitat &
 frangit; nihil inuitis audiendum, nihil coactis
 decernendum erit. Manet manebitque honori
 veneratio sua; nec securitatem auctoritate per-
 demus. Ac si quid forte ex consulatus fa-
 natio fuerit diminutum, nostra haec erit cul-
 p*p. 2*

pa, non seculi. Licet enim, quantum ad prin-
cipem, licet tales consules agere, quales ante
principes erant. Vllamne tibi pro beneficiis re- 3
ferre gratiam parem possumus, nisi tantum il-
lam, vt semper nos meminerimus consules fuisse,
& consules tuos; ea sentiamus, ea censeamus,
quae consularibus digna sunt: ITA versemur
in re publica, vt credamus esse rem publicam.
Non consilium nostrum, non operam subtraham-
mus, nec disiunctos nos, & quasi dimissos con-
sulatu, sed quasi adstrictos & deuinctos pute-
mus: eundemque locum laboris & curae, quem
reuerentiae dignitatisque, teneamus.

XCIV. In fine orationis praefides custo-
desque imperii deos ego consul pro rebus hu-
manis, ac te praecipue, Capitoline Iupiter, pre-
cor, vt beneficiis tuis faueas, tantisque mune-
ribus addas perpetuitatem. Audisti, quae ma- 2
lo principi precabamur; exaudi, quae pro dis-
simillimo optamus. Non te distingimus vo-
tis: non enim pacem, non concordiam, non
securitatem, non opes oramus, non honores:
simplex cunctaque ista complexum vnum omni-
um votum est, SALVS PRINCIPIS. Nec 2
vero noua tibi iniungimus. Tu enim iam tunc
illum in tutelam recepisti, quum praedonis
audissimi fauibus eripuisti. neque enim sine
auxilio tuo, quum altissima quaeque quateren-
tur, hic, qui omnibus excelsior erat, incon-
cussus stetit. Praeteritus est a pessimo princi-

4 pe, qui praeteriri ab optimo non potuit. Tu clara iudicij tui signa misisti, quum profici-
scenti ad exercitum tuo nomine, tuo honore
cessisti. Tu voce Imperatoris, quid sentires,
locutus, filium illi, nobis parentem, tibi pon-
5 tificem maximum elegisti. Quo maiore fidu-
cia iisdem illis votis, quae ipse pro se nun-
cupari iubet, oro & obtestor, si bene rempu-
blicam, si ex utilitate omnium regit, primum,
vt illum nepotibus nostris ac pronepotibus ser-
ues: deinde, vt quandoque successorem ei tri-
buas, quem generit, quem formauerit, simi-
lemque fecerit adoptato; aut, si hoc fato ne-
gatur, in consilio sis eligenti, monstresque ali-
quem, quem adoptari in Capitolio deceat.

XCV. Vobis, P. C. quantum debeam,
publicis etiam monumentis continetur. Vos
mihi in tribunatu quietis, in praetura mode-
stiae; vos in ipsis officiis etiam, quae e studiis
nostris circa tuendos socios iniunxeratis, cuncti
constantiae antiquissimum testimonium perhi-
buistis. Vos proxime destinationem consul-
tus mei his acclamationibus approbauistis, vt
intelligam, etiam atque etiam entendum mi-
hi, vt hunc consensum vestrum complectar,
2 & teneam, & in dies augeam. Etenim me-
mini TVNC verissime iudicari, meruerit quis
3 honorem, necne, quum adeptus est. Vos mo-
do fauete huic proposito, & credite, si cursu
4 quodam prouectus ab illo insidiosissimo prin-
cipe,


cipe, ante quam profiteretur odium bonorum,
postquam professus est, substiti; quum viderem,
quae ad honores compendia paterent, longius
iter malui: si malis temporibus inter moestos
& pauentes, bonis inter securos gaudentesque
numeror: si denique in tantum diligo optimum
principem, in quantum inuisus pessimo
fui. Ego reuerentiae vestrae sic semper inser-
uam, non ut me consulem, & mox consula-
rem, sed ut candidatum consulatus putem.


F I N I S.





KSIĘGOZBIÓR
MARCINA ZAMOYSKIEGO

-KZ-









4108 KZ

KSIĘGOZBIÓR
MARCINA ZAMOYSKIEGO

4096 KZ

